

JACOBI WARÆI
Equitis Aurati

DE
HIBERNIA
& Antiquitatibus ejus,
DISQUISITIONES.

EDITIO SECUNDA,
Emendatio
& quarta parte auctior.

Accesserunt
RERUM HIBERNICARUM
Regnante *Henrico VII*,
ANNALES.

Nunc primum in lucem editi.

LONDINI,
Typis E. TYLER, Impensis Jo. CROOK,
sub Signo *Navis*, in cœmeterio S. Pauli.
MDCLVIII.

HIBERNIA ANTIQVA



HIBERNIA.
Dives Lactis ac Mellis Insula.
Cervorum venatu insignis.
Ven. Bed. Eccles. Hist. Lib. 1. Cap. 1.

Editionis Primæ
PRÆFATIO.

HAbes, Lector, Disquisitiones hasce, eo fine editas, ut vel bono rei literariæ serviant, vel saltem alios, melioribus auspiciis, certiora ex Antiquitatis tenebris eruere incitent. Per exiguam superesse notitiam rerum in Hibernia gestarum, ante exortam ibi Evangelii auroram, liquidò constat. Neq; me latet, à viris nonnullis doctis, pleraque quæ de antiquioribus illis temporibus, ante adventum S. Patricii in Hiberniam, à scriptoribus traduntur, tanquàm figmenta esse explosa. Notandum quidem descriptio-

EDITIONIS PRIMÆ

nes fermè omnium quæ de illis
 temporibus. (vetustioribus dico)
 extant, opera esse posteriorū secu-
 lorum: Idcirco in hac indagine, de
 iis, admodum parcè loquutus sum,
 nec usquàm, nisi ubi rem æquā (ut
 potui) lance, pensitavi. In aliis e-
 tiam, ad recentiora tempora spe-
 ctantibus, interdum coactus sum,
 (fateor) veritatis studio, vel à vi-
 ro aliquo erudito, vel à recepta
 opinione, dissentire; sed in utroque
 casu, redditā plerūmque ratione.
 Veruntamen, si in hoc tam disitæ
 veritatis scrutinio sæpius erravè-
 rim, haud mirum. Ardua res est
 (ait Plinius) vetustis novita-
 tem dare, obsoletis nitorem,
 obscuris lucem, dubiis fidem.
 Et è Senatu doctorū quis idē non
 fatebitur?

PRÆFATIO.

fatebitur? Porro, ut non negan-
dū multa hīc aptiūs disponi potu-
isse, si id tanti mihi visū fuisset, ita
fatendum non pauca etiā addi po-
tuisse, ex parte eā schedarū mea-
rum, quæ ad manū non fuit, dum
hæc molirer, licet hunc defectum
partim suppleverint amicorum
meorum Bibliothecæ, Londini
& Westmonasterii. Utcūq; in
his quæ nunc offero, præter ea quæ
à viris in hoc eruditionis genere
versatissimis, ante me sunt obser-
vata, multa etiā hætenūslatētia,
et scitu fortasse non indigna, inve-
nies patefacta, commentis quibus
scatent scripta nonnullorum, tum
veterum tum recentiorum, de Hi-
bernica agētium, vel consultò præ-
termisissis, vel, quantum potui (è
A 4 densis

EDITIONIS PRIMÆ

densis vetustatis tenebris) dete-
dis; at sine aliquâ morositate, ut
ex iis quæ postea dicturus sum,
(spero) liquebit. Veruntamen tum
ob rerum ipsarum obscuritatem,
tum opinionum varietatem, sæpe
non ausu sum, fateor, quicquam
certò statuere, sed coactus multa,
vel conjecturis venari & explica-
re, vel pleniori aliorum indagi-
ni relinquere: quanquàm non ne-
gem conjecturas, ad magnam po-
litiors literaturæ partem esse ne-
cessarias. Nec dubito quin mul-
ta veterum ex conjecturis adhuc
feliciter illustrari possint, præter
ea quæ à viris doctis antehac sunt
expl. cati, magno rei literariæ,
atque adeò humanæ cognitionis
commodo.

Sed

PRÆFATIO.

*Sed ne longè progrediar; Ex
hoc quocunq; labore, si utilitatem
aliquam percipias, me operæ non
pœnitebit, imò horas succisivas
itâ impensas, me benè collocâsse
existimabo. Vale. Londini, IV
Nonas Maias, MDCLIV.*

*Editionis Sécundæ
Ansa & Institutum.*

*Prioris Editionis (quam an-
te annos jam IV in lucem emisi)
Consilium indicat Præfatio pri-
or. Cæterum tempus nuper nactus
opportunum, dum in Hibernia
essem, è schedis & codicibus meis
MSS. non pauca selegi, quæ in
jam dicta editione deesse vide-
bantur. Atque hinc sanè, cum
in Angliâ postea Bibliopolam, di-
vendi-*

EDITIONIS SECUNDÆ

*venditis prioris editionis exemplaribus, novam moliri accepissem, ansam arripui non solum Editionem primam recognoscendi, sed multa etiam prætermissa interserendi, ac cæteris postremo quatuor integra capitula adji-
 ciendi. In primo, de Basilicis agitur, sive Ecclesiis cathedralibus Hiberniæ, ubi id nunc Basilicis, quod antea Cœnobiis præstiti.
 In secundo, de priscorum Hibernorum Servis, sive Mancipiis, Deque illorum Villanis, sive Nativis, vel Betagiis, fundo quem colebant adscriptis. In
 tertio, de priscis, apud Hibernos, Probationum sive Purgationum generibus, post conversionem Gentis ad fidem Christianam.*

Ac

PRÆFATIO.

Ac in quarto denique, de veterum Hibernorum & Ostmannorum in Hibernia Funeribus, Sepulturis & Cryptis subterraneis.

Atque, de secunda hac Editione, ista sunt quæ dicenda habui. Londini, IX Kalendas Julias, Anno Dom. MDCLVIII.

Syllabus

Syllabus Capitum.

CAP. XVII.

De Corbis sive Corbanis, Erenachis, Scribis, Colideis & Anachoretis Hiberniæ: Deque Igne dicto inextinguibili, à Monialibus cænobii S. Brigidæ Kildaræ, olim custodito. P. 91.

CAP. XVIII.

De veterum Hibernorum Navigiis quibusdam cœriis obtectis. P. 98.

CAP. XIX.

De More antiquo creandi Milites, apud Hibernos. P. 101.

CAP. XX.

In quo ostenditur Hiberniam in Romanorum potestatem nunquam concessisse. P. 103.

CAP. XXI.

De Cormaco Culinani filio Rege simul & Episcopo Casseliensi: ubi obiter de aliis qui Reges fuerunt simul & Pontifices, vel Sacerdotes: Deque miro more tonsuræ ab Ædo, dicto Clerico Barbofo, introducto. P. 105.

CAP. XXII.

De Hibernorum veterum Domiciliis & Ædificiis: Deque eorum Victu, Conviviis & Musicis Instrumentis. P. 110.

CAP. XXIII.

De Erroribus nonnullis & figmentis veterum aliquorum Scriptorum, de Hibernia agentium: Deque aliis Scriptorum mediorum temporum. P. 116.

CAP. XXIV.

De Ostmannis, sive Danis & Norwægis; Deque eorum Rebus gestis in Hibernia, ab anno Christi 795, usque ad Anglorum ingressum, sub Henrico secundo, scil. per quatuor ferme centurias annorum. P. 120.

CAP.

Syllabus Caputum.

CAP. XXV.

De Re Nummaria, sive de Nummis Hiberniæ antiquis, cùm ante adventum Anglorum, sub Henrico II, tàm postea, usque ad Henrici VII tempora. P.150.

CAP. XXVI.

Monasteriologia Hibernica, sive Diatriba de Hiberniæ Cænobiis, in qua Origines eorum & aliæ Antiquitates aperiuntur. P.165.

CAP. XXVII.

De Coloniis ex Anglia & Wallia in Hiberniam emissis, tempore Henrici Secundi: Deque terris iis concessis. P.268.

CAP. XXVIII.

De Insulis minoribus quæ per mare Hibernicum sparguntur. P.282.

CAP. XXIX.

Diatriba de Basilicis, sive Ecclesiis Cathedralibus Hiberniæ; in quâ, Origines earum & aliæ Antiquitates aperiuntur. P.290.

CAP. XXX.

De Hibernorum veterum Servis, sive Mancipiis, Deque Villanis, Nativis, sive Betagiis, fundo quem colebant adscriptis. P.341.

CAP. XXXI.

De priscis, apud Hibernos, Probationum sive Purgationum generibus, post Gentis conversionem ad fidem Christianam. P.345.

CAP. XXXII.

De Hibernorum veterum & Ostmannorum in Hibernia Funeribus, Sepulturis & Cryptis subterraneis. P.348.

DE



Syllabus Capitem,

CAP. I.

DE variis nominibus quibus Hibernia veteribus innotuit : Deque Hibernia Etymo.
Pag. 1.

CAP. II.

De Hibernorum Origine : Deque linguâ Hibernorum veterum; an eadem fuerit cum Britannicâ.
P. 7.

CAP. III.

De Hibernia Divisione & Dimensione : ubi nonnulla etiam de Situ ejus.
P. 13.

CAP. IV.

De Forma Imperii apud veteres Hibernos: Deque Successione & serie Regum Hibernia, ab anno Christi CCCCXXVIII, ad annum usque MCLXXI, quo Insula Anglici Juris facta est.
P. 16.

CAP. V.

De Druidibus eorumque superstitionibus; Ubi obiter nonnulla de Diis, quos olim Hiberni, dum Ethnici, maximè colebant : Deque Bardis antiquis.
P. 30.

CAP. VI.

De variis nominibus quibus veteres Hiberni Externos appellârunt, præsertim vicinos. P. 35.

CAP. VII.

De Hibernia Ornamentis, Commodis & Privilegiis quibusdam specialibus.
P. 38.
CAP.

Syllabus Capitum.

CAP. VIII.

De Tanistria, Lege Brebonica & Consuetudinibus dictis Gossipred, Fostering, & Gavelkind.

P. 40.

CAP. IX.

De Hibernorum veterum Cognominibus; Et quando Cognomina ceperint esse fixa & Familiis annexa.

P. 44.

CAP. X.

Hiberniæ Antiquæ Populi & Loca, de quibus fit mentio apud Ptolemæum, qui floruit sub Antonino Pio, unâ cum adjunctis nominibus recentioribus.

P. 46.

CAP. XI.

De Hibernorum veterum Vestitu & Ornatu.

P. 60.

CAP. XII.

De priscis Equitibus & Peditibus Hibernicis: Sed potissimum de iis qui fuerunt mediorum temporum: Deque eorum Armis & Clamore Militari.

P. 63.

CAP. XIII.

De priscis Exactionibus Hibernicis, dictis Bonaght, Sorohen, Coshery, Cuddy, Shragh & Mart. Deque tributis ab Anglis introductis, vice Bonaghti, vocatis Copn & Libery.

P. 68.

CAP. XIV.

De Mirabilibus nonnullis Hiberniæ: Deque aliis adscriptitiis.

P. 71.

CAP. XV.

De Academiis sive Scholis insignioribus Hiberniæ: Deque aliis, apud exterarum nationum, Hibernorum operâ excultis.


P. 74.

CAP. XVI.

De Antiqua Dispositione Episcopatuû Hiberniæ.

P. 83.

CAP.



DE
HIBERNIA,
ET
Antiquitatibus ejus,
DISQUISITIONES.

CAP. I.

*De variis nominibus quibus Hibernia veteribus
innotuit : Deque Hiberniæ Etymo.*



Æc Insula, variis coloniis, è Britannia, Scythia, Iberia, Germania & Gallia deductis, olim habitata, duobus potissimum nominibus Veteribus innotuit, Hiberniæ scil. sive Iberniæ, & Scotiæ. Hibernia (ita vocant Cæsar, Plinius, Solinus, Tacitus, Orosius, alii) Regio totius Europæ ad Occasum remotissima, derivatur vel à voce *Hiar*, quæ apud Hibernos, Occasum, sive plagam Occidentalem significat, uti conjicit Camdenus, vel

ab Iberis, qui hîc olim habitabant: unde fortasse & ipsa Insula, in Antonini Itinerario, *Hiberione* appellatur, & in Epistola S. Patricii ad Croticum, bis, *Hiberione*, semel, *Hiberia*. Ex alterutro fonte emanare videntur Iërne, Hierna, Juerna, Iris, Bernia, Overnia, & vox Hibernica, *Eri*: His enim nominibus Hibernia olim etiam vocabatur. Ab *Eri*, Hibernus Erigena dicitur, & ita olim Johannes Scotus, Scriptor antiquus seculi noni, Erigena vulgò appellabatur. Sunt qui ab Ebero Hispano, uno è Milesii filiis, alii, qui ab Herimone Eberi fratre ducant. Sed viri sanioris iudicii has sententias rejecerunt, non minùs quam istas aliorum, vel ab Irnalpho duce Hispanico, vel ab aquis, hyberno tempore, ibi congelacientibus, vel ab Ibero Hispaniæ fluvio, vel ab Iëra Regina, vel à *Jurin*, (i.) *Judeorum terra*, deducendum. Neque hîc prætermittenda est Samuelis Bocharti Cadomensis conjectura, qui Geographiæ sacre, lib. i. cap. 39, Hiberniam Phœnicibus, navigationibus, in oras remotissimas, olim clarissimis, non fuisse ignotam, ex nomine conjicit, *quod planè*, ait, *videtur fuisse Phœnicium*, *Hibernia enim nonnullis Iërna*, &c. *Nihil aliud est quàm Ibernae, Ultima habitatio, quia ultra Hiberniam, versus Occasum, veteres nihil noverant, præter vastum mare*. Ita ille ibi. Sed (ut quod sentio dicam) inter has omnes, quæ de Hiberniæ nomine invaluerunt, divinationes, mihi arridet opinio Isidori & aliorum ab Iberia deducendum, tum ob fixas ibi quasdam Iberorum sedes & colonias, de quibus posset à suis locis, tum ob nominis affinitatem. Quò etiam spectasse videtur Johannes Lelandus, in cygnea cantione, cum Hibernos *Iberos* vocarit,

Fraçios

*Fraçtos undique pœnitudo Iberos
Sylvestres domuit, suave Legis
Ferre & perdocuit jugum Britannæ:
Quæ victoria comparanda magnis.*

Sed de etymo, hæc est conjectura tantum:
Veram nominis rationem reddere quàm difficile
existimo, nihil igitur pro certo affirmo,
quin potius rem totam in medio relinquo.

Ab aliis hæc insula Scotia (uti diximus) antiquitus appellabatur; atq; ita nominata videtur à coloniis quibusdā è Scythia deductis. Ita Radulphus de Diceto, in Imaginibus Historiarum, ad annum MCLXXXV, E Regione ait *quadam quæ dicitur Scythia, dicitur Scita, Sciticus, Scoticus, Scotus, Scotia*. Ex eo, idem ferè habet Thomas Walsinghamius, in Hypodigmate Neustriæ. Et rectè Reinerus Reinecius, in Historiæ Juliæ prolegomenis, hodiè Scytharum nomen in Scotis asserit esse reliquum. Scytharum nomen, apud antiquissimos scriptores, valdè generale fuisse docti nôrunt, ac Scythas Europæos, sive Celto-Scythas colonias variis temporibus in Hiberniam misisse, recepta est opinio solertissimorum Antiquitatum Hibernicarum indagatorum. De tempore adventus Scytharum in Hiberniam, sic Nennius sive Ninius Britannus, qui floruit anno Domini DCCCL, *Novissimè (inquit) venerunt Scoti à partibus Hispaniæ ad Hiberniam, &c. Novissimè venit Clan-Heñor, & ibi habitavit cum omni gente sua usque hodiè. Nulla tamen certa Historia originis Scotorum reperitur. Si quis scire voluerit, quanto tempore fuit inhabitabilis & deserta Hibernia, sic mihi peritissimi Scotorum nunciaverunt, Scythæ in*

quarta etate Mundi obtinuerunt Hiberniam. Is verò sub initium libri, *quartam etatem Mundi computat à Davide usque ad Danielem,* sive ad Persicum Imperium. Item Henricus Huntindoniensis Histor. lib. 1, *Britones,* ait ille, *in tertia Mundi etate, in Britanniam, Scoti in quarta, venerunt in Hiberniam.* Propertius Getas Scythiæ populos, (quos non alios fuisse quàm qui postea Gothi dicti fuerunt, plerique tenent,) hîc sedes fixisse innuit, lib. 4, eleg. 3.

Hibernique Geta, pictoque Britannia curru. Et quamvis Hibernia à Plinio, lib. 4. cap. 16. & ab Apuleio, lib. de Mundo, inter Britannias numeretur, ac etiam à Ptolemæo, Britannia parva appelletur, & à Diodoro Siculo. lib. 6, cap. 9, pars Britannia, quasi à Britannis olim occupata, liquidò tamen constare videtur Scythas etiam (ut de aliis hîc taceam) ibi habitasse, unde inquam, verisimile est Insulam eam, ab iis Scythiam primò nominatam, licet postea corruptè Scotia diceretur. Sed, in hac re, nihil definitio. Fingunt nonnulli Scotiam eam nominatam à voce *σκῶτ*, quasi obscuritate fuerit involuta, alii à Scota Gaotheli uxore, filia Pharaonis Regis nescio cujus, item linguam Hibernicam, à dicto Gaothelo (aliàs, Gadelo) compositam fuisse, & *Gaulic*, vulgò *Gellic* dictam, quasi ex cæteris linguis desumptam. Sed à viris doctis explosa sunt ista fragmenta. Hibernos ipsos cum Scotis, à Britannis, *Guydhill* appellatos, docet Humfredus Lhuidus Cambro-Britannus, in Fragmento Britannicæ descriptionis. Isidorus Hispalensis Originum lib. 9. cap. 2. *Scotos* asserit propria lingua nomen habere à *picto corpore*, eo quòd *aculeis ferreis cum atramento, variarum figurarum*

rarum stigmata annotentur. Atqui inde Pictos non Scotos nomen traduxisse certum; & Isidorus ipse lib. 19, cap. 23, Pictos inde denominatos fatetur. Sunt denique qui *Gaulic* à Gothis emanasse volunt. Quære si non à Gallæcis Hispaniæ, vel à Gallis Veteribus. Venio jam ad Scriptorum testimonia Nennio vetustiorum, quibus vel Hibernia Scotiæ nomine innotuit, vel ejus incolæ nomine Scotorum. Nam recentiorum testimonia libens hîc prætermitto. Sic igitur Claudianus, qui sub Honorio & Arcadio Impp. vixit, in Panegyrico de quarto Honorii Consulatu.

-----*Incaluit Pictorum sanguine Thule,
Scotorum cumulos flevit glacialis Ierne.*

Et lib. 2, de laudibus Stilichonis,

-----*Totam cùm Scotus Iernen
Movit, & infesto spumavit remige Tethys.*

Post eum, ita Paulus Orosius, lib. 1, cap. 2, de Hibernia loquens, *Hæc propior, ait, Britannia, spatio terrarum angustior, sed cæli solisque temperie, magis utilis, à Scotorum Gentibus colitur.* Ei astipulantur Gildas, Cogitofus, Beda, aliique è Veteribus. Sed Insulam ipsam Scotiam olim dictam disertè asserit supradictus Isidorus, qui floruit anno Christi DCXXX, lib. 14 Originum, cap. 6, *Scotia inquit, eadem & Hibernia, proxima Britannia Insula, spatio terrarum angustior, sed situ fecundior. Hæc ab Africo in Boream porrigitur, cujus partes priores Iberiam & Cantabricum Oceanum intendunt, unde & Ibernica dicta. Scotia autem, quod à Scotorum gentibus colitur, appellata. A Scotis his Hiberniæ, genuinos Albanæ Scotos originem traxisse, ex Beda, Gir. Cambrensi, Johanne Majore (Scoto) & aliis,*

liquidò constat, ipsarúmque linguarum communitas evincit.

Ad alia jam venimus nomina, antiquitùs etiam Hiberniæ adscripta. Homerus & Hesiodus in partibus his occiduis, Insulas Fortunatas sive Beatorum collocant. Sunt qui Hiberniani eandem esse asserunt cum Plutarchi Ogygia, quam ille ad Britannia occasum statuit, in libro de facie in Orbe Lunæ: Atqui hoc non patitur distantia Ogygiæ à Britannia, in Plutarcho memorata. Festus Avienus *Insulam sacram* appellat, in libello cui Titulus est, *Ora Maritimæ*. Ibi enim postquam de Ostrimidiibus Insulis egisset, quæ hodiè Silly dicuntur, de Hibernia ita canit,

*Est hinc duobus in SACRAM, sic insulam
Dixere Prisci, solibus cursus rati est
Hæc inter undas multum cespitem jacet.
Eamque latè gens Hibernorum colit.
Propinqua rursus insula Albionum patet.*

Neque desunt qui Hiberniam, ab Historicis patriis, olim vocatam etiam volunt Insulam Nemorosam, Inisalgam sive Insulam nobilem, Banuam, sive Beatam, quamvis alii Banuam, & Fodlam (quo nomine etiam vocabatur) à Reginis nescio quibus *Thuathededanorum* ita dictis, derivent: Item Inisfalias, à fatali saxo, *Liafail* dicto, ibi olim magna cura asservato, Ethnicismi temporibus. Alii denique *Culammam* vocant, à qua voce (ut videtur) fluxit *Ca-alemalac*; Nam linguam Hibernicam sic olim dictam asserit Thaddæus Doulingus, in Collectaneis suis Historicis. Sed ad alia transeamus.

CAP. II.

De Hibernorum Origine ; Deque Lingua Hibernorum Veterum ; An eadem fuerit cum Britannica.

DE Cæsaræ Noachi neptis adventu in Hi- Seç. I.
berniam, cum colonia, paulò ante Diluvium, apud Giraldum Barrium (Cambrensem vulgò dictum) & alios Scriptores fit mentio. Anno itidem à Diluvio CCC, Bartholanum Seræ filium, de stirpe Japheti, devictis Gigantibus nescio quibus, Insulam subjugasse scribunt ; sed peste postea cum suis, Ruano excepto, sublatum : Inde Nemethum Scytham, cum quatuor filiis, ad tempus incoluisse ac posteros ejus, à Gigantibus Fomoriis dictis, tandem ejectos, partim in Scythiam, partim in Græciam trajecisse, atque post 200 annos, quinque Delæ filios, Gantium, Genandium, Sangantium, Rutheraigum, & Slanium, è Nemethi progenie, colonias novas in Hiberniam traduxisse volunt, eamque postquam expugnassent, inter se in quinque partes divisisse. Slanium verò tandem Monarchiam obtinuisse. Hanc Coloniam Scythicam Hiberni *Ferbolg* vocant, unde corruptè, apud Camdenum, Hibernia *Tirvolac* vocatur. Addunt in posteris ejus, & postea Nuadæ *Thuathededanorum* Regis, Monarchiam durasse, donec quatuor filii Milesii Hispani, seculo XIV, ante Christum natum, cum nova colonia & sexaginta navium classe, in Hiberniam appulerunt, eamque, post prælia aliquot, cum incolis, subjugarunt. Duo eorum, *Iberus* scil. (seu *Hiberus*) & *Heremon* Regnum inter se divisisse dicuntur, ac *Here-*

moni cecidisse partem Australem, Hiberno sive Ebero Aquilonalem. Sed,

Nulla fides Regni sociis.

Orta demum inter fratres discordia, post varios conflictus, Eberum in Prælio ad *Gessill*, aliis, ad *Argetros*, ab Heremone occisum tradunt, tumque Heremonem, tanquam alterum Romulum, factum Monarcham. Ita plerumque Giraldus Cambrensis & qui eum sequuntur, ex historiis Hibernicis. Neque hac occasione omittendus, licet in quibusdam dissentiat, Oengulus *Celide* Author antiquus, qui in libro dicto *Psalter-narran*, de Milesii posteris sequentia tradit: *Hibernia Insula*, inquit, *inter duos filios principales Militis* (vulgò dicti Milesii,) *Heremon & Eber in duas partes divisa est: Eber autem australem partem Hiberniae accepit, Heremon quidem Septentrionalem, cum Monarchia accepit. Heremon autem primus de Scotis omnem Hiberniam regnavit, per 13 annos, & quinque filios electos genuit, quatuor ex iis regnaverunt Hiberniam, per 3 annos, & Jareel Propheta, 10 annos. De semine ipsius, Hiberniam 58 Reges dominaverunt, antequam Patricius Hiberniensibus Passionem & Catholicam fidem regulamque Christi narraret: Et post Patricium, de prole ejus, 50 Reges dominaverunt Hiberniam. Ab Ebero, originem duxisse dicuntur* (sed quàm verè nescio) *O-Brieni, Mac-Cartæi, O-Carolli, O-Sullevani, Mac-Cohlani, O-Kennedæi, O-Hogani, O-Haræi, O-Garæi, alii. Ab Heremone, O-Neali, O-Connori, O-Donelli, O-Birni, O-Kellei, O-Flahertæi, O-Rourki, O-Relei, O-Melach-*

O-Melachlini, &c. Et ab Jëro alio fratre, O-Connori Kerriæ, O-Feralli, Mac-Ranelli, Magenissi, & alii pauci. Pergo. Immigrationum *Partholani*, *Nemethi*, ac demum *trium filiorum Militis Hispani cum CXX Ciulis*, (navibus ita dictis,) meminit Nennius, Sed *Partholanum* & suos peste asserit extinctos, *Nemethum* in Hispaniam rediisse & Militis filios *mansisse ibi per spatium unius anni*. Ex Nennio, rectè colligit doctissimus Camdenus horum immigrationes, ex profunda illa antiquitate quam fabulantur, in recentiora tempora retrahendas. Neque est cur miremur; Res etenim priscorum seculorum, *velut quæ magno ex intervallo loci vix cernuntur* (ut rectè Livius) *vetustate nimia esse obscuras*; etiam sæpè prorsus ignotas, è doctis quis nescit? Et ne longè digrediamur, constare videtur penè omnia, quæ de vicinis rebus Britannicis, ante Cæsaris tempora, à Galfrido Monumethensi traduntur, ne dicam fictitia esse, certè spissis tenebris obducta. In his porro quæ desumpta sunt ex Historiis Hibernicis, de Gentis Origine, falsa veris mixta, æquo lectori satis liquet. Ad primos verò Incolas quod attinet, mihi placet eorum sententia, qui è Britannia ducunt, utpote ad veritatem propensior, tum ob Britanniae vicinitatem, unde facilior est transitus in Hiberniam, tum ob linguam, mores & ritus Hibernorum veterum, Britannicis persimiles. In hac re, Taciti vestigia sequor, qui in vita Julii Agricolæ, post similem disquisitionem, unde primum deductæ coloniae in Britanniam, an scil. ex Germania, vel ex Hispania, probabilius tandem statuit, *Gallos vicinum solum occupasse, idque ex eorum sacris & superstitionum persuasione*

suasione deprehendi. Quàm vicina sit Hibernia Britanniae fatis notum, & Hiberniam ipsam inter Britannias olim fuisse numeratam, testes sunt (ut suprà diximus,) Plinius, Apuleius, Ptolemæus & Diodorus Siculus. Verisimile etiam videtur Brigantes Hibernicos, quos Ptolemæus locat prope Brigum flu. è Brigantibus Britanniae ortos. De moribus & ritibus Hibernorum veterum, ita jam dictus Tacitus; *Solum cælumque, inquit, cultus & ingenia hominum haud multum à Britannia differunt,* & speciatim ut Britanni, juxta Cæsarem (lib. 5. cap. 5.) barbam alebant in superiori tantum labro, & capillum habebant promissum, ita Hiberni veteres barbam alebant, & comas (à recentioribus *Glibs* vocatas,) ad terga usque demittebant. Druidæ porro & Bardi, (de quibus postea suo loco) ab utraque natione, eximio honore habiti. Cæterum ut veteres Hiberni non paucos proculdubio mores accipiebant & ritus à Britannis, ita alios, à Scythis, ut colligere est ex eorum moribus & ritibus antiquis, in Juramentis, Nuptiis, Conviviis, Saltationibus & Funeribus, collatis cum iis Scytharum, apud Herodotum, Solinum, Diodorum, Lucianum, & alios è Veteribus. Porro scuta eorum viminea, atque arcus & sagittæ breves arma erant merè Scythica. Cæterum an Scytharum more Anthropophagi fuerint, ut habet Strabo, lib. 4 Geograph. multum dubito, siquidem Strabo ipse fatetur, de ea re, se non habuisse dignos fide testes. Neque prætermittere hinc possum nonnullos magni nominis viros in Senatu literario suspicari utramque gentem à Sagittandi peritiâ, hoc nomen obtinuisse. Hinc accedit,
quod

quòd Belgæ Scythas & Scotos uno nomine *Scutten* appellant. More denique Scythico, ante prælium, tum ad robur incitandum, tum ad hostes perterrendos, clamore Martio utebantur, *Farab, Farab*, acerrimè sæpè iterantes. Sic Græci olim ad prælium euntes *Eleleu* (ut notant Plutarchus & Suidas) acclamare solebant, vel, ut alii volunt, *Alala*. Atque vocem undique Martiam, ante pugnam Romanis non fuisse inusitatam, testatur Ammianus Marcellinus, lib. 31. ubi talem clamorem *Barritum* appellat; fortè quod imitabantur Elephantorum vocem, qui (teste Pompeio Festo,) *barrire* dicuntur. Designare tempus exactum, quo Hibernia primùm habitari cœperit, non est cur quis à me expectet. Rerum antiquarum initia, nisi quæ ex sacris Scripturis hausimus, plerùmque admodùm incerta esse non ignotum. Cæterùm ut verisimile est & valdè probabile, primos ejus incolas è Britannia appulisse, proximâ nempe insulâ, & à tenuibus, ut fit, initiis, pedetentim novas inde colonias, putà Brigantes, &c. Hiberniæ partes quasdam Orientales (Britanniæ proximas) occupasse; ita etiam non negandum alias nationes colonias postea in Hiberniam misisse, licèt de exacto tempore nihil supersit. Speciatim (ut de Scythiis jam tandem fileamus,) Cauci Hibernici à Caucis Germaniæ orti videntur, Gangani & Luceni, à Concanis & Lucensiis Iberiæ sive Hispaniæ, (quæ & demùm universam Insulam, secundùm Isidorum, nomini suo fermè integrè adoptavit) & Menapii, de Galliæ Belgiæ Menapiis, &c. Hactenùs de Hibernorum Origine; Secunda pars restat de eorum Lingua.

Seç. 2. Priscam Hibernorum linguam fuisse Britannicam, viri aliqui eruditi censent, & ex magna vi verborum Britannicorum, quibus etiamnum, aut integris aut paulò mutatis, utuntur Hiberni, demonstrare nituntur. His ego quidem assentior: sed ut existimo antiquissimam eorum linguam fuisse Britannicam, cum primis scil. Colonis Britannicis introductam, ita non possum non asserere, linguam eorum propriam, partim temporum revolutionibus fuisse mutatam (juxta Horatiũ, in Arte Poetica)

*Multa renascentur quæ jam cecidere, cadentque
Quæ nunc sunt in honore vocabula, si volet usus,
Quem penes arbitriũ est, et jus et norma loquendi.*

partim aliarum coloniarum deductione interpolatam. Nobis sunt exemplis Græci & Itali. Et quod hîc prætermittendum non est, nonne constat linguam Britannicam in ipsa Britannia, aliquot annis post Saxonum adventum, in Wallyam & Cornubiam fuisse detrusam, & quasi in exilium pulsam, adeò ut in cæteris Insulæ partibus, vix vola hodiè remaneat aut vestigium prisce sermonis. Porro ut Hiberni olim utebantur linguâ antiquâ Britannicâ, ita etiam à priscis Britannis accipiebant Alphabetum sive literas, uti fortè Saxones postea ab Hibernis, dum ad Scholas Hibernicas, discendi gratiâ, confluerent. Porro præter characteres vulgares, utebantur etiam veteres Hiberni variis occultis scribendi formulis, seu artificiis, *Ogum* dictis, quibus secreta sua scribebant. His refertur habeo libellum membraneum antiquum. Sed hoc obiter. Denique ut, inter alia argumenta, ex linguæ cognatione, primi
Hiberniæ

Hiberniæ incolæ existimantur coloniæ Britan-
norum, ita Scoti Albanæ, præsertim boreales,
Hibernorum, *Multipli argumento certum est,*
(ait Johannes Major) *nos ab Hibernicis origi-*
nem traxisse. Hoc ex Beda Anglo didicimus,
qui sui Regni progeniem attenuare nolebat. Hoc
idem loquela manifestat. Adhuc Scotiæ fermè
medietas Hibernicè loquitur, & à paucis retro-
actis diebus, plures Hibernicè loquuti sunt. Hæc
ille, lib. 1. de Gestis Scotorum, cap. 9. Sed con-
sule etiam Bed. Eccles. histor. l. 1. cap. 1.

CAP. III.

*De Hiberniæ Divisione & Dimensione: ubi
nonnulla etiam de Situ ejus.*

ANtiquissima Hiberniæ Divisio fuit in *Señ. 1.*
Legh-Cuinam, seu Leghcon, & Legh-moam.
Legh-cuina, quæ pars fuit Septentrionalis, li-
mites habuit ab Ostio Lifii fluvii, qui Dubli-
nium Hiberniæ Metropolim (Ptolemæo Eblā-
nam) perfluit, usque ad ostium fluvii, è Lacu
Curb emissi, qui Galviam præterfluit: Residuū
Insulæ, partem nempe australem, Legh-moa
complexa est. Hūc accedit quod Beda, lib. 3,
cap. 4, Hiberniam dividit inter Scotos Sep-
tentrionales & Australes. Alia est antiqua Hi-
bernæ Divisio in quinque Provincias, Momon-
niam, Lageniam, Conatiam, Ultoniam
& Midiam. De hac Divisione, sic codex M S.
(ut putatur) Minoritarum Montis Fernan-
di; *Momoniam continet Cantredas 70. Lagen-*
nia, 31. Conatia, 30. Ultonia, 35. Midia, 18.
Cantreda continet 30 villatas terræ, Quali-
bet villata potest sustinere 300 vaccas in pas-
cuis,

cuis, & vacca, si dividantur in quatuor armenta, nullum eorum approximabit reliquis. Quelibet villata continet octo carucatas terra. Liber, unde hanc divisionem desumpsimus, descriptus est sub initium regni Edwardi primi, & extat etiamnum in Bibliothecâ instructissimâ Ufferianâ. Similis divisio Hiberniæ habetur in Regesto Cœnobii Duiskenfis, nisi quòd Conatia ibi dicitur continere Cantredas tantum 26. Author hujus Divisionis appellatur Fyntinns. Quando Fintinus ille vixerit, non constat, neque possum affirmare eundem fuisse cum S. Fintano qui decessit an. Domini DCIII. Ex priorè divisione (secundum Librum Montis Fernandi, emergit numerus 184 Cantredarum, id est 5520 Villarum, sive 44160 carucatarum terræ. Giraldus Cambrensis Topograph. Hiberniæ, distinctione I.c.6. habet divisionem Hiberniæ ab ea Fyntini diversam. In quinque inquit portiones ferè æquales antiquitus hæc Regio divisa fuit, hæc scil. Momoniam duplicem, borealem & australem: Lageniam, Ultoniam, & Conatiam. Et paulò postea, Hic autem notandum videtur duas Momonias, australes Hiberniæ partes obtinere, Ultoniam, boreales, Lageniam, orientales, Conatiam, occidentales. Differt etiam in quantitate cantredæ: Sic enim ille Itiner. Camb. lib.2, cap. 7. Cantredus tanta est terræ portio, quanta centum villas continere solet. Ita quantitas Cantredæ sive Centuriæ, quæ eadem est cum Saxonico Hundredo, nusquam certa. Quemadmodum autem Cantredæ quantitas est incerta & varia, ita etiam Carucatæ, quæ major aut minor pro soli natura & qualitate, licet vulgò accipiat pro terræ portione, quæ uno aratro coli potest per annum.

num. Recentioribus temporibus quatuor tantum Provinciæ numerantur, Lagenia scil. Momonia, Conatia & Ultonia. Nam Midia (quæ olim continebat non modò Midiam, agrum inquam qui nunc ita dicitur, sed West-Midiam etiam, five Midiam Occidentalem, Longfordiam, Fercalliam & aliqua alia territoria) nunc pars censetur Provinciæ Lageniæ. Sed de tempore quo ita cœperit censi, non constat. Nunc igitur hæ quatuor Provinciæ in Comitatus five Regiones ita dividuntur. In Lagenia sunt Comitatus 12; Dublinium, Louth, Midia, West-Midia, Longfordia, Kildaria, Comitatus Regis, comitatus Reginæ, Catherlagh, Kilkenia, Wexfordia, & Wicklo: In Momonia, VI, Waterfordia, Corcagia, Kerria, Limericum, Tipperaria, (cui nuper Crocea Tipperariæ annexa) & Clare, antiquitùs Tuomonia: In Conatia, 5, Galvia, Mayo, Sligo, Roscoman, & Letrim: In Ultonia, IX, Armagh, Dunum, Monaghan, Antrim, Donegall, Cavan, Fermanagh, Tir-oeni & London-derry. De urbibus illis hîc taceo, quæ comitatum etiam privilegiis gaudent, & suos habent distinctos vicecomites.

Ad Insulæ magnitudinem quod attinet, continet in longitudine, à Meridie ad Aquilonem, plusquam 200 Milliaria Hibernica, & in latitudine, ab Oriente ad Occidentem, centum & viginti. Ab Ortù Angliam versus, mari, quod vocatur Hibernicum & nautis vulgò Canalis S. Georgii, alluitur, ab Occasu, immenso Oceano, à Septentrione, Deucalidonio, & ab Austro, Vergivio, quod mare à Britannis *Morweridb* dictum est, quasi Mare Hibernicum. Atque inde antiquum vocabulum Vergivium derivatum

tum putat Humfredus Lhuidus. Camdenus autem, in Hiberniâ suâ, denominatum vult vel à dicto *Mormeridh*, vel à *Farigi*, quod Hibernis Mare significat. Quàm malè conveniebant veteres de Hiberniæ dimensione, ex Cæsare, Strabone, Plinio, Solino & Ptolemæo, inter se collatis, liquet.

CAP. IV.

De Formâ Imperii apud Veteres Hibernos : Deque successionē & serie Regum Hiberniæ, ab Anno Christi 428, ad annum usque 1171, quo Insula Anglici Juris facta est.

Seç. I.

Durante Pentarchiâ, qui Regū potentissimus, dominiū totius Insulæ sibi arripiebat; vulgò Rex Hiberniæ dicebatur, & à nonnullis Rex Regū: Non eo tamen sensu quo Agamemnon olim vocabatur Rex Regū, cū reverà esset duntaxat Dux ducū, sive Dux Belli, sed ut cui Imperii summum, cæteri Reges vel potius Reguli permiserant, & Belli tempore & Pacis. *Prædicti verò Reges* (verba sunt Giraldi Cambrensis, Topographiæ Hiberniæ, distinct. 3. cap. 45.) *non alicujus coronationis solennitate, nec inunctionis sacramento, nec etiam jure hereditario, vel aliqua successionis proprietate, sed vi tantum & armis, totius Insulæ Monarchiam obtinuerunt, & suo more Regni gubernacula susceperunt.* Hæc paucis mutatis, habet etiam Liber niger Ecclesiæ S. Trinitatis Dublinii. Aliquando tamen duo erant simul Reges ejusdem Regni, more Spartæ, ut suo patebit loco. Quando cœperit Pentarchia non liquet. Fuisse autem seculo quinto à Nativitate Christi, certum. Neque hîc prætermittendum, paucos

cos fuisse illorum regum; ante Anglorum adventum in Hiberniam, sub Henrico secundo, qui morte aliquâ violentâ non perierunt. Atque, ut apud Romanos, Galbam sustulit Otho, Othonem, Vitellius, & Vitellium Vespasianus, Ita vicissim multos è Regibus illis Hibernicis, qui prædecessorum cæde manus polluerant, pœna talionis secuta est. Sed pergamus. Antiquioribus seculis, Temoria, sive Temra, quam hodie *Tarah* dicimus, in Midia, Regia eorum erat præcipua: Ibi festa solennia & comitia, statis temporibus, olim tenebantur; De his, frequenter fit mentio, in rerum Hibernicarum Annalibus, speciatim (ut de cæteris hic taceam) ad annû Domini CCCCLV, sub Lægario Rege, & ad annum CCCCLXVIII, sub Aililo Molt. Mirum videatur, & vix credibile; quod de barbaro ritu, quo Tirconallenses olim sibi Regem creare solebant, tradit Giraldus Cambrensis, Topograph. Hibern. distinct. 3. cap. 25, *Est igitur in boreali* (ait ille) *& ulteriori Ultoniæ parte, scilicet apud Kenilcumil, Gens quædam quæ barbaro nimis & abominabili ritu, sibi Regem creare solet. Collectio in unum universo terræ illius populo, in medio producitur jumentum candidum, ad quod sublimandus ille, non in Principem, sed in Belluam, non in Regem sed in Exlegem, coram omnibus bestialiter accedens, non minùs impudenter quàm imprudenter, se quoque Bestiam profitetur, Et statim jumento interfecto, & frustratim in aquâ decocto, in eadem aqua balneum ei paratur, cui insidens, de carnibus illis sibi allatis, circumstante populo suo & convescente comedit ipse: De jure quoque quo lavatur, non vase aliquo, non manu, sed ore tan-*

tum circumquaque haurit & bibit. Quibus ita
 ritè non rectè completis, regnum illius & domi-
 nium est confirmatum. Sic ibi ille. Neque præ-
 termittenda hîc incondita ea ceremonia ante-
 hac usitata, in electione O-Neali, per calcei
 jactum, trans electi caput. Sed, de barbaris &
 inconditis ritibus satis superque. Sunt ta-
 men qui asserunt aliquos è familia O-Brienor-
 um admodum solenniter Reges Hiberniæ fu-
 isse creatos, ac coronâ aureâ redimitos: Spe-
 ciatim in Historicis Hibernicis legimus Dona-
 tum O-Brien anno Domini MLXV, peregrina-
 tionem Romam usque suscepisse, & majo-
 rum suorum coronam Regiam secum detu-
 lisse. Haftenus diximus de Regibus Hiber-
 nicis, qui vixerunt ante Anglorum ingressum
 sub Henrico secundo: Nonnullos verò quam-
 vis subditos etiam post Anglorum adventum
 Regio nomine gavisos & Reges fuisse appel-
 latos, ab ipsis Angliæ Regibus, liquidò con-
 stat: Sic enim Hovedenus ad annum Domini
 MCLXXV, *Hic est finis & concordia quæ fa-*
cta fuit apud Windeshores, in Octavis Sancti
Michaëlis anno Gratiae MCLXXV, inter Domi-
num Regem Angliæ Henricum filium Matildis
Imperatricis, & Rodericum Regem Conaë,
per Catholicum Archiepiscopum Tuamensem, & Magi-
strum Laurentium Cancellarium Regis Conaë,
sci. quod Rex Angliæ consedit prædicto Roderi-
co, Ligeo suo, Regi Conaë, quamdiu ei fide-
liter serviet, ut sit Rex sub eo, paratus ad ser-
vitium suum, ut homo suus, &c. Quo ordine, hi-
 licet Reges dicti, iis temporibus ponebantur,
 innuere videtur Diploma Henrici secundi, quo
 negotia sua Hibernica commisit Gulielmo filio
 Aldelmi

Aldelmi Dapifero suo, cujus hoc fuit initium, Henricus Dei gratia Rex Angliæ, Dominus Hiberniæ, Dux Normanniæ, Aquitaniæ, & Comes Andegaviæ, Archiepiscopis, Episcopis, Regibus, Comitibus, Baronibus, & omnibus fidelibus suis Hibernicis, Salutem. Roderici successorem, dictum similiter Regem Conactiæ liquet, ex rotulo clauso anni sexti Johannis, membr. 3, in arce Londinensi. Item in Rotulo clauso ann. 5 Hen. 3, Diplomata quædam Regis directæ sunt, inter alios, K. Regi Conactiæ, & O. Regi de Kinel-ean, Annoque sequente idem Rex concessit Regi Tosmond, terram Tosmond: Sic enim rotulus chartarum An. 6 Hen. III. memb. 2. Rex Regi Tosmond, Salutem, Concessimus vobis terram Tosmond (i. Tuomond) quam prius tenuistis, per firmam centum & triginta Marcarum, tenendam de nobis, usque ad ætatem nostrā. De querela Fedlinidi O-Conner, Londini exhibita, coram Henrico III, & Curia, vide Matthæum Parisium, ad annum MCCXL, ubi illius partis Hiberniæ Regulum eum appellat, quæ Cunnoch (i. Conatia) nuncupatur. Et Fedlimidum ipsum Regis Conactiæ nomen assumpsisse, ex Sigillo ejus liquet, cujus ectypon expressum hic exhibeo,



Eundem morem apud Romanos olim viguisse in regionibus eorum Imperio subditis, docet Josephus, Antiquit. Judaic. lib. 18, cap. 11, Et Tacitus in vita Agricolaë, *veterem dicit ac jam pridem receptam Populi Romani consuetudinem, ut haberet instrumenta servitutis, & Reges.* Sed de Regulis hifce nomine, revera subditis, hîc satis. Nam ut rectè Martialis,

Qui Rex est Regem, Maxime, non habeat.

Plurimum cupidus consulat Johannem Selde-
num, in eximio suo opere, de Titulis Europæ
Honbrariis.

Sequitur jam Catalogus Regū Hiberniæ, à
Lægario filio Nelli usque ad Henrici Secundi
adventū, sub quo, ea Insula Anglici Juris facta
est, ex Historiis & Annalibus rerum Hibernica-
rū desumptus. Ad Prædecessores Lægarii quod
attinet, eos certè consultò omisi, quia pleraque,
quæ de iis traduntur (ut quod sentio dicam)
vel fabulæ sunt, vel fabulis & anachronismis
mirè admixta. Cæterum in serie quam hîc ex-
hibemus, ne quis deesse putet Reges aliquos
Hiberniæ, de quibus fit mentio apud Scripto-
res, Notandum Regulos, sive Reges Provinciæ
alicujus, vel particularis Regionis in Hibernia,
apud eos, aliquando Reges Hiberniæ falsò di-
ctos. Sic in Chronico Caradoci Lhancarvanen-
sis, circa annum Domini 905, Cormacus Cu-
linani filius Rex & Episcopus Casseliensis ap-
pellatur Rex & Episcopus totius Hiberniæ: Itè,
circa annū 958, Abloicus Rex Ostmannorum
Dublinii dicitur ibi Rex Hiberniæ, atque ita
etiam vocatur Elermaen dicti Abloici filius, qui
occisus dicitur circa ann. 987. Sic porrò apud
Giraldū Cambrensem; fit mentio Fedlimidi
tanquam

tanquam Regis Hiberniæ, *De gente igitur ista, ab adventu Patricii, usque ad Fedlimidi Regis tempora, XXXIII Reges per CCCC annos in Hibernia regnaverunt.* Vid. Topograph. Hiberniæ distinct. 3, cap. 36. Atqui Fedlimidus ille, cujus tempore idem Giraldus, (capite sequenti) asserit Norwegienfes Hiberniam expugnâsse, sub ductu Turgesii, fuit Rex Momoniæ (ut vulgò creditur) non totius Hiberniæ. Denique, ut alios hîc mittam, Jocelinus Furnessensis, quâ authoritate nescio, Forchernû quendâ Regem appellat Hiberniæ, tempore mortis S. Patricii, anno sc. CCCXCII. Cæterum refragantur Historici Hibernici, quibus, in hâc successione Regum, fides potiùs adhibenda. His præmissis, ad ea quæ dicenda viam habemus planiorem.

Lægarius filius Nelli *Nigialac* regnavit ann. 35. & à Lageniensibus in prælio *Campi Liffii*, interfectus est, anno CCCCLXIII. Sunt qui eodem anno occisum tradunt in prælio ad *Tooli-caisse*, dùm tributum pecorum, quod jurejurando Lageniensibus remiserat, armis extorquere conaretur.

Aililus *Molt* Nathii filius (è Rege Conariæ Monarcha factus) regnavit annos 20, tumque à Successore, in prælio dicto *Cath-Ocha*, occisus est, anno Dom. CCCCLXXXIII.

Lugdathus aliàs Lugaidus Lægarii filius regnavit annos 25. Periisse ferunt fulmine idum anno DVIII, iusto Dei iudicio, ob pertinaciam in Gentilium superstitionibus colendis.

Interregnum annorum 5.

Moriertacus filius Ercæ, (nomine à matre tracto) dùm vino se ingurgitaret, miserè ebrinus periit. Non. defunt qui immersum asse-

runt in dolio vini, anno DXXXIV, cū regnâisset annos 21.

Tuathalus *Mælgarb* regnare cœpit anno Dom. DXXXIV. Regnavit annos 10, à *Mælmorda* filio *Airgetæ* occisus, anno DXLIV, apud *Grellachelte*, in *Conatia*. Homicida autem à famulis dicti Regis captus, statim confossus est.

Dermitius Primus *Cerbaili* filius (qui successit) occisus est ab *Ædo* sive *Hugone Nigro* filio *Suibnei* Rege *Dalnaraidæ*, anno Dom. 565, in loco dicto *Rath-beg*. Stenima suum is duxit à *Conallo*, de cuius posteris, vide prophetiam S. *Patricii*, apud *Jocelin*, cap. 53.

Fergusius & *Donaldus* Primus filii *Moriertachi* nepotes *Ercæ* successerunt anno 565. Sed *Donaldus* in prælio occiso anno sequenti, Imperium suscepit *Amirachus*.

Amirachus filius *Setnai* occisus est à *Fergusio* filio *Nelli*, anno Domini 569. ob quod facinus, ipse *Fergusius*, ab *Edano Amirachi* filio, anno sequenti confossus est.

Beotanus & *Eochanus*, hic *filius*, ille *frater* *Moriertachi* occisi sunt, à *Cronano* filio *Tignernaci*, in prælio ad *Glengevin*, cū triennium regnâissent.

Edanus sive *Æd* Primus aliàs *Hugo* filius *Amirachi* successit anno 572. & à *Brandubo Etaci* filio Rege *Lageniæ*, in prælio de *Belachduin*, aliis *Dunbolg*, occisus est, 4 Idus Januarii anno 598, ætatis suæ 66.

Edanus II aliàs *Æd Slane*, & *Colmannus* Rex *Temoriæ* regnaverunt simul annos 6, tūque *Edanus* interfectus est à *Conallo* filio *Suibnei*, & *Colmannus*, à *Locano Delman*.

Edanus III cognomento *Varidnac*, filius *Donaldus*

Donaldi regnavit annos 7. Obiit Temoriæ, anno 612.

Mælcobus filius Edani III regnavit annos 3. Occubuit in prælio dicto *Cath-toad*, ubi Suibneus successor victor fuit.

Suibneus *Mend* filius Fiacri interfectus est à Congalo filio Scanlani, anno 628, cum regnâset annos 13.

Donaldus II filius Edani sive Hugonis I Amirachi nepos obiit sub exitum Januarii anno 642, regni sui 14, in loco dicto *Ardfothaig*. De placida ejus morte, in senectute, Sanctum Columbam prophetâsse asserit Adam nanus. Frater ejus Mælcobus Episcopus fuit Clochorensis.

Cellacus & Conallus filii Mælcobi Regis regnârunt simul annos 12. Conallus interfectus est anno 654, à Dermotio filio Edani Slani. Cellacus supervixit & postea regnavit 4 annos. Obiit 658.

Dermotius II & Blathmacus filii Edani Slani regnârunt annis 7. Obierunt ex peste, quâ universa Hibernia miserè fuit afflicta, anno 665.

Secnefacus filius Blathmaci regnavit annis 6, interfectus sub initium hyemis anno 671, à Duibdino rege Coirpriæ.

Cænseladus filius itidem Blathmaci regnare cœpit anno 671, & in prælio victus est & occisus à Finsa successore anno 675.

Finsa aliàs Finacta filius Donati, Edani Slani nepos regnavit annos 20, in prælio ad *Grelachdallas* occisus, unâ cum Bressailo filio, ab Hugone filio Euthaigi & Congelacho filio Connaingi, an. Dom. 695. Is annum tributum pecorum *Boruma* dictum, Lageniensibus remis-
fisse

fisse fertur, quod prædecesores sui Hiberniæ Reges ab iis recipere solebant.

Eodem anno successit Loingsecus Finsæ ex fratre Engusa nepos. Regnavit is annos 8, & à Cellaco filio Ragalli rege Conatiæ, in prælio victus, cecidit, unà cum tribus filiis, Ardgallo, Confaco & Flano, anno Dom. 703.

Congallus cognomento *Cenmaccair* filius Fergusii Rex Temoriæ successit, anno sequenti, & morte obiit repentinâ, anno 710.

Fergallus filius Mæladuini (qui successit) in Prælio dicto *Cath-Almain* occisus est, unà cum 160 è suis, à Murchardo filio Brieni rege Laginiæ, 3 Idus Decembris, anno 722.

Fogertachus O-Cernaig regnavit unicum duntaxat annum, in prælio de *Cindelgin* occisus, à Cinædo successore, anno 724.

Cinædus filius Irgalli (qui successit) interfectus est in prælio de *Dromcorcain*, à Flachertaco filio Loingseci anno 728.

Flachertacus ille regnavit annos 6. Mortem obiit Armachæ, ubi monasticam amplexus est vitam,

Edanus IV cognomento *Allain* Fergalli filius, rex Temoriæ cœpit regnare anno 734, & post novennium, in prælio occisus est Kenanusiæ, à Donaldo successore.

Donaldus III filius Moriertachi cœpit regnare anno 743, & regnavit annos 20. Obit 12 Calend. Decembris anno 763, in Jona Insula, quò peregrinationem susceperat.

Nellus *Frassach* sive Nimbosus filius Fergalli obiit anno 778. cùm regnâset annos 15, & sepultus est in Jona Insula, aliàs dicta Hu & Y-Columb-Kill, fortè sub tumulo, in cœmeterio Ecclesiæ ibidem, cui incisus est

est (secundùm Buchananum) hic titulus,

TUMULUS REGUM HIBERNIÆ.

Donatus Primus filius Donaldi rex Temoria regnavit annos 19, tumque occisus est ab Edano *Ornaid* successore, in prælio dicto *Cath-Dromaig*. Sunt verò qui febre sublatum tradunt; ut ut fuerit, certum est duos Donati filios, paulò postea; ab Edano in prælio superatos fuisse & interfectos, dum de summa Imperii cum eo depugnarent. Atque ita demùm Edanus regnum obtinuit, quod postea tenuit, per annos plùs minùs 22.

Edanus V, aliàs Hugo cognomento *Ornaid* filius Nelli *Frassach* obiit anno 819, vel ut alii habent 820, ætatis suæ 60, *ad vada de Athda-ferta* in Tirconallia. Sunt qui in prælio *Cath-droma* dicto, occisum tradunt.

Concobarus alias Cornelius filius Donati obiit anno 832, cùm regnasset annos 12. De Fedlimido (Crimthani filio) rege Momoniæ, quem Giraldus regem appellat Hiberniæ, & sub hoc tempore regnasse asserit, vide quæ suprà diximus. Fedlimidus ille fato functus est anno 847.

Nellus *Cail*, aliàs Gracilis filius Edani quinti successit Concobaro anno 832, & submersus est Callinæ, anno 846, ætatis suæ anno 55.

Melsechlinus Primus, unde gratiori sono Malachias efformatur, filius Mælrui regnavit annos 16. Obiit pridie Calend. Decembris, anno 862, & Clonmacnoisæ sepultus est.

Edanus VI, filius Nelli, dictus *Finliat*, rex Temoria successit, & regnavit annos ferme 17. Obiit 12. Calend. Decembris anno 879, *ad Druim-Inisclain* in Terconallia.

Flanus

Flanus Melsechlini filius Rex Temoriæ regnavit annos 36, menses 6 ac dies 5. Obiit *Taltenæ*, (ubi olim nundinæ fuerunt totius Hiberniæ celeberrimæ) 8 Calend. Junii anno 916, ætatis 68.

Nellus *Glundub*, à Genu nigro ita cognominatus, filius Edani 6 regnavit vix annos 3, tumque à Danis sive Ostmannis, in prælio prope Dublinium, occisus est.

Donatus II Flani filius regnavit annos 25, morte repentinâ sublatuſ interiit aîno 944.

Congelacus filius Melmithi, qui successit, occisus est ab Ostmannis Dubliniensibus, in prælio ad *Tiguran*, anno Dom. 956, Caradoco Lhancarvanensi perperam, 953.

Donaldus O-Neal successor ejus mortem obiit Armachæ anno 980. Ejus tempore Edgarum regem Angliæ maximam Hiberniæ partem subjugasse docet Charta dicti Edgari, de *Oswalds-law*, hoc est, de ejiciendis clericis uxoratis, & introducendis monachis, data Glocestriæ, anno Christi DCCCCLXIV, Indictione VIII, Regni sui VI. Præfationem Chartæ visum est integrè hîc transcribere. *Altitonantis Dei largifluâ clementiâ, qui est Rex Regum & Dominus Dominantium; Ego Edgarus Anglorum Basileus, omniumque regum Insularum Oceani, quæ Britanniam circumjacent, cunctarumque nationum, quæ infra eam includuntur Imperator & Dominus; Gratias ago ipsi Deo omnipotenti, Regi meo, qui meum Imperium sic ampliavit, & exaltavit super regnum patrum meorum, qui licet Monarchiam totius Angliæ adepti sint, à tempore Æthelstani, qui primus regum Anglorum omnes nationes, quæ Britanniam incolunt, sibi armis, subegit, nullus tamen*

tamen eorū, ultra ejus fines, Imperium suum dilatare aggressus est; Mibi autem concessit pro-
pitia Divinitas, cum Anglorum Imperio, omnia
regna Insularum Oceani, cum suis ferocissimis
Regibus, usque Norwëgiam, maximamque partem
Hiberniæ, cum sua nobilissima Civitate Dublinia,
Anglorum regno subjugare, quos etiam omnes meis
Imperiis colla subdere, Dei favente gratiâ cōegi.
Ita Præfatio Chartæ Edgari Regis.

Melsechlinus al. Malachias II filius Donal-
di, patri defuncto successit anno 980, Is Danos
præliis aliquot superavit. Sed cū regnasset
annos circiter 23, regnum cessit Brieno regi
Momoniæ, principi bellicosissimo. Occiso
verò post 12 annos in prælio, Brieno, regnum
quasi postliminio repetiit. Obiit 4 nonas Sep-
tembris anno 1023, septuagenarius, ad *Inis-
logh-bainin*.

Brienus filius Cenedi Lorcani nepos cogno-
mento *Boruma* sive *Boro* rex Momoniæ, Prin-
ceps ob animi virtutes celeberrimus, postquā
Danos multis præliis vicisset, totius Hiberniæ
rex declaratus est anno 1002. Deindè exactis
12 annis ipse (post cruentam pugnam) in præ-
lio occisus est ad *Clontarf*, propè Dublinium,
die Parasceves, 23 die Aprilis 1014, ætatis
sue 74, (*manibus & mente*, inquit Marianus
Scotus, *ad Deum intentus*) unā cum filio suo
Murchardo & multis aliis, à Sitrico rege Dub-
linii. Cæsi etiam, ex parte Sitrici, Mailmor-
da rex Lageniæ & alii quāmplurimi. Sunt
qui asserunt corpus Brieni ad Ecclesiam San-
cti Maignani deportatum (*Kil-mainam* eam
nunc vulgò vocamus, quæ unico milliari à
Dublinio distat) ibidem sepulturæ fuisse tra-
ditum, non procul à cruce lapidea circulo in-
clusa

clusa in summitate, quæ etiamnum visitur, intra muros Prioratus (olim celeberrimi) militum Hospitalariorum. Alii verò Brienum Armachæ sepultum volunt. Utcunque fuerit, eo interfecto, Malachias (uti diximus) regnum recuperavit, & tenuit usque ad 2 Septemb. 1023, quo naturæ cessit.

Interregnum annorum (ut aliqui volunt) 20, Cuano O-Lachnan & Corcrano clerico illustri clavum interim gubernantibus. Corcranum autem obiisse anno 1040. (qui nobis est 1041) produnt Annales Ultonienses.

Dermotus III filius Mælnamboi regnum adeptus est, illudque tenuit annos plusquam 30, occisus tandem in prælio (licet copiis Ostmannicis adjutus) à Conochoro O-Melaghlin rege Midiæ, 4 Idus Februarii anno 1073. Is idem videtur cum eo quem Caradocus Lhancarvanensis appellat *Dermotum Maken-Anel, dignissimum & optimum Principem, qui unquam in Hibernia regnavit, & trucidatum asserit*, circa annum 1068. Aliud Chronicon Walliæ annum habet 1070.

Tirdelvacus O-Brien, Brieni Borumæ è Thaddæo filio nepos, rex Momoniæ successit, obiitque Kincoræ pridie Idus Julii anno 1086. al. 1087. ætatis an. 77. Kincora Urbs erat iis temporibus (obiter adnoto) frequens & (ut annales Ultonienses habent ad annum 1061) *Regalis*, nunc villula ad *Brassinogh* fluvium, in Regione Mac-Coghlan, quæ pars est agri Regii.

Paulò postea regnum adeptus est Moriartachus O-Brien, Tirdelvaci filius, qui, cum multos regnasset annos, decessit 6 Idus Martii anno 1120, & sepultus est in Ecclesia Cathedrali

thedrali Sancti Flannani Laonenſi. Hunc Caradocus Lhancarvanenſis & (qui tum vixit) Guilielmus Malmesburienſis Murchardum appellant. *Eum & ſucceſſores ejus (ſic Malmesburienſis) quorum fama non extulit, ita devotos habuit noſter Henricus (Primus) ut nihil niſi quod eum palparet, ſcriberent, nihil niſi quod juberet, agerent, quanvis feratur Murchardum, neſcio quâ de cauſâ, paucis diebus inflatis in Anglos egiffe, ſed mox, pro interdicto nâvigio & mercimonio navigantium, tumorem peſtoris ſedâſſe. Sunt qui interregnum 15 annorum ſubſequutum aſſerunt. Sed quàm verè, quarant alii.*

Tirdelvacus, O-Conner rex Conatiæ Monarchiam adeptus, eam tenuit uſque ad annum 1157, quo mortem obiit, ætatis ſuæ 68, ſepultus Clonmacnoiſæ, in eccleſia cathedrali, prope ſumnum altare S. Giarani.

Mauritius aliàs Moriartachus Nelli filius Loghlini Nepos, ſed vulgò dictus Mauritius Mac-Loghlin, cognomento ab avo ducto, regnavit annos plûs minûs 9, occiſus à Donato O-Carroll rege Ergalliæ, ſive Urielis, an. 1166. Meminit, ad annum MCXI, Henricus Marleburgenſis, *Concilii magni Episcoporum & Magnatum Hiberniæ, à Mauritio Mac-Loghlin rege Hiberniæ convocati.* Atqui is regnum non iniit ante annum 1157, Unde ſub Muriertâcho O-Brien rege, de quo ſuprà, dictum Concilium habitum fuiſſe conſtare videtur.

Rodericus (filius Tirdelvaci) O-Conner, rex Gonatiæ ſucceſſit, anno 1166, obiitque 1198, ſepultus in Cœnobio de Cong. Ejus tempore Hibernia Anglici Juris facta eſt. Et quanquàm Angliæ Reges olim *Domini Hiberniæ*

niæ dicti fuerint, donec Henricus VIII in Parlamento Dublinii habito, anno Domini MDXLI, Hiberniæ Rex declaratus est. Sub priore tamen nomine, dicti Reges (uti verba sunt Statuti tunc editi) habuerunt omnimodam Regiam Jurisdictionem, potestatem, præbeminentiâ & auctoritatem regalem, spectantem & pertinentem ad regalem statum & Majestatem Regis. Quandoquidem Regia Majestas & nobilissimi sui Progenitores justè & rectè fuerunt & de jure debuerunt esse Reges Hiberniæ, & ita reputandi, accipiendi, nominandi, & vocandi. Ita Statutum.

CAP. V.

De Druidibus eorumque Superstitionibus; Ubi obiter nonnulla de Diis, quos olim Hiberni, dum Ethnici, maximè colebant: Deque Bardis antiquis.

Sec. 1.

DRUIDAS & BARDOS, apud Gallos, Britanos & Hibernos eximio fuisse olim in honore certissimum. Ad Druidas quòd attinet, ii Flamines fuerunt, sive Sacerdotes, Philosophi, Legislatores & Judices, uti testatur Cæsar, lib. 6 Commentariorum; Ubi de eorum Ordine, Officio, Jurisdictione & Doctrina, longam habemus narrationem. Porro Magicarum artium callentes fuerunt, ut è Plinio constat, locis sequentibus inter se collatis, viz. lib. 26, cap. ultimo, ubi Druidas Gallorum Magos appellat, lib. 24, cap. 11, ubi narratio est, quâ superstitione legere soliti, manu dextrâ, herbam quæ ab iis *Selago* nominata est, & sinistrâ, aliam quam *Samolin* dixerunt,

contra

contra morbos suum boumque, &c. & lib. 29, cap. 3, in narratione de ovo anguino. Hinc *Dri*, apud Hibernos, pro Mago accipitur. Sed Druidis ipsis nomen dedit Δρῶς, id est, quercus, arbor Jovi sacra, si non (quod alii asserunt) *Deru*, vox Celtica, quæ idem sonat, sive quod in Nemoribus & Quercetis, superstitiones suas exercerent, unde Lucanus, lib. 1,

——— *Nemora alta remotis*
Incolitis lucis,———

sive quod quercum, vel saltem viscum ejus, sacris suis adhiberent, unde Ovidius,

Ad viscum Druidæ, Druidæ clamare solebant.

De hac re, vide plura apud Apuleium, in Apologia priore. Neque desunt qui Hiberniam ipsam, ob copiam roborum & aliarum arborum, olim dictam asserunt *Insulam nemorosam*. Sed instar omnium erit Plinius, qui lib. 16, cap. 44, ita loquitur. *Nihil habent Druidæ (ita Galli suos adpellant Magos) visco & arbore in qua gignatur, si modo sit robur, sacratius. Jam per se roborum eligunt lucos, nec ulla sacra sine ea facere consueverunt, ut inde adpellati quoque interpretatione Græca possint Druidæ videri. Quicquid adnascitur illis arboribus, è cælo missum putant, signumque esse à Deo electæ arboris. Sacerdos candidâ veste cultus arborem scandit, viscam aureâ falce æmetit, candido id excipitur sago, omnia sanare credunt. Horum doctrinâ Hiberni, dùm Ethnici, Jovem, Martem, Mercurium, Apollinem, sive Solem, Dianam, sive Lunam, & Ventum maxime*

mè colebant. Neque defuerunt Dii Mortani & Fluviatiles, quibus, Britannorum more, venerationem exhibebant. Mulieres etiam Baccho sacra fecisse in Insulis Britannicis, Dionysius Afer testatur. De duobus ex his, Sole sc. & Vento, in Juramento Lægarii filii Nelli Regis Hiberniæ, mentionem faciunt Annales Ultonienses, ad Annum Dom. CCCGLVIII. Et Scythas olim per Ventum & Acinacem jurasse tradit Lucianus, in Toxari. Neque mirum videatur Ethnicos Hibernos Ventum coluisse, cum certum sit Augustum Cæsarem, *Circio* vento templum condidisse in Gallia. Jocelinus monachus Gistertiensis cœnobii Furnessensis apud Lancastrienses, in vita S. Patricii, cap. 56, jam dictum Lægarium adorasse tradit Idolum quoddam dictum *Cean-croithi*, id est, caput omnium Deorum, eo quod (inquit) responsa dare putabatur, à populo stulto. An eo nomine Apollinem Hiberni intelligerint, dubium. De alio Idolo quod sub eodem tempore *Clochora*, è lapide aureo (unde urbi nomen) responsa dare solebat, fit mentio in Regesto Clochorensi. Neque hîc præmittendum Saxum illud fatale *Liafail* olim dictum, à *Thuathededanis* in Hiberniam portatum, atque inde regnante Moriertacho Ercæ filio, ad Fergusium fratrem in Argatheliam missum, sed à Kenetho rege ligneam cathedrâ postea inclusum, Regibus Scotorum consecrandis, in Monasterio Sconensi collocatum, ac tandem à Rege Edwardo Primo Angliæ, Westmonasterium translatum. De hoc Saxo miramur; Sed quàm verè judicent alii: Speciatim fama tenet, Ethnicismi temporibus, ante Christum natum, eum duntaxat Hiberniæ Monarcham

Monarcham approbatum, sub quo saxum illud collocatū, ingemiscebat, vel (ut liber Houthensis nuper penes Thomā Staffordiū equitem habet,) loquebatur. De Orbis universi falsis Oraculis, nato Christo, plerūque obmutescentibus, vide quæ habent Eusebius, Præparationis Euangelicæ lib. 5, Suidas, in Augusto, & Nicephorus Calistus Ecclesiasticæ Historiæ lib. 1. cap. 17. Sed ad rem. Hujus erant festæ Magi illi quos adventum sancti Patricii in Hiberniam, tribus annis antequàm veniret, prædixisse, narrat jam dictus Jocelinus, in vita ejusdem Patricii, quam descripsit, circa annum MCXC. Superstitio Druidum in Hibernia permansit, usque ad admissam ibi religionem Christianam. Sacerdotes Ægyptii scientiam suam Hieroglyphicis, vice literarum, obscurabant; unde Lucanus,

——— *Volucrèsque feræque*

Sculptæque servabant magicas animalia formas.
Atqui Druides non fas esse duxerunt mysteria sua scriptis, aliquo modo, communicare: Sed ut per traditionem, à majoribus, per manum receperunt, ita posteris reliquerunt. Talem traditionem Judæi Cabalam appellârunt, etiamsi reverà vana eorum ars Cabalistica, nihil minus fuerit quàm Cabala, utpote descripta (quasi ænigmatis) literarum numeris & transpositionibus, vocum inversionibus, allusionibus, amphibologiis, homonymiis. Druidibus opinionem de Pythagorica migratione animæ post mortem, assignant Cæsar & Dioscorus Siculus. Apud Lucanū fit mentio doctrinæ eorū, de aliâ longâ vitâ, & aliò Orbe; at de Pythagoriceo dogmate, de animæ migratione, vel metempsychosi, altū est silentiū; Sic enim ille, lib. 1,

D

--Vobis

————— *Vobis auctoribus umbræ,
Non tacitas Erebi sedes Ditisque profundi
Pallida regna petunt: Regit idem spiritus artus
Orbe alio, longæ, canitis si cognita, vitæ,
Mors media est.*

Cui consentiunt Pomponius Mela, lib. 3, cap. 2. & Ammianus Marcellinus, lib. 15. Denique Druidæ tempora numerârunt, non à Solis, sed Lunæ cursu, ut è Plinio liquet, lib. 17, cap. ultimo. Sed de Druidis, satis.

Secl. 2.

Ad Bardos jam ventum est; Illi Poëtæ erant, ut è Strabone liquet, lib. 4 Geographiæ. Bardus juxta Pompeium Festum, *Gallicè Cantorem significat, qui virorum fortium laudes canit.* Diodorus Siculus, lib. 5, Factorem cantionum appellat, & Lucanus lib. 1, Poëtam five vatem,

*Vos quoque qui fortes animas belloque peremptos
Laudibus, in longum, Vates, dimittitis ævum,
Plurima securi fudistis carmina Bardi.*

Hujus generis fuit Dubtachus Vulgairi filius, Poëta egregius Hibernicus, qui ab Ethnicismo ad fidem Christianam conversus, *Carmina quæ quondam studio florente peregit, in laudem falsorum Deorum, jam in usum meliorem mentem mutans & linguam, Poëmata clariora composuit, in laudem Omnipotentis Dei & sanctorum ejus Præconium.* Ita Jocelinus, in vit. Sancti Patricii, cap. 45. Cæterùm recentioribus temporibus, inferioris notæ Poëtæ, vulgò dicti Rythmici (Anglicè *Rimers*;) Bardi ibi appellabantur, Hique Rythmos plerùmque compone-

componēbant, vel ad Juventutis corruptelam, vel ad Seditiois incitamentum: Qui abusus ansam tandem præbebant sancienti Statuta quædam Parlamentaria contra eos eorūque receptores. In Wallia, Bardi juxta D. Povellum, custodiebant etiam nobilium Insignia & Genealogias. De antiquioribus, vide plura, in legibus Hoëlis *Dha*, i. boni. Denique non hîc prætermittendum scriptores aliquos Latinos Bardum, pro stolido & impolito accepisse, quia hujusmodi Poëtæ, barbariis videbantur. Ad carminum *relatum* quod attinet, *Barditum vocatum*, Richardus Vitus, è Pseudo-Beroso, ita dictum vult à *Bardo Britannorum Rege* 5. carminum & illius *musicæ inventore*, & inde *vocatos Bardos*, Poëtas *melodes*, Sed à viris doctis explosa est ea fabula, unà cum cæteris commentis Annii Viterbiensis, qui primus supposititium illum Berosum mundo obtrusit.

C A P. V I.

De variis nominibus quibus veteres Hiberni Externos appellârunt, præsertim Vicinos.

Hiberni veteres, Externos, præsertim vicinos Europæos, cujuscunque fuerint nationis, non raro Gallos promiscuè appellabant. Hinc Regiuncula prope Dublinium, versus Septentrionem, à Norwegis olim occupata, vocabatur *Fingall*; Item Dermitius Murchardi filius rex Lageniæ dicebatur *Ni-gall*, quasi Anglorum amicus, quod ejus gratiâ, Angli, regnante Henrico II, Hiberniam invaserant. Ita Judæi aliquandò omnes extraneos, *Græcos* appella-

appellabant, ut colligere est ex Epist. S. Pauli ad Romanos, cap. I. ver. 16. Atque, ut ad nostra tempora veniamus, ita in Regionibus quibusdam orientalibus, Europæi fermè omnes etiamnùm Franci appellantur. Non negandum tamen Anglos ab Hiberniis vulgò dictos Saxones, item Danos & Norwegos, qui magnam Hiberniæ partem subjugârunt Seculo IX, ac Dublinium, Waterfordiam, Limericum, aliasque maritimas urbes usque ad ipsum Anglorum adventum, sub jam dicto Henrico possederunt, quandòque appellatos *Normannos*, quasi viros Aquilonales, quandoque *Ostmannos*, sive viros Orientales. Hisque nomen suum debet Aquilonale Dublinii suburbium, quod adhuc **Ostman-town** dicitur, & corruptè **Orman-town**. Sunt qui Normannos hosce, sive Ostmannos, in *Dub-gallos* & *Fin-gallos* dividunt, & per *Dub-gallos*, sive *nigros exteros*, Danos intelligunt, per *Fin-gallos*, sive *albos exteros*, Norwegos. Neque hâc occasione omitendi sunt Scoto-Britanni quos Hiberni vulgò Albanos vocârunt, neque Cambri sive Walli quos Brannas & Britannos appellârunt. Cæterum ex his quæ dicta sunt, (ut ad Gallos redeamus) superesse liquet vestigia quædam Gallorum veterum, quos Edmundus Spenser, in Dialogo inter Eudoxum & Irenæum, de Statu Hiberniæ, australes Hiberniæ partes olim occupâsse censet, ac conjecturam firmat, à Menapiis Galliæ veteris populis, quos Ptolemæus inter incolas Euro-austriæ Insulæ partium posuit. Huic conjecturæ vigorem etiam adjiciunt arma quædam Hibernica, Gallicis antiquis similia, Jacula nimirum peditum levis armaturæ quos

quos *Kernos* vocant, necnon *Secures* & *Loricæ ferreæ peditum illorum* gravioris armaturæ, quos *Gallo-glassios* appellant. Item, quia Hiberni veteres sylvestres comas suas intortas, *Glibbs* vulgò dictas, alebant, more Gallorum & Britannorum veterum. Scio Saxonem Grammaticum, lib. 5 Historiæ Danicæ, asseruisse *Hibernorum gentem novaculis olim comam extenuasse, & totum occipitii crinem obrasisse, ne fugiens capillitio teneatur*. Atqui satis nota sunt ejus figmenta. De Britannorum veterum capillitio, vide quæ suprâ diximus, Cap. 2. De Gallorum autem, consule Diodorum Siculum, Lib. 5, Plinium, Lib. 3. cap. 20, & Dionem, Lib. 46, sub finem, ubi Galliæ Transalpinæ partem alteram dictam asserit *Comatam*, quod incolæ comam gerebant promississimam, eoque à reliquis dignoscebantur. Neque in comâ tantum imitabantur Britannos & Gallos veteres, sed etiam in barba, quàm alebant tantum (ut suprâ diximus) in superiori labro. Ita Britannos olim barbam aluisse testatur Cæsar, ita Gallos, jam dictus Diodorus. Eundem morem apud Anglos in Hibernia, præsertim qui *Marchias* habitârunt: postea viguisse docet Statutum editum in Parlamento Trimmæ habito, anno MCCCCXLVI, coram Johanne Talboto comite Salopiæ, Hiberniæ *Locum-tenente*, & ut Angli ab Hibernis facilius distinguerentur, sub gravi pœna tunc prohibitum. Sed pergamus. Unde derivetur Donegallia in Ultonia, an ut à Gallæcis Hispaniæ, vel à Gallis olim occupata, quærant alii: nihî certè prorsus ignotum. Externos fermè

omnes Europæos, ab Hibernis, sæpè Gallos olim appellatos, firmat (præter ea quæ suprà diximus,) Hibernici cujusdam dictum, à S. Bernardo, in vita Malachiæ Archiepiscopi Armachani, memoratum, *Scoti sumus non Galli.*

CAP. VII.

De Hiberniæ Ornamentis, Commodis & Privilegiis quibusdam specialibus.

Regionum Ornamenta & Dotes quibus homines ad eas possidendas ut plurimum aliciuntur, sunt soli fertilitas, aëris salubritas, sylvæ, planities, metallorum fodinæ, latomiæ nobiles, fluvii navigabiles & piscosi, portus tuti & ampli, maris vicinitas ad mercaturam exercendam, & necessaria ad victum humanum. In his omnibus (ut de Urbibus & quæ hominum arte & industriâ fiunt, hîc taceam,) admodum felix est Hibernia. Sed quod rarissimum est, & nulli ferè regioni habitabili prætereà, per totum orbem, à Deo concessum, hæc Insula (Hibernia dico) nullum alit animal venenosum, nè quidem aliundè invectum: Habet quidem araneas & lacertas, sed eas non venenatas. Terræ-motus ibi raro aut nunquam, vel quando contingit, inter prodigia habetur, Tonitru rarissimè, non ibi rigor est nimius hyemis, neque ardor æstatis. Inter quadrupedes, notandi inprimis Equi, quos Hobinos, sive **Hobbys** vocant, ob mollem gressum, magno in pretio habiti. Asturcones olim dictos notat Johannes Major, utputa ab Asturibus Hispaniæ in Hiberniam primo

mò deductos. Ab hoc equi genere (ut id obiter adnotemus) equites quidam levis armaturæ dicti sunt Hobellarii. De 2000 Hobellariis, ex Hibernia contra Scotos, per mandatum regis, mittendis, fit mentio in rotulo Patent. an. 15 Edwardi 2, par. 2, membr. 19, penes custodem Archivorum arcis Londinensis; Sed quot fuerint missi, non comperi. In exercitu Edwardi 3 Caletum obsidentis, anno Dom. MCCCXLVII, numerati sunt (inter alios milites) sub Mauritio comite Kildariæ, Hobellarii 27, & sub Domino Fulcone de la Freign Hiberno, Hobellarii 14. Ex hoc genere, 12 candoris eximii, purpurâ & argenteis habenis exornatos, in Pompa Summorum Pontificum, sessore vacuos, se duci vidisse testatur Paulus Jovius. Neque hîc prætermittendi sunt Canes illi venatici, quos vulgò, à persequendis lupis, Canes luporum vocant, robore, magnitudine, & elegantia eximia præditi. Inter volucres, Aquilæ, Accipitres qui anseres capiunt, Anglicè **Goshawks**, aliis (ni fallor) Phasianophani dicti, Falcones, Haliæti, sive Aquilæ Marinæ & Æsalones. Item Galli (ut vulgò appellantur) sylvarum, iidem scil. cum iis quos Giraldus Cambrensis, Distinct. I, cap. 10 Topograph. Hiberniæ, Pavones sylvestres vocat, Pavonibus magnitudine æquales. Ibi etiam inveniuntur Margaritæ, sed pleræque vel pallidæ vel subfuscæ. His addendæ piscaturæ copiosæ Salmonum, Halecum & Halecularum **Pilchards** vulgò dictarum, quæ salitæ & doliis inclusæ, quotannis, magno mercatorum lucro, in partes transmarinas exportantur. Neque possum non hîc memorare magnam navium multitudinem, quæ bobus, ovibus, carne

bovinâ, coriis, pellibus, lanâ, lino, plumbo, ferro, stragulis, &c. onustâ, nostrâ ætate, solitâ fuerunt quotannis ex Hibernia in partes transmarinas exportari. Item ad Hiberniæ Dignitatem, vide si placet argumentum Oratorum Henrici quinti Regis Angliæ, in Concilio Constantiensi, inter Acta ejusdem Concilii Mss. in Bibliotheca Cottoniana.

Restat ut aliquid hîc dicamus, de viris sanctis (maximis illis Insulæ ornamentis) qui Christi Evangelium prædicârunt, primis surgentis Ecclesiæ Hibernicæ temporibus, vel in ipsa Hibernia, vel in partibus transmarinis. Acta eorum, licet compendio descripta, justum requirunt tractatum. Satis videatur hîc indicare Hiberniam, ob eorum multitudinem, meritò olim dictam Insulam Sanctorum, & Sanctorum Patriam. Nuda eorum nomina, etiam eorum quorum res gestæ descriptæ extant, subungere, supervacaneum videatur: veruntamen eorum partem potiore, unâ cum temporibus quibus claruerunt & actis nonnullis, aptius petant postea qui volunt, in Diatriba nostra de Basilicis Hiberniæ.

CAP. VIII.

De Tanistria, Lege Brebonica & Consuetudinibus dictis Golsipreo, Fosterling & Gabel-kind.

LEges & consuetudines Anglicanas, unâ cum ipso Anglorum adventu in Hiberniam, sub Henrico II, fuisse introductas, deinde à Johanne Rege, firmius stabilitas & Dublinii in Scactario, sub sigillo suo relictas, non negandum; vim tamen & virtutē postea, per aliquot annorū centurias,

turias, non extendisse, ultra regiones ab Anglicâ gente habitatas liquet: Nam in cæteris Hiberniæ partibus, vigeat Tanistria, cum lege Brehonica & Gaveleto; quæ etiam leges & consuetudines inter Anglicos nonnullos, (etiam melioris notæ) paulatim irrepebant, ut è Statuto in Parlamento Kilkennix edito anno XL Edwardi III, sub Leonello Duce Clarentiæ Hiberniæ *Locum-tenente*, liquet, in quo Anglici, in omnibus controversiis, gubernari jubentur, per communem Legem Angliæ, & qui se submitteret Legibus vel *Brehonorum*, vel *Marchiarum*, proditor declaratur. Cæterum Statuto eo non obstante, Leges & consuetudines illæ Hibernicæ, à quamplurimis Anglicæ Gentis, hîc & illîc postea erant receptæ. Neque ante pacem, sub Jacobo Rege redditam, Leges Anglicanæ universim, per totam Hiberniam, receptæ & agnitæ. Lege Tanistriæ, (de qua nunc agimus) Jus hæreditarium successionis, apud Magnates, seu Regionum Dynastas, non observabatur, sed qui viribus & clientela potentior, plerumque Senior & dignissimus sanguinis & cognominis defuncto Dynastæ succedebat, Isque, postquam communibus populi suffragiis, vivente prædecesore, successor designatus fuerat, *Tanista* tum dicebatur, quasi secundus; quod nomen derivatum videtur à *Thanis*, viris apud Saxones honoratis, è quibus, qui superioris erant classis, Thani Regii, i. e. Regis Ministri appellabantur. Dynasta sive Dominus factus, se suamque sequelam sustentabat, partim ex terris quibusdam mensalibus, *Logbty* dictis, præsertim verò ex tallagiis vocatis *Colherings*, &c. ad libitum suum impositis, Ecclesiæ

clerici possessionibus & eorum quibus specialia concedebat privilegia, exceptis. Sic quot apud eos Domini, tot Tyranni. Habebat is Judices quosdam *Brehonos* dictos, qui statim temporibus, sub dio, in colle aliquo plerumque, è sedibus aggesto cespite constructis, Jus dicebant vicinis, coram iis litigantibus. Hi Juris Anglicani imperiti erant, sed in rebus ad eorum Judicium pertinentibus, Aphorismis, partim ex Jure Civili & Canonico desumptis, partim ex præscriptis & consuetudinibus quibusdam Hibernicis, se dirigebant. Et ut *Brehonos* habebat unius stirpis sive familiæ, ita etiam Historicos, Medicos, Chirurgos, Poëtas & Citharædos aliarum peculiarium familiarum, quibus singulis sua assignata sunt prædia. Asserebat etiam sibi (si ex Dynastis potentioribus esset) potestatem Belli vicinis indicendi, & cum iisdem Pacis ineundæ. Cæterum, ut ad legem Brehonicam redeamus, eâ lege homicidium, raptus & furtum multâ è peculio, *Eric* dictâ, puniebantur. Multâ ad judicatâ *Brehonus* habebat pro salario partem undecimam. Hoc multâ genus *Scoti Albanienses* (quibus idem mos in usu olim erat) *Cro* appellabant. Vid. *Spelman.* in voce *Cro*. Latrocinium verò ex finibus alienis importatum, tanquam pro bono publico actum, honestum atque laude & præmio dignum, more *Spartæ* & veteris *Galliæ*, existimabatur.

Duæ aliæ erant Consuetudines dictæ *Gosst-pred* sive compaternitas & *Fosterling* sive liberorum educatio à nutritiis, quæ per temporum corruptelam, multorum malorum erant fontes; Hinc enim profluebant (quod mireris) combinationes & confederationes Partium

tium, ortâ aliquâ discordiâ inter potentiores, in omnibus rebus tam licitis quàm illicitis. Atque ita, ex his quæ dicta sunt, miserrima subditi-
rum conditio, in locis ubi istæ consuetudines vige-
bant, perspicui potest.

Denique ut caput hoc claudamus, restat tan-
tum ut aliquid hîc dicatur de consuetudine
Gaveleti, nos **Gavel-kind** dicimus. Ad Etymon
quod attinet, Lambardus ejusque sequaces
exponunt esse fundum omnibus cognatione
proximis datum, à Sax. *gife-eal-cÿn*; Sed
probabiliùs opinor Somnerus, in Glossario, à
Saxon. *gafel* i. *census, tributum, pensio, &*
cÿnd, natura, genus, conditio, Sic **Gavel-kind**,
fundum significat censualem, vel tributarium,
redditui annuo, cæterisque plebeiorum prædio-
rum servitutibus & oneribus obnoxium. De hoc
disquirant alii. Hâc consuetudine, apud Hi-
bernos, Hæreditas defuncti, (infra Tanistæ
gradum) divisa fuit æqualiter, inter filios,
tam nothos quàm legitimè natos, & iis defi-
cientibus, inter proximos hæredes masculos,
fæminis penitùs exclusis ab hæreditate: in his
contra morem prisce Gaveleti Anglo-Saxo-
nici, quo fæminæ solebant adire hæreditatem,
deficiente prole masculâ, & nothi exclude-
bantur ab hæreditate. Hinc quilibet filiorum,
licèt pudentâ pressus paupertate, generosum se
existimans, agriculturâ, mercaturâ, vel arte
aliquâ mechanicâ instrui dedignabatur. Ne-
que est prætermittendum consuetudinem eam
Hibernicam Gaveleti, in Venedotia, sive Wal-
lia Boreali, etiam usitatam fuisse, usque ad
annum 12 Edwardi Primi, quo, per Statutum
de Rutland, dicta consuetudo fuit reformata,
& ita remanebat, donec denum anno 34 Hen-
rici

rici VIII, per aliud Statutum, penitus fuit abolita. Extant etiamnum, ut accepi, volumina nonnulla, in quibus conscriptæ sunt Hibernicæ Leges aliquorum Regum antiquorum Hiberniæ, ante Anglorum ingressum, promulgatæ, quæ ad formam Regiminis apud veteres Hibernos detegendam, proculdubio sunt perquam necessariæ, & plenum merentur scrutinium.

CAP. IX.

De Hibernorum veterum Cognominibus ; & quando Cognomina ceperint esse fixa & familiis annexa.

Propriis Hibernorum veterum nominibus addita sunt cognomina, vel à re gesta, vel ab animi qualitate, vel à colore, vel à corporis sive notâ aliquâ, sive defectu, vel à casu, vel ironicè. Sic Nellus Rex Hiberniæ dictus est *Nigialac*, quod à Regulis, novem obfides exegerat, eosque aliquamdiù, compedibus vinctos, detinuerat, Brienus Rex, *Boruma*, quod tributum annuum ita dictum, à Lagenensibus recuperaverat, Cænfela, *Sapiens*, S. Barrus, *Finbarrus*, sive Barrus albus, S. Cominus, *Fada*, hoc est longus, & Æd Clericus *barbosus*, à prælonga barba ita dictus, in impresso Mariano Scoto, ad an. MLIII, malè Atdericus vocatus. Non secus ac apud Græcos, Seleucus III Rex Syriæ dictus est *Ceraunus*, i. Fulmen, ob præcipitem naturam, Ptolemæus VII Rex Ægypti, *Phyfcon*, sive ventricosus; ob ventris crassitudinem, & (ut cæte-

ros prætermittam) Ptolemæus penultimus, *Au-
letes*, ab infano tibiæ amoris: vel ut, apud
Romanos, M. Valerius dictus est Corvus, &
posterius ejus Corvini, quod Gallum provo-
cantem, Corvi advolantis opus, duello interfe-
cisset, alter Scipio, Africanus, alter, Asiaticus,
hic, ob partas victorias in Asia, ille, in Africa;
Sic qui absente patre editus, Proculus vo-
catus, qui defuncto, Posthumus, & qui
claudus, Claudius. Sed de cognominibus
Romanis, qui plura scire avet, consulat
Plutarchum, in vita C. Marcii Coriolani. Ad
Hibernica jam redeo. Atque notandum hic quod
veteres Hiberni præter cognomina, de qui-
bus suprà fit mentio, nomina alia etiam, mo-
re illo antiquo, è paterno nomine acceperunt,
ut Dermotus filius Cormaci, Cormacus
filius Donaldi, Donaldus filius Tirdelva-
ci, &c.

Regnante tandem supradicto Brieno, Hi-
bernorum Cognomina, sive familiarum no-
mina cœperunt esse fixa posterisque tradi-
ta, cum præposita vel aspiratione *h*, vel
voce *ua*, quæ postea mutata est in voca-
lem [*O*] & significat unum è posteris vi-
ri alicujus Primarii, ut O-Brien, O-Con-
ner, &c. Non paucæ tamen familiæ, per
aliquot postea annorum centurias (quod
fatendum) fixa cognomina non assumpse-
runt. Observant alii circa annum Dom. Mil-
lesimum, (quo vixit Brienus) Cognomina eti-
am fixa esse cœpisse, in Gallia, Anglia & Sco-
tia, primùm inter nobiliores, & pedetentim po-
stea, inter alios inferioris notæ. Denique in Hi-
bernia, nonnullis ex singulis familiis Hiber-
nicis, etiam postquam cognomina essent fixa,
agnomina

agnomina quædam fuerunt addita, ut *Bane*, i. albus, *Boy*, i. flavus, *Bacca*, claudus, *Moil*, calvus, &c. Idemque mos sensim inter aliquas Anglicæ prosapiæ familias irrepsit. De hoc argumento plurimum cupido petat *Paralipomena* Anglica, sive reliquias V. CL. *Gulielmi Camdeni*, ubi messem iuveniet uberem, præsertim de Origine Cognominum Anglicorum. Ad alia jam transeamus, quæ ut difficiliora, ita fortè gratiora.

CAP. X.

Hiberniæ Antiquæ Populi & Loca, de quibus fit mentio apud Ptolemæum, qui floruit sub Antonino Pio: unà cum adiunctis Nominibus recentioribus.

REm arduam hîc aggredior, tantaque obscuritate passim involutam, ut hæreant sæpè qui acutissimi quicquam certò statuere. Siquidem nomina antiqua, temporum revolutionibus, ita mutata sunt, ut in hodiernis, sæpissimè vix vestigia aliqua veterum remaneant, & ut cum *Seneca* loquar, *nova Urbium fundamenta jaciuntur, nova Gentium nomina, extinctis nominibus prioribus, aut in accessionem validioris conversis, oriuntur*: Idcirco tanquàm optimi duces habendi locorum situs, prout à *Ptolemæo*, ex *Marino Tyrio* plerumque descripti inveniantur. Facem mihi in multis, quod libens fateor, prætulit *Camdenus*; quan-

quàm non negem, in non paucis, me, veritatis studio, ab illo dissentire coactum. Neque deerunt (spero) alii, qui plura invenient corrigenda. Interim hæc, qualiacunque sunt, ordine digesta Alphabetico, lectori hîc visum est exhibere, unà cum *Tabula* Chorographica sequente Hiberniæ veteris, secundum Ptolemæum, additis duntaxat *Lucenis*, ex Orosio, qui clauit sub Theodosio Juniore. Ad notationem graduum longitudinis & latitudinis quod attinet, vide Ptolemæi regulam, lib. 2, cap. 1, quæ & semper observanda, ad sinceram lectionem cognoscendam.

Argitæ



A.

Argita flu. O-
stium.

Nunc portus seu lacus dictus *Loghfoil*, in agro Londino-derensi, Camdeno, *Suilly* lacus.

Ausona flu. al.
Ausoba.

Fluvius è lacu Curb emissus, qui Galviam perluit. Hic flu. idem est opinor cum Galvia seu *Galiva*, cujus meminerunt Annales Roscomanenses, ad ann. 1177 & 1190. Flumen Galviam Urbem nomini suo adoptasse videtur. Sed nominis ratione veniunt alii.

Auteri populi.

Hi olim incolebant partes aliquas regionum, quæ hodiè comitatus Galviensis & Roscomanensis dicuntur. Auterorum nomen in se prodit Athenria urbecula in pago Galviensi.

B.

Boreum Promon-
torium.

Hodiè *Saint Helen's head* al. Telen, in Donegallensi Comitatu.

Brigantes pop.

Habitabant regiones quæ nunc appellantur comitatus Catherlaghensis, Kilkenniensis & *R. ginalis*.

Brigus flu. al.
Birgus.

Hodiè Barous dictus, qui Neoro auctus, post aliquot milliaria, Suiro se confociat. Hi tres fluvii è Bladinis montibus Hibernicè *Slen-bloom*, profluunt, & divisim alveis diu decurrentes, uno tandè eo-

E

demq;

demq; ostio in mare se exonerant, prope turriculam de *Hook*, in agro *Wexfordienfi*, unde tres sorores olim dictæ.

Buuinda flu.

Qui, nomine non prorsus deperdito, *Boinus* hodiè dicitur, *Nechamo*, *Boand flu. vins in Midia*, à *Boan* dictione tam *Britannica* quàm *Hibernica*, quæ velocem significat, ita, ut opinantur, denominatus.

C.

Cauci pop.

Olim incolebant regiones quæ nobis hodiè comitatus *Wickloensis* & *Kildarensis* appellantur. Hi de *Caucis Germaniæ* orti videntur. Vid. *Ortelii Thesaur. Geograph. in Chaucis*.

Coriondi & Udia al. Vodii pop.

Hi olim infidebant regiones quæ hodiè dicuntur *Com. Corcagiensis*, *Tipperariensis* & *Limericensis*. *Corcagia* urbs *Coriondorū* nomen in se prodere videtur. An *Coriondi* hi à *Coritanis Britannæ* in *Hiberniam* demigraverint, dubiū. Hauc multum sanè abludunt nomina.

D.

Darnii, vel Darnini pop.

Incolebant eas regiones quæ nobis hodiè vulgò appellantur Comitatus *Londondery*, *Antrim* & *Tirone*. In *Deria* (olim *Daire-calgic*) nominis *Darniorum* nonnulli

nonnullæ supersunt reli-
quæ, uti etiam in Dalrieta,
quo nomine ager Antri-
menfis, vel magna ejus pars
Routa hodiè dicta, antiqui-
tùs appellabatur.

Daurona flu.

Camdeno, *flumen quod*
Corcagiam præfluit, Giraldo
Cambrensi, (ut ille habet)
Saverennus. Giraldus qui-
dem Topogr. Hiberniæ di-
stinct. 1, cap. 6, asserit *Save-*
rennum & Luvium per Cor-
cagiam (Provinciam scil.
ita dictam, non urbem) ma-
nare. Fluvius verò qui ur-
bem eam circumfluit, hodiè
Læus dicitur, & eundem es-
se censeo cum jam dicto Lu-
vio. Daurona autem nunc
(ni fallor) *Aven-more*, i. e.
fluvius magnus, qui Ocea-
num prope Yoghallam in-
greditur.

D.

Dunum.

Dunamause, in Comita-
tu Reginæ, ut situs loci a-
pud Ptolemæum, à quo inter
urbes mediterraneas nume-
ratur, indicare videtur. Ibi,
ante aliquot secula, Marchiæ
comites castrum habuerunt
firmissimum, æditiori colli im-
positum, cujus cadaver eti-
am nunc visitur. Camdenus
quasi sub alio sole locat, &
Dunum vult esse in agro

Dunenſi. *Dunum* priſcis Gal-
lis, Britannis & Saxonibus,
montem ſeu collem denota-
bat, unde Lugdunum in
Gallia & Dunelmum, Ca-
malodunum Sorbiodunum,
& ſimilia in Angliâ manâ-
runt.

Dur. flu.

Dingliæ ſinus, ſeu Mangi
flu. oſtium, in agro Kerrien-
ſi, Camdeno, malè fluviolus
qui Traleiam præterfluit,
Dur. Britannis aquam deno-
tat, ut habet Humfredus
Lhuydus Cambro-britan-
nus, & ventos venare vi-
detur qui aliam vocis origi-
nem indagat.

E.

Eblana urbs.

Dublinium Hiberniæ Me-
tropolis, Jocelino, *Atb-*
cliath, aliis, *Ballecliath*, id
eſt, *Opidum ſuper crates*, ut
pote ſubjectis olim in palu-
ſtri loco cratibus, condi-
tum.

Eblani pop. al.
Blanii

Incolebant regionem pro-
pe Dublinium quæ nunc a-
ger Dublinienſis appella-
tur, nec non Midiam, vel
majorem ejus partem.

Edri iſula.

Plinio, *Andros*. Hæc
Iſula à Ptolemæo, in-
ter eas ponitur quæ ori-
entali parti Hiberniæ ad-
jacent. Et eadem eſt, ut
conjicio, cum *Beg-Eri*, id
eſt,

est, parva Hibernia, Insula sub ostium Slani flu. in agro Wexfordiensi. Camdenus *Berdsey* al. *Enbly* vult esse, quæ ad Caernarvonnensem agrum in Wallia spectat. Sed perperam opinor.

Erdini pop.

Hi olim habitabant regiones quæ sunt prope lacum & flu. *Ern*, speciatim utramque *Breniam* & regionem quæ hodiè appellatur com. Fermanaghensis. In *Erno*, nominis Erdinorum reliquæ supersunt.

G.

Gangani pop.

Incolebant Tuomoniam & australes aliquas partes agri Galviensis. Camdenus ortos putat à Concanis Hispaniæ, à Scythis procreatis.

H.

Hieron, id est, Sacrum Prom.

Grenore, non longè à portu Wexfordiensi. Sunt qui locum, *Salangam*, & postea montem Domini dictum volunt, vel montem S. Domini (Ossorienensis sc.) de quo loquitur Giraldus Cambrensis, Topograph. Hiberniæ dist. 1, c. 5.

I.

Kernus flu.

Kilmar flu. in agro Keriensi, ubi portus est nobilis.

Samnium Prom.

Nautis dictum *Saint Johns sozeland*, in agro Dunensi.

Fuernis.

L.
Laberius.

Libnius, al. Li-
boeus flu.

Limni Insula.

Logia. flu.

Dunkeran esse censuit
Camdenus ad Iernum flu.
Quid judicem nescio : in
hâc re me cæcutire fateor.

Fortè *Cenanus*, vel *Cane-*
nus, temporis progressu nunc
vulgò *Kells* in Midia, anti-
quitus inter insigniores ur-
bes numerata, *Jos. Molefiu*,
Ampreston nescio quæ, *Cam-*
deno, *Killair* in Midia Oc-
cidentalî. Sed in hâc urbe
îndagandâ desudent alii.

Sligous flu. quem *Slich-*
neium vocat *Giraldus Cam-*
brensis, & situs apud *Ptole-*
mæum *Sligoæ* finem indi-
cat. *Camdenus* malè eun-
dem vult cum *Liffio flu.* quæ
Dublinium perfluit.

Nunc *Lambey*, Insula li-
tori vicina, ad agrum *Dub-*
liniensem spectans, idque
tùm nomen indicare vide-
tur, tum situs apud *Ptole-*
mæum, *Camdeno*, *Ramsey*
apud *Penbrochienses*, in
Wallia. *Lambeia* exponi-
tur insula agnorum, sicut
jam dicta *Ramseia*, insula
arietum, & *Shepeia* in *Can-*
tio, insula ovium.

Bannus flu. (ex *Lac-*
Logh-eagh amplissimo emis-
sus) in limite Orientali
gri Londinoderensis, opinor
Salmonum

Salmonum piscatione celebris, Villanovano, corruptè *Bone*, *Camdeno*, lacus *Logh-foil*,

M.

Macolicum.

Mercator & Camdenus hunc locum *Malc* vocant. Sed ubi locum sic dictum inveniam, planè nescio, Ego existimo *Milick* esse, quam Shenanus alluit, in agro Galviensi: nec multum absonant nomina.

Menapia.

Situs apud Ptolemæū, Wexfordiam indicat. Sunt verò qui eandē cum Waterfordiā putant, Hibernis & *Cambris* *Port-largi* dicta. Vox *Ford* in posteriore parte utriusq; nominis, exoticam sapit originem, Anglis & Germanis vadum significat vel trajetum, Sic *Driford* in Anglia, utraque Francofordia in Germania, à vadis vel trajetibus nomina sua deducunt.

Menapii pop.

Incolebant regiones quæ nunc Comit. Wexfordiensis & Waterfordiensis appellantur. An ex his, vel è Gallix Belgicæ Menapiis, Carausius ille fuerit, qui purpuram in Britannia assumpsit, Diocletiano & Maximiano imperatibus, non facile quis dicat. Videtur tamē

fuisse ex Menapiis Hiberniæ, nam *Menapia* civem, eum disertè appellat Sextus Aurelius Victor. Et *Menapia Urbs* (ut rectè notat Camdenus) *Non in Belgica, sed in Hibernia* à Ptolemæo ponitur, licèt *Menapiorum* populus utrobique ab eodem statuatur.

Modonius flu.

Nunc (antiquato priore nomine,) *Slanus* vocatur, in agro Wexfordiensi, ut situs apud Ptolemæum innuit.

N.

Nagnata. al.

Magnata.

Hanc urbem insignem appellat Ptolemæus. Situs loci apud eum, locum aliquem denotare videtur non procul à Sligoa. Atqui in eo tractu, nulla (quod sciam) vestigia supersunt urbis fide dictæ, ita omnia delet temporis vetustas. Sunt quidem nominis antiqui reliquiæ, in *Magio* hodiè Maio, (cujus meminit Beda) nota proximi (ad austrum) comitatus villa, Ptolemæi tamen *Magnatam* fuisse, repugnans situs distantia, Fortè suspicentur aliqui urbem loco suo apud eum paulum exturbatū. Sed hæc viderint alii.

Nagnata pop. al.

Magnati.

Nagnatæ, vel, pro exemplarium varietate, *Magnati* incolebant regionem quæ hodiè

hodiè dicitur ager Sligoensis, fortasse etiam pagum Maionensem.

Notium, five australe prom.

Nautis *Spillen-head* in comitatu Corcagiensi.

O.

Ovoca al. Oboca. flu.

Aven-more, vel *Owen-more* ut vulgò appellatur, id est, fluvius magnus, qui Arkloani præterfluit in agro Wickloensi, Josepho Moletio, perperani, *Arcellius* dictus.

R.

Ravius flu.

Ernus fluvius ex Erno lacu emissus, in agro Donegalensi, à Giraldo Cambrensi Samarius dictus, à Camdeno, Mercatore & Spensero malè *Tromis*.

Rheba.

Rheban ad Baroum flu. in agro Kildarensi, nunc solum castello nota, olim urbe.

Ricina Insula.

Insula *Recran*, vulgò *Rachlin*, Plinio, Ricnea, quæ hodiè pars censetur [agri Antrimensis.

Rigia al. Regia.

Gerardo Mercatore, Limericum, Gulielmo Camdeno, è nomine & situ probabilius, locus aliquis non procul à Loghrie lacu infuloso & amplo, in quem Shenanus flu. se refundit.

Rigia al. Regia altera.

Camdeno *Reglis* in Insula (petrosâ) Lacus *Derg*, ubi *S. Patricii Purgatorium*. Atqui refragatur tum fitus.

fitus apud Ptolemæum, tum
ipſius Inſulæ exiguitas, quæ
continet vix tres quartas
partes unius acræ ordinariæ
Hibernicæ. Ego cenſeo *Ath-*
neri, ſeu Athenrianum eſſe, in
Comitatu Galviendi.

Robogdii, al. *Rho-*
bogdii, & *Venni-*
cii, pop.

Rhobogdium
Prom.

S.
Senus flu.

V.
Udia, vel *Vodii*,
vid. *Coriondi*.

Velabri pop. non-
nullis exenpla-
ribus, *Vellibori*.

Vennicnii pop.
vid. *Rhobogdii*.

Vennicnium
Prom.

Incolebant regionem quæ
hodiè appellatur ager Do-
negallendiſ, necnon partem
agri Londino-derendiſ.

Extremum totius Hiber-
niæ Promontorium quod
Oceano Deucalidonio in-
cumbit, in Pen-inſula de
Inis-Oen.

Shenanus, Oroſio *Sce-*
na, fluvius totius Hiber-
niæ celeberrimus, è mon-
te *Slew-neren* (ita dicto à
ferri venis quibus abun-
dat) in agro Leytrimendiſ
effuſus.

Incolebant partes Kerriæ
Boreales, An ab Iberis ita
nominari, dubium. His Lu-
cenos vicinos facit Oroſius,
ad *Scenæ fluminis* oſtium.

Nautis *Kams-head*, aliis
Born-head, quod in cornu
tenuatur,

tematur, in agro Donegal-
lenfi.

Vidua fluvii O-
stium.

Lacus *Snilly*, in eodem
comitatu.

Vinderii flu. O-
stium.

Carigfergusii sinus, five
Laganus flu, qui ibi in ma-
re se exonerat.

Voluntii pop. al.
Uluntii.

Incolebant regionem olim
dictam *Ullagh*, five Ulidiam,
ubi hodiè comitatus Dunen-
fis. His fortè Ultonienses no-
men suū debent, si non, quod
alii asserunt, Ollomaino regi
antiquo ethnico Hiberniæ.

Uterni pop.

Vel, pro exemplarium
varietate, Iberni, Iberi & Ju-
erni incolebant australiores
Desmonix partes. Forſan
coloniæ fuerunt Iberorū: E
nomine & positi contra Hi-
spaniā, hoc conjectare licet.

Hæc, ordine alphabetico digessimus. Cæte-
rū non alienum erit, quantumcunque sit,
hīc etiam annotare Ptolēmæum, in Geogra-
phiā suā, Septentrionale Hiberniæ latus pri-
mū descripsisse, postea Occidentale, deinde
Australe, ac demū Orientale; tūque, post
latera, civitates mediterraneas, ac postremo
Insulas Hiberniæ adjacentes. Ex iis verò plu-
rimæ hodiè inter Insulas magnæ Britannix cui
proprioſes, numerantur, Ebudæ ſci. Maleos,
Epidium, Mona-æda & Mona, quas ideo in
hāc diſquiſitione prætermiſſimus. Denique
cū de antiquā Hibernia hīc agatur, non ta-
cendum eſt, quod de ea Marcianns Heracle-
ota,

ota, in Periplo suo, tradit, *Habet* (Hibernia) *Gentes seu Provincias XVI, Urbes insignes XV, Promontoria insignia V, Insulas insignes VI.* De Hiberniæ veteris descriptione, hoc dixisse sufficiat.

CAP. XI.

De Hibernorum veterum Vestitu & Ornatu.

Seç. 1. **S**Agum villosum cum limbo jubato vestis est Hibernica exterior, ad talos usque fermè demissa, In vita S. Cadoci Canbrensis, *Coccula* dicitur; ubi & describitur quoddam genus indumenti quo Hibernienses utuntur, de foris plenum prominentibus jubis, seu villis, in modum crinium contextis. Spenserus, in Dialogo inter Eudoxum & Irenæum, hanc vestem latinè dictam vult *Mantile*. Sed malè proculdubio, Nam Mantile linteolum est ad manus tergendas factum, ut è Virgilio liquet. *Æneid. l. 1, Ubi de Ænea à Didone hospitio excepto, ita canit,*

*Jam pater Æneas, & jam Trojana Juventus
Conveniunt, stratoque super discumbitur ostro;
Dant famuli manibus lymphas, Cererèq; canistris
Expediunt, tonsisque ferunt mantilia villis.*

Et Georgic. lib. 4,

— *Manibus liquidos dant ordine fontes
Germana, tonsisque ferunt mantilia villis.*

Cæterùm Isidorus linteæ pro operiendis mens suo tempore *Mantilia* dicta notat. Angli quidem hanc vestem a *mantell* vocant, & in

in eodem sensu, Radulphus de Diceto & Johannes Bronitonus *Mantillum* habent, quod nomen à Gallico *Manteau* derivatur, pro pallio nunc usurpato. Atque ut Pallia Græcorum propriæ erant vestes, & Togæ Romanorum, unde Virgilius *Æneid.* l.1,

*Consilia in melius referet, mecumque fovebit
Romanos, rerum Dominos, gentemque togatam.*

Ita Saga Hibernorum veterum. Hac veste utebantur etiam fœminæ Hibernicæ, talari quam gerebant tunicæ superindutâ. Neque inusitatum est idem vestimenti genus fœminis Maclovianis in Gallia, id quod notabam, dum ibi essem anno MDCXLIX. Porro ut quod sentio dicam, valdè probabile videtur Hibernos hanc vestem laneam à Gallis veteribus mutuatos. Nam Sagum Gallicum esse nomen asserit Isidorus, & Saga propria fuisse Gallorum vestimenta tradit Varro, l.4, de lingua Latina, ubi de vestium generibus agens, *In his* (inquit) *multa peregrina, ut Sagum, Rheno, Gallica, Gaunacum, majus Sagum & Amphimalon Græca.* Idem docet Strabo, lib.4. Geographiæ. Hinc Galli sæpè Sagati olim dicti. Hactenus de veste exteriori Hibernica. De aliis Hibernorum vestibus, tunicellis sc. & femoralibus illis arctissimis, *Trowses* vulgò dictis; vix habeo quod dicam memoratu dignum. Ad Etymologiam verbi *Trowse* quod attinet, fortè petenda à Gallico *Trouser*, connectere. Gir. Cambrensis *braccas caligatas, seu caligas braccatas vocat*, Topograph. Hiberniæ distinct. 3. cap. 10. Braccas vestes fuisse varii coloris tradit Dioscorus

dorus Siculus. Pannus autem levidentis varii coloris, ex quo sæpè facta sunt ea femoralia, ab Hibernis *Braccan* appellatur. A talis vestimenti usu, dimidia pars Gallix Transalpinæ olim dicta est *Braccata*, sicut altera pars, *Comata*, ob incolarum comas promissas. Gallos ita vestitos, secum Romam duxit Julius Cæsar, sed ibi in triumpho suo Gallico, vestibus decentioribus annictos, eos populo ostendit, unde illa, ait Suetonius, vulgò canebantur,

Gallos Cæsar in triumphum ducit: Idem in Curia Galli Braccas deposuerunt glatū clavū sumpserunt.

Et Britannos olim iisdem usos fuisse vestimentis, ostendit Martialis,

Quàm veteres braccæ Britonis pauperis.

Uxores Hibernicæ (pro more veterrimo) velato capite incedebant, virgines nudo, demissis interdum à tergo crinibus.

De Hibernorum veterum Ornatu; admodum pauca mihi legenti occurrunt. Aliquos è regibus Coronâ aureâ redimitos fuisse suprà diximus; & Reges margaritis in auribus suis usos, prodit Nennius. De torque aureo quo collum suum ornare solebat Dermotius filius Cerbailli Rex Hiberniæ, Vid. Scriptor. vitæ S. Brendani. Nobiles prætereà annulos aureos in digitis olim gestasse constat.

CAP. XII.

De priscis Equitibus & Peditibus Hibernicis, sed potissimum de iis qui fuerunt mediorum temporum : Deque eorum Armis & Clamore militari.

ANtiquioribus seculis, Equites Hibernici *Sett. 1:* equos nudos, absque ephippiis ascende-
bant; Postea sellis utebantur, sed absq; stapede
five scala ea equestri, quâ hodiè utimur, ut in
equos nos collocemus. Hiq; Equites, vel hastis,
vel sagittis dimicabant. Aliqui præterea (me-
diis seculis) loricis ferreis erant armati.
Neque mos ille equitandi inusitatus erat olim
ipsis Anglis, ut testantur tam sigilla nonnulla
antiqua quæ expressam ostendunt Equitis An-
glici imaginem, quàm Statutum Parlamenti
Pontanæ inchoati anno decimo Henrici VII.
Ita porro Britanni olim, ita Galli, & ita Ro-
mani equitabant. Murchardidem unum è po-
tentioribus Dynastis Hibernicis absque ephip-
pio equitantem exprimit Gallus quidam qui
expeditionem secundam Richardi 2 in Hiber-
niam metro Gallico descripsit; Equum verò
ejus generosissimum (attende pretium) emp-
tum asserit vaccis 400. Equitibus Hibernicis
servi quidam erant à pedibus *Daltini* vulgò
dicti, jaculis amentatis tantùm armati, qui
eorum equos curabant. De Equitibus voca-
tis Hobellariis, suprâ à nobis dictum, cap.
VII, nec hîc repetendum. *ἵππος* Equum fig-
nificat, atque inde fortè vox *Hobby*.

Hiberni

Hiberni mediorum seculorum Peditibus duplicis generis utebantur, Quidam *Gallo-glassii* dicti, casside ferrea & lorica ferreis annulis confecta, erant armati, gladióque longo cincti; Item alterâ manu securim acutissimam gestabant, more Gallorum illorum veterum, de quibus loquitur Marcellinus, lib. 19. Alii levioris armaturæ, Henrico Marleburgensi *Turbiculi*, quibusdam *Turbarii*, vulgò, *Kerni* dicti, jaculis amentatis, machæris, & cultris sive ficis, *Skaynes* vocatis, dinicabant. An tales fuerint cultri illi *Seaxes* dicti, quibus olim accingebantur Saxones, quærant alii. In rotulo clauso ann. V. Edwardi III, menib. 25, inter articulos in Hibernia observandos, sextus est, contra sustentatores & ductores *Kernorum* & gentis vocatæ *Jole-men*, nisi in *Marchiis* (sive confiniis) suas proprias ad custas. Ita Archivum arcis Londinensis. In bello, pro tympano, tibia utricularis in usu erat. Sic *Lacedæmonios* olim, non cornuum *turbarumve* signis, sed *tibiarum modulis*, in prælii usos testatur A. Gellius, lib. 1. cap. 11.

Sec. 2.

Ad Hibernorum antiquiorum Arma quod attinet, eos armis æneis fuisse usos constat, Sic Græcos olim, sic Britannos armatos certum. Est mihi æs securis militaris, rudi quidem sed admodum antiquo opere, jampridem è loco uliginoso in agro Letrimensi, effossum. Hibernis præcipuam fuisse gloriâ in armorum nitela, asserit Solinus, cap. 25, & speciatim tradit eos, qui studebant cultui, dentibus *marinatum belluarum* insignisse ensium capulos, & candidasse ad eburneam claritatem. Labracum Loinse regem Hiberniæ, quoddam hastæ genus dictum *Lagenib*, ex partibus transmarinis, secum in Hiberniam

Hiberniam portasse anno Mundi 3670, tradunt (quàm verè nescio) Historici Hibernici: atque inde orientalem Hiberniæ Provinciam, Lageniam dictam volunt, cùm antea vocaretur *Coigidugarian*. In Annalibus Roscomanensibus, ad annum MCXC, fit mentio *capitis bastæ, ad longitudinem unius cubiti, reperti in fluvio Galliva tùm desiccato*. De Hibernorum armis, tempore adventus Anglorum, sub Henrico II, sic Giraldus Cambrensis, Topograph. Hiberniæ, distinct. 3. cap. 10, *Tribus utuntur armorum generibus, lanceis non longis, & jaculis binis in quibus & Basclensium morem sunt imitati, Securibus quoque amplis, fabrilis diligentia optimè calibatis, quas à Norwagiensibus & Oustmannis, (de quibus post dicetur) sunt mutuati. Una tantam manu & non ambabus securi percutiunt, pollice desuper manubrium in longum extenso ictumque regente, à quo nec galea caput in conum erecta, nec reliquum corpus ferrea lorice tricatura tuetur. Unde & in nostris contigit temporibus, totam militis coxam ferro utcumque fideliter vestitam, uno securis ictu, præcisam fuisse, ex una equi parte coxa cum tibia, ex alterâ verò, corpore cadente moribundo: Lapidés quoque pugilares, cùm alia defecerint, hostibus in conflictu damnaissimos, præ alia gente, promptius, & expeditius, ad manum habent. De scutis eorum, nec non arcubus & sagittis suprâ diximus, cap. 2. Gladius iis ingens erat & prælongus, unâ tantum parte acutus, quo casum non punctim pugnabant. Apud aliquos in usu fuit Cudo sive Galea ferarum tergoribus induta, uti habet in Nomenclatore suo, Hadrianus*

driantis Junius. Ocrearū usum ab Anglis tandē acceperunt, necnon armorum diversa genera, quæ ad recentiora tempora spectant, ideóque hîc prætermittenda. In prælia ituri, cū ita propè essent hostes, ut ab iis exaudiri possent, clamore quodam Martio utebantur (uti suprà diximus) *Farah*, *Farah*, sæpiùs iterantes. Scythas, Germanos, & ipsos Græcos & Romanos tali olim. usos fuisse clamore, ante pugnam constat. An verò à clamore illo *Eleleu* quo Græci (uti suprà diximus cap. 2) ad prælium euntes utebantur, vox *Aleleu* fluxerit, quam iterare solebant mulieres merè Hibernicæ, in ululatus & palmarum complosionibus, dum amicorum funera prosequerentur, non definitio : Nam de Græcorum habitatione in Hibernia, parum aut nihil mihi legenti occurrit : Superesse quidem vestigia nonnulla veterum Græcorum in Hibernia, innuit Ecclesia quædam Trimmæ in Midia, dicta *Græcorum Ecclesia*. De Dobda Episcopo, Græco, qui S. Virgilium ex Hibernia secutus est, vid. Wiguleum Hundium, in Juvaviensium sive Salisburgensium Episcoporum catalogo, & vitæ ejusdem Virgilii descriptorem Eberhardi Salisburgensis Episcopi Discipulum. Vid. porrò quæ suprà diximus, de Nemethi progenie. Pan militaris illius barritus dicitur inventor, & à tali stratagemate noctu, cū in Indica Bacchi expeditione, subitò hostes in fugam essent versi, ortum proverbium *Terror Panicus*. Sed hoc extra oleas. Hactenùs de prisco milite Hibernico ejusque armis & clamore militari, nunc iconem ejus Lectori visum exhibere,



An Hiberni habuerint currus militares *Esfeda* olim dictos, more Gallorum & Britannorum veterum, non certò constat. Sed verisimile est habuisse, præsertim si credamus anonymo vitæ S. Columbæ scriptori antiquo poëtice magis quàm historicè Prælium Culedrebense, anno 561 gestum, describenti. Habuisse currus illos quos Galli olim *Bennas* vocabant, ad usum sc. viatorum, & alios, linguâ Gallicâ *Carros* dictos, quibus sarcinæ eorum vehabantur, certissimum. Nescio an operæpretium sit hîc memorare certamina Ludicra (militiam quidem redolentia) Equitû Hibernicorum, qui jaculis ferro non munitis, lusus & spectatores oblectandi gratiâ dimicare solebant, necnon eorum ardorem in ferarum, Luporum putà & Cervorum venationibus. Venatio quidem non parvam habet cum militia affinitatem, & si Xenophonti in *Cyropædia* credimus, ad fortitudinem adsequendam est omninò necessaria. Beda (Eccles. Histor. lib. 1, cap. 1,) Hiberniam *Insulam* vocat *Cervorum venatu insignem*. Sed hæc Corollarium loco.

CAP. XIII.

De priscis Exactionibus Hibernicis, dictis Bonaght, Sorohen, Coshery, Cuddy, Shragh & Mart : Deque Tributis ab Anglis introductis, vice Bonaghti, vocatis Coyne & Libery.

Sect. 1.

Bonaght Exactio erat pro Domini libito imposita, ad alendos Equites, triarios quos Gallo-glassios appellabant & alios pedites levioris armaturæ, quos *Kernos* vocabant. Istique milites ita sustentati, aliquandò promiscuè *Bonaghti* dicebantur.

Sorohen Taxatio erat quater in anno imposita liberè tenentibus, (sive iis qui prædia habebant, ad hæredes transmittenda) pro victu, hospitio & stipendiis dictorum militum.

Coshery exactio erat Dynastæ Hibernici, quando ab incolis sub ejus potestate & clientela, victum & hospitium capiebat, pro seipso suaque sequela.

Aliæ erant Exactiones dictæ *Cuddies*, sive cœnæ nocturnæ : Item aliæ (præsertim in Monumentis) vocatæ *Shragh* & *Mart*, partim in nummis, partim vel in pecore vel in cibo, plerumque pro Domini libito, impositæ. Hisq; direptionibus nec non *tasciis* quibusdam, Anglicè **Cuttings** dictis, vel quando Dominus iter ingrediebatur, vel epulo aliquem excipiebat, vel è simili occasione, impositis, prisca plebis Hibernicæ conditio penè servilis perspicui potest.

Hibernorum

Hibernorum vestigia premens Mauritius filius Thomæ postea Comes Desmonix, Anglorum (uti fertur) fuit primus qui subditis imposuit tributa illa gravissima, **Corn & Liberty** dicta, nummos scil. cibum & hospitium pro militibus, & pabulum pro equis. Hæc introduxisse fertur tempore Edwardi II Regis Angliæ, ad sustentationem exercitus Regis, contra Scotos in Hibernia tum longè latèque grassantes, sub ductu Edwardi Brucei, qui se Regem Hiberniæ declaraverat. Ut ut fuerit, five is primus, five non, Scotis postea devictis, ac pace restitutâ, Tributa illa,

————— *per longas invaluerunt moras :*

Nam in plurimis Hiberniæ locis, per multos postea annos, imposita, misellum populū graviter afflixerunt, etiam non obstantibus Statutis quibusdam Parlamentariis, quibus istæ direptiones & expilationes prohibitæ fuerunt, sub pœna prodicionis. Sed plus valent boni mores (ut rectè Tacitus) quàm bonæ leges. De Comitibus illius Seneschallo Johanne Cotterell, morte mulctato, Radulphi de Ufford Hiberniæ Justitiarum mandato, quod *multas graves, extraneas & intollerabiles leges exercuisset, tenuisset, & invenisset*, vid. Joh. Clynny Annales, ad annum 1345. Notant aliqui hoc ipsum exactionum genus, uni ex jam dicti Mauricii posteris fuisse exitiale: Nam Thomas Comes Desmonix, ob similia tributa, quæ subditis imposuerat, capite plexus est Pontanæ, (quam Droghedam & vulgò *Tredagh* vocamus) Februarii 15, anno Domini MCCCCLXVII, jussu Johannis Tiptotci Wigornix comitis Hiberniæque Deputati. Atqui Thomas Russellus in Historia Geraldino-

rum,

CAP. XIII.

De priscis Exactionibus Hibernicis, dictis Bonaght, Sorohen, Coshery, Cuddy, Shragh & Mart: Deque Tributis ab Anglis introductis, vice Bonaghti, vocatis Coyne & Liberty.

Seç. 1.

Bonaght Exactio erat pro Domini libito imposita, ad alendos Equites, triarios quos Gallo-glassios appellabant & alios pedites levioris armaturæ, quos *Kernos* vocabant. Istique milites ita sustentati, aliquandò promiscuè *Bonaghti* dicebantur.

Sorohen Taxatio erat quater in anno imposita liberè tenentibus, (sive iis qui prædia habebant, ad hæredes transmittenda) pro victu, hospitio & stipendiis dictorum militum.

Coshery exactio erat Dynastæ Hibernici, quando ab incolis sub ejus potestate & clientela, victum & hospitium capiebat, pro seipso suaque sequela.

Aliæ erant Exactiones dictæ *Cuddies*, sive cœnæ nocturnæ: Item aliæ (præsertim in Monumentis) vocatæ *Shragh* & *Mart*, partim in nummis, partim vel in pecore vel in cibo, plerumque pro Domini libito, impositæ. Hisq; direptionibus nec non *tasciis* quibusdam, Anglice **Cuttings** dictis, vel quando Dominus iter ingrediebatur, vel epulo aliquem excipiebat, vel è simili occasione, impositis, prisca plebis Hibernicæ conditio penè servilis perspicui potest.

Hibernorum

Hibernorum vestigia premens Mauritius *Señ.2.*
 filius Thomæ postea Comes Desmonia, Anglorum (uti fertur) fuit primus qui subditis imposuit tributa illa gravissima, **Cogn & Liberty** dicta, nummos scil. cibum & hospitium pro militibus, & pabulum pro equis. Hæc introduxisse fertur tempore Edwardi II Regis Angliæ, ad sustentationem exercitus Regis, contra Scotos in Hibernia tum longè latèque grassantes, sub ductu Edwardi Brucei, qui se Regem Hiberniæ declaraverat. Ut ut fuerit, sive is primus, sive non, Scotis postea devictis, ac pace restitutâ, Tributa illa,

————— *per longas invaluerunt moras :*

Nam in plurimis Hiberniæ locis, per multos postea annos, imposita, misellum populū graviter afflixerunt, etiam non obstantibus Statutis quibusdam Parlamentariis, quibus istæ direptiones & expilationes prohibitæ fuerunt, sub pœna prodicionis. Sed plus valent boni mores (ut rectè Tacitus) quàm bonæ leges. De Comitibus illius Seneschallo Johanne Cotterell, morte mulctato, Radulphi de Ufford Hiberniæ Justitiarum mandato, quod *multas graves, extraneas & intollerabiles leges exercuisset, tenuisset, & invenisset*, vid. Joh. Clynne Annales, ad annum 1345. Notant aliqui hoc ipsum exactionum genus, uni ex jam dicti Mauricii posteris fuisse exitiale: Nam Thomas Comes Desmonia, ob similia tributa, quæ subditis imposuerat, capite plexus est Pontanæ, (quam Droghedam & vulgò *Tredagh* vocamus) Februarii 15, anno Domini MCCCCLXVII, jussu Johannis Tiptofti Wigornia comitis Hiberniæque Deputati. Atqui Thomas Russellus in Historia Geraldino-

rum, quo authore nescio, Desmonium sublatum asserit, machinationibus Elizabethæ Uxoris Edwardi IV, in ultionem verborum quæ contra eam, ad Regem loquutus fuerat. Ad voces ipsas quod attinet; **Cope** verbum est Anglicum, quod pecuniam significat, & **Uberg**, in mitiori sensu, *res necessarias, quæ vel ex debito, vel honoris causâ* (ut ait Spelmanus) *Magistratui, hospitibus, seu peregrinantibus ministrantur.* Cæterum in Hiberniâ, Exactiones istæ tanto rigore & insolentiâ fuerunt impositæ, neque porrò certis temporibus, neque locis limitatæ, ut inde profluxerint depopulatio, exilium & extirpatio multorum è primariis subditis; alique ociosi facti, miseriarum & malorum temporum eventum expectarent. Sic ferè Jo. Davissius Eques aur. Jacobi Regis, ad tempus, Procurator in Hiberniâ. Quibus miseriis addi possunt (ex Statuto anni X Henrici VII) homicidia, raptus & latrocinia, ab ipsis militibus, quos exactiones istæ sustentabant, frequenter perpetrata. Denique, invaluerunt etiam paulatim, apud Anglos nonnullos eminentioris loci, speciatim apud Comites Desmonia, Exactiones Hibernicæ suprâ memoratæ, vel saltem earum pars maxima. Cæterum, clauso tandem Jani templo, altæ Pacis beneficio, sub Jacobo rege, Læges terræ universim receptæ sunt, tumque tributa illa gravissima & direptiones evanuerunt. Ad alia jam festinamus: Siquidem de Exactionibus, satis superque dictum.

CAP. XIV.

De Mirabilibus nonnullis Hiberniæ; Deque aliis ascriptitiis.

DE Mirabilibus Hiberniæ, multa scripsit Giraldus Cambrensis, sed fabulis mirè admixta: Nonnulla etiam habet Nennius Britannus, seculis aliquot Giraldò antiquior, quæ, quia Author est adhuc ineditus, visum est transcribere. Sic igitur ille, in fine Historiæ suæ, *De prima Inhabitatione Britonum Britanniæ Insulæ*, sub titulo, *De Mirabilibus Hiberniæ*. Sed aliqua exemplaria Gildæ nomen (ut hoc obiter annotemus) falsò præferunt.

Est ibi Stagnum (inquit Nennius) quod vocatur *Luch-lein*; (hodiè *Logh-lein* in Kerria) Quatuor circulis ambitur, Primo circulo, *Gronnâ* (sive venâ * vel fodinâ) *Stanni ambitur*, Secundo circulo, *Gronnâ plumbi ambitur*, Tertio circulo *gronnâ ferri ambitur*, & quarto circulo *gronnâ æris ambitur*. Et in eo stagno margaritæ multæ reperiuntur, quas ponunt Reges in auribus suis.

Est aliud Stagnum quod facit ligna durescere in lapides. Homines autem findunt ligna, & postquam formaverunt, projiciunt in stagnum, & manent in eo, usque ad caput anni, & in capite anni lapis invenitur, & vocatur stagnum (vel ingens lacus potius) *Luch-echac*. Hodiè vulgò *Logh-each*, in Ultonia.

Est aliud Miraculum in regione quæ vocatur *Cereticum*; Est ibi Mons qui cognominatur *Cruc-*

* Afferius
autem &
Flor. Wi.
gora. lo. a
palustria.
& aquis
obducta
gronnas
vocant.

maur, & est sepulchrum in cacumine illius, & omnis homo quicumque venerit ad sepulchrum, & extenderit se juxta illud, quamvis brevis fuerit homo & parvus, similiter longitudo Sepulchri juxta staturam hominis invenitur; Et si fuerit longus & procerus, etiamsi fuerit in longitudine quatuor cubitorum, juxta staturam unius cujusque hominis, sic tumulus invenitur. Et omnium peregrinus tædiosus, qui tres flexiones flexaverit, juxta illud, non erit tædium super eum, usque ad diem mortis suæ, & non gravabitur ullo iterum tædio, quamvis habitasset solus in extremis finibus cosmi. Hoc postremum in quibusdam exemplaribus, rectius ponitur inter Mirabilia Britanniae, in quâ certè est Cereticum sive Ceretica, quæ nunc nobis Cardigan-shire appellatur. Sed ut quod sentio dicam, de miraculo ipso, commentum est notissimum: in duobus verò prioribus, Nennius miscet vera falsis, De aliis ejusdem farinae Mirabilibus, apud Historicos nonnullos fit mentio, quæ sciens hîc prætereo. De Bernaclæ sive Branta prodigiosa generatione, ex ligno in salo, tractu temporis putrefacto, vid. Giraldum Cambrensem. Topograph. Hiberniæ distinct. 1, cap. 11. Bernacla anserini est generis, fero anser paulo minor, pectore subnigro, cætero cinereo, & anserum ferorum more volat, strepit, paludes frequentat, & segetem destruit. Caro autem paulo insuavior est & divitibus minùs appetita. Hæc ferè Gulielmus Turnerus. Vidi ego ligni putrefacti fragmentum, ex quo erumpebant minuta quædam corpuscula, testis inclusa, ex quo genere, uti recepta est opinio eorum qui prope littora habitant, à Bernaclis frequentata, tam in Hibernia quàm in Scotia, Bernaclæ originem

gem sumere solent. Porro hæc Bernacla generatio non usque adeò prodigiosa illis videbitur (inquit jam dictus Turnerus) qui quæ Aristoteles de volucre Ephemero scripsit, legerint, quod in Hypaxi fluvio, ex folliculis quibusdam erumpat. Ad hanc opinionem firmandam videtur, porro quæ habet Jo. Gerardus, ad finem historię suæ Plantarum. Quid è contra obijciatur, petendum ex Pontani Rerum Amstelodami. Histor. lib. 2. cap. 22, & ex Fabii Columinæ Piscium aliquot historiâ, Neapoli editâ 1592. Utcunque, in re quæ plenius scrutinium mereri videatur, nihil definitio. Sed (ut caput hoc claudamus) inter verè miranda non omittendum, licèt suprâ dictum, cap. VII, Hiberniam non gignere venenatum quicquam, nec alere aliundè investum, habere tamen araneas & lacertas, sed eas non venenatas. Unde Hiberniam de se suisque dotibus, ita loquentem introducit Hadr. Junius,

*Cui Deus & melior rerum nascentium origo
Jus commune dedit cum Creta altrice tonantis,
Noxia ne nostris diffundant sibila in oris
Terrifici cretæ tabo Phorcynidos angues;
Et fortè illati compressis faucibus atris
Viroso pariter vitam cum sanguine ponant.*

Cæterùm an lignum Hibernicum valeat contra venenata, quod aliqui asserunt, non indignum est indagine penitiorè, eoque studiosius, quia venerabilis Beda Eccles. histor. lib. 1, cap. 1, asserit omnia penè quæ de eadē insula (Hibernia sc.) sunt, contra venenū valere. Denique vidimus (sic porro ille) quibusdā à serpente percussis, rasa folia codicū, qui de Hibernia fuerunt, & ipsam rasuram

rasuram aquæ immissam, ac potui datam, talibus protinus totam vim veneni grassantis, totum inflati corporis absumpsisse ac sedasse tumorem. Interim corrigendus est Cardani error, qui lib. 10, de Subtilitate, pro Hibernia Britanniam asserit carere Serpentibus. Hæc ejus assertio in eundem errorem duxit Jul. Cæs. Scaligerum, licet ille immunitatis causas à Cardano assignatas, meritò confutet, Exercitatione 200.

CAP. XV.

De Academiis, sive Scholis insignioribus Hiberniæ. Deque aliis, apud exterarum nationum, Hibernorum operâ excultis.

Sect. I.

Fuisse olim in Hibernia Scholas insigniores, five ut nunc appellamus, Academias, ad quas Hiberni & Britones, ac demùm Galli ac Saxones, tanquàm ad bonarum literarum Emporia confluxerunt, ex antiquis scriptoribus, fide dignis, liquidò constat. De hac re, vid. Bed. lib. 3. Histor. Eccles. gentis Anglorum cap. 7, & 27, & lib. 4, cap. 26. Item Alcuin, in profaicâ S. Willibrordi vitâ, cap. 4, & lib. 2, de vitâ ejus, carmine, cap. 1, & 33, Eric. Autissiodorens. Monach. lib. 1, cap. ultim. de miraculis S. Germani, & Sulgeni vitam, à filio ejus Johanne, (qui claruit anno Dom. M L X X X I X) carmine descriptam. Inter Scholas eas, ut antiquissima, ita olim eminebat Armachana; De qua, ita scriptor vitæ S. Patricii, qui eam tribus libris complexus est, diù ante Anglorum adventum in Hiberniam. Ibi B. Patricius civitatem, quæ dicitur Arma-

cha,

cha, instituit, in qua est omnis Archiepiscopatus Hibernia, quam valdè dilexit S. Patricius viper vens, & in qua summum constituit suum honorem secula. In ipsa jam civitate, scil. Armacha, Summum Studium literale manet semper. Gildam Albanium ibi ad tempus Studium rexisse tradit Carodocus Lhancarvanensis Superfunt porrò etiamnùm nomina Prælectorum quorundam ibidem, sub ipsis Norwegorum in Hibernia sævientium temporibus, tanquàm antiqui splendoris reliquiæ : Atque si Florentio Cartæo credamus, ex M S. nescio quo Oxoniensi, census studiosorum ejusdem Academiæ, uno eodemque tempore olim septem millium numerum excessit. Sed hoc transeat. Author Annalium Ultoniensium ad annum 1020 (qui nobis est 1021) Armacham universam tunc combustam asserit, eodemque incendio periisse (inter alia ibi memorata) antiquam Cathedram Præceptorum : Ad annum itidem 1162 vel 1163, Synodum 26 episcoporum coactam asserit in loco dicto Cleonad, præsidente Gelasio Armachano Archiepiscopo, in qua decretum est, ut nullus deinceps ad Theologiam publicè prælegendam admitteretur, nisi qui Academiæ Armachanæ fuerat Alumnus. De Schola Clonardenfi, ad Boinum flu. in Midia, hæc habemus in vita S. Finiani fundatoris, qui claruit anno Dom. DXXX, In loco qui Cluanaraird dicitur, velut Sol in medio cæli, Finianus radios virtutum & salutaris doctrine atque miraculorum illustrando mundum, emisit. Fama enim bonorum operum ejus, ex diversis terræ partibus, viros illustres, partim ad scripturam sacram addiscendam, partim ad Ecclesiasticam institutionem percipien-

dam, quasi ad quoddam totius sapientiæ Sacra-
rium, attraxit : quorum nomina sunt, duo Kiera-
ni, (Kieranus filius Artificis, qui Mac-Itair di-
citur & Kieranus Saigre) Columba-Kill & Co-
lumba filius Grimthaind, duo Brandani (Bran-
danus filius Findlogæ, & Brandanus Birra, qui
Propheta in Scholis illis & sanctorum Hibernensiu-
um habebatur) & Lasarianus filius Nathfraith,
& Sinel filius Maënaci, & Cainecus filius Ne-
potis Daland, & Ruadan Lothra, & Nannyd
Lamdere, & Mugenoc Killicumuli, & Episco-
pus Sennach. Et in vita S. Moluæ, Venit ad
sanctam Scholam S. Finiani, in sua Civitate
quæ est in consinio Laginensium, & nepotum
Neill : in qua Schola, multitudo Sanctorum
Hiberniæ Divinitatem apud S. Finianum scru-
tabantur. Scholam ibi Academiam vel Gym-
nasium significare res ipsa loquitur. Scholam
etiam eandem Ciceronis ætate habuisse fig-
nificationem, ubi vox grammaticalis non ad-
iuncta fuit, è Cicerone rectè colligit Johan-
nes Caius, de Antiquitate Cantabrigiensis
Academiæ lib. 1, pag. 177. Neque dubitan-
dum est, Studium de quò suprà, idem olim
denotasse : Atque ita eodem sensu D. Hiero-
nymus ad Rusticum Monachum scribens, vo-
cat *Studia Galliarum florentissima*. Fuit & ali-
ud bonarum literarum Domicilium Rossæ in
Carbria, antiquitùs *Ross-ailithri* dictæ, à
S. Fachnано, Seculo sexto erectum ; De
quo ita Scriptor vitæ S. Mocoëmogi, *Habi-*
tavit S. Fachnanus in australi Hiberniæ parte,
juxta mare, in suo Monasterio quod ipse funda-
vit. Ibi crevit Civitas, in qua semper mansit
magnum Studium Scholarium, quæ dicitur
Ross-ailithry. Sanctum Brendanum ibi ar-
tes

res liberales prælegisse asserit, quâ authoritate nescio, in Chronico suo Hiberniæ, Meredythus Hanmerus. Inter Academiæ itidem numerandæ sunt fortassè *Beg-Eri*, sub S. Ibaro, Clonferta, sub S. Brendano, Bangora, sub S. Congallo, Rathena (in Fercallia) & Lismora, sub S. Carthago, & Leghlina, sub S. Laferiano, Mirum est fanè, quod de magnis monachorum agminibus, sub eorum tutelis, à Scriptoribus traditum. De aliis antiquis Musarum Sedibus in Hibernia, Casseliensi sc. & Dundenfi, fit nuda mentio in Epistola quadam Florentii Cartæi supradicti, ad Donatum non ita pridem comitem Thomoniæ. Sed, de iis, nihil prætereà traditum reperi. De hac re, qui plura scire avet, consulat profundæ eruditionis virum D. Jacobum Usserium Arma-
chanum, in Britannicarum Ecclesiarum Antiquitatibus.

Venio jam ad recentiorum temporum Academiæ; & hîc primò se nobis offert Academia Dubliniensis. Johannem Lechum, Archiepiscopum Dublinensem, à Clemente V, Bullam procurâsse foundationis *Universitatis Scholarium* Dublinii, datam 3 Idus Julii, Pontificatus anno 7, certò constat. Sed per Archiepiscopi mortem, quæ secuta est 10. Augusti, anno Dom. MCCCXIII, irritò successu. Anno verò MCCCXX, Alexander de Bicknor successor ejus in Archiepiscopatu Academiam de novo fundavit, & Johannis XXII autoritate confirmari curavit. De regulis in ea observandis, en tibi ipsissima Instrumenti verba, *In Dei nomine, Amen. Nos Alexander de Bicknore permissione divina Dubliniensis Archiepiscopus, Volumus Concedimus & Ordinamus,*

Ordinamus, de consensu & assensu Capitulorum
 nostrarum S. Trinitatis & S. Patricii Dublin.
 Magistris & Scholaribus Universitatis nostra
 Dublin. quod Magistri actu regentes dictæ Uni-
 versitatis possint eligere Cancellarium, Doctorem
 in sacra pagina, seu jure Canonico. Ita quod si
 in altera Ecclesiarum nostrarum S. Trinitatis
 vel S. Patricii ejusdem loci, in dictis scientiis
 fuerit aliquis in iisdem facultatibus adeptus, in
 Cancellarium præ omnibus cæteris, per eosdem eli-
 gatur. Et si, quod absit, in electione ejusdem
 Cancellarii fuerit discordia, quod tunc stetur
 electi quæ majoris partis dictorum regentium in
 numero duntaxat. Et Cancellario dictæ Uni-
 versitatis cedente vel decedente, alius infra
 XV dies eligatur, & idem electus nobis & succes-
 soribus nostris presentibus, seu Vicariis nobis vel
 illis in remotis agentibus, Sede Dublinensi ple-
 nâ, & Sede vacante, Custodi Spiritualitatis e-
 jusdem, pro confirmatione obtinenda, infra quin-
 decim dies, à tempore electionis presentetur, pro
 confirmatione sua petenda & obtinenda. Volumus
 ad hæc, quod duo Procuratores actu regentes, cum
 fuerit copia magistrorum regentium, simili modo ut
 prius eligantur; Et quod iidem Procuratores, cum
 Universitas prædicta Cancellario caruerit, vices
 suppleant ejusdem Cancellarii. Et si electio Can-
 cellarii infra quindecim dies celebrata non fue-
 rit, extunc devolvat Jurisdictio ad Officialē curiæ
 Dublin. Sede plena, vel Sede vacante, ad Custodē
 Spiritualitatis, quousque Cancellarius electus fue-
 rit & confirmatus, vel saltem aliquid non obsistat
 canonicum, quo minùs debeat confirmari. Con-
 cedimus etiam quod dominus Cancellarius habeat
 Jurisdictionem spiritualement in Magistros & Scho-
 lares, ubi actor & reus sunt de Universitate præ-
 dicta,

dicta, & in eorum familiares, & approbationem
& reprobationem testamentorum eorum Magi-
strorum, Scholarium, & familiarium, ac dispo-
sitiones bonorum eorum, si intestati decesserint.
Ita tamen quod mulctæ ipsis delinquentibus indi-
cendæ, & emolumenta inde, & ex quacunque a-
lia causa, de Jurisdictione prædicta provenien-
tia, in cista quadam Universitatis prædictæ re-
ponantur, convertenda in utilitatem dictæ Uni-
versitatis communem, secundum dispositionem
Cancellarii & Magistrorum; & quod duas cla-
ves cistæ habeant Procuratores, & tertiam nomi-
natus per Cancellarium; Et inde dicti Procura-
tores bis in anno, coram Cancellario & Magi-
stris regentibus, computum reddere teneantur, vel
coram Deputatis seu Deputandis ab iisdem. Ju-
risdictionem verò nostram & Decani nostri S. Pa-
tricii prædicti, in familiares nostros & Canoni-
cos Ecclesiarum prædictarum, & ad eorum fami-
liares, & super gleba præbendarum existentes
nullatenus à nobis seu ab ipso Decano abdicantes.
Provisò tamen quòd pro officio Cancellarii & e-
jus oneribus supportandis, pro loco & tempore,
secundum Universitatis facultates honorificè or-
dinetur. Si verò Cancellarius prædictus vices
suas aliquibus, vel alicui committere voluerit, in
causis specialiter & universaliter cognoscendis,
facultatem eidem concedimus per præsentem. Et
si ab iisdem Commissariis appelletur, primo ad
eundem Cancellarium & Regentes appelletur,
qui per se in dicta causa appellationis cognoscent,
vel per alios illa vice; à quibus si secundo appel-
letur, ad nos vel officialem curiæ nostræ, seu Cu-
stodem, ut præmittitur, ipsa appellatio interpo-
natur. Licentiandi insuper Baccalarii, in fa-
cultate quacunque, præsententur Cancellario
prædicto,

prædicto & Magistris regentibus, qui si sufficientem numerum, pro tempore per ipsos ordinando, obtinuerint Magistrorum in eadem facultate, pro literatura, & quoad illos & alios aliarum facultatum, pro moribus, deponentium, quibus credi volumus, si iurati de credulitate deponentur, non obstante minoris partis numero Magistrorum contraditione, licentientur, alioquin per gratiam transeant Universitatis. Et si quis contra licentiandus in quacunque facultate, aliquid objecerit, & illud in formâ Juris non probaverit, eo ipso habeatur pro malitiosè opponente, & propter refusionem damnorum & expensarum parti faciendarum, Universitatis privilegio privetur ad tempus, vel ad perpetuum, prout Cancellarius & regentibus visum fuerit, habitâ consideratione ad qualitatem rei objectæ & conditionem utriusque personæ. Concedimus etiam, pro nobis & successoribus nostris, quòd Cancellarius, de consilio Magistrorum regentium & non regentium, si necesse fuerit, Statuta condere possit, ad honorem & pacem Universitatis, & ad scandala dirimenda, quæ contingere poterint, in eventum & illa Statuta debent nobis & successoribus nostris præsentari, & per nos & eosdem successores confirmari. Ordinamus etiam quòd nos & successores nostri eligere possimus secularem in Theologia regentem, vel de quacunque religione, qui in Ecclesia nostra S. Patricii præfata actualiter legat in sacra pagina, sine alicujus contraditione vel calumnia, perpetuis temporibus in futurum. Ac nobis vel illis successoribus nostris agentibus in remotis, quòd Cancellarius hoc faciat vice nostra & eorundem successorum. (Eo non obstante quòd Scholas fratrum Prædicatorum ac Minorum duximus canonizandas.) Et quòd Cancellarius

cellarius electus, & à nobis & successoribus nostris confirmandus Juramentum nobis & successoribus nostris præstet fidelitatis. In cujus rei testimonium, Sigillum nostrum, una cum Sigillis Capitulum nostrorum S. Trinitatis & S. Patricii Dublin. prædictorum, præsentibus est appensum. Datum Dublini, decimo die Februarii anno Dom. MCCCXX, & Consecrationis nostræ quarto. Tumque S. Theologiæ Doctores creati sunt ibidem Gulielmus de Hardite ordinis Prædicatorum, Henricus Gegry ordinis Minorum & Edmundus de Karmardin ordinis Prædicatorum. Item ad gradum Doctoratus in Jure Canonico, promotus est Gulielmus Rodiart Decanus Ecclesiæ S. Patricii Dublin. Qui constitutus est etiam primus Academiæ Cancellarius. Lecturam Theologicam, ab Edwardo III, ibi postea institutam docet Reges Johannis Alani Archiepiscopi Dublin. Cæterum deficientibus facultatibus, quibus alumni alerentur, Academia ipsa paulatim defecit. Remanebant quidem vestigia aliqua Academiæ, tempore Henrici VII, Nam in Concilio Provinciali Dublini habito, in Ecclesia S. Trinitatis, coram Waltero Fitz-Simons tunc Archiepiscopo Dubliniensi, concessa sunt, ad septennium, Lectoribus Universitatis, stipendia quædam, ab Archiepiscopo, Suffraganeis & Clero Provinciæ Dubliniensis, annuatim solvenda. Tandem verò Elizabetha Regina, Dublinio Academiæ honorem restituit: Nani Collegium SS. Trinitatis nomini consecratum, posuit (in loco ubi olim Dermotus filius Murchardi rex Laginæ, cænobium omnium Sanctorum, vulgò dictum *Al-Hallows*, Canonicis ord. Aroa-

censis construxerat) prædiis ditavit & Academicis ornavit Privilegiis. Primum lapidem posuit Thomas Smithus Prætor Dubliniensis, 13 Martii anno MDXCI, stylo Anglicano, & 9 Januarii MDXCIII, studiosi primum admissi. Eidem postea Collegio rex Jacobus præter annuam 388 librarum & 15 solidorum Monetæ anglicæ, è fisco, pensionem, amplissimas in Ultonia possessiones elargitus est. Atque hæc unica nunc est Hiberniæ Academiæ, Athenæ nostræ. Neque silentio prætermittenda est Academia *Pontanæ erecta, autoritate Parlamenti ibi habiti, Mense Novembri MCCCCLXV, coram Thoma Comite Desmondia, Deputato Georgii Ducis Clarentia, Hiberniæque Locum-tenentis, & Academiæ Oxoniensis Privilegiis adornata. Cæterum ea Academia, ex defectu proventus, brevi evanuit.

* al. Drogheda.

Foundationis Statutum ipsum (Gallicè, pro more illorum temporum) typis antehac non excusum, lectori integrum hic visum est exhibere, ex Archivo Cancellariæ Hiberniæ, anni V Edwardi IV, cap. 46.

Item a la requisition des Communes, Que pource que la terre d'Irland a nulle Université, ni Estude generale, dans la mesme, laquelle autre vouldroit cause si bien l'encreffe du science, richesse & bonne governance, comme l'avoidance du riot, male governance & extorsion dans la dite terre. Ordonné est & establie & granté par authorité du dit Parlement, que soit une Université à la ville de Drogheda, en laquelle Université, pouvoient estre faits Bacheluers, Maistres & Docteurs en toutes sciences & facultez, si comme ils sont en l'Université de Oxenford, &

aussi

aussi d' avoir , occuper & enioier toutes man-
niers, libentes, privileges, & loix , & laudables
coustumes, que la dite Université d' Oxenford a
occupié & enioié. Perainsi qu' elle ne soit pre-
judiciable au Maire , vicomité , ni communauté
de la ville de Drogheda. Ita Statutum.

De Academiis apud exterâs nationes ab *Seçt. 2.*
Hibernis excultis, Parisiensi nimirum in Gal-
lia, & Ticinensi, sive Papiensi, in Italia, vid.
quæ habet Notkerus Balbulus, vetustus cœ-
nobii Sangallensis Monachus, lib. de Gestis
Caroli Magni, quem ex MS. codice Bavarico,
edidit Henricus Canisius, tomo I antiquæ Le-
ctionis, anno Dom. MDCI. Consule etiam D.
Rothæum, in Brigidâ Thaumaturgâ, & Hi-
berniâ resurgente.

CAP. XVI.

*De antiqua Dispositione Episcopatum
Hiberniæ.*

PArnassum Hibernicum obambulavimus.
Nunc Sedes Episcopales videamus. Jo-
hannes Paparo Presbyter Cardinalis tituli S.
Laurentii in Damaso, Legatus ab Eugenio
III, in Hiberniam missus quatuor Pallia secum
detulit, quæ (ut aliàs diximus) in Synodo ha-
bitâ Mense Martio, anno MCLII, quatuor
Archiepiscopis tradidit, Armachano scil. Dub-
liniensi, Casseliensi & Tuamensi. De loco Sy-
nodi variant Scriptores; Nam aliqui in cœ-
nobio Mellifontis, alii Kenanussæ sive Kenli-
sæ, (quàm hodiè contractè *Kells* dicimus)

in Midia habitam volunt. In ea Synodo cui-
libet Archiepiscopo certus Suffraganeorum
numerus subiectus est & assignatus. Horum
Dispositio, in codice Censuum cameralium
Centii Camerarii, qui fuit postea Honorius
III, ita exhibetur.

Sub Archiepiscopo Armachano.

<i>Epif- copa- tus de</i>	[Conner.	<i>Sive recē- tiori- bus nomi- nibus, Epif- cop.</i>	[Conorenfis.
	[Dū-daleghlas.		[Dunenfis.
	[Lugud.		[Ludunenfis,
	[Cluainiard.		[al. Louthenfis.
	[Connanas.		[Clonardenfis.
	[Ardachad.		[Kenanenfis,
	[Rathboth.		[al. Kellenfis.
	[Rathlurig.		[Ardachadēfis.
	[Damliag.		[Raportenfis.
			[Rathlurienfis.
			[Damliagenfis.
			[al. Dulekenfis.
	[Darrich.		[Derenfis.

De hac Distributione, non pauca hīc notanda:
Nam si ad recentiora tempora veniamus, Se-
des Clonardenfis, Kenanenfis, & Damlia-
genfis, non diū post Anglorum adventum in
Hiberniam, coaluerunt; ideoque Episcopi jam
inde, à Midia, in qua dictæ sedes sitæ, sty-
lum mutuati, Episcopi Midenfes sunt appel-
lati. Item Sedes Rathlurienfis adiecta est Ca-
thedræ Derenfi. Ad Lugudunensem quod at-
tinet; illius Sedis Episcopus quandoque
Ludunenfis sive Lugudunentis, quandoque
Clochorensis dicebatur. Nam licet illæ
duæ Sedes (Ludunenfis & Clochorensis)
originitus fuerint distinctæ, tandem tamen
coaluerunt,

coaluerunt & unitæ manserunt, usque ad tempus Davidis O-Bragan Episcopi Clochorensis (qui vixit sub Henrico III,) Tum verò omnes Ergalliæ five Urielis Decanatus, qui olim suberant Episcopo Ludunensi five Clochorensi, unà cùm ipsa Ecclesia Ludunensi, ab eo abstracti fuerunt, & Diœcesi Armachanæ adjecti. Qua de re extat jam dicti Davidis Actio, data Perusii, Id. Augusti anno MCCLII, contra Reinerum Archiepiscopum Armachanum, licet irritò successu. Denique in hac Distributione, (quod hîc non prætermittendum) desunt Sedes Dromorensis, Clonmacnoisensis & Triburnensis, quæ postrema, vetusto eo nomine tandem deposito, nomen accepit Sedis Kilmorensis, ex quo Andreas, (Bradæus ni fallor) loci Episcopus circa annum MCCCCLIII, Ecclesiam parochialem S. Felimeide Kilmore, Nicolai quinti Papæ assensu, in Ecclesiam erexit Cathedralem. Ad sedendi ordinem quod attinet, inter Episcopos Suffraganeos Hiberniæ, in Conciliis & alibi, Episcopus Midenfis primum habuit locum; Secundum sibi asseruit Episcopus Darenfis, Cæteri secundùm tempora ordinationum federunt.

Sub Archiepiscopo Dublinensi.

Episcopus de	{	Clendelachi.	{	Postea dicti Episcopi.	{	Glendelacensis.
		Fern.				Fernensis.
		Cainic.				Ossorienfis,
		Leghlin,				Lechlinensis.
		Childar.				Darenfis.

Sedes Glendelacensis quæ (in Bulla Lucii Papæ III data 1182, à Johanne Comino Archiepiscopo Dublin. impetrata) dicta est *Episcopatus Insularum*, unita fuit postea & annexa cathedræ Dublinensi, tempore Henrici Loundres Archiepiscopi Dublinensis. Non defuerunt qui tradidere Sedem Fernensem olim subfuisse Cathedræ Menevensi in Wallia ; Sed transeant conceptus isti imaginarii.

Sub Archiepiscopo Casseliensi.

Episcopus copatus de	Cendaluan.	Po- stea di- ci E- pis- co- pa- tus	Laonensis al. <i>Killalow.</i>
	Limerich.		Limericensis.
	Insula Gathay.		Iniscattiensis.
	Cellumabrach.		Fenaborens. al.
	Ole-imlech.		<i>Kilfenoragh.</i>
	Roscreen.		Imelacensis.
	Waltifordian.		Roscrænsis,
	Lismor.		Waterfordiens.
	Cluainvanian.		Lismorensis.
	Corcaia.		Clonensis.
	Ros-ailither.		Corcagiensis.
	Ardfert.		Rossensis.
			Ardfertenfis.

Ex his, Sedes Iniscattiensis, post Anglorum ingressum, adjecta est Cathedræ Limericensi, & Roscrænsi, Laonensi. Item adunatae sunt sedes Waterfordiensis & Lismorensis, deinde Corcagiensis & Clonensis, atque demum Imelacensis adjuncta est Casseliensi.

Sub Archiepiscopo Tuamensi.

Epis- copa- tus de	{	Mageo.	{	Po-	{	Magionensis.
		Cell-alaid.		stea		Alladenfis, vul-
		Roscoman.		dicti		gò Kill-alla.
		Cluanfert.		Epi-		Roscomanefis
		Achad.		fco-		Clonfertensis.
		Cinani.		pa-		Achadenfis.
		Celmun-duac.		tus		vulgò Achonry.
						Cluanensis.
						Duacensis vul-
						gò Kilmacogh.

Ex his, sedes Episcopalis Magionenfis po-
stea adjuncta est Cathedræ Tuamensi, sicut,
quæ in dicta distributione omiffa, Enaghdu-
nenfis. Porro Roscomanenfis Elphiniæ po-
stea translata est, & Cluanenfis Provinciæ Ar-
machanæ adjecta, post longam nimirum ea de
re contentionem Romæ agitatum, inter Archi-
episcopos Armachanum & Tuamensem. Nam
non possum non suspicari *Cinani* corruptè
ibi legi pro Cluana (vulgò Clonmacnoiffa) tum
ob nominis affinitatem, tum ob sedis illius
propinquitatem, ut quæ à provincia Tuamensi
Shenano flumine tantum distinetur.

Nomina Episcoporum qui Synodo interfu-
erunt, in qua facta fuit dicta distributio, ex
antiquo codice MS. visum est hîc appo-
nere; quia huic rei lucem aliquam præ-
bent,


Giola-Christ (sive Christianus) *O Conarchi*
Episcopus Lismorensis Legatus, Giolla mac-liab
(s. Gelasius) Primas Hiberniæ, Domnaldus O
Lonargain Archiepiscopus Momoniensium, i.
Casseliensis, Æda O Hossin Archiepiscopus Con-
naghten-

naghtensium, i. Tuamensis, Greri (five Gregorius) Episcopus Athacliath, i. Dublinensis, Giolla-na-namb Episcopus Glendelacensis, Dungallus O-Cellaid Episcopus Lechlinensis. Tuistius Episcopus Waterfordiensis, Domnaldus O-Fogortaic Episcopus Ossoriensis, Find mac Tiarcaic Episcopus Kildarensis, Gillo-anchomdheh (five Deicola) O-Ardmail Episcopus Imelacensis; Giolla-Eda O-Maigin Episcopus Corcagensis, Macrona Episcopus Kierensis, i. Ardfertensis, Torgesius Episcopus Limericensis, Muirchertach O-Melider Episcopus Cluainmicnois, Maliosa O-Conachtain Episcopus Airthir-conacht
 ———— O-Ruadan Episcopus Luigni, Achadensis, Macraith O-Morain Episcopus Conmacne, i. Ardachadensis, Ethru O-Miadachain Episcopus Cluanairardensis, Tuathal O-Connachtaig Episcopus Huambrui, i. Enachdunensis, Muiridheach O-Cobthaig Episcopus Ceanla-Eogain, i. Derensis, Mal-Patricius O-Bainan Episcopus Dailraid, i. Connorensis, Maliosa Mac-Inchricuir Episcopus Ullagh, i. Dunensis. Ceteris, quorum tituli, à regionibus, in quibus Sedes eorum sitæ, quandoque mutabantur, suprâ recentiora nomina adjecimus. Huc Distributioni sic absolutum est adicere Insignia jam dictarum
 IV Sedium Archiepiscopalium.


INSIGNIA

Sedium Archiepiscopalium
Hiberniæ,

Sed. Armach.



Sed. Dublin.



Sed. Caster.



Sed. Tuam.



Fuerunt & aliæ sedes Episcopales in Hibernia, ante Paparonis adventum, de quibus fit mentio apud Scriptores Hibernicos, Trimmenfis nimirum, Sleptenſis, Luſcenſis, Ardmorenſis, Ardſrathenſis, Slanenſis & (ut cæteras hic prætermittamus) Saigerenſis. Sed illæ partim in Synodo ſuprà memorata, partim antea, & partim brevi poſtea aliis cathedris adjunctæ fuerunt & annexæ. Denique ſi prima ſurgentiſ Eccleſiæ Hibernicæ tempora ſpectemus; Joceliius Furneſenſis in vita S. Patricii cap. 186, affirmat eum CCCL (Nennius habet CCCLXV,) *Episcopos manu ſua conſecraſſe*. Ut ut fuerit, Sedes illius ævi Episcoporum, in villis exiguis plerumque ſitas, non diu poſtea, ad longè minorem numerum fuiſſe redactas, certò conſtat. Sed hæc pleniorẽ requirunt diſquiſitionem; Nos aliò feſtinamus.

CAP. XVII.

De Corbis sive Corbanis, Erenachis sive Herenachis, Scribis, Colideis & Anachoretis Hiberniæ:

Deque Igne dicto inextinguibili, à Monialibus Kildariensibus, olim custodito.

DE ordinibus hîc agimus in Ecclesia Hibernica olim repertis, è quibus nomina aliqua rarò alibi audita. Corba sive Comorba, Corbanus sive Comorbanus, (nam variè legitur) significat, secundùm aliquos Chorepiscopum, unde nomen (ut putant) barbara contractione sortitum; Alii volunt *Comfurbach* Hibernis significare comprædianum, sive ejusdem prædii vel patrimonii possessorem. Passim verò (ut rectè Colganus) usurpatur, apud priscos nostros Scriptores, pro successore in Prælatura, vel dignitatè Ecclesiastica. Et hoc sensu in Annalibus & Historicis Hibernicis sæpè occurrit mentio Comorbanorum Patri-
Seç. I.
 cii, Albei, Jarlathi, Columbæ, Fechini, aliorum. Cæterum hoc loco, loquimur tantùm de Comorbanis qui laici fuerunt, & plerùmque uxorati, licèt ex iis aliqui impropriè olim appellabantur Abbates, & alii, Priores. Illis, eorùmque familiis assignatæ sunt terræ quædam liberæ, vulgò *Termon-lands* dictæ, de quibus plura postea in Erenacho. Neque Wallis olim (ut opinor) ignotus fuit hic Ordo, licèt alio vocatus nomin. Nam Comorbanum denotare videtur Giraldus Cambrensis, Itinerarii

rarii Cambriæ lib. 2, cap. 4, nomine Abbatis laici. Sic enim ille. *Notandum autem quod hæc Ecclesia (de Lban-Padern-Vaur, five Ecclesia Paterni magni loquitur) sicut & alia per Hiberniam & Walliam plures, Abbatem laicum habet. Usus enim inolevit & prava consuetudo, ut viri in Parochia potentes, primo tanquam Oeconomi, seu potius Ecclesiarum Patroni & Defensores, à clero constituti: postea processu temporis, auctâ cupidine totum sibi jus usurparent, & terras omnes cum exteriori possessione, sibi impudenter appropriarent: solum altaria cum decimis & obventibus clero relinquentibus, & hæc ipsa filiis suis & cognatis assignantes.* Sed pergamus.

Sec. 2.

Ad Erenachum five Herenachum jam ventum est: Is Archidiaconi munere functus, unde nomen accepit, non autem superioris generis (ut in Dom. Henrici Spelmanni Archæologo, ex observationibus D. Jacobi Usserii Armachani legimus) qui hodie sub Episcopo, Jurisdictione fruitur, sed antiqui illius, qui Presbytero inferior, pauperes & Xenodochia (diaconias inde appellata) curabat. Illi porrò ejusque stirpi assignatæ sunt olim terræ dictæ **Termonlands**, utpote liberæ & immunes à secularibus impositionibus, sed pensionibus quibusdam & refectionibus, annuatim Episcopo in cujus Diocæsi fuerunt, pendendis, oneratæ. Verbum *Termon* mutuatum videtur à Termino Deo, cui Ethnici olim templa construebant, quod rusticorum lites, in dividendis agris, eum sustulisse crederent. Ita *Termon* fuit quasi terminus, five prædium limitatum & distinctum à prædiis Laicorum, unde & dici cœpit pro Sanctuario. Sed

Sed ad Erenachum redeamus. Mortuo aliquo Erenacho, cæteri ejusdem stirpis, qui terras eas possederunt, talem è suâ familiâ, ad hoc munus suscipiendum elegerunt, qualem ob ætatem & mores, idoneum judicârunt. Is, uxoratus plerûmque,, sed qui primam habuit tonsuram, Episcopo præsentatus, ab eo admisus est & confirmatus, ac sub introitu, subsidium Episcopo solvit; sin ob justas aliquas rationes rejectus, alium in ejus locum elegerunt. Si discreparet de electione familia, tunc ab Episcopo & clero electus est Erenachus; at ex eadem stirpe. Si porrò stirps ea deficeret, tunc ab Episcopo & clero, ad munus illud subeundum, alia electa est familia, sub conditionibus olim usitatis. Sunt qui Herenachum à verbo *hæreo* ducunt, quòd gremio Ecclesiæ quasi hærebat, & alii, qui per *Termon*, *Terram Monachorum* intelligunt. Sed ego priores deductiones magis probo.

Scribe apud Judæos, Lectores erant & Do- Sect. 3.
ctores sive Interpretes Legis. Ad veteres Hibernorum Scribas quod attinet, non possum non per eos intelligere Theologiæ Lectores. Ita olim vocabantur viri eruditione clari, Suibneus Clonmacnoisensis, qui obiit anno Dom. DCCCXCI, Cormacus Culiani filius, Rex & Episcopus Casseliensis, in prælio occisus an. Dom. DCCCXVIII, & (ut alios hîc prætermittamus) Cele Comorbanus S. Comgalli qui ex hac vitâ migravit an. Dom. DCCCXCVIII. *Lectoris* nomen longè frequentius (fateor) apud historicos Hibernicos invenitur. Non desunt tamen (ne quid lectorem celemus) qui per veteres Hibernorum *Scribas*, Scriptores intelligunt. Quære.

Erant

Sect. 4.

Erant porrò apud Hibernos, Presbyteri nonnulli, *Colidei*, five *Culdei*, i. e. cultores Dei appellati. Ita in Insula Viventium, Hibernicè Inchinemeo, apud Tipperarienses in Momonia, erat *Capella*, cui (ut Giraldus Cambrensis testatur, Topograph. Hiberniæ distinct. 2. cap. 4,) *pauci cælibes*, quos *Cælicolæ* vel *Colideos* vocant, devotè deserviebant. Illi certè cœnobium erat olim Canonicorum regularium. Quære an dicti *Colidei* ejus fuerint ordinis. Monachos quosdam ita dictos in *Enbly* (five *Berdseia*) insula, apud Cambros, disertè asserit dictus Giraldus, Itinerar. Cambr. lib. 2, cap. 6. Erant porrò Presbyteri quidam seculares, choro inservientes in Ecclesiâ Cathedrali Armachanâ qui *Colidei* appellabantur, & eorum Præses, Prior collegii *Colideorum*, eratque loco Præcentoris dictæ Ecclesiæ. Hunc, vacante Prioratu, eligebant *Colidei*, & sic electum confirmabat Archiepiscopus Armachanus. Erat item Prior *Colideorum* apud *Cluain-Inis* in agro Monaghanensi. Item alius, apud *Devenish* in agro Fermanachano, uti testatur Regestum Johannis Kyte, sub Henrico VIII, Archiepiscopi primum Armachani, deinde Thebani, ac demùm Episcopi Carleolensis in Anglia. Monachos porrò & Sacerdotes apud Scotos Albanienfes, *Culdeos* olim dictos, notat Hector Boëthius, Histor. Scotiæ lib. 6. Denique non ignotum erat hoc nomen, apud ipsos Anglos: Nam Regestum chartarum Hospitalis S. Leonardi Eboraci (quod in Bibliotheca instructissima D. Thomæ Cottoni Baronetti asservatur) docet *Ministros* Ecclesiæ Cathedralis S. Petri Eboracensis, tempore Æthelstani regis Angliæ, di-

ctos

hos fuisse *Colideos*, ac ejusdem ecclesiæ *Colideos*, sub Gulielmo Victore, fundasse *Hospitale S. Petri Eboraci*, in pauperibus ad ipsam civitatem confluentibus, sed à Gulielmo Rufo rege postea translatum ad locum Regium; & jam inde à Stephano rege, qui ecclesiam ibidem, in honorem S. Leonardi, construxit, dictum *Hospitale S. Leonardi*.

Neque deerant *Anachoretæ*, qui cellas suas *Sec. 5.* habebant *Fouræ*, *Lismoræ*, *Kilkennia*, ad *S. Dulachi*, & alibi in *Hibernia*. Hi alio nomine dicebantur *Inclusi*, quod in cellis sive *Anachoretagiis* se includerent. Atqui mos ille non tam strictè observabatur, quin qui semel inclusus, aliquandò dispensatione aliò migraret. Sic in annalibus *Ultoniensibus*, ad annum 928, ita legimus, *Cele Comorbanus Comgalli Scriba, Anachoreta & Apostolicus Doctor totius Hibernia*, anno 59 ætatis sue, 18 *Calendas Octobris*, in peregrinatione, feliciter *Romæ* quievit. Et *Marianus Scotus*, in *Chronico* suo, ad annum 1069, *Ego miser Marianus, jussu Episcopi Moguntinensis & Abbatis Fuldensis, feria sexta ante Palmas, 3 nonas Aprilis, post annos decem meæ inclusionis, solutus de clusa in Fulda, ad Moguntiam veni, & in festivitate septem fratrum secundo includor*. Sic ille de seipso. *Regula vitæ Anachoreticæ* extat in libro MS. olim pertinente ad cœnobium *S. Thomæ* juxta *Dublin*. cum adjunctâ *Epistolâ Roberti* cujusdam *Presbyteri*, ad *Hugonem Anachoretam*, de eodem argumento, scriptâ (ut conjicio) circa tempora *Henrici III.* Sed eorum varias olim fuisse regulas certò liquet. In *Regesto Octaviani de Palatio*, *Florentini*, *Archiepiscopi Armachani*, sit mentio *Meileri Bratnagh*, *Ordinis*

dinis Minorum de Observantiâ, qui oculorum lumine orbatus admissus est per dictum Archiepiscopum, 10 Julii MDVII^{mo} Anachoriticam ducere vitam, juxta Ecclesiam Cathedralem Casseliensem, ubi sibi locum in pariete construxerat. De Inclusis, vid. plura apud Marianum Scotum & Florentium Wigorniensem, ad ann. MXLIII & MLVIII. De alio Anachoretarum genere, vid. vitas Patrum, lib. 4, cap. 8. Seniores hîc prætermitto, à Scriptoribus antiquis Hibernicis ita nempè appellatos, quòd *Senior*, dignitatis, apud eos, non Ordinis alicujus specialis neque Officii fuerit nomen. Prætereo itidem regulas monasticas, Sanctis Albeo, Columbæ, Congallo, Columbano, & Comano adscriptas, ut quæ ad præsens institutum non pertinent.

Seç. 6.

De igne dicto inextinguibili, à Monialibus cœnobii S. Brigidæ Kildaræ, olim custodito, ita Giraldus Cambrensis, Topograph. Hiberniæ distinct. 2, cap. 34, *Apud Kildariam, quam gloriosa Brigida reddit illustrem, digna sunt memoratu, miracula multa; Inter quæ primum occurrit ignis Brigida, quem inextinguibilem dicunt, non quòd extingui non possit, sed quòd tam sollicitè tam accuratè Moniales & sanctæ mulieres ignem, suppetente materia, foveant & nutriunt, ut à tempore Virginis, per tot annorum curricula semper manserit inextinctus, & cum tanta lignorum strues, tanto in tempore sit hîc consumpta, nunquàm tamen cinis excrevit. Hinc ipsum Monialium cœnobium, the fire house sive domus ignis vulgò vocabatur. Ceterùm extinctum fuisse hunc ignem Kildariæ, per (Henricum Loundres) Archiepiscopum Dubliniensem, annu Dom. MCCXX, tradit author quidam anony-*

mus ordinis (ni fallor) Prædicatorum, qui Annales rerum Hibernicarum breviter descripsit, ab anno Dom. 1163, ad annum usque 1314, quò vixit. Hoc ideò fortè factum est ab Archiepiscopo, quòd mos ille alibi inusitatus originem suam traxisse videretur ab imitatione Virginum Vestalium, quas Numa Pompilius primùm instituerat, Vestæque sacris ac perpetuæ ignis custodiæ dicârat. *Focum Vestæ virginibus*, ait Lucius Florus, de Numa loquens, *colendum dedit, ut ad similitudinem caelestium Syderum, custos Imperii flamma vigilaret.* Vestam porrò pro igne perenni aliquando usurpari, docet Ovidius, Fastor. 6,

Nec tu aliud Vestã quàm vivam intellige flammã.

Sed hoc obiter. Ut ut fuerit, morem ignis fovendi in jam dicto cœnobio à Monialibus S. Brigidæ usitatum durâsse postea (pro pauperibus, ut dicitur, & hospitibus refocillandis,) ad tempus usque suppressionis cœnobiorum sub Henrico VII, certò constat. De hoc igne, si plura velis, Giraldum Cambrensem consulas, Topographiæ Hiberniæ distinct. 2, cap. 35 & 36. Hæc sufficient hîc.

H

CAP.

CAP. XVIII.

*De Veterum Hibernorum Navigiis quibusdam,
coriis inteſtis.*

Hiberni veteres, navigiis vimineis, coriis
Hyaccinis inteſtis, uſi ſunt, nec in fluviis
tantum, ſed interdum etiam in ipſo Oceano.
Naviculæ illæ, vel cymbæ potiùs, Hibernis
Corraghs appellantur, à Britan. ut videtur
Corwg, quod cymbam ſonat corio conteſtam:
Vid. Guliel. Somneri Gloſſarium, ubi nomi-
na etiam invenies doctorum quorundam viro-
rum, qui de naviculis hujusmodi ſcripſerunt.
S. Cormacum tali uſum fuiſſe naviculâ, cum
pelliceo teſto, in tertia ſua navigatione, docet
Adamnanus, vit. S. Columbæ lib. 2. cap. 29.
Item Probus, lib. 2. vitæ S. Patricii, de *Mac-fil*
five *Mac-Cuil* epifcopo Mannienſi loquens,
Cum eſſet (inquit) *ſuper mare, in navi pelleâ, af-*
pirante aquilone, projectus eſt in inſulam Euboniam
nomine, &c. Meminit porrò hujus generis na-
vigii Florentius Wigornienſis, in Chronico
ſuo, ad annum Dom. (ſecundum Dionyſium)
DCCCXCII, *Tres* (ait ille) *Scotici viri Duſ-*
ſlanus, Macbethus, Magulmumenus, peregrinam
ducere vitam pro Domino cupientes, aſſumpto ſe-
cum unius hebdomadæ viatico, occultè de Hiber-
nia fugerunt, carabumq; qui ex duobus tantum co-
riis & dimidio factus erat, intraverunt, mirumq;
in modum, ſine velo & armamentis, poſt ſep-
tem dies, in Cornubiâ applicuerunt, & poſtmo-
dum Regem Alfredum adierunt. Hæc ille, ex
Mariano Scoto. Item Gildas, in Epistolâ ſuâ,
de Britanniæ excidio, *Emergunt certatim de*
Carruchis

Carruchis (five carrabis) quibus sunt trans *Scythicam vallem eveſti* &c. tetri *Scotorum Piſtorumque greges*. Sed classi *Hibernicæ* in *Britanniam* appulſum ſub *Honorio* & *Arcadio* Impp. intelligere videtur *Claudianus*, cū lib. 2, de laudibus *Stilichonis*, *Britanniam* ita loquentem inducat,

*Me quoque vicinis pereuntem gentibus, inquit,
Munivit Stilicho, totam quā Scotus Tēnen
Movit, & infeſto ſpumavit remige Tethys.*

Sed ut cœpta perſequamur; *Iſidorus*, *Originum* lib. 19, cap. 1, *Carabum* exponit eſſe parvam ſcapham, ex vimine factam, crudoque corio contectam. Tales naviculas habuiſſe olim *Britannos* teſtatur *Plinius*, lib. 4, cap. 16, & lib. 7, cap. 56. Item *Lucanus*, lib. 4,

*Primum cana ſalix madefacto vimine, parvam
Texitur in puppim, caſoque inducta Juvenco
Veſtoris patiens tumidum ſupereminet annem.
Sic Venetus, ſtagnante Pado, fuſoque Britannus
Navigat Oceano.*

Et *Solinus Polyhiſtor*, cap. 35, *Mare quod inter eam* (*Hiberniam ſci.*) & *Britanniam* interfluit und ſum inquietumque, &c. *Navigant autem vimineis alveis, quos circumdant ambitione tergorum bubalorum*. Eodem modo & *Saxonicos Piratas* olim navigaſſe docet *Apollinaris Sidonius*, carm. 7,

*Quin & Aremoricus piratam Saxona tractus
† Sperabat cui pelle ſalum ſulcare Britannum
Ludus, & aſſueto glaucum mare findere lembo.*

† Sperabat;
† timebat;

Sed idem Navigii genus olim apud alias gentes in usu fuisse, è Seneca , Solino, Orofio & aliis è veteribus intelligimus. Non negandum tamen Anglo-Saxones antiquos, (ut de Phœnicibus, Græcis, Romanis, &c. hîc taceamus) præter naviculas eas prædatorias, naves etiam habuisse præfidiarias. De remorum numero quibus agebantur naves Alfredi Regis Angliæ, ita Henricus Huntindoniensis, *Rex Alfredus naves longas sc. 40 remorum vel plurimum fecit parari, contra puppes Dacorum.* De Edgari Regis ingenti classe, vid. Florentium Wigornienf. ad an. DCCCCCLXXIII, & Florilegum ad annum DCCCCCLXXV. Et si ad recentiora tempora veniamus, non sumus nescii quantum honorem Anglicæ genti addiderunt copix maritimæ, naves instructissimæ, *Muri illi lignei Angliæ*, (ut eas appellat D. Walterus Raleghus equ. aur.) & nautarum exquisita peritia in re nautica, cum adjuncta indefatigabili industria in navigationibus ad oras remotissimas. Non abs re erit forsan hîc etiam annotare Hibernos veteres alio cymbæ genere, in fluviis & lacubus fuisse usos, è quercu cavata, quod aliquibus in locis etiamnum in usu est, & Hibernicè *Cotti* Anglicè *a Cot* dicitur.

CAP. XIX.

*De More antiquo creandi Milites,
apud Hibernos.*

Primus (quod sciam) qui de hac re literis quicquam commisit, fuit Johannes Froissardus Gallus, in Historiâ suâ. Narrationem is habet (vol. 4, cap. 63,) de 4 regibus (vel dynastis potius) Hibernicis, qui licet more patrio, ordinem militare suscepissent, iterum tamen à Richardo II rege Angliæ, dum Dublinii esset, in prima sua expeditione Hibernica, milites creati fuerunt, more Anglicano. Rem verò ita ille aperit. Hi reges, post submissiones & agnitas Regi Richardo fidelitates, committebantur curæ Henrici Castilii Angli, qui linguam Hibernicam callebat, Mandatum is à rege acceperat, de iis informandis & instruendis in moribus Anglicanis, & speciatim de iis inducendis ad ordinem militare suscipiendum, more Anglicano. In hac re, ita se gessit Castilius, ut ejus suasu & rationibus evicti reges, manus dederint. Dicebant tamen se à patribus suis, diù antea, nimirum cùm annos nati essent septē, creatos fuisse milites, more antiquo, quo singuli reges Hibernici solebant creare filios milites, & (quod ad ceremonias attinet) quemq; tyronem, tempore creationis, hastam tenuem, tam puerili ætati aptatam, in clipeum, palo in medio prati affixum, cursu impingere solitum, deinde pro numero hastarum ibi fractarum, magis aut minus honoratum. Addit Froissardus reges illos plenus,

nius, ab Ormonia comite instructos, & Richardi regis jussu, pro dignitate, vestitos, admodum solemniter Dublinii in Ecclesia Cathedrali, vigiliis peractis & missâ auditâ, iterum manu Regis, milites fuisse creatos, eodemque tempore alios itidem eundem suscepisse ordinem. Hæc ferè Froissardus. Atqui de puero creato milite, longè antiquius habemus exemplum, apud Guliel. Malmesbur. de gestis Regum Angliæ, lib. 2, cap. 6, in creatione Athelstani, qui postea rex fuit Angliæ, *Nam & avus ejus Alfredus* (verba sunt Gulielmi Malmesburiensis) *prosperum ei regnum olim imprecatus fuerat, videns & gratiosè complexus speciei spectatæ puerum, & gestuum elegantiam, quem etiam præmaturè militem fecerat, donatum chlamide coccinea, gemmato baltheo, ense Saxonico, cum vaginâ aureâ.* Hic obiter (ex Archivo fiscali Angliæ, an. 18 Richardi 2) observare liceat Dynastarum Hibernicorum submissiones factas fuisse Pontanæ in domo fratrum Prædicatorum, Rege ipso coram, 16 die Martii 1394, stylo Anglicano, unâ cum ritu insequenti; Quilibet ante verba submissionis, zonam cum cultello, & capitium ipsum à se amovens, genibus flexis, ad pedes dicti Dom. Regis procidit, & ambas manus suas, palmis ad invicem junctis erigens, inter manus dicti Domini Regis erectas, tenuit. Atque hæc gesta sunt paulò ante Militum creationem à Froissardo memoratam. Videamus jam alia.

CAP. XX.

In quo ostenditur Hiberniam in Romanorum potestatem nunquam concessisse.

Romanos olim in Hibernia subjuganda aliquid tentasse credunt nonnulli, & agrè colligunt (ut ait Camdenus) ex illo Juvenalis,

————— *Arma quid ultra*
Litora Juvernæ promovimus, & modo captas
Orcadas, & minimâ contentos nocte Britannos.

Aliqua exemplaria Chronici Eusebii Galbam in Hibernia imperium arripuisse habent, Sed Hiberia legendum. In Hispaniâ enim (quæ & Hiberia dicta) hoc factum, è Suetonio liquet, uti rectè notat Ortelius. Innuit etiam Panegyricus Constantio Chloro Augusto dictus, Hiberniam sub ejus fuisse nutu, Britannia (inquit) ita recuperata est, ut illæ quæque nationes terminis ejusdem Insulæ coherentes, vestris nutibus obsequantur. Et in recentiorum Chronicis (ut jam dictus Camdenus notat) Hiberniam cum Britannia & Thule Constantino Constantini Maximi filio, in Imperii Divisione obvenisse scribitur. Veruntamen, de expeditione aliquâ Romanorum in Hiberniam, vel insulæ illius expugnatione ab iis, tam apud Historicos Hibernicos, quàm ipsos Romanos, altum est silentium. Et ego quidem Camdeno assentior, quod felix faustumque Hiberniæ fuisset,

fuisset, si in Romanorum potestatem concessisset, nam citius tunc barbariem exuisset. Julio Agricolaë animus quidem fuit Hiberniam invadere, cum Regulum quendam Hibernicum seditione expulsus, specie amicitiae, retinuerit: nihil tamen in ea subjuganda tentavit. Sed audiamus jam quid de hac re scripsit Tacitus, in Agricolaë vita. *Quinto expeditionum anno (inquit) nave prima transgressus, ignotas ad tempus gentes, crebris simul & prosperis praeliis domuit, eamque partem Britanniae, quae Hiberniam aspicit, copiis instruxit, in spem magis quam obformidinem: Siquidem Hibernia medio inter Britanniam atque Hispaniam sita, & Gallico quoque mari opportuna, valentissimam Imperii partem, magnis invicem usibus, miscuerit. Spatium ejus, si Britannia comparetur, angustum, nostri maris insulas superat. Solum caelumque & ingenia cultusque hominum haud multum à Britannia differunt, melius aditus portusque per commercia & negotiatores cogniti. Agricola expulsus seditione domestica unum ex Regulis gentis exceperat, ac specie amicitiae in occasionem retinebat. Saepe ex eo audiui, legione una & modicis auxiliis, debellari obtinerique Hiberniam posse, idque adversus Britanniam profuturum, si Romana ubique arma, & velut è conspectu libertas toleretur. Sic Tacitus. Ex ejus verbis, colligit Camdenus multos ex Hispania, Gallia & Britannia, in Hiberniam se recepisse, ut Romanorum iugo colla subducerent. Sed hoc alii excutiant: In re obscura variae (scio) oriuntur opiniones.*

Denique, (ut hoc etiam notemus) reperiuntur in Anglia, Gallia & aliis regionibus, ubi

ubi Romani victores fuerunt, præter nummos antiquos Romanos, multæ aræ, statuæ, urnæ, columnæ & inscriptiones marmoreæ, (quasi tot antiqui operis miracula) à veteribus Romanis relictæ, at in Hibernia nullæ, ne quidem nummi Romani, nisi aliundè inveciti. Hinc cum Gulielmo Neubrigenfi (Rerum Anglicarum l. 2, c. 26,) concludimus, *Hiberniam Romanis, etiam Orcadum Insularum dominium tenentibus inaccessam.*

CAP. XXI.

De Cormaco Culinani filio, Rege simul & Episcopo Casseliensi: ubi obiter de aliis qui Reges fuerunt simul & Pontifices, vel Sacerdotes. Deque miro more tonsuræ ab Ædo (dicto Clerico barboſo) introducto.

DE Regibus aliquot, qui, regnis renunci- Sect. 1.
ciatis, vel Monachi facti fuerunt vel Episcopi, apud Historicos, crebra fit mentio: Sic in Hibernia, Cormacus Rex Lageniæ, regno suo renunciato, Monasticam amplexus est vitam in cœnobio Banchorensi, sub S. Congallo. Sic Aidus Niger rex itidem Lageniæ ex rege factus est Monachus, Abbas & Episcopus Kildariensis, ut Jo. Colganus habet, & obiit 10 Maii anno DCXXXVIII. Atque ita (ut alios hic omittamus) in Angliâ, Sigebertus Rex orientalium Saxonum, pompâ Regiâ resignatâ, Fursæi Hiberni suâſu, monasticam amplexus est vitam, in cœnobio de Cnabersburg, hodiè **Burgh Castle**, in Suffolciâ. Atqui Cormacus

macus Culinani filius, de quo nunc loquimur, & Rex fuit simul & Episcopus Casseliensis. Is stemma suum duxit (uti alibi diximus) ab Ængusa Nafrachi filio Casseliensium Regum primo, qui Christianam Religionem amplexus est. Regnum iniit Cormacus an. Dom. DCCCCI, & (quod mireris) Episcopi etiam munus obivit. Morem eum, apud Hibernos, illo ævo viguisse, Scriptores patrii luculenter ostendunt. Speciatim inter Cormaci prædecessores, Olchobarus, qui obiit anno 851, & Cenfeladus, qui anno decessit 872, simul Reges fuerunt Casselienses & Antistites Imelacenses. At non sine exemplo: Nam inter Judæos, Jonathan, Simon & Johannes Hyrcanus, tam Ethnarchi, (seu populi principatu) quàm pontificatu, simul gavisi sunt: & qui Regiis diadematis inter eos ornati fuerunt, Aristobulus nempè, Alexander Jannæus & alii, uno etiam eodemque tempore, summi fuerunt Pontifices. Si de antiquis ethnicis loquamur, habemus ipsos Imperatores Romanos, Pontifices simul Maximos; Inter Reges itidem, Anium regem Deli, de quo Virgilius, Æneid. 3,

Rex Anius, Rex idem hominū, Phæbiq; sacerdos.

Et Ovidius, Metamorph. 13,

*Hunc Anius, quo Rege homines, Antistite Phæbus
Ritè colebatur, temploque domoque recepit.*

Item Mercurium Trismegistum sive ter-maximum, qui (si Alex. ab Alexandro credamus, Genialium dierum lib. 2, cap. 8,) inde

nomen

nomen tulit, quòd *Philosophus maximus, Sacerdos ac Rex maximus* esset. De hac re, vid. plura apud Platonem in Politicis. Sed ad nostra jam redeamus. Meminit Cormaci hujus, Caradocus Lhancarvanensis, in Chronico suo Cambriæ, ceu viri pii, *sed Carmotum filium Cukemani Regem & Episcopum Hiberniæ*, sive is, sive qui Anglicè edidit, perperam appellat. An.DCCCCVI Flanus Melsechlini filius Rex Hiberniæ, coacto exercitu, in Momoniam irruit, eamque Provinciam, ad Limericum (al. Lunniacum) usque, diripuit & vastavit. Cæterum Cormacus, qui tempori cedens, fugâ evaserat, hâc injuriâ irritatus, anno insequente, Midiam cum copiis ingressus, Flantum prælio fudit, eumque ad conditiones quasdam observandas, sibi obsides tradere coëgit, iisque acceptis, Casseliam reversus est. Anno verò DCCCCVIII (al. DCCCCVII) Flanus, ut cladem nuper acceptam ulcisceretur, pactis & obsidibus traditis non obstantibus, cum Lageniensi & Conatiensi regibus egit, ut conjunctis viribus Momonienses adorirentur, eoque successu, ut maximis copiis instructus, signa adversus Cormacum extulerit: Momoniensium exercitui in loco dicto *Moy-albe*, obviam actus est, ubi Augusti die XVI, post longam & cruentam pugnam, cessit ei victoria, Cormaco rege ibidem occiso. Cæsi etiam cum eo feruntur Duces ferè omnes primarii, seu majoris, Reguli, Inter quos nominatur Fogertachus Kerriensis & Kellachus Ossoriensis. Sic Annales Hibernici. Cæterum Caradocus Lhancarvanensis, Cormacum sub hoc tempore, à Danis in prælio occisum tradit. Memini etiam me legisse in codice quodam MS. bibliothecæ

othecæ Cottonianæ, eum à bubulco quodam occisum, ad *Beanree* prope Leghlinam, dum ibidem, pro exercitu suo tunc pugnante, ad Deum preces fundens, in genua procumberet. Tanta est de ejus cæde discrepantia. Ego verò non possum non assentiri, tam Annalibus Ultoniensibus, quàm iis cœnobii Canoniorum Inis-fallanæ in agro Kerriano, qui à dicto Flani exercitu, victum eum & occisum tradunt. Corpus ejus Casseliam delatum ibidem tumultu conditum est. Vir fuit eruditus & Antiquitatum Hibernicarum scientificus. Scripsit linguâ suâ patriâ, Historiam *Psalter-Cashell* vulgò dictam, quæ etiam nunc extat, & magno habetur in pretio. Excerpta quædâ ex dictâ Historia, in vetusto habeo codice membraneo, *Psalter-narran* appellato, ante annos plusquàm 300 exarato, ut ex characteris antiquitate liquet. In eodem codice sunt multa miscellanea de rebus Hibernicis, partim Latinè, partim Hibernicè, collecta per Oengusium *Celide*, inter quæ, Catalogum habemus nudum (solum nimirum nomina) regum Hiberniæ, ab Heremone ad Brienum filium Cinedi, cognomento *Boro*, de quo suprâ, cap. 4. Notandum hîc coronidis loco, Casseliam sedem fuisse olim præcipuam Regum Momoniæ, & unani è primis Hiberniæ Synodis, à S. S. Patricio, Albeo, & Declano, ibi habitam, tempore Ængusæ Regis, de quo suprâ.

Seç. 2.

Liceat his adjicere, utpote rem inusitatam, mirum tonsuræ morem, ab Ædo Hiberno introductum. Is (à barba promissa, vulgò *Æd clericus barbosus* dictus) magnam eruditionis & sanctitatis opinionem consecutus

cutus fuerat ; Cæterum anno 1053, vel 1054, in exilium pulsus est , quòd in schola sua, in qua *clericorum, puellarum & laicorum magnum habuit numerum*, Puellas MORE CLERICORUM tonderet , ut ex Mariano Scoto & Florentio Wigornienfi liquet. Hîc animo conceperam ansam arripere describendi varias tonsuræ formulas, à veteribus, tam clericis (sive Presbyteris secularibus) quàm monachis, olim usitatas , earumque origines, dum alii in vertice, tonsurâ uterentur, in modum coronæ spineæ Domini, formâ sequenti,



alii, in anteriore tantum capitis parte, rotundâ quidem tonsurâ , sed imperfecto orbe, ab aure ad aurem circumducto ; alii, modico circulo in vertice, alique in toto ferè capite, relictis tamen inferiùs, in modum coronæ, capillis. Cùm verò observârim hæc omnia, aliaque multa ad hanc rem pertinentia, ex intima antiquitate antehac tractata fuisse, ab eruditissimo nuper Archiepiscopo Armachano, in Ecclesiarum Britannicarum Antiquitatibus , & à Prospero Stellartio , in libris de Coronis & Tonsuris Paganorum, Judæorum, Christianorum, mihi satis erit hîc subindicâsse. Plurimum cupidus petat libros suprâ citatos.

CAP. XXII.

De Hibernorum veterum Domiciliis & Aedificiis; Deque eorum Victu, Conviviis & Musicis instrumentis.

Sect. I.

Hibernis veteribus nullam fuisse curam condendarum urbium munitarum certò constat. Fuerunt quidem in Hibernia Urbes, illæque munitæ, ante Anglorum adventum in Hiberniam, ut Dublinium, Limericum, Waterfordia, Wexfordia & Corcagia, sed ab Ostmannis constructæ. Hic verò agimus duntaxat de Hibernorum veterum Domibus, quæ ut neque marmoreæ erant, neque latericiæ, sic (nisi rarissimè) neque specus subterranei, neque antra, ut erant veterum Germanorum, apud Tacitum, in sua Germania, sed cratitiæ & stramine vel arundinibus testæ, de ligno solido rarò. Hæque fuerunt aut amplæ, aut parvæ, pro habitatoris dignitate, aut qualitate, in sylvis & fluviorum ripis plerumque edificatæ. Neque aliter erat (ut videtur) apud priscos Cambros. De Penbrochiæ castro, ex *virgis & cespite tenui*, ab Arnulpho de Montgomery, sub Henrico Primo extructo, vid. Girald. Cambrenf. Itin. Camb. lib. 1, cap. 12. Et de ipsis Opidis Britannicis antiquissimis, quidni adjiciamus verba Cæsaris, in Bell. Gall. lib. 5, *Opidum vocant Britanni, cum sylvas impeditas vallo atque fossâ munierunt.* Sed redeo. A tenui hoc & exili ædificandi modo, apud Hibernos veteres, evenit, ut tam pauca vestigia

vestigia ostendi possint Domorum vel castro-
 rum, ab ipsis regibus Hiberniæ extructorum,
 ante Anglorum ingressum. Hinc cùm Rode-
 ricus ô Conner rex Conatiæ castrum lapide-
 um Tuamæ construxisset, an. MCLXI, illud
 tanquàm novum & inusitatum apud Hibernos
Castri mirifici nomine, iis temporibus, inno-
 tuit. Sed instar omnium erit Temoria, (quam
Taragh nunc vocamus) in Mídia, quæ, ut su-
 prà diximus, cap. 4, eorum Regia erat præci-
 pua, ubi etiam Festa Regum solennia & Comi-
 tia, statis temporibus, olim tenebantur; Ve-
 runtamen nulla hodiè supersunt ibi rudera,
 nulla vestigia alicujus ædificii antiqui. Hiber-
 norum primus, vel saltem inter primos, qui
 ædificare cœpit è saxo & cæmento fuit Mala-
 chias O-Morgair Archiepiscopus Armacha-
 nus. Qua de re, in vitâ ejus, ita S. Bernardus,
 ejus æqualis; *Visum est Malachia debere con-*
strui in Benchor Oratorium lapideum, instar illo-
rum quæ in aliis regionibus extructa conspexerat.
Et cùm cæpisset jacere fundamenta, indigenæ
quidam mirati sunt, quòd in terra illa, necdum
ejusmodi ædificia invenirentur. Et post pauca,
 malevolum quendam ita loquentem introdu-
 cit, *O bone vir; quid tibi visum est nostris hanc*
inducere regionibus novitatem? Scoti sumus
non Galli. Quenam levitas hæc? Quid opus erat
opere tam superfluo, tam superbo? Unde tibi
pauperi sumptus ad perficiendum? Quis perfe-
ctum videbit? &c. Ex Bernardo porrò intelli-
 gimus Malachiam hunc, oratorium ibi, aliquot
 annos antea construxisse, *de lignis quidem le-*
vigatis, sed aptè firmiterque contextum, opus
Scoticum pulchrum satis. Neque abs re erit hîc
 memorare Henricum secundum Regem An-
 gliæ,

glia, dum Dublinii esset anno 1171, fecisse sibi construi juxta Ecclesiam S. Andreae extra civitatem, Palatium regium, miro artificio, de virgis levigatis, ad modum patriæ illius, extructum, in quo ipse, cum Regibus & Principibus Hiberniæ, Festum solenne tenuit, die Natalis Domini; ut ex Hovedeno intelligimus.

Sec. 2.

Ad Victum veterum Hibernorum quod attinet, vulgi victum quotidianum olim valde tenuem fuisse certum est, plerumque ex lacte, butyro & herbis; Unde Strabonis Epitome Hibernos vocat, *Herbis vefcentes*. Ex herbis, utebantur præcipuè trifolio pratensi, nasturtio aquatico, oxale & cochlearia; nostris **Scurby grasse**, quam Medicorum nonnulli eandem esse putant cum Plinii *Britannicâ*, de quâ ita ille, *In Germania trans Rhenum: castrum à Germanico Cesare promotis, maritimo tractu fons erat aquæ dulcis, solus qua pota, intra biennium dentes deciderent, compagesque in genibus solverentur. Stomacacem medici vocabant & Sceletyrben ea mala. Reperta auxilio est herba quæ vocatur Britannica, non nervis modò & oris malis salutaris, sed contra anginas quoque & serpentes, &c.* Ad Convivium ordinarium quando conveniebant, super juncis vel toris gramineis, scamnorum aut cubilium vice, in orbem confidebant, iisque ita confidentibus, mensæ lignæ tripedes cibus instructæ, more Gallorum veterum, apponebantur, pane nempe esearite, vel subcinericio, lacticinjijs, carnibus & piscibus tam assis quàm elixis: Pocillatoribus interim potum in poculis ligneis & corneis interdumque æneis, circumferentibus. Priscus & peculiaris Hibernorum sicut & Britannorum potus fuit cervisia. Hujus potus meminit

meminit Dioscorides, lib. 2, cap. 110, cùm Britannos & Hibernos (quos *Hiberos* ibi vocat) ufos dicat pro vino, *Curmi* potu, ex hordeo confecto. Sed *Curmi* perperam ibi legitur pro antiquo verbo Britannico *Cwrw*, quod cervisiam significat, uti notat Camdenus. Hibernis porrò olim in usu fuit *Hydromelon*, sive mistura aquæ cum melle (nos hodiè *Whead* dicimus) ut tam è vita S. Berachi, qui claruit Seculo VII, quàm ex Annalibus Ultoniensibus, ad annum 1107 intelligimus. De optima eorum *Aqua vitæ*, sive *Uske-bah*, ut vocant, quæ multò minùs quàm Anglica inflamat, & magis tamen inficcat, non est hîc dicendi locus, quia ejus confectio (uti creditur) ad posteriora tempora pertinet.

Transeo ad convivandi tempus : Erat id olim plerùmque sub vesperam ; unde Epulum illud solenne quo regni Ordines, Temoriæ sive Temræ excepit Lægarius Rex Hiberniæ anno Dom. 455, in jam dictis Annalibus appellatur *Cæna Temræ*. Et ab hac Cæna, inchoabant Historici (quod mireris) posteriorum administrationis ejus temporum calculum. Idem convivandi tempus observabant olim Cambro-Britanni, id quod colligimus è legibus Regis Hoëlis *Dba*, cap. *De Cæna Regali & ejus mensura*.


Ad prisca Hibernorum Musica Instrumenta Sect. 3. jam ventum : Atque ea *Citharam* fuisse cum chordis æneis, & *Tympanum*, tradit Giraldus Barrius Cambrensis, Topograph. Hiberniæ, Distinctione 3, cap. 11, in quibus eos etiam præ omni natione quam vidit incomparabiliter instructos asserit. An verò instrumentum illud Musicum Hibernicè *Claspreach*, Anglicè a *Harp* dictum

dictum Antiquorum cithara fuerit, vel Lyræ,
(quamvis Grammaticorum plerique hæc duo
Instrumenta confundant) inter doctos contro-
vertitur. Venantius Fortunatus, lib. 7, carm.
8, Lyræ à Harpâ distinguere videtur,

*Romanusque Lyrâ plaudat tibi, Barbarus Harpâ,
Græcus Achilliaca, Crotta Britannia canat.*

Nec mira videatur differentia : Nam ip-
sam Antiquorum Lyræ, ab ipsis tam formâ
quàm variâ chordarum accessione, mutatam
certò constat. Janus Gruterus in Inscriptioni-
bus, p. 38, n. 10, figuram exhibet lyræ
antiquæ, Romæ in hortis Cardinalis Cœsii, in
manu nempè statuæ Apollinis, visendæ. Item
Philippus Cluverius, in Sicilia sua antiqua,
p. 93, eclypon ostendit nummi antiqui Græci,
cujus una pars exprimit Apollinem *Archage-
tam*, altera, lyræ ejus, sed à priore paulò di-
versam. Operæ est pretium fortasse ipsa ecly-
pa tam veteris Lyræ Apollinis, quàm hodiernæ
Citharæ sive (ut aliis placet) Lyræ Hibernicæ
subjungere, ut lector inde de differentia fa-
ciliùs judicet.

Lyra Apollinis,
apud Gruterū.



Lyra Apollinis,
apud Cluveriū.



Cithara seu Lyra
Hibernica.



De Orphei Lyra, quam aliqui tetrachordem fuisse contendunt, alii, septichordem, consule Seldenum, in notis ad Marmora Arundeliana, pag. 87.

De Lyræ & Cytharæ differentia, vide Had. Junii Nomenclatorem. Neque hac occasione prætermittendum propria Hiberniæ Insignia, vel saltem per secula aliquot ei attributa, esse in campo cæruleo Citharam seu lyram Hibernicam

nicam auream, cum chordis argenteis. Ceterum, si Uliſſi Aldrovando credimus, Ornithologiæ lib. 1, antiquiora Hiberniæ Inſignia fuerunt, ex una ſcuti parte aurea, Brachium gladio armatum, ex altera, in argenteo campo, Semi-Aquila. Sed hoc obiter. Quam profunda fuit Citharæ antiquitas, è Geneſeos cap. IV, docemur, ubi inventio ejus Jubali tribuitur. Item Tympani uſus vetuſtiſſimum eſt exemplum in Exodi XV. Mitto recentiora Inſtrumenta Muſica, poſt Anglorum ingreſſum introducta, ut quæ ad noſtrum inſtitutum non pertinent.

CAP. XXIII.

De Erroribus nonnullis & Figmentis veterum aliquorum Scriptorum, de Hibernia agentium; Deque aliis Scriptorum mediorum temporum.

DE Hiberniæ ornamentis & dotibus ſpecialibus, ſuprà compendio diximus, cap. 7. Videamus jam quæ de eâ, à ſcriptoribus antiquis ſinguntur, & ab eorum ſectatoribus creduntur. Solinus *avem ibi raram* aſſerit. Porro addit poſteà, *ibi apes nuſquàm, & advectum inde pulverem ſeu lapillos, ſi quis ſparſerit inter alvearia, examina favos deſerere.* Item mare quod inter eam & Britanniam interfluit, *undolum inquietumque, toto in anno, niſi pauculis diebus non eſſe navigabile.* Cùm tamen avibus & apibus abundet. Et ad mare quod attinet, navigabile eſſe in ipſa ſumma hyeme, frequentes navigationes ex Anglia Gallia, Hiſpania, &c. in Hiberniam,

niam, & ex ea, in externas regiones, sufficienter demonstrarunt.

Prima ejus assertio, de avibus & apibus, in eundem errorem duxit Isidorum Hispalensem, qui iisdem ferè utitur verbis. Illic (de Hibernia loquens) *avis rara, apis nulla; adeò, ut advectos inde pulveres, seu lapillos, si quis alibi sparserit inter alvearia, examina favos deserant*, Originum lib. 14, cap. 6. Item Barthol. Cassanæum, in Catalogo Gloriæ Mundi, part. 12, confid. 57, *Ibi (ait) avis rara, ac apis nulla*. Neque defuerunt, qui Solinum sequuti sunt, in secunda sua assertione, de æstu maris Hibernici, interque eos Cornelius à Judæis Geographus. Veniamus jam ad climatis dispositionem. Strabo, qui sub Tiberio Cæsare floruit, Geographiæ lib. 2, ex versione Gulielmi Xylandri, ita loquitur, *Extrema navigatio à Celtica versus septentrionem, nostra ætate, dicitur esse in Hiberniam: (Iærnen vocat) quæ ultra Britanniam sita, egrè ob frigus incolitur, ita ut quæ ulterius sunt, habitari non posse existimentur*. Deinde, Pomponius Mela, qui sub Claudio vixit, Cosmographiæ lib. 3, *cælum Hiberniæ ad maturanda semina iniquum esse asserit*. Speciatim ita Giraldus Cambrensis, Topographiæ Hiberniæ distinct. 1, cap. 4, *multam ait fruges in herba, plurimam in culmis, minorem in granis, spem promittunt. Triticum namque grana contracta sunt & minuta, & vix alicujus vanni beneficia purganda*.

Audiamus etiam quid è contra scripserunt aliqui è veteribus, Ita igitur Orosius, *Hæc (Hibernia scil.) propter Britanniæ, spatii terrarum angustior, sed cæli * solisque temperie * Solique magis utilis, Scotorum Gentibus colitur*. Item melius.

Ifidorus, loco suprâ citato, *Scotia eadem & Hibernia, proxima Britannia Insula spatio terrarum angustior, sed situ fecundior.* Et Beda lib. 1, cap. 1, *Hiberniam tam aëris salubritate quam serenitate, multum Britanniae præstare, asserit.* Cæterum (ut quod sentio dicam) si hæ comparationes ad australem Britanniae partem, quam Angliam dicimus, referantur, sunt prorsus rejiciendæ: Non negandum tamen Hiberniam, aëris esse adeò temperati, ut prata ibi & campos, in summâ hieme virere videamus, & ad pascua pecudes quotidie duci, nisi quod rarò accidit, nix biduana vel triduana impediât; locis prætereà uliginosis & palustribus *culturâ siccatis*, (quod de regione circa Philippos scribit Plinius) *emendatum aëris temperiem.* Ad tritici grana quod attinet, non contracta sunt vel minuta universim, ut Giraldus Cambrensis ejusque sequaces habent; Nam rarò in vicinis Hiberniae regionibus, seu majora, seu graviora, quàm in plurimis partibus Hiberniae inveniri possunt. Neque audiendus est Raphael Maffius Volaterranus, qui Commentariorum Urbanorum lib. 3, de Hibernia loquens, *Tellus (inquit) nihil omnino fert, præter frumentum & equos præstantissimos quos Ubinos (Hobinos) vocant, &c.* Corrigendus est itidem error Ranulphi Higdeni, qui in Polychron. lib. 1, cap. 32, asserit ibi *deesse Perdices, Phasianos, Damas & Hericios; Hiberniâ etiam* (quod è jam dicto Giraldo & Johanne Bromtono addit) *ab austro in boream extensam,*

* al. Torre. *Brandanicis scil. montibus usque ad *Columbinam Insulam continere octo dierum dietas, quarum qualibet 40 milliarum existit, & à Dublinio usque ad Patricii colles Connahticumque mare, in latum,*

latum quatuor dierum excursum tenere. Sed de Hiberniæ Dimensione, vid. quæ suprà diximus Cap. III. Porro multa hîc observari possent fabulosa, quæ de Hibernia accumulavit Giraldus Cambrensis, in Topograph. Hiberniæ; Sed aliis ea discutienda relinquimus, Siquidem exacta eorum discussio justum requirit tractatum. Admonendus est interim lector Topographiam eam cautè legendam, id quod ipse Giraldus quodammodò fatetur, in Apologia quam habemus in prima sua præfatione in librum Expugnationis Hibernicæ, cùm ob fabulosa, jam dictæ Topographiæ inserta, insinularetur; cui hanc etiam admonitionem, è Retractionum suarum tractatu, hîc ad-jicere visum, *De Topographia Hibernica, labore sci. nostro primævo ferè nec ignobili, ubi multa nova, aliisque regionibus prorsus incognita (ideoque magis admiranda) scribuntur, hoc pro certo sciendum; quod quorundam, quinimò & quàm plurium per diligentem & certam indagati-onem, à magnis terræ illius & authenticis viris notitiam eliciimus; de cæterisque, totius terræ famam potius secuti fuimus. De quibus omnibus, cum Augustino sentimus: qui in libro de Civitate Dei, de talibus, quæ solùm fama celebrat, nec certâ veritate fulciuntur, loquens, nec ea afirmando plurimum, nec prorsus abneganda decrevit. Sic ipse Giraldus. Atqui non possum non mirari viros aliquos hujus seculi, alioqui graves & doctos, fragmenta ea Giraldi, mundo iterùm pro veris, obtrusisse. Plurima addi possent ex aliis authoribus, quæ aliorum etiam industriis relinquimus.*

CAP. XXIV.

De Ostmannis, sive Danis & Norwegis; Deque eorum rebus gestis in Hibernia, ab anno Christi DCCXCV, usque ad Anglorum ingressum, sub Henrico II, sc. per quatuor fermè annorum centurias.

Ostmannos magnam Hiberniæ partem olim subjugasse, & post plurima prælia cum Hibernis, variante successu, per multos annos, acriter commissa, præcipuas ibi urbes maritimas, ad Anglorum usque adventum in Hiberniam occupasse certò constat. De eorum nomine & regione unde venerunt, ita Eruditissimus Jacobus Usserius nuper Archiepiscopus Armachanus, in sua veterû Epist. Hibernicarum recensione; *Livonia ad Eoum maris Baltici litus porrecta, in tres partes, locis & linguis distinctas, Estiam, Lettiam & Curlandiam distribuitur: Estiæ sive (ut Crantzius appellat) Estoniæ provinciam ii incoluisse videntur, qui à veteribus Græcis, Ostiæi & Ostiones, à Tacito in Germania sua, Æstii, ab Eginhardo in Caroli Magni vita, Aisti, à Saxone Grammatico, Estones, à nostris, Ostmanni appellantur. Ad Ostmannos Hiberniæ quod attine; Hi aliis nominibus vocabantur etiam Dai, Norwegi, & Normanni, quod & melius temporibus (verba sunt iterùm jam dicti Usserii) omnibus Daniæ, Norwagiæ, Livoniæ & reliquarum Borealium gentium commune nomen fuisse docti nôrunt. Ut omittan quod à Scrip-*
tore

tore vitæ Griffithi filii Conani est traditum, unum è tribus illis fratribus qui in Hiberniâ venerunt, cum Normagiensibus suis in Galliam concessisse, & Francis devictis, sedes in Normanniâ fixisse. Hunc Rodolphum ille vocat, quem alii Rollonem; à quo Gulielmus & alii Normanni qui in Anglia regnaverunt, genus deducunt suum.

Danos & Normannos, vel Ostmannos anno Christi DCCXCV, Hibernica & Albanica litora primùm infestâsse & speciatim Recran Insulam spoliâsse produnt Annales Hibernici. Sub eodem tempore vel paulò seriùs S. Findanum, Principis Lageniæ filium, à Danis captivum ductum, sed mirabili modo elapsum, tradit in vita ejus, anonymus Hibernus, (qui & ejus socius) à Melchiore Goldasto editus, Tom. I Rerum Alamannicarum, pag. 318. Meminit illarum deprædationum Normannicarum, Dicuil Hibernus, qui tum vixit, in libro *de mensura Provinciarum Orbis terræ*, secundùm illorum auctoritatem (ut ipse loquitur) quos S. Theodosius Imperator ad Provincias prædictas mensurandus miserat. Sic enim ille, *Circum nostram Insulam Hiberniam, sunt insulæ, sed aliæ parvæ, atque aliæ minime. Et post pauca, Sed sicut à principio mundi desertæ semper fuerunt, ita nunc causâ latronum Nortmannorum vacuæ Anachoritis, &c.* Triennio postea, anno nempe DCCXCVIII, Normanni iterùm Ultoniam, & Hebrides piraticâ infestârunt. Siquidem antiquitè apud Danos (ut habet Olaus Wormius) *Piratica honesta ac licita erat, atque in ea se crebrò Reges ipsi, aut eorum liberi exercebant, ascitis famosioribus & fortissimis Athletis.* Sed missis hisce Danorum

norum piraticis, veniamus jam ad copias quas in Hiberniam miserunt, ad eam subjugandam, & secundum temporum seriem, ad alia eorum acta ibidem, ad Anglorum usque ingressum.

Anno 807, Dani & Norwegi in Hiberniam appulerunt, & Roscomaniam, regionemque adjacentem ferro flammâque vastârunt. Eodem tempore Cellacus Abbas cœnobii S. Columbæ Huenfis, multis è suis, Norwegorum crudelitate, interfectis, in Hiberniam profugit, & Kenanusæ, aliàs Kenlisæ in Midia, monasterium in honorem S. Columbæ sive condidit, sive restauravit. Cùm verò annos circiter 7 ibi præfuisset Abbas, Dermitio quodâ in dicto cœnobio Abbate relicto, in Jonam sive Insulam Huenssem reversus est, ubi, post annum unum vel alterum, mortem obiit. Nescio an in Ianiena prædicta, vel posteriore aliqua, trucidatus fuerit Blaithmacus reguli Hibernici filius. Eum, sub his temporibus, à Danis sive Norwegis ethnicis in Jona insula cæsum, ex vita ejus, à Wallafrido Strabone carmine descripta, liquet. Omitto hîc commenta Saxonis Grammatici, qui (more suo) Fridelithum, Frothonem 3, & Haconem, Danos, multis annorum centuriis, ante hæc tempora, Hiberniam infestâsse fingit.

Anno 812, *Classis Normannorum Hiberniam insulam aggressa*, (inquit Regino in Chronico) *commissoque cum Scotis prælio, multi ex iis interfecti, ceteri fugâ lapsi sunt.* Et, ad eundem annum, Hermannus Contractus, *Classis Danorum Hiberniam invadens, à Scotis victa est.* Item Historici Hibernici Danos sub eodem tempore duobus præliis ab Hibernis profligatos asserunt. Circa

Circa annum 815, aliis 818, Turgesius, Norwegus Hiberniam primùm invasit.

Anno 835, Norwegi, majoribus instructi copiis, magnâ classe appulerunt, sub ductu Turgesii, & Conatiam fermè universam, unâ cum quibusdam Lageniæ & Midiæ partibus, devastârunt. Intra triennium deinde postea, non parvâ Ultoniæ parte subjugatâ, ubique fermè templa demoliti sunt, & in Christianæ religionis professores (cujus tunc hostes erant) magnâ crudelitate grassati. Qua de re, vid. Jo- cel. Furnessens. in vitâ S. Patricii, cap. 175. Speciatim Turgesium Armacham occupâsse & inde Farananum Archiepiscopum loci expul- lisse, unâ cum omnibus religiosis & studiosis tra- dunt Historici Hibernici. Afferit porrò Col- ganus (in Triade Thaumaturga) ex Annali- bus 4 Magistrorum, Anno 838, classe sexaginta navium Nortmannos ingressos esse ostia Boandi fluminis, & aliâ 60 navium, ostia Liffi flu- in Lagenia. A Turgesio (quod obiter ad- noto) multa fossatorum illorum rotundo- rum, sive militarium vallorum, vulgò *Danes Rathes* dictorum, facta dicuntur, quæ in plu- rimis Hiberniæ regionibus, etianinùm super- sunt. Atque talia fortassè fuerunt castella Brigantum veterum, de quibus ita Juvenalis, Satyr. 14,

Dirue Maurorum attegias, castella Brigantum.

Sunt porrò qui credunt Danos & Norwe- gos extruxisse multos è collibus illis rotundis quos sine fossis, passim in Hibernia cernimus, quasi sepulchra Magnatibus & Ducibus suis. Eundem morem in Dania olim viguisse, ex supradi-

supradicto Olao Wormio liquet, in libro de Danicis Monumentis, Hafniæ edito, Anno MDCXLIII. Speciatiim (in Hibernia) è tali colle in orientali suburbio civitatis Dublinii, prope Collegium S. Trinitatis, effossum est anno MDCXLVI monumentum quod ossa hominis combusta texit: opus uti creditur Ostmannicum, de quo fusiùs postea.

An Saxa illa ingentia & rudia quæ in planitie non longè à Naasa in agro Kildariensi & alibi visuntur, (victoriarum putà monumenta) à Danis erecta fuerint, non possum pro certo affirmare. Sed ut ad nostrum institutum revertamur.

Anno 845, Norwegi diripuerunt & incenderunt Clonmacnoisam, Clonfertam, Loghrá, & Tirdaglassam. Porro circa eundem annum, Turgesius Melachlini seu Melsechlini Regis Midie filiam deperiisse fertur: *Atqui Rex ille (Giraldum Cambrensem audis) vir sub pectore versans, filiam suam illi concedens, ad insulam quandam Medie, scil. de Loch-vair, illam cum 15 puellis egregiis ei missurum se sponspondit. Quibus & Turgesius gavisus, cum totidem nobilioribus gentis sue, statuto die & loco, obviam venit, & invenit in Insula 15 adolescentes imberbes, animosos, & ad hoc electos, sub habitu puellari, dolum palliantes, cultellis, quos occultè secum attulerunt. Statim inter amplexus, Turgesius cum suis occubuit. Sic ille, Topograph. Hibernie distinct. 3, cap. 4. Ceterum author Annalium Ultoniensium, de dolo eo tacens, Turgesium à Melachlino rege captum fuisse & in dicto lacu submersum, tradit. Famà tùm pernicipibus aliis (sic iterum Cambrensis, cap. 41,) totam statim insulam pervolante,*

lante, & rei eventum, ut assolet divulgante, Norwegienses ubique truncantur, & in brevi, omnes omnino, seu vi, seu dolo, vel morti traduntur, vel iterum Norwegiam & Insulas unde venerant, navigio adire compelluntur. Deinde cap. 42, Quasi verat autem à Turgesio prædictus Midsensium rex, & in dolo (nequitia jam animo concepta) quonam tenore vel arte, aves quædam in regnum nuper advectæ, terræ toti patriæque pestifera, destrui possent & deleri. Cùmque responsum accepisset, nidos eorum ubique destruendos, si jam fortè nidificassent, (de Castellis Norwegiensium hoc interpretantes) mortuo Turgesio, in eorum destructione Hibernienses per totam Insulam, unanimiter insurrexerunt. Annos igitur circiter 30 Norwegiensium pompa & Turgesii tyrannis in Hibernia perduravit, & deinde Gens Hibernica servitute depulsâ, & pristinam libertatem recuperavit, & ad regni gubernacula denudò successit. Hactenùs Giraldus. Hibernos quidem hoc tempore Norwegorum vires multum fregisse certum est. Attamen auxiliares copię, novis è Dania & Norwegia classibus, indies confluentes Hiberniam per plurimos postea annos, gravissimè afflixerunt, ut infrà patebit.

Anno 848, Prælium inter Melachlinum (de quo supra) tum regem Hiberniæ & Danos Fouræ commissum est, in quo 700 Danis occisis, victoria Melachlino cessit. In prælio itidem ad Scia-naght, ab Olcobaro rege Casseliæ (quem Abbatem etiam Imelacensem appellat Liber meus cœnobii Inisfallensis) & Lorcanno filio Kellachi, rege (ni fallor) Lageniæ, cæsi sunt è Danis 1200, ac in duabus aliis pugnis, ante finem anni, ceciderunt, circiter

citer 1700. Ita hic annus Danis in Hibernia fuit
 luſtuofiffimus, unde Melachlinus Rex ob par-
 tas victorias, ad Carolum Calvum Franco-
 rum Regem, *pacis & amicitie gratiâ, legatos*
cum muneribus miſit, viam ſibi petendi Romam
concedi depoſcens. Sic Chronic. Norman.

Anno 849, Auxiliares copiæ, è Dania &
 Norwegia 140 navibus, in Hiberniam appel-
 lentes, bellum, magno Hibernorum damno,
 redintegrârunt.

Anno 850, Melachlinus rex, jam bello ci-
 vili implicatus, pace, ad tempus, Danis ſtabi-
 litâ, eorum auxilio, hoſtes magnâ ſtrage pro-
 fligavit.

Ante annum 851, Danos, Dublinio & regi-
 uncula vicina quam Fingalliam vocamus, po-
 titos eſſe, ex Historicis Hibernicis liquet. In-
 ter hos & alios ejusdem gentis, hoc anno, a-
 trox commiſſum eſt prælium, in quo Dani
 Dublinienſes proſtigati ſunt, & Dublinium à
 victoribus direptum. Atqui fugâ non pauci
 elapſi, in patriam confugerunt, unde anno
 inſequenti, auxiliariis copiis reverſi, hoſti-
 ſibus victis, Dublinium recuperârunt & re-
 ſtaurârunt. Danos ſive Oſtmannos Dublini-
 enſes intelligit proculdubiò vitæ S. Coëmge-
 ni ſive Keivini ſcriptor, cùm de Dublinio &
 ejus civibus ita loquatur, *Civitas Ath-cliaht eſt*
in aquilonali Laginiensium plaga, ſuper fretum
maris poſita; & id Scoticè dicitur Dub-lein, quod
ſonat Latine nigra therma: Et ipſa civitas po-
tens & belligera eſt, in qua ſemper habitant vi-
ri aſperrimi in præliis, & peritiſſimi in claſ-
ſibus.

Anno 852, Armacha, ipſo Paſchatis die,
 à Danis devaſtata eſt. Ac paulò poſt, Dermi-
 tius

tius loci Episcopus, quem Annales Hibernici *Sapientissimum omnium Doctorum Europæ* appellant, sive mærore, sive morbo, extinctus est.

Anno 853, Amlavus aliis Amelaus magnâ Danorum & Norwegorum classe, hûc appulit, eique omnes Dani, in Hibernia tum degentes, se submiserunt. Hic Amelaus (opinor) ille fuit, & hæc Norwegorum ea classis, de quibus hæc habet Giraldus Cambrensis, Topograph. Hiberniæ l. 3. c. 43, *Non multo verò post tempore (post mortem sci. Turgesii) iterum de Norwagiæ & insularum Borealium partibus, quasi de reliquiis gentis prioris, & quia vel oculata fide, vel parentum relatione, terram optimam noverant, non in bellica classe, sed sub pacis obtentu, & quasi mercaturæ exercendæ prætextu, in Insulam quidam advenerunt, qui & maritimos Hiberniæ portus, statim occupantes, tandem de assensu Principum terræ, civitates in ipsis varias construxerunt. Quoniam enim innata ociositatis vitio, gens Hibernica, ut diximus, nec maria lustrare, nec mercaturæ indulgere aliquatenus voluerat, de communi totius regni consilio, perutile videbatur, ut gens aliqua, cujus operâ, aliarum regionum commercia, quibus hæc terra caruerat, hûc advehi possent, in aliquibus regni partibus admitterentur. Fuerunt autem Duces eorum tres fratres, Amelaus sci. Sytarachus, & Yvorus. Constructis itaque primò civitatibus tribus; Dublinia, Guaterfordia, Limerico; Dubliniæ Principatus cessit Amelao, Guaterfordiæ, Sytaraco, Limerici, Yvoro; & ex iis paulatim ad alias Hiberniæ civitates construendas processu temporis, sunt derivati. Gens igitur hæc quæ nunc Ostmannica gens vocatur, in-*

primis,

primis, istius regibus satis tractabiles fuerunt & pacifici : Sed ex quo in immensum, generis numerositate jam excreverant, & civitates fossatis & muris optimè cinxerant ; antiquas inimicitias altâ mente repositas, nonnunquam renovare, & acriter rebellare solebant. Diçti sunt autem Ostmanni, linguâ ipsorum, corrupto quodam Saxonico, quasi Orientales homines : Respectu namque terræ istius, ab Orientalibus hûc partibus undecunque adveçti sunt, Ita Giraldus ; è quo eadem haussisse videtur Ranulphus Monachus Cestriensis, in Polychronico. Cæterùm, ut de hac narratione, quod sentio dicam, constabit (opinor) Ostmannos sedes eas maritimas, non mercaturæ prætextu, nec Hibernorum assensu, sed vi & armis obtinuisse, si consideremus quantâ immanitate, à primo eorum ingressu, imò hoc ipso tempore, de quo nunc loquimur, & diù postea, per Hiberniam grassabantur. Certè ex optimis Historicis liquet Amlavum hunc, post prælium unum aut alterum, prospero contra Hibernos eventu, tanto fuisse iis terro-ri, ut annuo quodam tributo, pacem, ad tempus redimere coacti fuerint.

Anno 856, Inter Melachlinum regem & Danos atrox ortum est bellum, quo multi utrinque ceciderunt.

Anno 857, Cathaldus *Albus*, dum res novas moliretur, ab Amlavo & Ivaro, prælio profligatus est in Momonia.

Anno 859, Amlavus & Ivarus cùm magno exercitu in Midiam profecti sunt. De successu, tacent Annales Hibernici ; Sub eo verò tempore (ut videtur) induciæ inter Melachlinum & Danos sunt pactæ.

Anno

Anno 862, Defuncto Melachlino rege Hiberniæ, Lorcanus filius Cathaldi & Cornelius filius Dermitti regnum Midie inter se partiti sunt. Iis verò ab Edano cognomento *Finniat*, Danorum auxilio, postea captis, Edanus Rex Hiberniæ salutatus est. Lorcanum ab Edano tunc oculis orbatum, & Cornelium, ab Anlavo, Clonardæ submersum ferunt.

Anno 869, Amlavus Armacham diripuit, & incendit, postquam mille homines ibi prælio interfecisset.

Anno 870, Amlavus, & Ivarus, cum classe 200 navium in Britanniam solverunt, in auxilium Hinguari & Hubbæ Danorum. De quibus Florilegum petas & alios rerum Anglicarum Scriptores. Anno sequenti, cum ingenti præda, multisque captivis, Dublinium reversi sunt. Sed brevi postea Amlavus naturæ cessit.

Anno 871, Ailillus Rex Lageniæ à Danis occisus est.

Anno 872, Fato functus est Ivarus, quem *Annales Hibernici regem Normannorum totius Hiberniæ* appellant.

Anno 875, Ostinus Anilavi filius, postquam Pictos magna strage profligaverat, Danorum sive Ostmannorum dolo, occisus est. Tumque imperium suscepisse videtur Godfridus Ivari filius.

Anno 888, Atrox prælium inter Flanum Regem Hiberniæ & Danos commissum est, quo multi utrinque ceciderunt, & inter alios ex parte Flani, Edanus filius Cornelii rex

Conatiz cæsus est. Paulò postea, Godfridu filius Ivari Danorum Princeps, per Sitrici fratris sui malas artes, interemptus est.

Anno 892, Simultas inter Sitricum filium Ivari, & Galfridum quendam *Merlum* cognominatum, tunc temporis virum magni nominis apud Dublinienses, eousque in apertam inimicitiam erupit, ut inter eos, Urbs quasi divisa fuerit, dum una pars Sitricum, altera, Galfridum sequeretur.

Anno 895, Ostmanni Dublinienses in Ultoniam profecti Armacham diripuerunt.

Anno 896, Sitricus filius Ivari, qui fratrem (uti diximus) occiderat, pœnâ licet claudâ reum assequente, à suis occisus est. Prælium inter Amlavum filium Ivari & Ultonienses, in Tirconalia, commissum est, in quo Amlavus victus est & occisus.

Anno 902, Dani novâ classe appellentes, à Lageniensibus prope Dublinium, magnâ strage profligantur.

Anno 914, Acris pugna navalis prope Manniam Insulam, inter Barredum & Reginaldum *O-Hivar* Danos, commissum est, in quâ Reginaldus, Barredo & suis occisis, victoriam reportavit.

Anno 915, Dani magnâ classe appellentes Momoniæ partem devastant.

Anno 916, Dani sive Ostmanni, in Momonia, præliis aliquot superati sunt: Cæterum in Lagenia, meliori successu pugnârunt. Nam, sub ductu Sitrici, Angarrus filius Aililli rex Lageniæ prælio occisus est, & cum eo ceciderunt multi Lageniæ Proceres. Sub eodem tempore, Dani sive Ostmanni Dubliniæ Monam, sive Anglesejam in Cambria vastârunt,

vastarunt, ut è Caradoco Lhancarvanensi intelligimus.

Anno 918, Dani Momoniæ Albaniani, hodie Scotiam, infestarunt.

Anno 919, Prælium atrox inter Nellum *Glundub* Regem Hiberniæ & Ostmannos commissum est Septembris 15, prope Dublinium, quo Rex ipse, unâ cum multis proceribus, perit. Nello occiso, Imperium suscepit Donatus Flani filius, qui, anno sequenti, Ostmannos magnâ strage profligavit.

Anno 921, Reginaldo regulo Ostmannorum Dublinii defuncto successit Godfridus, qui eodem anno, contracto exercitu, in Ultoniam profectus est, ubi mense Novembri, Armacham diripuit.

Anno 924, Godfridus in expeditione Limericum versus, magnam exercitus sui partem amisit.

Anno 926, Godfridus copias in Ultoniam misit, sub ductu Aulafi filii sui, qui ab Ultoniensibus, bis in fugam coniectus, ægrè tandem à patre, qui eum, novis è Dublinio auxiliis secutus est, liberatus.

Anno 934, Godfridus obiit, ob crudelitatem infamis, successit filius Aulafus, aliàs Aulavus, idem opinor cum Anlapho illo qui in prælio ad *Bruneburgum* in Northumbria, ab Athelstano Anglorum Rege victus est, anno 937. De quo vid. Ingulph. & Hen. Huntingdon.

Anno 941, Aulafus morte repentinâ sublatus interit. Hunc Caradocus Lhancarvanensis Abloicum præcipuum Hiberniæ regem appellat, & obiisse asserit anno 939. Liber Marcanensis an. habet 940.

Anno 942, Dunum, Clonarda & Kildara, regionésque adjacentes variis Ostmannorum exercitibus, vastantur.

Anno 943, Dani in Lecalia degentes, sedibus suis, ab Ultoniensibus ejiciuntur; eodem vero anno Murtachum Ailechæ regulum; prælio interficiunt 26 Febr. & die sequenti, Armacham diripiunt.

Anno 944, Donato rege Hiberniæ morte repentina sublato. Congelachus filius Mælmithi imperium suscepit, qui eodem anno Briani regis Lageniæ auxilio, Dublinium vi cepit & diripuit, Ostmannis ibidem partim occisis, partim in fugam conversis.

Anno 945, Blacarus Ostmannus, Aulaf frater, copiis auxiliaribus, Dublinium recuperavit & restauravit.

Anno 946, Ostmanni Dublinienses, ut cladem nuper acceptam ulciscerentur, hoc anno non parvam Midiæ partem devastârunt.

An. 947, Ostmanni Dublinienses à Congelacho rege, prælio profligantur.

Anno 948, Bellum redintegrârunt Dublinienses, sed à Congelacho rege iterùm superati sunt, ipso Blacaro rege, & è suis ferme 1600 in prælio occisis. Blacaro successit Godfridus Sitrici filius. Circa hæc tempora Ostmanni Hibernici ad religionem Christianam conversi sunt. Neque desunt qui, hoc ipso anno, Ostmannos cœnobium B. Mariæ Virginis juxta Dublin. Monachis Benedictinis posuisset tradunt, quamvis alii, diù antea fundatum asserunt, à Melachlino al. Malachia rege Hiberniæ (qui obiit 862) Gillemoholmoc nescio quo & Roisia uxore ejus, Et alii, à Donaldò Gillemoholmoc. Ut ut fuerit, Monachos ibidem,

dem *Ordinis Cisterciensis institutionibus* se sub-
 misisse anno 1139 imitantes patrem suum Abba-
 tem *Saviniacensem* docent ejusdē cœnobii An-
 nales. Jacobum Abbatem primum obiisse 5
 nonas Martii prodit loci codex antiquus MS.
 penes Rogerum Twysdenum equ. & Ba-
 ronettum. De anno filet, sed Everardum
 Abbatem quartum obiisse tradit 4 Idus Apri-
 lis 1131, Quæ si vera sint, vel plerique eorum
Macrobbii fuerunt, vel cœnobium diù Abbate
 fuit viduatum.

Anno 950, Ostmanni Dublinienses Slanam in
 Midia diripuerunt & incendio deformârunt.
 Eo incendio, Cinaum virum doctū & loci Præ-
 lectorem, multosque alios in Ecclesia congre-
 gatos periisse ferunt. Cæterum anno sequen-
 ti, postquàm magnam Midix partem, sub ductu
 Godfridi devastâssent, ingenti præda onusti,
 in reditu Dublinium versus, ab Hibernis inter-
 cepti sunt & magnâ strage profligati.

Anno 956, Prælium atrox inter Congelachū
 regem Hiberniæ, & Ostmannos Dublinienses, ad
Tiguiran, in Lagenia, commissum est, ubi Con-
 gelachus fusus est & occisus. Eo cæso, Hiber-
 norum Imperium arripuit Donaldus Nellus.

Anno 959, Aulafus Dublinii regulus à Cara-
 doco Lhancarvanensi, *Abloicus rex Hiberniæ* ap-
 pellatus, Promontorium sacrum (quod nos
Holy-head, incolæ *Caer-gubi* vocant) in Mo-
 na sive Angleseia insula, deinde regiunculam
 Lhinnensem, classe sua diripuit. Atqui liber
 Marganzæ sive lib. *Hergesti* hanc deprædationem
 ascribit *Abloici filius*.

Anno 962, mortē obiit Godfridus Ostman-
 nus, Aulafi filius. Circa hæc tempora (ut vi-
 detur) Eadgarus Rex Angliæ magnâ Hiber-

niæ partem subegit, & speciatim Dublinium Urbem. Qua de re, vid. quæ suprà dicta sunt cap. 4, ex Præfatione Chartæ Eadgari.

Anno 970, Pugna Kilmonæ commissa est, inter Donaldum regem Hiberniæ & Donaldum Congelachi filium, Aulafi Ostmanni copiis adiutum. In eo prælio multi utrinque ceciderunt; Sed plures ex parte Donaldi regis.

Anno 977, Aulafus Sitrici filius prælio vicit & interfecit Murtachum & Congelachum, Donaldi regis filios.

Anno 980, Donaldo regi defuncto successit Melachlinus, aliàs Malachias filius ejus, qui eodem anno, Temoriæ, prælio memorabili, Ostmannorum vires fregit & quodammodo pessumdedit: Nam in eo prælio, præter milia aliquot militum gregariorum, primarii Ostmannorum Duces ferme omnes cæsi sunt, inter quos numeratur Reginaldus Aulafi filius; ob cujus interitum & maximam eam Ostmannorum cladem, Aulafus ipse, anno insequente, peregrinatione ad Insulam Huensem susceptâ, ibidem (ut ex Annalibus cœnobii Insulæ omnium Sanctorum in occiduo limite agri Longfordiensis intelligimus,) pœnitentiâ peractâ, vi mœoris obiit. Successit ei filius Gluniarandus. Pugnâ Temoriensi finitâ, Melachlinus in Fingalliam, ditionis Ostmannicæ regiunculam profectus, eam igne & ferro devastavit, eodemque tempore Hibernos omnes, quos Ostmanni captivos tenuerunt, in libertatem asseruisse fertur. Cæterum pace tandem inter Melachlinum regem & Ostmannos Dublinii certis conditionibus factâ, ii, ut priorem jacturam, aliquo modo, resarcire viderentur, auxiliaribus copiis contractis, in

Brieni

Brieni filii Murchardi Regis Lageniæ territoria irruerunt, quæ dum Brienus tueri conaretur, ipse, ab iis captus est & paulò post occisus.

Anno 983, Melachlinus Rex, ab Ostmannis Dubliniensibus adjutus, Donaldum *Clen* Lorcani filium regem Lageniæ, prælio fudit. In ea pugna, inter alios melioris notæ, cecidit Patricius Ivari reguli Waterfordiensis filius.

Anno 989, Gluniarandus, al. Glumainus, Aulafi filius rex Ostmannorum Dublinii, à famulo suo interreptus est. Successit frater ejus Sitricus. Circa idem tempus, Elirmannum filium Abloici occisum asserit Caradocus Lhancarvanensis, quem regem Hiberniæ appellat: & nomine & titulo deceptus. Eodem anno Godfridus Haraldi filius Hebridum insularum regulus à Dalriadinis occisus est; cui successit filius Reginaldus.

Anno 994, Sitricus Aulafi filius, ab Ostmannis Dublinii, in exilium pulsus, ante annum circumactum revocatus est, regnòque restitutus.

Anno 999, Marianus aliàs Mælmurrius Murchardi filius à jam dicto Sitrico adjutus Lageniæ regnum obtinuit, Donato prædecessore ejus in prælio capto & abdicare coacto. Ante finem ejusdem anni Brienus Borous Rex Mononiæ Ostmannos Dublinienses in prælio ad *Glenananin* fudit, ac Dublinium vi cepit & diripuit.

Anno 1000, Ostmanni (obsidibus Brieno traditis) Dublinium restaurârunt & firmârunt. Eodem anno, Ivarus Ostmannorum Waterfordiæ regulus obiit, successit ei filius Reginaldus.

Anno 1013, Lagenia, primùm à Murchardo filio Brieni Boroi tum regis Hiberniæ, deinde à Brieno ipso, ad muros, usque Dublinii, miserè direpta est: Lageniensibus interim & Ostmannis, pace inter se factâ, conjunctis copiis, se suaque frustrâ tueri nitentibus.

Sub initium anni 1014, vel paulò ante, Brienus Borous rex cum plurimis Hiberniæ regulis egit, ut conjunctis viribus, Sitricum, omnemque Ostmannos Dublinii, utpote publicos regni hostes, ex Hibernia expellere conarentur. Sitricus contrà, certior factus, quid Brienus moliebatur, nullum non movit lapidem, ut se suosque propugnaret: Pace igitur (ut antea diximus) cum Mælmurrio Murchardi filio rege Lageniæ facta, suppetias, tam ab eo, quam à Danis, sive Norwegis, qui Manniam & Hebrides, (Hibernis *Inche-gall*) incolebant, obtinuit. Magnis copiis sic utrinque coactis, concurritur tandem Clontarfæ prope Dublinium, Aprilis 23, ubi post longam acerrimamque pugnam, victoria (sic plerique habent) cessit Brieno qui tamen ex vulnere, quod in prælio acceperat, mortifero, mox expiravit. Sunt contrà qui asserunt Danos sive Ostmannos, cum eorum acies nutare cœperit, Brieno occiso, redintegratis viribus, in Hibernos irruisse, eosque magna strage profligasse. Qui hanc sententiam tenent, addunt etiam Brieni temeritatem magno fuisse Danis commodo: Ille enim (ut fertur) auxilia cum filio ejus Donato intra triduum ventura, non præstans, ne priorum actorum gloriam obscurare videretur, cum hostibus congregi faciliè persuasus est, id quod sibi suisque postea fuit exitio.

exitio. In exercitu suo, Melachlinum porro habuit, tunc Midia, antea Hiberniæ regem, qui in prælio, ob priores injurias, alienati in eum animi indicia dedisse fertur. Cum Brieno ceciderunt, filius ejus Murchardus & Murchardi filius Tirdelvacus, magnus etiam Procerum numerus, & cæterorum 7000, vel ut aliqui habent, 11000. Ex Danis five Ostmannis & Lageniensibus, plurimi etiam perierunt, Sed numerus incertus est. Inter eos primarii numerantur Dubgallus Aulafi filius, Bruodarus classis Danicæ præfectus, qui Brienum occiderat, Mælmurrius rex Lageniæ, Donaldus Dux Fortuallensium, & alii quos prætereo. Sunt qui tradunt cadavera Brieni & filii ejus Murchardi, necnon Donati O-Kelli, Doulani O-Hartegan, & Gille-Barmedi, ad *Kill-mainan*, villam unico milliari à Dublinio distantem, juxta antiquam crucem lapideam, ab Hibernis sepulta esse. Alii verò asserunt corpora Brieni & Murchardi filii, Swordam, (villa est ad 6 à Dublinio lapidem) delata, inde à Mælmurrio Eochæ filio Archiepiscopo Armachano, (quem Annales Hibernici S. Patricii *Comorbanum* appellant) Clero comitante, Armacham deportata, in Ecclesia Cathedrali ibidem, cui benefactor fuerat Brienus, fuisse condita. Prælio finito, Sitricus, cum Ostmannorum reliquiis, Dublinium se recepit, ac Melachlinus Rex Midia, à popularibus, Rex maximus Hiberniæ denuò declaratus est.

Anno 1018, Jam dictus Melachlinus copias Lagenienses Ostmannicas, in prælio ad *Fod-vay*, fudit.

Anno 1019, Brienus Mælmurrii filius Rex Lageniæ

Lageniæ oculis orbatus est Dublinii, à Sitrico rege.

Anno 1020, Reginaldus Ivari filius regulus Ostmannorum Waterfordiæ improles obiit. Successit ei Sitricus frater.

Anno 1022, Ugairus Rex Lageniæ in conflictu ad *Delgne*, Sitricum Regem Dublinii fugavit.

Anno 1023, Sitricus Ostmannorum Waterfordiæ regulus, ab Ossorienfibus, occisus est. Successit ei Reginaldus *O-Hivar*.

Anno 1029, Sitricus Rex Ostmannorum Dublinii, peregrinatione Romam usq; suscepta, in via defunctus est. Successit ei filius Aulavus sive Auloedus, qui anno sequente, à *Matthæo* aliàs *Mathgauno* *O-Riagan* captus, pro lytro solvit 200 vaccas, 80 equos Britannicos, tres uncias auri & gladium quendam vulgò dictum *Caroli gladium*.

Anno 1035, Aulavus filius Sitrici rex Dublinii Romam profecturus, in Anglia occisus est. Successit ei filius Sitricus.

Anno 1036, Reginaldus *O-Hivar* Waterfordiæ regulus occisus est Dublinii, à Sitrico rege.

Anno 1038, Commuanus *O-Raban* regulus Waterfordiæ domesticis insiditis periit. Eodem anno Waterfordia à *Dermotio* rege Lageniæ direpta est & incensa.

Anno 1042, (aliis 1041) Sitricus Aulavi filius rex Ostmannorum Dublinii decessit. Hic fuit (ut reor) Sitricus ille, quem liber niger Ecclesiæ S. Trinitatis Dublinii Sitricum filium *Ableb* appellat, de quo ibidem hæc legimus, *Sitricus Rex Dublin. filius Ableb Comitis Dublin. dedit Sanctæ Trinitati & Donato primo Episcopo*

Episcopo Dublin. locum ad edificandam Ecclesiam S. Trinitati, ubi fornices sive volta sunt, cum terris subsequentibus, viz. Bealdulek, Rechen, Portrahern, cum villanis & vaccis & bladis, nec non aurum & argentum, sufficienter ad edificandam Ecclesiam, cum tota curia, contulit. Sitricio successit Aulavus sive Auloedus, quem Caradocus Lhancarvanensis Alphredum perperam appellat. Sub eodem tempore Conanus ap Fago, Aulavi gener, copiis Dublinii collectis, in Walliam trajecit, contra Gruffinum ap Lhewellin regulum, qui Venedotiam Conano profugo debitam, usurpârat: Gruffinum ibi dolo cepit, sed dum captivum, naves versùs, secum duceret, Walli, de ea re certiores facti, tanto numero confluerunt, ut facilè Gruffinum liberaverint, & Conanum ad naves repulerint.

Anno 1050, Conanus cum alia classe, è Dublinio Walliam versùs solvit, spe plenus, Venedotiam, hæreditario jure sibi debitam, recuperandi: Sed operam denuò lusit; nam maximâ classis parte tempestate amissâ, ipse ad litora Hibernica reiectus est.

Anno 1066, Godredus, sive Gothricus cognomento Crovan rex Manniæ (ut è Chronico Regum Manniæ intelligimus) subjugavit sibi Dublinium & magnam partem de Laynester, Scotos verò ita perdomuit, ut nullus qui fabricaret navem vel scapham, ausus esset plusquam tres clavos inserere. Eum regem Hiberniæ appellat Lanfrancus Archiepiscopus Cantuariensis, in Epistola quadam, cujus exemplar habetur in Tomo undecimo Annalium Cardinalis Baronii.

Anno 1071 Murchardus filius Dermittii rex Lageniæ

Lageniæ mortem obiit, & Dublinii ab Ostmannis sepultus est.

Anno 1074, Maii 6, è vita migravit Donatus al. Dunanus Ostmannorum primus Episcopus Dubliniensis, & in Ecclesia sua Cathedrali, prope summum altare, sepultus est. Tùmque Patricius quidam, Ostmannus itidem, Godredo rege petente, successor electus à Dubliniensibus, in Angliam missus est, à Lanfranco Cantuariensi Archiepiscopo consecrandus, cum epistola sequente, *Venerando S. Cantuariensis Ecclesie Metropolitano Lanfranco, Clerus & populus Ecclesie Dubliniensis debitam subjectionem. Vestre Paternitati est cognitum, quod Ecclesia Dubliniensis, quæ Hiberniæ Insule Metropolis est, suo sit viduata Pastore, ac destituta Rectore. Propterea elegimus Presbyterum nomine Patricium nobis sufficientissimè cognitum, natalibus & moribus nobilem Apostolica & Ecclesiastica disciplina imbutum, fide Catholicum, in scripturarum sensibus cautum, in dogmatibus Ecclesiasticis exercitatum, quem nobis quantocius petimus ordinari Episcopum, quatenus authore Dei, regulariter nobis præesse valeat, & prodesse, & nos sub ejus regimine salubriter militare possimus, quia integritas Præfidentium salus est subditorum, & ubi est incolumitas, ibi est forma Doctrinæ. Ante finem ejusdem anni, Patricius ille Londini, in Ecclesia S. Pauli, à dicto Lanfranco consecratus est, obedientiæ professione sequenti præstitâ, Quisquis aliis præsidet, si & ipse aliis subiaceat, dedignari non debet, sed potius obedientiam, quam à subditis suis desiderat habere propter Deum, studeat prælatis sibi per omnia humiliter exhibere. Propterea ego Patricius*

tricius ad regendam Dubliniam Metropolim Hiberniæ electus Antistes, tibi, venerande pater Lanfrance Britanniarum Primas, & Sanctæ Doroborniensis ecclesiæ Archiepiscopo, Professionis meæ Chartam porrigo, meque tibi tuisque successoribus, in omnibus, quæ ad Christianam religionem pertinent, obtemperaturum esse promitto. Hæc ex vetusto codice MS. bibliothecæ Cottonianæ, unâ cum aliis Episcoporum Ostmannicorum professionibus, in lucem emisit, inter veteres Epistolas Hibernicas, eruditissimus Jacobus Usserius Armachanus, anno 1632.

Anno 1076, Godfredus Crovan rex Dublinii, necnon Manniæ & Hebridum Insularum obiit in Ilâ Insula, Ptolemæi Epidio. Successit ei, in Regimine Manniæ & Hebridum, filius ejus Lagmannus. Cæterum à Dubliniensibus, in regem electus est (ni fallor) Godfridus cognomento *Meranagh*.

Octobris 10, 1084, Patricius Dubliniensis Episcopus, in Oceano Britannico, naufragio perit, Episcopatus sui anno 10.

Anno 1085, Donatus (alias Dongus) O'Hangly Ostmannus, Dublinii natus, sed Cantuariæ in Angliâ educatus, ubi monachus factus est Benedictinus, Tirdelvaci regis clerique Dubliniensis consensu, Cantuariæ, à Lanfranco Archiepiscopo Cantuariensi, professione consueta præstita, consecratus est Episcopus Dubliniensis, ac in patriam reversus, libros nonnullos, & Ecclesiastica ornamenta, quæ Lanfrancus Ecclesiæ S. Trinitatis Dublinii dederat, secum reportavit.

Anno 1088 (aliis 1087) Waterfordia vi capta est & combusta, ab Ostmannis Dublinii.

Anno

Anno 1089, Ostmanni Dublinii, Waterfordiæ & Wickloæ dum conjunctis viribus, Corcagiam diripere intenderent, ab Oneaghensibus, in prælio fusi sunt & profligati.

Anno 1095, Moriartachus O-Brien Rex Hiberniæ, Dublinium, cum exercitu pervenit, ac inde expulit Godfridum Meranagh regulum. Eodem anno mortem obiit Donatus O-Haingly Episcopus Dubliniensis, cui successit ejus nepos Samuel O-Haingly, cœnobii S. Albanii monachus Benedictinus. De quo vid. plura apud Eadmerum, in Historia Novorum. Sub eodem tempore Godfredus Meranagh morore confectus è vivis excessit.

Anno 1096, Sedes Episcopalis Waterfordiæ instituta est, & primus ibi Episcopus electus est Malchus quidam, in Hibernia natus, sed educatione Monachus Ecclesiæ Wintoniensis in Anglia. Is consecrationem obtinuit Cantuariæ 5 Kal. Januarii, ab Anselmo Archiepiscopo Cantuariensi, assistentibus Radulpho Cicestriensi & Gundulpho Rossensi, Episcopis, professione sequenti præstita; Ego *Malchus Ecclesiæ Waterfordiæ electus*, & à te Reverende pater *Anselme, sanctæ Cantuariensis Ecclesiæ Archiepiscope*, & totius *Britanniæ Primas*, Antistes consecrandus; tibi & omnibus successoribus tuis, canonicam obedientiam me per omnia servaturum promitto. Literarum in ejus gratiam conscriptarum exemplar habes apud Eadmerum, à Doctissimo Seldeno, in lucem editum, anno 1623, cum notis & spicilegio. Sub exitum hujus seculi XI, Ecclesiæ cathedralis S. Trinitatis Waterfordiæ ab Ostmannis constructa est.

Anno 1103, Magnus rex Norwegiæ, Manniæ & Orcadis expugnatis, fœdus temporarium percussit

percutit cum Moriertacho O-Brien rege Hiberniæ, sed anno sequenti (dum in Ultonia exploratorem egit) ab Ultoniensibus improvise interceptus interit. De hac re, si non pigeat legere, entibi verba Chronici Regum Manniæ, Magnus Murecardo (rectius Murier-tacho) Regi Hiberniæ misit calceamenta sua, precipiens ei ut ea super humeros suos in die Natalis Domini, per medium domus suæ portaret, in conspectu nuntiatum ejus, ut inde intelligeret se subiectum esse Magno Regi. Quod audientes Hibernienses, agrè ferebant & indignati sunt nimis: Sed Rex saniori consilio usus, Non solum inquit calceamenta ejus portare, verumque manducare mallem, quàm Magnus Rex unam Provinciam in Hibernia destrueret. Itaque complevit preceptum, & nuncios honoravit. Multa quoque munera per eos Magno Regi transmisit, & fœdus composuit. Nuncii verò redeuntes ad Dominum suum, narraverunt ei de situ Hiberniæ & amœnitate, de frugum fertilitate & aëris salubritate. Magnus verò hæc audiens, nihil cogitabat quàm totam Hiberniam sibi subjugare. Itaque precepit classem congregare. Ipse verò cum sedecim navibus procedens, explorare volens terram, cum incautè è navibus discessisset, subito à Hiberniensibus circumvallatus interit, cum omnibus ferè qui secum erant. Sepultus est autem juxta ecclesiam S. Patricii in Duno. Regnavit sex annis, sc. in Mannia. Exordiis illis quàm dispar exitus.

Anno 1106, Donaldus Archiepiscopus Armachanus Dublinium profectus, ut pacem inter Moriertachum regem Hiberniæ & Donaldum O-Loghlin procuraret, in ægritudinem incidit, quâ Dulekæ in reditu Armacham
versus

Anno 1089, Ostmanni Dublinii, Waterfordiæ & Wickloæ dum conjunctis viribus, Corcagiam diripere intenderent, ab Oneaghensibus, in prælio fusi sunt & profligati.

Anno 1095, Moriartachus O-Brien Rex Hiberniæ, Dublinium, cum exercitu pervenit, ac inde expulit Godfridum *Meranagh* regulum. Eodem anno mortem obiit Donatus O-Haingly Episcopus Dubliniensis, cui successit ejus nepos Samuel O-Haingly, cœnobii S. Albani monachus Benedictinus. De quo vid. plura apud Eadmerum, in Historia Novorum. Sub eodem tempore Godfredus *Meranagh* mœrore confectus è vivis excessit.

Anno 1096, Sedes Episcopalis Waterfordiæ instituta est, & primus ibi Episcopus electus est Malchus quidam, in Hibernia natus, sed educatione Monachus Ecclesiæ Wintoniensis in Anglia. Is consecrationem obtinuit Cantuariæ 5 Kal. Januarii, ab Anselmo Archiepiscopo Cantuariensi, assistentibus Radulpho Cicestriensi & Gundulpho Roffensi, Episcopis, professione sequenti præstitâ; Ego *Malchus* Ecclesiæ *Waterfordiæ* electus, & à te Reverende pater *Anselme*, sanctæ Cantuariensis Ecclesiæ Archiepiscopo, & totius *Britannia* Primas, Antistes consecrandus; tibi & omnibus successoribus tuis, canonicam obedientiam me per omnia servaturum promitto. Literarum in ejus gratiam conscriptarum exemplar habes apud Eadmerum, à Doctissimo Seldeno, in lucem editum, anno 1623, cum notis & spicilegio. Sub exitum hujus seculi XI, Ecclesia cathedralis S. Trinitatis Waterfordiæ ab Ostmannis constructa est.

Anno 1103, Magnus rex Norwegiæ, Manniæ & Orcadis expugnatis, fœdus temporarium percussit

percussit cum Moriertacho O-Brien rege Hiberniæ, sed anno sequenti (dum in Ultonia exploratorem egit) ab Ultoniensibus improvise interceptus interiiit. De hac re, si non pigeat legere, en:tibi verba Chronici Regum Manniæ, Magnus Murecardo (rectius Murier-tacho) Regi Hiberniæ misit calceamenta sua, precipiens ei ut ea super humeros suos in die Natalis Domini, per medium domus suæ portaret, in conspectu nunciatum ejus, ut inde intelligeret se subiectum esse Magno Regi. Quod audientes Hibernienses, agrè ferebant & indignati sunt nimis: Sed Rex saniori consilio usus, Non solum inquit calceamenta ejus portare, verumque manducare mallet, quàm Magnus Rex unam Provinciam in Hibernia destrueret. Itaque complevit preceptum, & nuncios honoravit. Multa quoque munera per eos Magno Regi transmisit, & sœdus composuit. Nuncii verò redeuntes ad Dominum suum, narraverunt ei de situ Hiberniæ & amœnitate, de frugum fertilitate & aëris salubritate. Magnus verò hac audiens, nihil cogitabat quàm totam Hiberniam sibi subjugare. Itaque precepit classem congregare. Ipse verò cum sedecem navibus procedens, explorare volens terram, cum incautè è navibus discessisset, subito à Hiberniensibus circumvallatus interiiit, cum omnibus ferè qui secum erant. Sepultus est autem juxta ecclesiam S. Patricii in Duno. Regnavit sex annis, sc. in Mannia. Exordiis illis quàm dispar exitus.

Anno 1106, Donaldus Archiepiscopus Armachanus Dublinium profectus, ut pacem inter Moriertachum regem Hiberniæ & Donaldum O-Loghlin procuraret, in ægritudinem incidit, quâ Dulekæ in reditu Armacham
versus

versus, ætatis suæ anno 58, consecrationis 15, sublatuſ est.

Anno 1109, Limericum incendio (maximo Ostmannorum damno) deflagavit.

Anno 1121, 4 nonas Julii, obiit Samuel O-Haingly, Ostmannorum quartus Episcopus Dubliniensis. Successit ei Gregorius, Lamethæ consecratus, 2 insequentis Octobris, à Radulpho Archiepiscopo Cantuariensi.

Anno 1125, Torfinus filius Torcalli Ostmannorum Dublinii regulus, in ipso juvenutis flore, mortē repentinā obiit.

Anno 1131, Defuncto Everardo Ostmanno Abbati cœnobii B. Mariæ juxta Dublin. successit Andreas.

Anno 1134, Cornelius filius Murchardi regis Midie, in conflictu, à Donaldò filio *Gill-moholmoc* & Ostmannis Dublinii, occisus est: Sed Donaldò eo, subitā rotæ conversione, in alio conflictu occiso, & Dubliniensibus fugatis, Midenſes in Fingalliam irruunt, eamque ferro & flammā devastant.

Anno 1136, Mæliſa O-Hammire Episcopus Ostmannorum Waterfordiæ ex hac vita migravit, successit Tuistiſ, aliàs Toſtiſ Ostmannus.

Anno 1140, Mortuo Gille five Gilleberto episcopo Limericensi, vel saltem resignante, Patricius quidam, ab Ostmannis Limerici Episcopus electus, in Angliam trajecit, ubi à Theobaldo Archiepiscopo Cantuariensi consecrationem obtinuit, professione sequenti præstitā, Ego Patricius ad regimen Ecclesiæ Limericensis electus, & à te, Reverende Pater Theobalde Sanctæ Cantuariensis ecclesiæ Archiepiscopo & totius Britannię Primas, per gratiam Dei

Dei Antistes consecrandus, tibi & omnibus successoribus tuis, tibi canonicè succedentibus, debitam subjectionem, & canonicam obedientiam, per omnia me exhibitarum fore promitto.

Anno 1142, vel circiter, Cadwaladrus à fratre suo Oweno *Gwineth*, Venedotiæ principe, deficiens in Hiberniam profugit, ac Ostmannis duo millia marcarum pollicetur, si iusto ex rictu bellum contra fratrem moverent. Annuntiant Ostmanni, ac copiis collectis, partim è suis, partim ex Hibernis exercitum (Ostero filiisque Torcalli & Cherulphi ducibus) in Walliam mittunt. Cæterum paulò post eorum appulsum pacem inter fratres factam audientes, Cadwaladrum captivum detinent, donec pro 2000 marcarum, 2000 pecudum acceperant. Tum verò Owenus in Ostmannos & eorum socios sic onustos, improvisò irruens, antequàm naves conscenderent, eorum numerum permagnum interfecit, & cum spoliis reversus est, Cæteri fugâ ad naves evaserunt. Sic, paucis mutatis, Caradocus Lhancarvanensis.

Anno 1147, Reginaldo Torcalli filio Dublinij regulo, in acie occiso à Midenfibus, Godfredus filius Olavi rex Manniæ, (si fides sit adhibenda Chronico Manniæ) ab Ostmannis Dublinii, rex salutatus est: Atqui in Annalibus Hibernicis Oiterus (aliàs Osterus) Reginaldo successisse dicitur, fortè tamen Godredi imperio subiectus; Utcunque, Ostero biennio post occiso, Dublinii principatum obtinuit Brodardus Reginaldi frater.

Anno 1151, Obiit Haraldus Ostmannus episcopus Limericensis, successit popularis ejus Torgefius.

Anno 1161, Brodaro Torcalli filio Oſman-
 norum Dublinii regulo, à Midenſibus, in præ-
 lio, occiſo, ſucceſſit frater ejus Aſculphus.
 Eodem anno (Octobris 8) deceſſit Gregorius
 primus Archiepiſcopus Dublinienſis, cui ſuc-
 ceſſit Laurentius (indigenis Lorcanus) O-
 Toole, Abbas Glendelacenſis, à Gelafio Ar-
 chiepiſcopo Armachano, Dublinii confecra-
 tus, in Eccleſiâ cathedrali S. Trinitatis anno
 inſequenti.

Anno 1167, Rodericus O-Conner rex Hi-
 berniæ Lageniam cum copiis ingreſſus, Der-
 mitio filio Murchardi rege Lageniæ in fugam
 conjeſto, Lagenienſes & ſpeciatiim Oſman-
 nos Dublinienſes ſibi obſides tradere coegit.

Anno 1169, E Wallia, cum copiis, ſub ini-
 tium Maii, in Hiberniam appulerunt Robertus
 filius Stephani, Meilerus filius Henrici, Milo
 filius Davidis Menevenſis & Hervæus de Mon-
 te-marisco. Primi appulſus locus, bono omi-
 ne, dicebatur *Banna*, ſive Beatus, vulgò *Bag*
 & *Bun* prope Fethardam, in agro Wexfordi-
 enſi, quem aliqui (perperam opinor) eundem
 eſſe exiſtimant cum Ptolemæi *Sacro Promonto-
 rio*. Poſtridiè eos ſequutus eſt Mauritius de
 Prendergaſt, cum 10 militibus & 60 ſagitta-
 riis. Dermitius Murchardi filius, de eorum
 adventu certior factus, Bannam quantâ potuit
 celeritate contendit, eoſque lætiſſimo excepit
 animo. - Die ſequenti, Wexfordiam verſus
 movent, quæ poſtquàm obſidionem pauliſper
 ſuſtinuiſſet, Dermitio in manus tradita eſt.
 Wexfordiâ ſic captâ, & Mauritio Giraldi filio,
 cum novis copiis ibi appulſo, (nam quæ ad
 res Oſmannicas non pertinent hîc prætermi-
 timus) iis rex Dermitius ex pacto, ſuas etiam

copias

copias adjunxit. De armis tūm in Oſmannos Dublinii convertendis, initur conſilium, quod cum omnibus placuiſſet, Dublinium, quantā poſſunt celeritate, contendunt, urbemque deditione capiunt. Sed, obſidibus acceptis, proinde Aſculpho Torcalli filio (de quo ſupra) reſtituunt.

Anno 1170, Rex Dermotus ad Richardum cognomento *Strong-bow*, Penbrochiæ vel (ut Giraldus Cambrenſis eum appellat) Striguliæ comitem, literas perſcripſit, quibus vehementer ab eo petiit auxiliares eas copias quas promiſerat. Comes his literis acceptis, à Rege Henrico II, *licentiâ ironicâ potius quàm verâ* (ait dictus Giraldus) *impetratâ*, Reimundum Craſſum, ſub initium Maii, 10 viris equeſtris ordinis & 70 ſagittariis ſtipatum, in Hiberniam præmiſit, ipſe brevi poſteâ ſecuturus. Reimundus exſcentionem fecit ad *Dundenil*, ad quartum à Waterfordia lapidem. De Anglorum appulſu, Oſmanni Waterfordienſes facti certiores, eos antequàm auxiliis firmarentur, aggredi ſtatuunt: Tūmque à Malachia O-Felan Deſienſi & O-Riano Idronenſi adjuti, exercitum conſcribunt, in quo 3000 erant equitum & peditum. Hi in Anglos impetum facientes, ab illis, paucis duntaxat adjutis, ſub ductu Hervæi de Monte-marifco, (qui illuc fortè Reimundum viſendi gratiâ venerat) fortiter excepi ſunt, & poſt aliquot horarum pugnam, proſtigati. In eo prælio, ex Oſmannis Waterfordiæ & Hibernis, plūs minūs mille cæſi occubuerunt. Capi ſunt prætereà 70, qui omnes, Reimundo procurante, in vindictam interitus amici ſui *de Buein*, qui in prælio ceciderat, occiſi ſunt. Sic Mauritius Re-

ganus. At Giraldus Cambrensis eos, Her-
væi suasu, adversante Reimundo, è rupibus in
mare præcipitados asserit. Hæc mense Maio,
Augusto sequente, Richardus Comes Pen-
brochiæ, è Milfordia solvit, ventoque secun-
do in portum Waterfordiæ investus, exerci-
tum exposuit, in quo fuerunt 200 milites pri-
marii, præter mille ordinis inferioris. Post
diem unum vel alterum, Waterfordiam con-
tendit, quam Augusti 25 vi cepit, ac in ea Re-
ginaldum Ostmannorum Waterfordiæ Prin-
cipem & Malachiam O-Felan, de quo supra.
Illi ad mortem damnati, intercessione Dermi-
tii Regis, (qui unà cum Stephanide, multisque
Anglis & Wallis, post victoriam partam, Wa-
terfordiā venerat) servati sunt. Nuptiis tunc
inter Richardum Comitem & Evam Dermittii
regis filiam ibidem celebratis, Comes ejusque
uxor Dermittii hæredes publicè sunt declarati.
Paulò post, Dermittius & gener, præsidio Water-
fordiæ relicto, conjunctis copiis Dublinium
contendunt, urbemque (Roderico rege viam
frustrà obstruere nitente) obsident. Asculphus
Ostmannorum Princeps, cùm resistere (quod
viribus impar) sibi non tutum putaret, Lau-
rentii Archiepiscopi Dubliniensis intercessio-
ne, de deditioe citò agere cœpit. Cate-
rùm Reimundus & Milo de Cogan, durante
intercessionis tempore, selectâ manu urbem
invadentes, eâ primo impetu, 21 die Sep-
tembris (qui S. Matthæo sacer) potiti sunt.
Asculphus tamen & civium plerique naviculis
& cymbis, eo tempore in portu conscensis,
evaserunt.

Anno 1171, Circa festum Pentecostes, Ascul-
phus à Johanne quodam (quem Orcadiensem
appellant

appellant Annales Ultonienses) & copiis suæ
gentis auxiliariis, è Mania, adjutus, cum
navium classe, portum Dubliniensem in-
gressus est, & militibus expositis, in urbis par-
tem orientalem irrumperet, ubi, dùm
Milo Coganus, qui urbi præerat, præsidio
hand satis firmatus, urbem propugnare cona-
retur, Richardus frater ejus, è porta S. Pau-
li australi, cum parva manu, egressus, hostes
(qui auxiliares copias Cogano advenisse pu-
tarant) in fugam facillè conjecit. Partim in
prælio, partim in fuga, multi eorum cæsi
feruntur, & inter eos, dictus Johannes Or-
cadensis. Asculphus etiam ipse captus est,
& quòd linguæ frænnum intemperantiùs laxâs-
set, ultimo supplicio postea affectus. De ad-
ventu Henrici II in Hiberniam, & de aliis li-
cet magni momenti rebus hoc anno in Hiber-
nia gestis, non est hîc dicendi locus, ut quæ
ad rem, de qua nunc agimus non pertinent.
Denique satis erit hîc indicare, captis, intra
paucos annos postea, Urbibus Limerico &
Corcagia ab Ostmannis plerumque possessis,
penitus fractas fuisse eorum vires, postquam
(ut ex iis quæ suprâ dicta sunt liquet) in Hi-
bernia, per aliquot annorum centurias, sedes
fixerant. Veruntamen, remansisse ibi aliquas
Ostmannorum familias diù postea, ex Ar-
chivis, in promptu colligere est; Specia-
tim ex Rotulo Placitorum anni 4 Edwar-
di Secundi. Huc etiam facit, (si ad antiquio-
ra recurramus tempora) *Recognitio facta* (anno
Dom. 1201) *per Sacramentum 12 Anglorum,*
& 12 Ostmannorum, & 12 Hiberniensium, de
terris, Ecclesiis & cæteris pertinentiis, ad Li-
mericensem Ecclesiam spectantibus. *Recognitio*

ea habetur in Regeſto Decani Limericenſis. Atque ita res ab Oſtmannis in Hibernia geſtas maximè memorabiles, paucis perſtrinxi.

CAP. XXV.

De Re Nummaria, ſive de Nummis Hiberniæ antiquis, cùm ante adventum Anglorum, ſub Henrico II, tàm poſtea, uſque ad Henrici VII tempora.

Opulentia Hibernorum pars maxima in pecorum multitudine (Germanorum more, de quo vide Tacitum) olim conſiſtebat. Neque aliter erat apud veteres Romanos, unde Varro, lib. 4, de lingua Latina, à pecude pecuniam derivat. Et de Hiſpanis veteribus, Juſtinus, *Armenta Gerionis, quæ illis temporibus habebantur ſolæ opes.* Hiberniam porro metallorum venis eſſe divitem quotidiana experientia docet: Speciatim ſunt ibidem aliquæ plumbi fodinæ, quæ mixtam habent locroſam argenti quantitatem. Hadrianus Juſtinus, inter alia, in Hiberniæ laudem, fodinas hæſce puri argenti venas poëtice appellat,


*Et puri argenti venas, quas terra refoſſis
Viſceribus manes imos viſura recludit.*

Sed hæc obiter. Ad rem veniendum eſt, ac primò quærendum, an Hiberni ante Anglorum adventum, nummis uſi fuerint, vel auro duntaxat, argento, are, aut annulis, ad cer-

eum pondus examinatis. Saxo Grammaticus lib. 6 Historiæ Danicæ narrat Hugletem Regem Hiberniæ, divitem sed avarum, ab Haco-ne Dano, in prælio victum & occisum, magnam deinde pecuniæ summam in arario ejus, *Duslina*, five Dublinii, à Danis repertam. Sed Saxonis notissimæ sunt fabulæ. Speciatim, tota hæc narratio ab antiquitatum Hibernicarum scientissimis rejicitur. Apud Historicos nostros, dum de rebus antiquis Hibernicis loquuntur, occurrit quandoque auri mentio, quandoque argenti, variis occasionibus dati, interdum etiam ponderis. Sic in Annalibus Ultoniensibus, ad annum Dom. 1004, Brienus *Boruma* five Borous rex Hiberniæ, maximâ procerum multitudine comitatus, Armacham pervenisse dicitur, & inde cum obsidibus ei traditis, in Momoniam rediisse, postquam 20 uncias auri, in Ecclesia cathedrali Armachana, super altare S. Patricii, obtulisset. Item anno 1152 (ut ex iisdem Annalibus intelligimus) Tirdelvacus O-Conner rex Hiberniæ à Dermotio Lageniæ, Melachlino Midie, & Tigernacho Brethniæ, regibus adjutus, signa adversus Momonienses tum rebellantes, extulit. Pugnatum est ad *Monimore*, aliâ *Monadmore*, ubi Momonienses magnâ strage profligati, eorumque Dux Limericum profugere coactus, pro lytro dedit Tirdelvacus 60 uncias auri, 60 monilia & scyphum aureum, Brieni Boroi scyphum dictum. Item anno 1157, vel 1158, Mauritius O Loghlin tum rex Hiberniæ, finitâ dedicatione Ecclesiæ cenobii Mellifontis, (à Gelasio Archiepiscopo Armachano) monachis ibidem, inter alia donariæ, dedit 60 uncias auri, Idem Donatus


O-Carollus (Ergallix regulus & loci fundator) alias 60 uncias, totidemque alias, Der-vorgilla, uxor Tigernaci O-Ruark. Anno item 1161, vel 1162, 420 *uncias puri argenti, ab Ossoriensibus collectas fuisse, ad usum Flachertachi O-Brolchan Comorbani Columh-Kill, produnt jam dicti Annales Ultonienses.* Ad hanc rem, vid. porro quæ suprâ dicta sunt, c. 24, ad ann. 1029 & 1042. Sunt & alia multa hujus generis exempla, Sed singula hîc enumerare, instituti non est mei. An verò aurum vel argentum ita donatum, percussum fuerit necne, non liquet. Audiamus jam, quid de hâc re, habet Giraldus Cambr. Topographiæ Hiberniæ Distinct. 3, cap. 10, *Metalloꝝ quoq; diversorum (inquit) genera, quibus venæ scaturiunt inferiores, ejusdem ociositatis vitio, nec ad usum prodeunt, nec proficiunt; Aurum enim quo & abundare quærent, & quod adhuc Hispanico more sitiunt, commercioꝝ gratiâ, scrutantes Oceanum, Mercatores Ostmannici adveſtiant. Ostmannos, & ipsos veteres Hibernos nummos habuisse, ante Anglorum adventum, non est cur quis dubitet. Hoc constat ex Epistola Lanfranci Archiep. Cantuariensis, ad Tirdelvacum Regem Hiberniæ, anno 1074 perscripta, in qua inter alia eum rogat corrigere pravam eam consuetudinem (apud Hibernos usitatam) conferendi sacros ordines per Pecuniam ab Episcopis.* An verò nummi illi fuerint in Hibernia cusi, vel aliundè inveſti, viri nonnulli docti dubitârunt. Ad hujus rei notitiam quod attinet, fatendum est nobis, eam perquam exilè superesse. Cæterùm ad veteres Ostmannos quod attinet, eos in Hibernia nummos cudisse, satis est argumento nummus argenteus

argenteus Aulafi five Anlaphi Regis Dubliniensis, nonnullis Regis Hiberniæ dicti, cujus figuram subjungimus :



Restat de Hibernorum veterum nummis scrupulus : Atque hîc non possum (factor) non memorare, rusticos quosdam, mense Decembri, anno Dom. 1639, incidisse. in magnam vim veterum numismatum Hibernicorum, prope Glendelacham, in agro Wickloensi, è quibus aliqua ad manus meas pervenerunt, quorum ectypa hîc exhibere operæ pretium duxi,

Aversa



Aversa pars nummi tertii annum videtur designare 1115, quod si certum sit, non est cur quis ulterius, de hâc re, operam insumeret. De cæteris, cum sine aliqua literarum luce, non habeo quod pro certo affirmem; Antiquitatis speciem præ se ferunt, & procusi videntur ante Anglorum ingressum. Atque tales (opinor) fuerunt *minores illi denarii (quasi oboli) cujusdam veteris monetae & incognitæ reperti in quodam campo juxta Kilcolyn, de quibus fit mentio in Archivo fiscali an. 33 Edwardi I.* Sequuntur jam tempora, post Anglorum adventum.

adventum in Hiberniam, à quibus, nummos frequenter ibi cufos constat. De nummis in Hiberniâ procufis tempore Johannis Regis, ita Rogerus de Wendover, & ex eo Matthæus Parisius, ad annum Dom. 1210, *Præfecerat autem (Johannes Rex) ibidem Johannem de Grey Episcopum Norwicensem Justitiarium, qui Denarium terræ illius, ad pondus Numismatis Angliæ fecerat fabricari; & tam obolum quàm quadrantem rotundum fieri præcepit. Jussit quoque Rex, ut illius monetæ usus, tam in Angliâ, quàm in Hibernia, communis ab omnibus haberetur, & utriusque regni Denarius in thesauris suis indifferenter poneretur. Hinc constare videtur, nummos in Hiberniâ antea percussos fuisse, sed tunc, Regis jussu, DENARIUM TERRÆ ILLIUS ad pondus numismatis Angliæ primò fuisse fabricatum. Henricum III (Johannis filium) anno regni 35, hoc est anno Dom. 1251, novam monetam in Hiberniâ fabricari mandasse, ex Archivis, quæ in arce Londinensi asservantur, liquet. Meminit ad annum sequentem, ejusdem Novæ monetæ, Regis mandato, in Hibernia percussæ, unâ cum veteris abolitione, author anonymus Annalium cœnobii Canonicorum Præmonstratensium S. Trinitatis de Loghkea, in agro Roscomanensi. Sed ecce figuram nummi ejus nuper Dublini reperti, & ibidem (ni fallor) procusi, cujus prior pars exprimit effigiem Regis, cum hac inscriptione, *Henricus Rex III*, averfa verò, crucem & cuforum nomina,*



De pondere & valore, nihil traditum reperi. De novo etiam Monetæ genere, quod sub Edwardo primo, percuti curavit Stephanus de Fulburn, dùm Episcopus esset Waterfordiensis & Hiberniæ Justitiarius, sic Pembrigius, in Hiberniæ Annalibus à Camdeno editis, ad calcem Britanniæ suæ, Anno 1279, Dom. Robertus de Ufford (Hiberniæ Justitiarius) intravit Angliam, & constituit loco suo fratrem Robertum (lege Stephanum) de Fulburn Episcopum Waterfordiensem; cujus tempore mutata est moneta. Hoc factum est jussu Regis Edwardi Primi, qui monetæ regulam fixam, sive Standardum ut vocant) & pondere & puritate, ad perpetuum ejus honorem, emendavit in Anglia, secundum quam regulam, Officinæ etiam monetariæ in Hibernia fuerunt moderatæ, ut è Computis Donati & Andreæ de Sperdsholt Magistrorum Cambii Dublinii liquet. Anno deinde 1300, dicti Regis Edicto, nummi dicti Polards & Crccards, tam in Anglia, quàm in Hibernia, sunt prohibiti. Edictum quod de hac re edidit, in Hiberniam transmissum conscriptum extat in Libro rubro Scaccarii Dublinii. Ad eundem annum Pembrigius,

Anno

Anno 1300, Numisma Pollardorum prohibetur in Anglia & Hibernia; Vid. porro. Walsingham. Histor. ad annum 1301. Pollardi illi valebant medietatem nummorum *sterlingorum*. Notandum autem nummum propriè olim dictum *Sterlingum* vel *Esterlingum* fuisse Denarium Anglicum, ut ex ordinatione quæ dicta est *Compositio Mensurarum* facta tempore Edwardi Primi liquet, in qua invenimus quod *Denarius Angliæ*, qui nominatur *Sterlingus*, rotundus, sine tonsura, ponderabit 32 grana frumenti, in medio spicæ. Atque hinc cæteri nummi per *Sterlingos* fuerunt mensurati. Sic solidus valebat 12 *Sterlingos*, Marca, secundum *Matthæum Parisium*, 13 solidos & 4 *Sterlingos*, five denarios, obolus, dimidiam partem *Sterlingi*, & quadrans (nos a *Farthing* dicimus) quartam partem *Sterlingi*. Ad nomen quod attinet, ita *Canidenus*, in Scotia sua, Quod quidam monetam probam Angliæ, quæ **Sterling money** dicitur, hinc (nempe à Castro *Sterlingæ*) denominatam volunt, frustra sunt; à Germanis enim quos Angli *Esterlings*, ab orientali situ, vocârunt, facta est appellatio, quos *Johannes rex* ad argentum in suam puritatem redigendum, primus evocavit: & ejusmodi nummi *Esterlingi* in antiquis scripturis semper reperiuntur. Cæterum tempus quo dicta moneta primùm procudi & ita appellari cœpit, incertum est: Nam apud *Rogerum Hovedenum* in Historia *Richardi Primi*, *Johannis Prædecessoris*, ejusdem monetæ his verbis fit mentio. Videns igitur *Galsfridus Eboracensis electus*, quod nisi mediante pecunia, amorem Regis fratris sui nullatenus habere possit, promisit ei tria millia librarum *Sterlingorum*,
pro

pro amore ejus habendo. Et in Regesto antiquiori cœnobii S. Thomæ juxta Dublin, (penes me) habetur exemplar Chartæ Civium Dublin. factæ circa idem tempus, ad cujus finem ita legimus, Pro donatione ista nobis dedit præfatus Rogerus unciam auri, causa emendandi murum villæ, & 20 solidos sterlingorum, quando transmisimus nuncios ad Dom. Comitem Johannem pro negotio Civitatis. Sed tempora antiquiora etiam spectemus, vid. Orderic. Vital. Histor. ecclesiastic. tibi sæpius fit mentio nummi Sterilensis, ipsis Gulielmi Victoris temporibus, & speciatim in Charta quadam ipsius, cœnobio Uticensi concessa. Polydorus Virgilius, & ex eo alii, nummum Sterlingum dictum volunt, ab effigie Sturni avis, Anglicè a **Sterling**, quasi interdum in alterâ parte nummi impressâ: Atqui Polydorus is Italus fuit & in rebus nostris non benè versatus, specialiter effigies ea Columbæ est, non Sturni, ut alii rectius observant. Pergo. Sub exitum seculi XIII, vel initium insequentis, Edwardus Primus constituit Dublinii novam Officinam monetariam, & Alexandrum Normannum de Luic Cusorum Præfectum. Anno deinde 1304, (ut è libro rubro Scaccarii Dublinii intelligimus) Magister Gulielmus de Wimundham Custos Cambiorum Domini Regis in Anglia, de præcepto venerabilis patris Bathoniensis & Wellensis episcopi, Thesaurarii ejusdem Domini Regis, misit Domino Gulielmo de Essenden Thesaurario in Hibernia, 24 pecias cuneorum, pro moneta ibi facienda, viz. tres pilas cum sex crucellis, pro denariis, tres pilas cum sex crucellis, pro obolis, & duas pilas cum quatuor crucellis, pro ferlingis, per Johannem

nem le Minor ; Thomam Dowle & Johannem de Shordich clericos , de societate operariorum & monetariorum London. per eosdem , ad monetam prædictam operandam & monetandam. Sed ut tempora Edwardi Primi jam concludamus, notandum , ut in Anglia, sic etiam in Hibernia , nomina urbium , in quibus nummi cudebantur , in averfis nummorum partibus, tunc fuisse inscripta , juxta illud Roberti le Brun, Poëtæ antiqui Anglici, à Johanne Stowo Chronographo citatum,


**Edward did smite round penny, halfe penny,
farthing.**

Et postea,

**On the Kings side was his Head, and his
name written,**

**On the Crosse side, the City where it was
smitten.**

Hûc spectat nummulus argenteus hujus Edwardi, Dublinii percussus , quem expressum hîc tibi exhibemus,



Duos alios habeo , tempore ejusdem Edwardi in Hibernia cufos , alterum Waterfordiæ , alterum Pontanæ five Droghedæ , ut ex infcriptionibus eorum liquet. Affervatur etiam (ut accepi) inter cimelia D. Simon, D'ews, nummus antiquus argenteus, Clonardæ in Midia procufus, cum hac infcriptione in averfa parte, *CIVITAS DE CLONARD*, fed cujus fuerit temporis adhuc ignoro. Atque ita olim apud veteres Romanos in Britannia pecunia interdum percuti solebat; De nummis in memoriam Constantini Junioris, post excessum ejus procufis, cum literis *P. L O N.* infcriptis, utpote Londini signatis, vid. Camdenum: atque ut apud veteres eos Romanos, ita apud nostros majores (ut idem Camdenus in Wiltonia notat) *pecunia & appendi & numerari solebat.* Sed pergamus.

Ab ultimis temporibus Edwardi Primi, usque ad annum 10 Edwardi Tertii, de hac re nihil traditum reperi. Tum verò (ut è rotulo Finium illius temporis liquet) de obolis & quadrantibus, in Hibernia cudendis, prodiit Edictum Regis & Concilii sui, *Que la livre des mailles, par poids de l'estandard de la change, contient-*

*contiendra 21 sols par compt: Et la liure des fer-
lings 21 sols & 11 deniers: Et que la liure sudite
tiendra dix onces de fin argent, c'est à scavoir
trois sols & quater deniers.* Sic viginti dena-
rii temperati ut suprà faciebant unciam, &
12 uncia, librā (quā vocant) Troja-
nam. Juxta eam proportionem, usque ad 18
annum ejusdem Regis, id est 1344, omnes
Coronæ redditus, & pondere & numero, Fisco
illati sunt: cū (ut rectè notat, D. Rober-
tus Cottonus equ. & Baronettus) ex variis
Standardi mutationibus, factis temporibus
subsequentibus, in qualibet uncia jam nu-
merentur quinque solidi. Neque mirum igitur,
si omnium rerum venalium pretia hodiè
ter auctiora reddantur, quàm quæ tempore
Edwardi Primi, pro mercibus consimilibus,
pendebantur. Ad statum verò Fisci Hibernici,
tempore Edwardi Tertii, quod attinet, non
possumus non hīc obiter annotare crassum
Walsinghami errorem, qui in Historia Richar-
di Secundi (ad annum 1394) Edwardum 3,
ex Hibernia annuatim percepisse asserit, *ad
Regalem Fiscum, triginta millia librarum*: Si-
quidem ex ipsis illorum temporum Archivis,
quæ etiamnum extant, liquidò constat, nè
tertiam quidem ejus summæ partem annuatim
in Fiscum fuisse solutam.

Anno 3 Richardi secundi, hoc est, 1379,
authoritate Parlamentariâ, singulis in Hiber-
nia concessa est licentia effodiendi è venis auri
vel argenti, in terris suis propriis, per sexen-
nii spatium, nonâ parte auri vel argenti sic
effossi, regi reservatâ, & residuum, ad pla-
citum eorum, vel in vasa convertendi, vel
in nummos, in officina monetaria Dublini;

cum prohibitione tamen exportationis auri, argenti vel massæ five *billionis*, in aliquam aliam regionem, præterquam in Angliam, sub pœna confiscationis.

De temporibus Henrici 4 & Henrici 5, ad hanc rem, non habeo quod dicam. Constat verò sub initium regni Henrici 6, circiter 32 denarios fecisse unciam argenti. Sic Linwoodus (qui tunc scripsit) De Testamentis, cap. Item quia Verb. Centum solidos. Hic solidum (ait ille) sumitur pro duodecim denariis Anglicanis: Horum viginti sex ponderabant unciam, cum tamen jam 32 denarii vix faciant unciam. Sed videamus jam quid de Re nummaria temporum sequentium produnt Tabulæ publicæ Hiberniæ.

In Parlamento Trimmæ habito, coram Johanne Talboto comite Salopiæ, Wexfordiæ & Waterfordiæ, Locum-tenente Hiberniæ, mense Januario anno 1446, lata est lex ad coercendam receptionem monetæ detonsæ, monetæ dictæ *De Relyes money*, aliorumque illicitorum & reproborum nummorum: Vestigial etiam 12 denariorum impositum est cuilibet unciam vasorum argenteorum, argenti fracti, & massæ argenti, exportandæ, exceptis vasis argenteis Nobilium & Nunciorum in Angliam transfretantium, circa ardua Hiberniæ negotia. Mense Febuario 1459, Officinæ monetariæ stabilitæ sunt in castris Dublinii & Trimmæ, ac sub eodem tempore, Regis mandato cusi sunt non solum nummi argentei, sed etiam ærei. De valore eorū, vid. Rot. patent. an.

39 Hen. 6, nam deest valor in excerptis meis. Anno 5 Edwardi 4, hoc est 1465, in Parlamento Trimmæ inchoato coram Thoma comite

mite

rite Desmonia Deputato Georgii Ducis Clarentia Hibernia Locū-tenentis auctus est valor nummorum aureorum, ab initio regni Edwardi III, usq; ad exitum Henrici VI, cuforum, Nobilis scil. ad decem solidos, cū antea non valeret nisi sex solidos & octo denarios, & sic aliarum summarum, juxta eandem regulam & proportionem. *Jam inde Moneta* (inquit Johannes Davisius equ. aur. in Relationibus suis) *tam in Hibernia tum pro Hibernia cusa, minoris fuit valoris quā moneta Angliæ, plerūque ex quarta parte, ita ut deinceps solidus Hibernia valerit tantum 9 denarios moneta Angliæ.* Sed hæc res plenius meretur scrutinium: Nam quartæ illius partis differentia ad recentiora tempora est referenda, ut infra patebit.

Anno 1467, Parlamentaria item authoritate, data est cuforibus potestas signandi pecuniam in civitatibus Waterfordiensi & Limericensi, in oppidis Pontanensi, Galviensi & Carlingfordiensi, necnon in castris Dubliniensi & Trimmensi.

Octavo anno postea, mense nimirum Julio 1475, in Parlamento Dublinii coacto, coram Gulielmo Shyrwood Episcopo Mideni, Deputato jam dicti Locum-tenentis, lata est lex, quæ auctus est argenti valor, ita ut nummus argenteus (non detonsus) quatuor denariorum, temporibus Regum supra memoratorum signatus deinceps valeret sex denarios, & ut secundum eam regulam, minores etiam argenti summæ reciperentur. Eademque lege Officiæ monetariæ stabilitæ fuerunt Dublinii, Pontanæ & Waterfordiæ, & pecuniam cudendi potestas aliis urbibus prohibita. Tunc porro lege cautum erat, ne quis monetam vel metal-

lum in Officinam monetariã inferret, sine permissione Præfecti Cusorum, sub pœna amissionis monetæ vel metalli, sic sine permisso illati.

Anno sequenti, in alio Parlamento, coram eodem Deputato habito, lata est lex ut nummus aureus dictus *Regalis* valeret 13 solidos & 4 denarios, & antiquus *Nobilis* aureus, 12 solidos.

Biennio postea (anno sc, 18 Edwardi IV) in Comitibus, coram Giraldo Comite Kildariæ, Hiberniæ Justitiario, habitis, data est potestas cusorum Præfecto cudendi nummos trium denariorum, duorum denariorum & unius denarii. De Pondere aut *Standardo*, nihil traditum reperi. Notandum verò in nummis, illis temporibus procusis, expressas fuisse tres coronas, tria regna denotantes; Angliam, Franciam & Hiberniam, Ipsamque monetam probam illis ipsis temporibus in Hibernia procusam, minoris adhuc fuisse valoris, ex tertia parte, quàm moneta Anglica.

Sub exitum Anni 1483, in Parlamento Dublinii incœpto, coram dicto Giraldo comite Kildariæ, Deputato Edwardi filii Richardi tertii, Hiberniæ Locum-tenentis lata est lex de nummis adulteratis frangendis: Contra quos nummos, prodiit etiam edictum Henrici 7, Aprilis die 15. An. 1491. Atque hæc, de re Nummaria, dicta sufficiant.

Ad veterum Hibernorum Mensuras & Pondera quod attinet; ea aliis, necessariis ad opus subsidiiis, instructioribus, relinquimus. Pergamus nunc ad alia.

CAP. XXVI.

*Monasteriologia Hibernica, five Diatriba de
Hiberniæ Cœnobiis, in qua Origines eorum &
alia Antiquitates aperiuntur.*

DE Sedibus Episcopalibus Hiberniæ, suprà
diximus, capite 16. Sequitur jam Cœno-
biorum ejusdem Insulæ Catalogus, in quo non
pauca ad rem Historicam & Antiquariam
pertinentia describuntur. Ea tamen Cœnobia
consultò prætermisimus, quæ in primis sur-
gentis Hibernicæ Ecclesiæ temporibus erecta
in Ecclesias parochiales erant posterioribus se-
culis conversa. Hic præmonendus est Lector,
M. Monasterium significare, P. Prioratum, H.
Hospitalium, Pr. Præceptoriam, C. Cellam,
MC. Monachium Cœnobium, & FC. Fratrum
mendicantium Cœnobium.

PROVINCIA LAGENIÆ.

DUBLIN.

Loca & Tituli *Fundatores, Ordines &
Dedicationum. alie Antiquitates.*

Dublin. P. & Ec- Sitricus filius Amblavi Rex
clesia cathedralis Ostmannorum Dublinii &
S. Trinitatis. Donatus Episcopus Dublini-
 ensis Canonicis secularibus
 M. 3 institue-

instituerunt, circa annum Dom. 1038. Hos Laurentius Archiepiscopus Dublinensis in Canonicos mutavit regulares Ordinis Arecensis, circa ann. 1163. Tandem verò rex Henricus 8 Priorem & Conventum, in Decanum & Capitulum mutavit, anno 1541, & Robertum Castellum ab *Painſwick* ultimum loci Priorem, primum instituit Decanum. Hæc ædes sacra vulgò Ecclesia Christi dicitur.

*Juxta Dublin. M.
B. Marie Virginis.*

Hujus cœnobii Regestum majus narrationem habet parum fidam, de fundatione à Malachia aliàs *Melachlino* Rege & quodam *Gille-moholmoc*, quam è libro Hibernicè scripto, publicè legisse fertur Prior S. Johannis de Randoun Elphinensis diœcesis. Sunt qui à Danis sive Ostmannis fundatum volunt anno 948, & alii, qui à Donaldò *Gille-moholmoc* vel erectum vel restauratum. Abbas & Monachi hujus cœnobii, ex Tyronensibus facti sunt Cistercienses an. 1139. Ecclesiam ibidem plumbo obduxit Felix O-Ruadan Archiepiscopus Tuamensis, in qua

qua ipse sepultus est anno 1238, ad gradum altaris, in sinistra parte, triennio postquam Archiepiscopatum abdicasset. De jure filiationis hujus cœnobii, magna olim erat contentio inter Abbatem Saviaciensem in Gallia, & Abbatem Bildewasensem in Anglia, sed anno 1301, in Capitulo generali, operâ Gulielmi de Ashburn tûm Monachi, & procuratoris cœnobii de Bildewas, postea Abbatis cœnobii B. Mariæ juxta Dublin, Jus filiationis adjudicatum est cœnobio Bildewasensi.

*Juxta Dublin. M.
C. B. Mariæ de
Hoggis.*

Dernitius Murchardi filius Rex Lageniæ fundavit ibi cœnobium Monialium Ordinis Aroacensis, circa an. Dom. 1146. Cui supposuit (anno 1151,) cellas duas, unam juxta Waterford, (Kilclehin dictam) Ossoriensis diocesis, alteram dictam Athadab, fortè Leghlinensis Diocesis. Sic Regestum Johannis Alani Archiepiscopi Dubliniensis, sub Hen. 8.

*Juxta Dublin. P.
omnium. Sancto-
rum.*

Idem Dermitius Canonici Ordinis Aroacensis posuit, circa ann. 1166. Ibi

*Juxta Dublin.M.
S. Thomæ Mar-
tyris.*

*Juxta Dublin.ex-
tra novam por-
tam, P. S. Jo-
hannis Baptiste.*

*Juxta Dublin.F.
C.S. Salvatoris.*

demum Elizabetha Regina Collegium erexit, anno Dom. 1591, SS. Trinitati dedicatum, & Academicus ornavit privilegiis,

Gulielmus filius Aldehmi, vice & mandato Henrici secundi Regis Angliæ, cœnobium ibi fundavit Canonici ordinis Victorienfis, præsentibus Viviano tituli S. Stephani in Cœlio Monte Presbytero Cardinale, Laurentio Dubliniensi Archiepiscopo, &c. Anno Dom. 1177. Deinde amplissimis redditibus alii locupletârunt.

Aluredus le Palmer Osmannus fundator fuit & primus Prior circa annum 1188. Alii redditibus & latifundiis ditârunt. Hic Prioratus fuit etiam Hospitalis infirmorum, quod, regnante Edwardo 3, 155 infirmos & pauperes simul sustentabat, præter Capellanos & Conversos, ut ex Archivis liquet. Quando primum Cruciferi (sub regala S. Augustini) ibi fuerint locati, me latet.

Conventus Dominicorum introductus est anno 1224. Ecclesiam eorum (S. Salatori

Salvatori dicant) Kalendis
Maii 1238 fundatam pro-
dunt Annales cœnobii B.
Mariæ juxta Dublin.

Juxta Dublin.

F.C.

Cœnobium ordinis Mino-
rum extructum est circa an-
num 1236, Henrico 3 Re-
ge Angliæ structuram pro-
movente. Aream domus
contulit Radulphus *le Por-
ter.*

Juxta Dublin.

F.C.

Sedem hîc primò fixerunt
fratres ordinis Eremitarum
S. Augustini, circa annum
1259. Hujus ordinis quam-
plurimos, Dublinii *doctrinâ*
præfulgisse notat Johannes
Alanus Archiepiscopus Du-
bliniensis in Regesto suo.

Juxta Dublin.

F.C. B. Mariæ.

Robertus Bagot equ.aur.
erexit fratribus Ordinis B.
Mariæ de Monte Carmel,
anno 1274, in fundo quem
à cœnobio Vallis Salutis
comparaverat.

Glontarf. Pr. S.

Congalli.

Primum sedes fuit Mili-
tum Templariorum, aliàs
fratrum militiæ Templi, sub
Henrico 2. Sed ejectis de-
mum Templariis, sub Ed-
wardo secundo anno 1313,
facta est Præceptoría Mili-
tum Hospitalariorum. Se-
det ad Liffii æstuarium.
Hujus loci Henricus VIII,
Junii 20 1541, Vicecom-
item

mitem creavit (durante vita) Johannem Raufonum Priorem Hospitalis S. Johannis Hierosolymitani, in Hibernia, eique concessit annuam 500 marcarum pensionem ex prædiis & redditibus dicti Prioratus solvendam.

*Grace-dieu, al.
de Gratia Dei,
MC. B. Mariae.*

Johannes Cominus Archiepiscopus Dubliniensis Monialibus fundavit & prædiis ditavit circa annum 1190.

*Holm.Patric, al.
de Insula S. Patricii, P.*

Sitricus filius Murchardi construxit Canonicis Augustinianis, ante Anglorum ingressum. Henricus Loundres Archiepiscopus Dubliniensis ad locum commodiorem transfudit ann. 1220.

*Kilmainan, ad
Liffium flu. P. S.
Johannis Baptiste.*

Hunc Prioratum fundavit Militibus Ordinis S. Johannis Baptiste de Hierusalem, vulgò dictis Militibus Hospitalariis, Richardus cognomento Strongbow, Comes Penbrochiæ, vel Strigulæ, circa annum 1174. Dotationē confirmavit Henricus secundus. Ex aliorum postea donis, mirum in modum hic ordo crevit & floruit: At præcipuè ex quo sub Edwardo secundo, possessiones ordinis

nis Militum Templariorum
(cùm nuper damnati) hu-
ic ordini concessæ fue-
runt, Waltero *del Ewe*
sive de Aquâ, tunc Mili-
tum Hospitalariorum Pri-
ore. Hic Prioratus erat e-
tiam Hospitale sive Xe-
nodochium, pro Peregri-
nis & hospitibus recipien-
dis. Locus nomen habet
à S. Maignano Episcopo,
qui ibi vixit sub initium
seculi 7, & cujus festum
agitur 18 Decembris.

*E regione Saltus
Salmonum, P. S.
Catharina.*

Warinus de Pech funda-
vit ibi cœnobitum Canoni-
cis Regularibus anno 1219.
Alexander Bicknorus Ar-
chiepiscopus Dubliniensis,
consensu Gulielmi Hausted
loci Patroni, annexuit cœ-
nobio S. Thomæ juxta
Dublin. anno 1327.

Comitatus Kildarensis.

Loca & Tituli. Fundatores, Ordines &
dedicationum. alia Antiquitates.

*Kildare, M C.
S. Brigide.*

S. Brigida virgo moniali-
bus posuit circa annum
Domini 480, ubi ipsa Abba-
tissa præfuit. Kildara Cel-
lam Roboris sonat.

Kildare, F C.

Conventum Ordinis fra-
trum Minorum posuit Ge-
rardus filius Mauricii, circa
annum 1260. Alii Guliel-
mum de Vescey fundatorem
asserunt.

*Kildare, F C.
B. Maria.*

Dictus Gulielmus de Ve-
scey cœnobium ordinis Car-
melitarum ibidem extruxit.

*Athye, ad Baro-
um flu. F C.*

Sedem hîc (cis pontem)
prius fixerunt Dominicani,
anno 1257, ubi etiam Ca-
pitula illius ordinis habita
sunt annis 1288, 1295 &
1305.

*Juxta Athyam,
P. S. Johannis,
aliis, S. Thome.*

Hoc cœnobium (ultra
pontem) extruxit Crucife-
ris, Richardus de S. Micha-
ele Rhebanæ Dominus, reg-
nante Johanne.

In

Clane, ad Liffium
flu. F.C.

In cœnobio ordinis Minorum ibidem (secundum Annales cœnobii Hailesensis) sepultus est anno 1287 Geraldus filius Mauriti, fortè loci fundator. Alii sepultum volunt in cœnobio fratrum minorum Kildaræ. Hi fratres, à panno coloris *Grisei* seu cineritii, quo vestiti, (ut hoc semel obiter adnotem) nobis vulgè *Grey-friers* dicti.

Cloncurry, F.C.
B. Maria.

Johannes Roch Carmelitis conventum ibi fundavit anno 1347, licentia Edwardi 3 impetrata; Et hi à veste alba, *White-friers* vocati, uti Dominicani, sive fratres Prædicatores, à veste nigra, *Black-friers*.

Conal, ad Liffium
flu. P.B. Maria.

Milerus filius Henrici Hiberniæ Justitiarius fundavit an. 1202, & Canonicis Regularibus Ordinis S. Augustini implevit, ex cœnobio Lanthoniensi. Hic ille tumultatus est an. 1220. Patrem habuit Henricum filium nothum Henrici Primi Regis Angliæ.

Graney, M.C.B.
Maria.

Gualterus de Ridelesford monialibus ordinis S. Augustini ædificavit, circa annum Dom. 1200. Possessiones confirmavit Johannes rex Angliæ.

Hunc

*Juxta pontem de
Kilcullen, vulgò
Peb Abbey, FC.*

Hunc conventum ord. Minorum de observantia, an. 1486, Dominus Rolādus Fitz Eustace Baro de Portlester & sūmus Hiberniæ Quæstor fundavit ad Liffiū flu. prope dictū pontem. Ibi ille tumulatus est anno 1496. Monumentū tamen speciosum sibi & Margaretæ Jenico uxori suæ extruxerat Dublinii, in Ecclesia S. Audoëni, in capella nempe B. Mariæ.

*Killbegs, Kilbeel,
Tully, Pr.*

Tres Præceptoræ Equitum Hospitalariorum, è quibus penultima donum fuit Mauritiū filii Geraldī.

Kilrush, C.

Gulielmus Mareſcallus comes Penbrochiæ Canoniciſ Regularibus fundavit, & cellam fecit Prioratus de Carthmel, apud Lancaſtrienses, in Anglia.

*Monaster-Evin,
al. Rosglas, & de
Rosea valle, M.
B. Mariæ.*

Dermītius Demſæus Oſaliæ Dynaſta Monachiſ Ciftertiensibus fundavit, anno 1178, aliis 1189. Hoc cœnobium nomen habet à S. Evinno qui claruit sub initium ſeculi 7, in monaſterio ſuo de Roſ-mac-Treom. Sedet ad Baroum flu.

Nasæ FC.

Fratres ordinis Eremitarum S. Auguſtini.

*Juxta Naſam, P.
S. Joh. Baptiſta.*

Fundatur à Naſæ Barone, Canoniciſ Auguſtinianiſ.
Funda-

Juxta Nasam,
F.C.

Fundatur fratribus Ordinis Prædicatorum, ad collis rotundi radicem, circa annum 1356, licentiâ regis Edwardi 3 impetratâ. Eustacii Patroni fuerunt.

Timolinbeg, MC.
B. Maria.

Robertus filius Richardi Norrachæ Dominus velatis Virginibus Ord. Aroacensis, Monasterium posuit, & ibi Lecelinam neptim abdidit, sub initium regni Johannis.

Tristle-dermot,
vulgò Castle-der-
mot, P. & H.S.
Johannis Bapti-
stæ.

Gualterus de Ridelesford loci Dominus fratribus Cruciferis posuit, regnante Johanne. Opidum nomen habet à S. Diarmitio, qui vitam illic solitariam egit, unde olim Desertum Diarmitii appellabatur.

Tristle-dermot,
al, Castle-dermot,
F.C.

Sedem ibi fixerunt fratres ordinis Minorum, regnante Edwardo Primo.

S. Wolstani Prio-
ratus.

Richardus primus loci Prior & Adamus de Hereford hoc cœnobium fundârunt Canonicis ordinis Victorienfis, circa annum Dom. 1205, in memoriam Wolstani Episcopi Wigornienfis, tum nuper ab Innocentio 3, inter sanctos relati. Prima pars structuræ ibidem vulgò appellabatur *Scala Cæli*. Sedet amœnissimè ad dextram ripam Liffii fluvii.

Comi-

Comitatus Wicklo.

Loca & Tituli
dedicationum.

Fundatores, Ordines &
alia Antiquitates.

Wickloæ, F. C.

Conventus ordinis Minorum ibi fundatur, regnante Henrico 3, ad Deum sive De flu. Wickloa Hibernis *Kilmantan* vocatur, Sed Wickloa (ab Ostmannis olim possessa) exoticâ sapit originem : Nam Wick Germanicè fluminis sinum significat, vel ut Hadrianus Junius habet, stationem securam, ubi conjunctioribus ædificiis habitatur.

Arckloæ, Hibernis Invermore. F. C.

Theobaldus Pincerna anno Dom. 1264 conventum ibi posuit fratribus ordinis Prædicatorum. In Ecclesia ibidem ipse sepultus est cum statua superimposita. Arckloa recentius est nomen, ab Ostmannis impositum.

Baltinglas, al. de Valle Salutis, M. B. Mariæ,

Dermotus Murchardi filius Rex Lageniæ, anno 1148, aliis 1151, Monachis Ordinis Cisterciensis construxit & prædiis dotavit. Slano fluvio adsidet.

Comitatus

Comitatus Wexford.

Loca & Tituli
Dedicationum.

Fundatores, Ordines &
aliæ Antiquitates.

Wexfordiæ, Hi-
bernis Logh-Gar-
mon, P. S. Johan-
nis & S. Brigidæ.
Wexfordiæ, FC.

Gulielmus Marescal-
lus Comes Penbrochiæ Ho-
spitalariis Militibus con-
struxit.

Sedem ibi fixerunt Mi-
noritæ, regnante Henrico 3.
In hoc cœnobio Mauriti-
um Geraldii filium (à quo
stemma ducit Geraldinc-
rum familia) sepultum af-
ferit Joh. Hookerus, at fal-
sò proculdubio: Nam Mau-
ritius ille obiit 1177, diù
ante institutionem ordinis
fratrum Minorum.

Juxta Wexford,
P. SS. Petri &
Pauli de Selsker.

Ibi Canonici fuerunt Re-
gulares Ord. S. Augustini.
Rochei Patroni fuerunt,
Sed quis primus fuerit con-
ditor, non comperi. Fama
tenet Ostmannos fundâsse,

Clomin, F. C.

Sedes ibi fuit fratrum
Ord. Eremitarum S. Augu-
stini, quam Nicolaus filius
Nicolai Clericus auxit & or-
navit an. 1385. Sunt qui af-
ferunt sedem postea factam

N

fratrum

*Donbrody, al. de
Portu S. Ma-
riæ, M.*

fratrum Prædicatorū. Vid.
Inquis. Scaccarii, anno 31
Hen. 8.

Hervæus de Monte Ma-
risco Mareſcallus Dom. Re-
gis (Hen. 2) & Senescallus
de tota terra Richardi co-
mitis Penbrochiæ dedit Ard-
ſithen, Croſgormoc, &c. Deo
& S. Mariæ & S. Benedic-
to, & Monachis de Bildewas,
apud Salopienses in Anglia,
ad Abbatiam construendam,
de ordine Cistercii, circa an-
num 1175. Cæterum ipsum
cœnobium Donbrodienne
non fundatum fuit ante an.
1182, quo Abbas & con-
ventus domus Beatæ Mariæ
de Bildewas conceſſerunt
Abbati & conventui Domus
B. Mariæ juxta Dublin. to-
tum jus & clameum quæ ha-
buerunt in terris, & tenemen-
tis prædictis: ut è Regeſto
dicti cœnobii B. Mariæ juxta
Dublin. intelligimus. Paulò
poſteà, Hervæus fundator
cucullū induit Cantuariæ,
in Eccleſia Chriſti. In hoc
cœnobio ſepultus eſt anno
1217, Herlewinus Episcopus
Leghlinenſis, cujus Eccle-
ſiæ magnam partem con-
ſtruxerat. Sedet prope con-
fluentes Baroi & Suiri.

Hoc

Dunum. M.

Hoc cœnobium Canonico-
rum Ord. S. Augustini,
ante adventum Anglorum
in Hiberniam fundatum,
sedet ad *Derrihy* amnicu-
lum qui non procul hinc
Slano confociatur.

*Ferne, M. B.
Mariæ.*

Dermitius filius Mur-
chardi rex Lageniæ funda-
vit ibi cœnobium Canoni-
cis Augustinianis, circa an-
num 1158, ad Bannium flu-
vium, qui ad tertium hinc
milliare Slano se commit-
tit.

*Glascearig, aliàs,
de Viridi rupe,
P.B. Mariæ:*

Griffinus Condon, David
Roch aliàs de Rupe, & alii
hoc cœnobium Monachis
Benedictinis posuerunt, ad
oram maritimam, prædiis
dotârunt, & Cellam fece-
runt cœnobii S. Dogmaëlis
apud Penbrochiienses in
Wallia.

*Horton parva,
F.C. B. Mariæ.
Iniscorthy, F. C.*

Fundatur Carmelitis à
familia Furlongorum.

Donaldus cognomento
Fuscus posuit ibi cœnobium
ord. Fratrum Minorum de
observantia anno 1460.

*Juxta Iniscorthy,
ad Slanum flu.
P.S. Johannis
Evangelistæ.*

Giraldus de Prendergast
loci Patronus & Johannes de
S. Johanne episcopus Fernes
cellam fecerunt cœnobii
Canonicorū S. Thomæ jux-
ta Dublin. circa annū Dom.

1240, ut ex Chartis eorum liquet, Regeſto dicti cœnobii S. Thomæ inſertis.

Kicloga, Pr.

Templarij milites hîc ſedem fixerunt, circa tempus Johannis Regis, Sed ſuppreſſis Templariis, ſub Edwardo 2, facta eſt Præceptoriam militum Hoſpitalariorum. Sedet non procul à Surio flu. à cujus oſtio vix 2 milliaribus abeſt.

*Roffæ, al. Roſſ-
Pontis, F C.*

Johannes Devereux miles fundavit conventum ord. Minorum in loco ubi aliquando Domus erat Cruciferorum, ad Baroi flu. ripam, regnante Edwardo Primo.

Roffæ, F C.

Conventus ord. Eremitarum S. Auguſtini fundatur ibidem regnante Edwardo 3.

*Tintern, al. de
Voto, M. B. Mariae.*

Gulielmus Marescallus ſenior comes Penbrochiæ an. Dom. 1200, cum efferatam tempeſtatē evaſiſſet, ex voto hoc cœnobiū conſtruxit, ſinuoso in litore, prædiis ditavit & monachis implevit Ciſtertiienſibus, ex cœnobia Tinternenſi, apud Monumethenſes in Wallia, quibus Abbatē præfecit Johannem Torrell. Hoc cœnobiū, à Chryſoſtomo Henriques, in fasciculo Sanctorum ordinis Ciſtertiienſis, appellatur *Minor Tinterna.* *Kil-*

Kilkenny.

Loca & Tituli
dedicationum.

*Fundatores, Ordines &
alia Antiquitates.*

*Kilkennia P. seu
H.S. Johannis
Evangelista.*

Gulielmus Marescallus senior comes Penbrochiæ Canonicis Augustinianis posuit an. 1211, ad ortum urbis, quam à S. Canico, cujus nomen fert, Canicopolim vocare licet.

Kilkennia, F C.

Gulielmus Marescallus junior Comes Penbrochiæ fratribus Ordinis Prædicatorum excitavit anno 1225.

Kilkennia, F C.

Conventus fratrum Minorum construitur Kilkennia, circa an. 1240, si non quod aliqui tradunt ante an. 1234, juxta ripam Neori flu.

Calane, F C.

Cænobium ibi Fratribus Ordinis Eremitarum S. Augustini construxit Jacobus Butlerus, in cujus Ecclesia ipse sepultus est anno 1487. Is pater fuit Petri Comitis Ormonia, sub Henrico 8. Sunt qui foundationem ascribunt Hugoni de Mapilcon
N 3 Episcopo

Dousk al. M. de Valle S. Salvatoris.

Fert-ne-gerab, P. S. Kiarani. Feripont, al. Geripont, M. B. Mariae.

Episcopo Ossorienſi, regnante Henr. 3. Sed perpetuam opinor.

Gulielmus *Marescallus* ſenior comes Penbrochia conſtruxit an. 1207, aliis 1204, & Monachis Ciſtertiensibus replevit, ex cœnobio de Stanleia, apud Wiltonienſes in Anglia. Monachos verò poſt eorum adventum in Hiberniam ſedem ſæpè mutâſſe, antequàm Douskæ fixerunt, docet loci Regeſtum. Monasterium de Killenny, aliàs de Valle Dei (quod Dermitius O-Rian fundaverat, aſſenſu Dermitii Murchardi filii, Regis Lageniæ) huic cœnobio conjunctum eſt anno 1227.

Canonici ordinis S. Auguſtini.

Hoc cœnobium Monachis Ciſtertiensibus poſuit, vel ab alio loco, in Oſſoria, huc tranſtulit Donaldus regulus Oſſoriæ, anno Dom. 1180. Inter ſepulchra Eccleſiæ ibidem, memoranda inprimis ſunt ea Donaldi conditoris & Felicis O-Dullani Episcopi Oſſorienſis, qui Aghavoa relictæ, cathedram Episcopalem Kilkenniam tranſtulit, circa finem ſeculi 12.

Thomas

*Inistiock, P. S.
Columbæ.*

Thomas filius Antonii Senescallus Lageniæ Canonici Augustinianis construxit, circa annum 1206, suasu Hugonis Rufi, aliàs *le Rou* Episcopi Ossorienfis.

*Kenlis, al. Kells,
P. B. Mariæ.*

Galfridus filius Roberti (Lageniæ Senescallus ante jam dictum Thomam) fundavit hoc cœnobium, regnante Richardo Primo, ac in eo collocavit 4 Canonicos Ordinis S. Augustini, ex cœnobio Bodmineni, apud Cornubienses in Anglia, deductos, nimirum Reginaldum de Acland, primum loci Priorem, Hugonem Rufum, Reginaldi successorem in Prioratu & demùm Episcopum Ossoriensem, Aluredum, factum postea primum cœnobii Inistiokenfis Priorem, & Algarum, qui Romam postea missus, ob cœnobii sui negotia, Episcopatum quendam obtinuisse fertur in Lombardia. Huic cœnobio annexus est postea Prioratus *de Tuillales*, quem in agro Corcagienti extruxerat Mattheus filius Griffini.

*Kilclebin, al. de
Bello portu. M.
C.S. Kilkynni.*

Dermitius Murchardi filius rex Lageniæ cellam fecit Monialium B. Mariæ de

Hoggis juxta Dublin. anno Dom. 1151. Prædiis post adventum Anglorum ditârunt Johannes comes Moretoni Dom. Hiberniæ & David filius Milonis. Sedet ad Surium flu. è regione Waterfordiæ.

Knocktogher, FC.
B. Mariæ.

Jacobus secundus comes Ormonix Carmelitis posuit, anno Dom. 1356.

Ross-Ibercan, FC.

Conventus fratrum Ord. Prædicatorum introductus est anno 1267, 13 Kalend. Nov. Sedet ad Baroum flu. è regione Ross-pontis.

Comitatus Catherlagh.

Loca & Tituli
dedicationum.

Fundatores, Ordines &
alia Antiquitates.

Leghlinæ, P. S.
Stephani.

De Ordine, nihil traditū reperi, Prioratum vero dissolutū fuisse Eugenii 4 Pape autoritate, an. 1432, & terras Decanatui Leghlinēsi tunc annexas, ad rogatum Nicolai Cloal Decani, prodit in annalibus suis Thaddæus Doulingus. qui porro asserit Burchardum quendam Norwegum Gurmundi filium Prioratum fundasse, vel potius

potius dotasse, eumque in
choro Ecclesiæ Cathedralis
Leghlinensis, sub marmore
conditum, cum statuâ ejus
superimposita, & Epitaphio
sequenti,

H I C J A C E T
H U M A T U S
D U X F U N D A -
T O R L E N I Æ,
E N G O R M O N -
D I B U R C A R -
D U S, V I R G R A -
T U S E C C L E -
S I Æ.

*Juxta pontem
Leghlin, F C.
B. Mariæ.*

Cænobium hoc Carme-
litis extructum est ad Ori-
entalem Baroi ripam, sub
exitum Henrici 3 Regis.
Carewum quendam funda-
torem fuisse tradit Johan-
nes Hookerus in Scholiis ad
cap. 23 lib. 2 Giraldi Cam-
brensis, de expugnatione
Hiberniæ. Sed perperam
ibi conventum appellat fra-
trum Minorum.

Athaddy, M.C.

Dermicius filius Murchar-
di Rex Lageniæ cellam fe-
cit domus Monialium B. Ma-
riæ *de Hoggis* juxta Dublin.

Hanc

*Killergy. Pr.
S. Johannis Baptiste.*

Hanc Præceptoriam, regnante Johanne, Militibus Templariis condidit Gilbertus de Borard. Sed sub Edwardo 2, Equitibus Hospitalariis assignata est.

*Tulli-Felim, al.
Felagh, F.C.*

Simon Lumbarde & Hugo Talun fratribus Ord. Eremitar. S. Augustini fundaverunt an. 1314, ad ripam Slani flu.

Comitatus Regis.

*Loca & Tituli
dedicationum.*

*Fundatores, Ordines &
alia Antiquitates.*

*Durrogh, antiquitas Dermagh,
seu Campus Roberti. M.B. Mariae & S. Columbæ.*

Sanctus Columba fundavit circa annum 550. Vid. Bed. Ecclesiastic. Historiæ gentis Anglorum lib. 3. cap. 4, & Adamnan. vit. Columbæ lib. 1, cap. 3. Extat etiamnum, (qui asservabatur olim in hoc cœnobio) liber 4 Euangeliorum, ex versione D. Hieronymi, laminis argenteis ornatus, quem, Inscriptio præfixa, manu S. Columbæ, per 12 dierum spatium exaratum refert. Canonicos hujus cœnobii, tempore suppressionis & diù antea, ordinis fuisse

fuisse Augustiniani constat, quanquam confitendum etiam S. Columbam monachis suis, ibi primò dispositis, propriam condidisse regulam. Consimilem habuerunt eventum (obiter adnoto) regulæ à SS Brendano, Congallo, &c. institutæ, ut infrà patebit.

Gallen, al. Galin.
P.

S. Canocus al. Mochonocus Abbas Canonicis Augustinianis construxit, circa annum 492. Consul. Joh. Colgani Acta Sanctorum Hiberniæ, ad 11 Februarii. Sedet ad Brassinogh flu. in regiuncula Mac-Coghlani, quæ pars est Comitatus Regis.

Killeighæ, in Ofa-
lia, P. S. Crucis.

S. Sincellum *Mac Cene-*
nain Abbatem Killeach obiisse ann. 548, produnt Annales Ultonienses. Fortè primus fuit Abbas & fundator loci de quo hîc agimus. Hîc Canonici fuerunt Augustiniani.

Killeighæ, F C.

Fundatur Minoritis, regnante Edwardo Primo.

Killeighæ, M. C.

Moniales ordinis S. Augustini.

Kilcarmic, F C.
B. Maria.

Cœnobium Carmelitis hîc construxit ad Brassinogh flu. Odo filius Nella-ni Mulloy, in cujus Ecclesiâ ipse

*Monaster-Feoris,
al. Totmoy, FC.*

ipse sepultus est anno 1454.
Johannes de Bermingham
comes Lovidiæ cœnobium
illud Minoritis posuit, anno
1325, in ea parte hujus agri
quæ Ofalia dicitur.

*Seir, al. Saiger-
Kiaran. P. S. Kiarani.*

Sanctus Kiaranus vel Ci-
aranus senior contruxit ibi
cœnobium in primâ Eccle-
siæ Hibernicæ infantîâ, quod
magno olim honore floruit.
Situm est in ea parte Co-
mitatus Regis, quæ appel-
atur *Elia Carolina*. Cano-
nici hujus cœnobii Ordinis
fuerunt S. Augustini.

Comitatus Reginæ.

Loca & Tituli
dedicationum,

*Fundatores, Ordines &
alia Antiquitates.*

*Aghavoe, in Ofsso-
ria superiore, FC.*

Cœnobium ibi Dominica-
nis construxerunt majores
Baronis superioris Ofsoriæ.
Atqui Aghavoe (i.e. si inter-
preteris, *Campus Bovis*, sicut
Boëtia Græciæ à Bobus)
olim celebris inprimis erat,
ob S. Canicum Abbatem,
qui obiit ibidem 5 Idus
Octobris anno 600.

Ord.

Aghmacart, P.

S. Tigernaci.

Leix. al. de Lege

Dei, M.B. Maria.

Ord. Canoniorum Augustinianorum.

Fundatum anno Dom. 1183, & monachis impletum Cisterciensibus, ex cœnobio Baltinglassensi. Thaddæus Doulingus erectum asserit à Cohegerio O-Moro, ibique eum postea tumulatum. Situm est ad Neorum flu. in ea parte comitatus Reginae, quæ *Leasia* vulgò appellatur.

Stradbally, in
Leasia, F.C.

Fundatur Minoritis ab O-Moro. Hunc conventum eundem esse existimo cum eo cuius meminit Pisanus, sub nomine *Luasiae*.

Midia,

Midia, sive Midia Orientalis.

**Loca & Tituli
dedicationum.**

*Trimma, M.B.
Mariæ.*

Trimma, F C.

*Trimma, F C.
Juxta, Trim. P.
SS. Petri & Pau-
li de Newton.*

**Fundatores, Ordines &
alia Antiquitates.**

De primo Fundatore hujus cœnobii, non habeo quod dicam. Extructum fuisse diu ante Anglorum adventum liquet. In Annalibus Ultoniensibus ad an. 820, vel 821, fit mentio mortis Cenfealæ filii Romaini Scribæ, Episcopi, anachoretæ & abbatis Trimmenfis. Lacæi vel restaurarunt, vel de novo extruxerunt. Hic Canonici fuerunt Regulares Ord. S. Augustini.

Conventus Dominicanorum introductus est an. 1263. In hoc conventu habitum Ordinis Prædicatorum suscepit an. 1308, Galfridus de Genevil Midie Dominus.

Ord. Minorum.

Simon de Rupe-forti Episcopus Midenfis fundavit Canonicis Augustinianis,

nis circa annum 1286, & Clonardâ relictâ, hûc cathedralam Episcopalem transfudit. Mortem obiit 1224, & in Ecclesia ibidem sepultus est.

*Juxta Trim, P.
feu H.S. Job. Baptista de Newton.*

Ord. Cruciferorum. Episcopi Midenfes vel Fundatores fuerunt vel Benefactores.

*Athboyæ, FC.
B. Mariæ.*

Gulielmus de Loundres loci Dominus ann. 1317 fundavit ibi conventum fr. Carmelitarum. Capitulum illius ord. ibi habitum est anno 1467.

*Ballibogan, al. de
Lande Dei, P.S.
Trinitatis.*

Ord. Canonicorum Regularium. De vetustate hujus cœnobii, quod dicam nihil certi occurrit. Fama tenet Jordanum Comin fundâsse. Sedet ad Boinum flu.

*Beaubec, feu de
Bello becco, C.
B. Mariæ.*

Cella fuit Monasterii B. Mariæ de Becco in Normannia, Ordinis S. Benedicti, ex dono Walteri de Lacy Mediæ Domini, sub Johanne Rege. Atqui postea Cella facta est Cœnobii Furnessensis, apud Lancastrienses in Anglia, Ord. Cisterciensis. Nam Abbas Beccensis, impetratâ vendendi licentiâ ab Edwardo 3 rege Angliæ, Cellam eam vendidit

*Bedis, al de Be-
atitudine, M.
B. Mariæ.*

*Clonardæ anti-
quitus Cluaini-
rard, P. S. Petri.*

*Clonardæ, MC.
B. Mariæ.*

vendit Abbati Furnessii. *Bec* Gallis significat & avis rostrum, & terræ extremitatem ubi duo confluunt flumina.

Ord. Cisterciensis. De tempore foundationis hujus cœnobii variât Chronographi Ordinis Cisterciensis: Sunt qui fundatum tradunt anno 1146 14 Januarii, alii, anno 1148, & alii anno 1151. Sed non magna est differentia. Sedet ad Boinum flu. Fundavit & dotavit Murchardus O-Melaglin Midix regulus.

Ord. Canoniorum S. Augustini, S. Finianum Clonardæ splendorem singularem cœnobium ibi construxisse non diù post Seculi sexti initium constat. Atqui cœnobium, de quo jam loquimur (nescio an antiquioris proles) à Lacæis fundatum est, in S. Petri memoriam. Sedet ad sinistram ripam Boini flu.

Moniales Ord. S. Augustini. O-Melaglin Midix regulus dotavit ante Anglorum adventum. Cœlestinus 3 confirmavit possessiones an. Dom. 1195. Atqui hæc domus ad tantam postea re-
ducta

facta est paupertatem, ut
facta fuerit demùm cella
cœnobii Monialium S. Brigi-
dæ de Odra, vulgò *Odder*.

Colp. C.

Ord. Canoniorum Regu-
larium S. Augustini. Hugo
de Lacy Dominus Midix
Cellam fecit Prioratus Lan-
thonix primæ apud Monu-
methenses in Wallia, cir-
ca annum 1182.

*Dulekæ, olim
Damliag, M.B.
Mariæ.*

Ord. Canoniorum Augu-
stinianorū. Hoc cœnobium à
Kellæo quodam diù ante
Anglorum adventum in Hi-
berniam, fundatum fuisse,
ex Rotulo clauso anni 29
Edw. 3, intelligimus.

*Dulekæ, C. S. Cia-
nani.*

Ord. Canoniorum S.
Augustini. Hugo de Lacy Do-
minus Midix cellam fecit
Prioratus Lanthoniæ juxta
Glocestriam in Anglia, circa
annum 1180, Celebris ibi
olim memoria S. Cianani
(vulgò Kenani) qui obiit
anno 489, vel 488, ad quem
An. sic Annales Ulton.
*Quies S. Cianani, cui S.
Patricius Euangelium largi-
tus est.*

*Kenlisæ, vulgò
Kells, antiquitūs,
Cenanus, seu Ke-
nanus, M.B. Ma-
riæ.*

S. Columba fundavit ibi
insigne olim Monasterium;
circa an. 550. Locum dona-
vit Dermotius filius Cербal-
li rex Hiberniæ. Restauravit

Q

postea

postea Cellacus Abbas Jonæ, sive Hu insulæ anno 806. Qua de re, vide Annales Ultonienses, ad ann. 806 & 813. Opidum Aquæ nigrae al. Manæ fluvio adfidet, non obscuræ olim famæ, inter alia, S. Cuthberti natalibus nobilitatum.

Ordinis Cruciferorum, ex fundatione Walteri de Lacy Midia Domini.

Hanc Præceptoriam dictus Walterus de Lacy Dominus Midia, regnante Richardo Primo, Equitibus Hospitalariis concessit. *Kilmainan-beg* significat Ecclesiam sive cellam parvam Maignani.

Ord. Militum Hospitalariorum.

Avicia de la Corner soror Richardi de la Corner Episcopi Midenfis Monialibus Ord. S. Augustini fundavit circa annum 1240. Huic cœnobio Richardus ille concessit manneria de Dunsink & Bally-godman.

Ord. Canonicorum Augustinianorum, sub exitum Seculi 12, à Jocelino Nangle, aliàs de Angulo fundatum vel restauratum. Inter Abbates eminuit Johannes

Bole,

*Juxta Kenlisam,
P. sen H. S. Jo-
hannis Baptista.*

*Kilmainan-beg,
juxta Nobir: Pr.*

*Kilmainan-wood,
Pr.*

*Lismullen, M. C.
S. Trinitatis.*

*Navane, M. B.
Marie.*

Bole, qui mense Junio 1457 consecratus est Archiepiscopus Armachanus. Sedet ad confluentes Aquæ nigræ & Boini.

*Odder, M.C.S.
Brigide.*

Possessiones confirmavit Cœlestinus 3 anno 1195. Huic cœnobio annexæ sunt postea cellulæ aliquot Monialium in Midia.

Scriva, F C.

Franciscus de Feipo loci Dominus, regnante Edwardo 3, conventum ibi posuit fratribus Ord. Eremitarum S. Augustini.

*Slane, ad Boinum
su. F C.*

Christophorus Flemingus Baro de Slane & Elizabetha Stukleia uxor ejus fratribus tertii Ord. S. Francisci fundarunt anno 1512, in loco *Hermitorii S. Erci*, ut ex chartâ fundationis intelligimus. Christophorus ille anno sequenti (obiter adnoto) ab Henrico 8, Summus Hiberniæ Quæstor constitutus est.

Midia Occidentalis.

**Loca & Tituli Fundatores, Ordines &
Dedicationum. alia Antiquitates.**

*Molingara, P.B.
Maria.*

Ord. Canonorum Regularium. Radulphus Parvus aliàs Petit Episcopus Midenfis fundavit circa annum 1227. Hic Prioratus olim vulgò nomine *Domus Dei de Molingara* innotuit.

Molingara, F.C.

Conventus fratrum Ord. Prædicatorum introductus est anno 1237. Postea annis 1278, 1292, 1308 & 1310, Capitula illius ordinis ibi sunt habita.

Ardnecran, F.C.

Ord. B. Mariæ de monte Carmel.

In ea parte Athlone quæ agri censetur Westmidenfis, F.C.

Conventus fratrum Ord. Minorum ibi collocatus dicitur à quodam è familia Dillonorum. Albertus patriâ Colonienfis Archiepiscopus Armachanus Ecclesiam eorum consecravit anno 1242. Sedet ad sinistram ripam Shenani fluvii

Hoc

Ballymore Logh-
sedy, *al. Plary,*
M.B. Marie.

Hoc cœnobium in anti-
quo codice Statutorum &c.
Ordinis Cistertiensis in Hi-
bernia, inter illius ordinis
cœnobia numeratur. At-
qui Ordinis fuit (ut puto)
Gilbertini sive *de Sempring-*
ham in quo Canonici fue-
runt Ordinis Præmonstra-
tensis, & Moniales Ord.
Cistertiensis, separatis ta-
men ædificiis utrique gre-
gi assignatis. Lacæos Funda-
tores agnoscit.

Foura, al. Favo-
ria, P.SS. Tauri-
ni & Fechini.

Hic S. Fechinus cœnobi-
um instituit Canoniorum
Regularium, cui ipse præfu-
it Abbas, usque ad annum
665, quo mortem obiit. An-
no verò 1218, Walterus de
Lacy Dominus Mediæ Cel-
lam fecit cœnobia S. Taurini
Ebroici (vulgò dicti *Eve-*
reux) in Normannia, unde
monachis Benedictinis re-
plevit. An. demùm 27 Hen-
rici VI, Parlamentariâ au-
thoritate, abrogatum est jus
Abbatis S. Taurini Ebroi-
censis, & data est monachis
Fourensibus potestas su-
um deinceps Priorem eli-
gendi. Hic locus (sicut
Kiriath-sepher apud Judæ-
s) olim etiam Hibernicè ap-
pellaba-

*Kilbegain, al. de
Flumine Dei, M.*

*Kilkenny-west, P.
seu H. S. Job. Bap.
Kilmachael, F C.*

*Multifernan,
F C.*

*Tristernagh, P.
B. Mariae.*

pellabatur *Balle-leabair*, id
est, *Urbs Librorum*.

Fundatum anno 1200 &
Monachis Cisterciensibus
impletum è cœnobio Mel-
lifontis.

Ord. Cruciferorum, ni
fallor.

FF. Terti Ord. S. Fran-
cisci.

Fundatur à Gulielmo
Delamaro, sub Henrico 3.
vid. Luc. Waddingi Tom.
1. Annalium Minorum, ubi
etiam Conventus translatus
dicitur à patribus Conven-
tualibus, ad observantiam
regularis professores, an-
no 1460.

Dominus Galfridus de
Constantin fundavit ordi-
ni Canonorum Augusti-
nianorum, & dotavit, circa
annum, 1200, ut ex Rege-
sto loci intelligimus.

Longford.

Longford.

Loca & Tituli
dedicationum.

*Fundatores, Ordines &
alia Antiquitates.*

Longfordæ, FC.

In hoc cœnobio Domini-
canorum sepultus est anno
1424 Cornelius O-Ferrall
Episcopus Ardachadenſis,
vir ob liberalitatem erga
pauperes celebratus, nescio
an fundator Domus.

*Balline-sagard,
FC.*

FF. Tertiî Ord. S. Fran-
cisci.

Derg, P. S. Petri.

Ord. Canonicorum Au-
gustinianorum. Sunt qui
fundatum aſſerunt (quàm
verè nescio) à Gormgallo
O-Quin, regnante Johan-
ne. In hoc cœnobio sepul-
tus est Brendanus *Magodaig*
Episcopus Ardachadenſis,
anno 1255.

Granard, al.

*Lerba juxta Gra-
nard, M. B. Ma-
rie.*

Richardus Tuit Miles lo-
ci Dominus fundavit circa
annum 1210, & Cisterciensi-
bus Monachis implevit, è
cœnobio B. Mariæ juxta
Dublin. Is anno ſequentē
Athlonæ turre cadente ob-
rutus periit.

*Inis-more, in lacu
Gawna, P.*

S. Columba ibi funda-
vit cœnobiolum Canonicis
O 4 Regula-

Inis-bo-find, in
Shenani flu. lacu
Lough-Rie di-
cto, M.

Inis-Cloghran, in
eodem lacu, M.

*Insula omnium
Sanctorum*, al. In-
sula sacra, in di-
cto lacu, P.

Shrowl, ad Enium
flu. M. B. Mariae.

Regularibus, sub medium
seculi quinti.

In hac Insula amnica, S.
Riochus Abbas S. Patricii è
Darerca sorore nepos Ca-
nonicis cœnobium funda-
vit. Sunt & duæ Insulæ e-
iusdem nominis mari cir-
cumfluæ, altera in agro Mai-
onenfi, in qua diù postea vi-
xit S. Colmannus Episcopus
aliquando Lindisfarnensis,
altera in Tirconallia.

S. Diarmitius Abbas fuit
& fundator cœnobii Cano-
nicorum ibidem, in primis
surgentis Ecclesiæ Hiberni-
cæ temporibus.

S. Kiaranus cœnobium
Canonicorum Regularium
condidit in insula quadam
lacus Riensis dicta *Inis-Ain-
gen*, aliàs *Oilean Aingin*. Aut
me fallo, aut idem est cum
eo de quo nunc loquimur.
Sed de hac re quærant
alii.

Chronographi Ord. Ci-
stertienfis Monasterium de
Benedictione Dei fundatum
tradunt anno 1150, vel
1152. Fortè idem cum eo de
quo loquimur: Sed de hac
re quærant etiam alii.

Comitâ.

*Comitatus Louth, antiquitùs
Pars Urielis, sive Ergallie.*

*Loca & Tituli
dedicationum.*

*Fundatores, Ordines &
alia Antiquitates.*

*Drogheda, sive
Pontanæ, FC.*

Ibi Lucas de Nettervil
Archiepiscopus Armachanus
cœnobium Ord. Prædicatorum
fundavit an. 1224. In hoc
cœnobio sepultus est anno
1270, Patricius O-Scanlain
ejusdem Ecclesiæ Armachanæ
Archiepiscopus.

Drogheda, FC.

Conventus Ord. Minorum
Pontanæ initium sumpsit
circa annum 1240, juxta
ripam borealem flu. Boini.

Drogheda, FC.

Conventus fratrum Ordinis
Eremitarum S. Augustini
introducitur, sub Edwardo
Primo.

*Juxta Droghedam, P. sive H.
S. Mariæ, de Urso.*

Ursus de Suamel posuit
extra portam occidentalem,
circa annum Dom. 1206,
ad sustentationem Hospitalitatis
miserorum & infirmorum
languentium, &c. Quando
postea introducti fuerint
fratres Cruciferi, sub regula
S. Augustini, non reperi.

Juxta Droghedam, P. S. Laurentii.

Juxta Droghedam, F. C. B. Mariæ.

Juxta Droghedam, P. sive H. S. Johannis Baptistæ.

reperi. Primus loci Præfectus, à fundatore dicebatur Custos, non Prior.

Ord. (ni fallor) Cruciferorum. Prætor & Opidani Pontanæ fundârunt, ut ex *Inquisitione Scaccarîi* intelligimus.

Conventus Carmelitarum Pontanæ initium sumpsit, Edwardo primo regnante, ex largitione Opidanorum,

Ord. Cruciferorum. Walterus de Lacy, si non Fundator, saltem primarius fuit Benefactor, sub Johanne Rege.

Admonendus est Lector Droghedam partim in agro Louthensi positam esse, partim in Midenthi, neutrius tamen censendam, quòd Comitatus sit distinctus & per se incorporatus, item omnia dicta cœnobîa sita esse in ea parte urbis (ultra pontem) quæ olim ad Louthensem comitatum spectabat, exceptis Hospitali S. Johannis Baptistæ & cœnobio fratrum B. Mariæ de Monte Carmel, quæ (cis Pontem) ad Midiam olim spectabant. Opidum nomen habet à ponte & vado: Pontem enim *Droghed*, vadum *Ab* nuncupant Hiberni.

Atherdee, al. de Atrio Dei, P. S. Johannis Baptistæ.

Atherdee, F. C. B. Mariæ.

Ord. Cruciferorum, sub regula S. Augustini, Rogerus Pipard loci Dominus posuit, circa annum 1207.

Ordinis Carmelitarum. Radulphus Pipard construxit

Carlingfordiæ,
F. C.

struxit regnante Edwardo Primo.

Ordinis Prædicatorum. Comites Ultoniæ Patroni fuerunt.

Dundalkæ, F. C.

Ad Ortum Opidi, cœnobium erat fratrum Minorum, à Donino Johanne de Verdon, sub Henrico 3, extractum Fenestra ejus orientalis, ob opus eximium, per universam Hiberniam, magno olim habebatur in pretio.

Juxta Dundalkam. P. S. Leonardî.

Ordinis Cruciferorum, sub regula S. Augustini. Bertramus de Verdon loci dominus fundavit sub exitû Henrici II. Opidû Richardi filii Radulphi Armachani Archiepiscopi natalibus illustratû, qui inde dictus est vulgò S. Richardus *de Dundalk.*

Kilsaran, Pr.

Primum sedes fuit Militum Templariorum, ex largitione Matildæ de Lacy, postea sub Edwardo 2, Præceptoriam Equitum Hospitaliorum.

Louthæ, P. B. Mariæ.

Monasteriû Louthæ, (antiquitùs Lughæ) à S. Moctæo primo ibi Episcopo, vivente S. Patricio, constructum tradit Scriptor vitæ ejus, à Johanne Colgano editus, è Codice Salmanticensi,

cenſi, anno 1645. Quàm diù illud cœnobium duraverit non reperi. Cæterùm Donatus O-Caroll Rex Ergalliæ & Edanus O Kelly Episcopus Clochoreniſis novum fundârunt cœnobium Canonîcorum Regulariũ Louthæ, anno 1148, in quo ipſe Edanus ſepultus eſt anno 1182, cùm ſedi Clochoreniſi præuiſſet annos circiter 42.

Knock juxta Loutham al. M. de Monte Apoſtolorum SS. Petri & Pauli.

Hoc cœnobium Canonîcis Auguſtinianis fundavit jam dictus Donatus O-Caroll. Poſſeſſionibus deinde dotavit Edanus O-Kelly, de quo ſuprà, quas ſibi contulerat Donatus, ut è Regeſto Clochoreniſi liquet. Locus olim appellabatur *Knock-na-fengan*, i.e. Collis formîcarum.

Mellifons, filia Clarevallîs, M. B. Mariæ.

Mellifons inſigne olim Monafterium Ordinis Ciſtertiendiſis (è quo educta ſunt plurima ejusdem Ordinis cœnobîa, per univerſam Hiberniam) fundatur à Donato O-Caroll regulo Ergalliæ ſive Urielis, anno 1142. Monachis illud implevit Divus Bernardus, è cœnobio ſuo Clarevalleniſi in Gallia,

lia, Abbate illis præposito
Christiano O-Conarchy,
postea Lismorensi Episco-
po. In Ecclesia ibidem,
plura fuerunt sepulchra
Episcoporum & aliorum,
memoranda tamen in pri-
mis videntur illa Donati
Conditoris, necnon Tho-
mæ O-Conner & Lucæ
Nettervil Ecclesiæ Arma-
chanæ Archiepiscoporum.
Situm loci valde assimi-
lem ferunt Clarævallenfi.

*Termon-Fechan,
MC.B. Maria.*

Ord. S. Augustini. Cœ-
lestinus 3 possessiones hujus
cœnobii Monialium con-
firmavit 4 Calend. Mar-
tii 1195. Sed quàm diu
antea erectum fuerit, non
reperi.

PROVINCE

PROVINCIA ULTONIÆ.

ARMACH.

Loca & Tituli Fundatores, Ordines &
dedicationum. aliæ Antiquitates.

Armacha, M. SS.
Petri & Pauli.

S. Patricius primus dicitur fundator, secundus Imarus O-Hedagain Præceptor Malachiæ O Mergain postea Archiepiscopi Armachani. Canonici hujus Cœnobii Ordinis fuerunt S. Augustini.

Armacha, FC.

Patricius O-Scanlain (ex ordine Prædicatorum) Archiepiscopus Armachanus Minoritis cœnobium extruxit ibidem anno 1263 vel 1264.

Armacha, MC.

Hic porro duo extructa fuerunt cœnobiola Monialium, alterum dictum Templum Brigidæ, alterum *Temple-na-ferta*, sive Templum miraculorum, in quo S. Lupita S. Patricii soror sepulta est. De primo Conditor non possum aliquid pro certo affirmare. Jocelinus in

in vit. S. Patricii cap. 165,
fundata innuit à S. Patricio.
Ad hanc rem vid. porrò vit.
S. Patricii, quam ex codice,
MS. cœnobii Alnensis, edi-
dit Johannes Colganus.

*Kilseve, al. Kil-
seve-cuilin, MC.*

Darerca, quæ & Moninne
Monialibus construxit, ubi
ipsa Abbatissa præfuit, &
decessit 6 Julii anno 518.

Down.

Loca & Tituli *Fundatores, Ordines &
dedicationum.* *alia Antiquitates.*

Down, vulgò Johannes de Curcy Ulto-
Down, Hibernicè niæ expugnator, secula-
Dundaletbglas, P. ribus Canonicis expulsis,
& Ecclesia ca- Monachis Benedictinis im-
thedralis S. Pa- plevit ex cœnobio S. Wer-
tricii. burgæ Cestriæ, anno 1183,
in quibus Gulielmus de Etle-
shall factus est primus Prior
loci: Et sub eodem tempo-
re, Curcæi suasu, Ecclesia
ea cathedralis, quanquam
anteà S. Trinitatis nomini
consecrata, in honorem S.
Patricii dicata est. Priori
& Monachis ibidem paulò
postea Malachias ejus no-
minis

minis tertius Episcopus Dunensis multa prædia contulit, reservato sibi *Custodis & Abbatis* titulo, sicut fit (uti verba sunt Chartæ) in Ecclesia *Wintoniensi*, vel *Conventrensi*. Retenta etiam ad honorem & reverentiam Episcopatus sui, medietate oblationum in his quinque festis anni & non amplius, sc. in *Natali Domini*, in *Purificatione S. Mariæ*, in festo *S. Patricii*, in *Pascha* & *Pentecoste*.

Duni, P. S. Johannis Baptiste Anglicorum.

Ord. Cruciferorum, sub regula S. Augustini. Jam dictus Johannes de Curci fundavit.

Duni, P. S. Johannis Baptiste Hibernicorum.

Malachias O-Morgair Episcopus Dunensis Canonici Augustiniani posuit anno 1138.

Duni, M. C.

Ord. Cisterciensis.

Duni, F. C.

Hugo de Lacy comes Ultoniæ fundavit conventum Ord. Minorum circa annum 1240. Is dignitatem eam Comitibus à Johanne Rege (obiter adnoto) obtinuit anno 1209, cum ceremonia cincturæ gladii, ut ex Archivis turris Londinensis liquet.

Prioratus

*Prioratus niger
S. Andreae, in
territorio de
Ardes.*

Dictus Hugo de Lacy cellam fecit cœnobii de Lonley (diœcesis Ceno-
manensis) in Gallia, circa
annum 1218, monachisque
replevit Benedictinis. Sed
primus hujus cœnobii fun-
dator fuit Johannes Cur-
cæus, qui in charta funda-
tionis, Monasterium ap-
pellat *S. Andreae de Stokes*.
Is prædiis etiam ditavit,
*decem nimirum carucatis
terræ, cum omnibus perti-
nentiis suis, in terra del
Art, sc. in terra Mac Cello-
qua. &c.* Hoc cœnobium
annexum fuit postea Ar-
chiepiscopatui Armachano;
sub Edwardo 3 Rege An-
gliæ, Richardo filio Ra-
dulphi Archiepiscopo illi-
us sedis solvente Abba-
ti & conventui Lonleyen-
si 200 *libras sterlingorum*,
pro confirmatione. Non
desunt tamen qui Archi-
episcopatui non plenè an-
nexum asserunt, ante tem-
pora Richardi 2, dùm Jo-
han. Colton esset Archie-
piscopus.

*Pr. S. Job. Bapt.
in dicto territo-
rio de Ardes.
Ardicnise, FC.*

Fundatur Militibus Ho-
spitalariis, à jam dicto Hu-
gone de Lacy.

Ordinis Minorum.

P

Bangor,

*Bangor, al. Vallis
Angelorum, M.*

S. Congallus anno 555
cœnobium ibi instituit Ca-
nonicis regularibus, cui ip-
se præfuit Abbas. Hoc (Da-
nicâ postea dilaceratum ra-
bie) Malachias O Morgair,
ante infulas susceptas, re-
stauravit anno 1120. No-
men habet à pulchro cho-
ro. Situm est in territorio
quod olim appellabatur (ut
in vita S. Congalli legimus)
*Altitudo Ultorum, juxta ma-
re Orientale, nunc vulgò
The Ardes.*

*Comerer, al.
Comber, M.
B. Mariæ.*

Fundatum anno 1199, &
monachis repletum Cister-
tensibus, è cœnobio de Al-
ba Landa.

*Holy-wood, al. de
S. bosco, F C.
Inis, M. B. Ma-
riæ.*

F F. Tertiî Ord. S. Fran-
cisci.

Johannes de Curcy fun-
davit anno 1188, aliis 1180,
prædiis cœnobii de Carig
ordinis Turenensis (à se
dirnti) ditavit, & Monachis
Cisterciensibus replevit ex
cœnobio Furnessensi, apud
Lancastrienses in Anglia.
Inis verò (ut semel adno-
tem) Britannis & Hibernis
Insulam significat.

*Leigh, al. de Ju-
go Dei, vulgò
Grey Abbey,
M. B. Mariæ.*

Africa uxor Johannis
de Curcy & filia Godredi
Regis Manniæ posuit 8 Ka-
lend. Septembris an. 1193,
ac

ac monachis implevit Cisterciensibus, ex cœnobio de *Holmcultrain* in Cumbria. In hoc cœnobio ipsa Africa sepulta est, ut è Chronico Manniæ constat.

Movilla, al.

Maigeville, M.S.

Finiani.

S. Finianus Abbas Canonicis Augustinianis posuit circa annū Dom. 550. Hunc eundem fuisse cum Fridiano Episcopo Lucensi in Italia, asserit Johannes Colganus, vir doctus & industrius, in Actis Sanctorum Hiberniæ, ad 18 Martii.

Neddrum, P.

sen C.

Johannes de Curcy monachis Benedictinis fundavit an. 1183, & cellam fecit cœnobii S. Begæ in Cumbria. Sed non diurnavit, neque causam reperi.

Newry, al. de

Viridi ligno,

M. B. Mariæ,

& S. Patricii.

Mauritius Mac-Loghlin rex Hiberniæ fundavit Monachis Cisterciensibus, ut ex charta foundationis intelligimus. Chronographi Ordinis Cisterciensis fundatum asserunt anno 1153, quinquennio sc. post obitum Malachiæ Episcopi Dunensis, quem aliqui malè fundatorem statuunt. Donationem confirmavit Hugo de Lacy comes Ultoniæ, anno 1237.

Newton, F C.

Conventus Ord. Prædicatorum introductus est anno 1244 & Capitula ejusdem ordinis ibi habitata sunt annis 1298, & 1312. Sedet in territorio *de Ardes*, prope litus maris.

Saballum, vulgò
Saul, M. S. Patricii.

Sanctus Patricius construxit hoc cœnobium Canonicis regularibus, eique præfecit Abbatem S. Dunium: Ecclesiam verò adjecit, (juxta Jocelinum Furnessensem) contra morem receptum, non ab Occidente in Orientem, sed à Septentrione in Austrum protensam. Malachias O-Morgair Episcopus Dunensis restauravit. Situm habet in ea parte hujus agri, quæ Lecalia appellatur.

Antrim,

*Antrim, antiquitùs Ændrum,*Loca & Tituli
dedicationum.*Fundatores, Ordines &
alia Antiquitates.**Carrigfergus, al.**Knockfergus, FC.*

~~Hugo~~ de Lacy comes
Ultoniæ cœnobium hîc po-
fuit Minoritis circa an-
num 1232, in cujus Ec-
clesia ipse sepultus est 1242.
Introducti sunt fratres Mi-
nores de Observantia anno
1497.

*Good-born, al.**Wood-born, P.**S. Crucis.*

Ord. Canonicorum Præ-
monstratensium. Hoc cœ-
nobium filia fuit Monaste-
rii de Dniebourc in Scotia,
à Scotis ut videtur extru-
ctum. Alanum de Galwia,
Duncanum de Carrig &
Bisettos è Scotia nobiles,
terras in hoc tractu, Henri-
ci 3 regis beneficio accepisse
liquet. Prioratus non mul-
tùm abest à *Carrig-fergus*,
sive Rupe Fergusii.

Inver, FC.

Ibi, necnon apud Buna-
margy, Masserin & Limbeg,
extructa sunt cœnobiola
fratribus 3 Ordinis S. Fran-
cisci de pœnitentia, Secu-
lo 15.

P 3

Kells,

*Kells, al. Disert,
P. B. Mariæ.
Muckmor, P. B.
Mariæ & S. Col-
manelli.*

Ord. Canonorum regu-
larium S. Augustini.

S. Colmanellus al. Colma-
nus Ella Canonicis regula-
ribus fundavit circa annum
Dom. 580. Prædiis, post ad-
ventum Anglorum, ditârunt
Gulielmus Mataland, Ste-
phanus de Sandall, Rober-
tus de Sandall & Gilbertus
de Croft, ut ex Regeftulo
(quod habeo) loci constat.
De hoc cœnobio & S. Col-
manello fundatore, vid. Pro-
phetiam S. Patricii, apud
Jocelinum Furnessensem,
cap. 96.

London-derry.

Loca & Tituli
dedicationum.

*Fundatores, Ordines &
alia Antiquitates.*

*Deria, al. Lon-
donderry, anti-
quitas Daire-
calgac, M. S. Co-
lumbæ.*

S. Columba Canonicis
Regularibus fundavit anno
545. Hoc cœnobium olim
vulgò appellabatur *Cella ni-
gra*, & *Locus* erat *filialis* Mo-
nasterii SS. Petri & Pauli de
Armach, ut è Regefto Johan-
nis *Bole* aliquandò Archie-
piscopi Armachani liquet.

Deria,

Deria, F C.

Sedes fratribus Prædicatoribus assignata est anno 1274, ex parte aquilonari Urbis.

Deria, M C.

Regeſtum *Honoris* Richmondiaæ cœnobium *de Dere in Hibernia*, ord. Ciftertiensis fundatū docet 6 Kalend. Martii 1218. Aut idem fuit cum cœnobio hoc Monialium, aut cum cœnobio Moycoſcanenſi, de quo poſtea.

Juxta Colranam,
F C.

Sedem ibi primò fixerunt Dominicani an. 1274, ad Bannium flu. unde in antiquo cœnobiorum illius Ordinis Catalogo, appellatur Conventus de *Bannin*.

Dungevin, P.

Paulum *O-Murey* Priorem cœnobii Canonicoꝝ Regularium de Dungevin obiisse anno 1215, produnt Annales Ultonienſes. Sed quàm diù ante erectum fuerit nondùm comperi.

Moycoſcain, al.
de Claro fonte,
M. B. Marie.

Catalogus antiquus cœnobiorum Ciftertiensiu Hiberniaæ cœnobium *Clari fontis* fundatum aſſerit anno 1218. Regeſtum *Honoris* Richmondiaæ ann. habet 1223.

Donagall.

Loca & Tituli
dedicationum.

Fundatores, Ordines &
alia Antiquitates.

Dunagalla, FC.

Ord. Minorum de Obser-
vantia. Odo cognomento
Rufus O-Donell fundare
cœpit an. 1473. Hic conven-
tus ob bibliothecā instru-
ctissimam olim celebris erat.

Asbro. al. Esarua,
al. de Samario,
M, B. Maria.

Hoc cœnobiū fundatum
est & Monachis Cisterciensi-
bus repletum anno 1179,
aliis, 1184, à Roderico O-
Cananan Tirconallia Dy-
nasta, qui à Flachertaco
successore occisus est 1188.
Sunt qui fundatum asse-
runt à dicto Flachertacho.
Sedet non procul ab Ostio
Erni flu. quem Ptolemæus
Ravium vocat, Giraldus
Cambrensis, *Samarium*.

Kilmacrenan,
FC.

Ordini Minorum ibi ex-
structum est cœnobiolum
ab O-Donello, eidemque
ordini constructi sunt eti-
am Conventus de Bellag-
han & Balli-mac-suine jux-
ta *Doe* castrum, è qui-
bus postremus Mac Sui-
neum

Magberi-beg. i.e. O-Donnellus extruxit
Planities parva, ibi cœnobium fratribus ter-
tiii Ordinis S. Francisci; cui
FC. ordini extructa sunt eti-
am cœnobiola apud Gale-
beg, Kil-O-Donel & Fa-
negarah.

Rathmullian, FC. Cœnobiolum ibi erectum
B. Mariæ. est Ordini fratrum B. Mariæ
de Monte Carmel, à Mac-
Suineo Fanagh.

Tir-Oen.

Loca & Tituli Fundatores, Ordines &
dedicationum, alie Antiquitates.

Clochoræ, M. Ord. Canonorum Re-
B. Mariæ. gularium S. Augustini. S.
Macartinus Episcopus Clo-
chorensis cœnobium ibi ius-
su S. Patricii construxit,
in platea (nempe) ante re-
galem sedem Ergalliensem,
ut intelligimus ex Rege-
sto Patricii Culin, ordinis
Eremitarum S. Augustini
Episcopi Clochorensis, sub
Henrico 8.

Dunganon, FC. Ad Austrū villæ de Dun-
ganon, cœnobiolum fratri-
bus tertii Ordinis S. Fran-
cisci

cisci construxit Conus O.
Neal, regnante Henrico 7.
Cui ordini extructi sunt
etiam, variis temporibus, in
eodem comitatu, Conventus
de Ballinesagart, Corock,
Gervagh-Kerin, Puble &
Omey.

Fermanagh.

Loca & Tituli
dedicationum.

Fundatores, Ordines &
alia Antiquitates.

Dam-Inis, sive
Insula Bovium,
vulgò Devenish,
P.B. Mariæ.

S. Lasarianus, qui &
Molasse, Abbas & fundator
cœnobii de Dam-Inis in la-
cu Erneo, obiit ibidem an-
no 571, Septembris 12.
Propriam eum condidisse
regulam ferunt, constat ta-
men successores ejus tan-
dem normam suscepisse S.
Augustini. In Interpolati-
onibus Annalium Ulto-
nienſium, ad annum 1130,
ita legimus, *Hoc anno fun-*
datur Monasterium de Dam-
Inis. Intelligit Author vel
hujus cœnobii restauratio-
nem, vel foundationem alte-
rius Prioratus, in eadem In-
sula,

fula, qui fuit *Colideorum*, si-
ve Presbyterorum secula-
rium; de quo ordine, su-
prà diximus, cap. 17.

Lisgavail, vulgò
Lisgool, M. B.
Maria.

Ord. Canoniorum Re-
gularium. Fundatur (ut in
supradictis Interpolationi-
bus legimus) anno 1106.
Sedet ad dictum lacum Er-
neum.

Lisgavail, F C.

Fundatur anno 1530,
Ord. S. Francisci.

Insula S. Dabeo-
ci, al. Avogi, in
lacu rubro, vulgò
Logh-derg, aliis
Logh-gerg. P.

Hoc cœnobium Canoni-
corum Augustinianorum in
Regeſto Johannis Bole quon-
dam Archiepiscopi Arma-
chani appellatur *Locus filia-*
lis Monasterii Apostolorum

Petri & Pauli Armachæ. S. Dabeocum fun-
dasse ferunt Seculo 5, vivente S. Patricio. Alii
S. Patricium fundatorem volunt. Prior loci
olim appellabatur Prior Purgatorii S. Patricii;
Sed antrum ipsum, vulgò *Purgatorium* dictum,
cujus inventio à quibusdam ad Patricium Ab-
batem, qui floruit anno 850, ab aliis, ad S.
Patricium refertur, in alia situm est insula
eiusdem lacus, in qua plerumque unus dun-
taxat vel alius Canonicus cœnobii S. Dabeoci
mansit, ad usum Ecclesiæ & peregrinantium.
De hoc antro, mira fidem superantia narran-
tur. Dirutum fuisse, utpotè supposititium,
ipso die S. Patricii, anno Dom. 1497, Alex-
andri 6 Papæ autoritate, à *Gardiano* domus
fratrum Minorum de Donegall & aliis, pro-
dit ad eum annum, qui tum vixit, author
Annalium Ultoniensium. Attamen restaura-
tum

tum postea, & peregrinationibus denuò frequentatum constat. Sunt qui ridiculè somniant Uliſsem primùm hunc effodiſſe ſpecum, cùm Inferos affaretur. Uliſsem verò (quod obiter notare liceat) ab Homero vel historicè dictum vel poëticè fictum, Hiberniam, unam è Britannicis insulis, vel ſaltem Britanniam ipſam adiſſe, facile inducor perſuaderi. Hoc innuit Circe (apud Homerum) dùm Uliſſem, in profectione ad Inferos, doceret, quis ventus ſecundus, quis curſus per Oceanum tenendus. Atque hùc ſpectare videtur Claudianus, in Ruſinum, lib. 1,

*Eſt locus extremum pandit quâ Gallia litus,
Oceani prætentus aquis, quò fertur Uliſſes.
Sanguine libato populum moviſſe ſilentum.
Illic Umbrarum tenui ſtridore volantum
Flebilis auditur queſtus, Simulacra coloni
Pallida, defunctasque vident migrare figuras.
Hinc Dea proſiluit, Phæbique egreſſa ſerenos
Infecit radios, ululatuque æthera rupit
Terrifico, ſenſit ferale Britannia murmur,
Et Senonum quatit arva fragor, revolutaq; Tethys
Subſtitit, & Rhenus projeſta torpuit unda.*

Quibus tetraſtichon adjicimus, ex Johannis Garlandii lib. 3, de Triumphis Ecclēſiæ, ubi de Johanne Rege Angliæ loquens, ita canit,

Evertit

*Evertit nemora variis Hibernica bellis,
Ad Stygis introitus Patriciique lacus.
Purgant (ut dicunt) hîc Purgatoria vivos,
Si sint constanti pectora fixa fide.*

Liber MS. extat in Bibliotheca Cottoniana.
Sed ne nimis excurrat oratio, pro coronide
habe Iconismum Insulæ Purgatorii (ut vo-
cant) S. Patricii, cum adjunctis Annotationi-
bus quibusdam.

Notandum



N
di
tis c
reg
quoc
taxi
fira
qua
cur
ros
rüm
Atq
la,
tine
ce.
tan
Kn
affe
eis
dil

L
d
M

C
C
P

Notandum circulos suprà memoratos vulgò dictos lectos, muris lapideis vix tres pedes altis cinctos, loca fuisse pœnis & pœnitentiis peregrinantium attributa. Ad Antrum ipsum quod attinet, è saxo vivo constructum est, saxisque latis obtectum cum terra superimposita gramine vestita. Clauso ostio, lucem aliquam præbet unica fenestella, in angulo recurvatis. Continet in longitudine intra muros 16 pedes & dimidium, in latitudine plerumque duos, & pollicem unum vel alterum. Atque ut specus est exigua, ita etiam & Insula, quæ (uti suprà diximus Cap. X) vix continet tres quartas partes unius acræ Hibernicæ. Ecclesiam hujus Insulæ olim *Regles* vocatam tradunt Historia Jorvallenfis, Henricus de Knighton & alii. An verò à reliquiis ibi olim asservatis ita dicta fuerit, vel quòd à Canonicis regularibus occupata, velim ut alii paulò diligentius secum perpendant.

Monachan.

Loca & Tituli
dedicationum.

*Fundatores, Ordines &
alia Antiquitates.*

Monachan, F.C.

Felimus Mahonides Ordini Minorum conventum posuit anno 1462.

Chlain-eois, vulgò

Clunes, M. SS.

Petri & Pauli.

Ord. Canonicorum S. Augustini. S. Tigernacus Episcopus & fundator cœnobii obiit anno 550 Aprilis 5.

Cavan.

Cavan.

Loca & Tituli
Dedicationum.

Fundatores, Ordines &
aliæ Antiquitates.

Cavan, F C.

Gelasius Rufus O Rely fratribus Minoribus construxit ibi conventum anno 1300. Hunc locum Johannes Clynnus *Bresniam* appellat. Conventus transiit ad fratres Minores de Observantia, anno 1502.

*Drumlahan, P.
B. Mariæ.*

Ord. Canoniorum Augustinianorum. Fundatur vel saltem restauratur à S. Edano, vulgò dicto Maidoco Archiepiscopo Fernensi, circa finem Seculi 6. Subjiciebatur tandem cœnobio B. Mariæ de *Kenlis* in Midia.

*In Insula S. Trinitatis de Lough-
oughter, M. S.
Trinitatis.*

Clarus Mac-Mailin aliquandò Archidiaconus Elphinensis cœnobium ibi construxit ordini Canoniorum Præmonstratensium, anno Dom. 1249, quod Carolus O-Rely dotavit. Vel hoc cœnobium, vel cœnobium B. Mariæ de Ballimore, (de quo suprà dixi in

in Midia occidentali) idem est cum eo quod Johannes *Le Paige*, in Bibliotheca Ordinis Præmonstratensis, edita Parisiis anno 1633, Monasterium *Ballimenualse* in Provincia Armachana appellat.

PROVINCIA MOMONIÆ.

WATERFORD.

Loca & Tituli
dedicationum.

*Fundatores, Ordines &
alia Antiquitates.*

Juxta Waterfordiam, P.S. Catharinæ.

Prædiis ditavit Elias filius Normanni. Innocentius III confirmavit possessiones anno 1210. Canonici hujus cœnobii Ordinis fuerunt Victorienſis. Oſtmani fundatores existimantur.

Juxta Waterfordiam, P.S. Johannis Evangelistæ.

Johannes Comes Moretoniæ postea Rex Angliæ fundavit, Monachis Benedictinis replevit, & cellam fecit Cœnobii SS. Petri & Pauli Bathoniæ in Anglia. Hoc cœnobium in Chartis suis ille *Domum* appellat *Eleemosynæ suæ*. Inter Benefactores primarios

Q

nume-

Waterfordia,
FC.

numeratur Petrus de Fonte
Fratres Prædicatores in-
troducti sunt anno 1226, &
novennio postea cœnobium
iis à Civibus fundari cœp-
tum.

Waterfordia,
FC.

Ord. Minorum. Hugo
Purcellus eques fundavit
circa annum Dom. 1240,
& in Ecclesia ejusdem Con-
ventus sepultus est. Vid.
plura in Lucæ Wadding-
gi Tomo 1 Annalium Mi-
norum.

Carrig Parva,
FC.

Jacobus I Comes Ormo-
niæ Minoritis posuit anno
1336. *Primus ibi fratrum in-
gressus fuit in festo Apostolo-
rum Petri & Pauli, uti Jo-
han. Clynnus habet, qui
primus fuit loci Gardianus,
sive Custos.*

Dungarvane,
FC.

Ord. Eremitarum S. Au-
gustini. Hic conventus olim
Patronos agnoscebat Comi-
tes Desmondia.

Kilbarry, }
Killure, } Pr.
Crooke, }
Molanna, al. In-
sula S. Molanfi-
di, M.

Sedes primum Equitum
Templariorum, postea Ho-
spitaliariorum.

Hoc cœnobium Canoni-
corum Regularium *Dar-inis*
olim dictum, S. Molanfidus
primus ibidem Abbas fun-
davit, Seculo 6. Præfuit
ibi postea S. Fachnanus,
cognomento *Mongach* i.
Crinitus,

Crinitus, quia cum casarie
natus. Consule Johannis
Colgani Acta Sanctorum
Hiberniæ, ad 13 Martii. In
hoc cœnobio sepultus dici-
tur Reimundus Crassus (sive
le Gros) vir magni nomi-
nis, sub Henrico 2, qui in
expugnanda Hibernia ope-
ram navavit egregiam.

*Mothil, M. SS.
Coani & Bro-
gani.*

Cœnobium Mothilense
originem suam debet S.
Brogano, cui (ni fallor)
successit in præfectura cœ-
nobii, S. Coanus vel Gua-
nus, Seculo Christi 6. Sunt
qui dicunt (quâ authoritate
nescio) hoc cœnobium tan-
dem ordinis fuisse Cister-
tensis: Mihi arridet eorum
opinio qui ordinis fuisse
Augustiniani asserunt, us-
que ad ipsum tempus sup-
pressionis, sub Hen. 8.

Cork.

Loca & Tituli
dedicationum.

Fundatores, Ordines &
aliæ Antiquitates.

Juxta Corcagi-
am, M.S. Barri,
al. Finbarri.

Cormacus rex Momoniæ
aliis Desmonia construxit
Canonicis regularibus Ord.
S. Augustini, circa annum
1134, in honorem S. Jo-
hannis Baptiste. Estque (ni
fallor) Monasterium illud
Ibracense, à Cormaco Rege
extructum, de quo loquitur
S. Bernardus in vita Mala-
chiæ. Possessionibus ditavit
(qui Cormaco successit)
filius ejus Dermotus, cir-
ca ann. 1173. Hoc cono-
bium; à multis annis, anti-
quitato priori nomine, Mo-
nasterium de Antro S. Fin-
barri & vulgò *Gille, Abbe*
dicitur, à Gil-Æda nimirum
magni ibi nominis Abbate,
& postea Episcopo Corca-
giensi, qui obiit anno Dom.
1173.

Juxta Corcagi-
am, FC.

Sedem hîc fixerunt fra-
tres Dominici anno 1229,
ex dono Dom. Philippi Bar-
rii. Statua ænea effigiē ejus
equitantis

equitantis præferens, in gratitudinis testimonium, pen-
 filis olim asservabatur in Ec-
 clesia ibidem.

Juxta Corcagi-
 am, FC.

Ord. Minorum. Dom. Phi-
 lippus Prindergast funda-
 vit, circa annum 1240. Sunt
 qui foundationem ascribunt
 Mauritio Prindergast, sed
 perperam.

Juxta Corcagi-
 am, FC.

Conventus Ord. Eremitarum S. Augustini introdu-
 ctus est regnante Edwardo
 primo.

Juxta Corcagi-
 am, P. S. Johan-
 nis Evangelistæ.

Johannes Dominus Hi-
 berniæ, & comes Moreto-
 niæ Monachis Benedictinis
 posuit, & Cellam fecit cœ-
 nobii SS. Petri & Pauli Ba-
 thoniæ in Anglia,

Bellibeg, juxta

Botavant, P. S.

Hoc cœnobium Gulielmus
 de Barry Canonicis posuit
 Augustinianis. David fili-
 us ejus possessionibus auxit
 anno 1237.

Belle-macEdan,

MC. aliis FC.

Dentre, FC.

Dermicius Sullivanus Mi-
 noritis cœnobium ibi ædifi-
 cavit circa annum 1460,
 juxta litus maris.

Botavant, Clyn-

no, Botoniæ, FC.

Hoc cœnobium Ord.
 Minorum fundavit David
 Barrius loci Dominus sub
 Edwardo Primo, ibique

in chori medio tumulatus est. Opidum olim appellabatur *Kilnemallagh*.

Castle-lehan, al.
Castle-lyon. FC.

Minoritis cœnobium ibi construxit Johannes Barrius, anno 1307.

Chore, al. de
Choro S. Benedicti, M. B. Maria.

Fundatum anno Dom. 1180, & Monachis repletum Cisterciensibus ex cœnobio de Nenay, alias Magio, apud Limericenses.

Fermay, al. de
Castro Dei, M.
B. Maria.

Fundatum an. Dom. 1170, Monachisque Cisterciensibus primò impletum è cœnobio Surienti, postea verò novâ Monachorum coloniâ, ex cœnobio Furnessensi, apud Lancastrienses in Anglia. Situm habet ad *Avenmore* flu.

Villa pontis Fermoy, al. Ballindroghed, P. B.
Maria.

Alexander filius Hugonis regnante Jobanne fundavit, & prædiis ditavit, ut ex Charta foundationis liquet. Canonicis is replevit ex cœnobio S. Thomæ juxta Dublin.

Glanore, FC.

Ord. Prædicatorum. Fundatur à familia de Riipe.

Inishircan, FC.

Insula est maris (in sinu Baltimorensi) duobus milliaribus à litore distans, in qua Florentius O-Driscoll cœnobiolum Fratribus Minoribus de Observantia posuit 1460. Sunt qui à Dermitio

mitio O-Driscoll fundatum
asserunt anno 1470. Hæc
ora (obiter adnoto) copiosâ
halecularum (quas **Pil-**
chards vocant) piscaturâ
admodum celebris est, unde
in Hispaniam exportantur.

Lilcre, FC.

Cormacus filius Thad-
dæi mac Carty conventum
Ord. Minorum fundavit an.
1478, aliis 1465, ac in Ec-
clesia ibidem ipse tumula-
tus est 1494.

Kinsale, FC.

B. Mariæ.

Robertus filius Richardi
Balrain cœnobium Carme-
litis ibi posuit, regnante
Edwardo 3.

Maur, al de
Fonte vivo. M.
B. Mariæ.

Fundatum ann. Dom.
1172, & Monachis Cisterti-
ensibus repletum ex cœno-
bio Baltinglassensi. Dermi-
tium Cormaci filium (de
quo suprâ fit mentio) fun-
datorem ferunt. Chryso-
stomus Henriques cœnobi-
um *de Re in Hibernia*, in-
ter cœnobia Cistertiensia
enumerat. *Luch-Rie* opinor
intelligit, quæ postea cella
fuit cœnobii Maurenfis.

Morn, al. Mora,
al. Balline-mony,
Pr. S. Johannis
Baptistæ.

Ord. Militum Hospita-
lariorum. Alexand. de San-
cta Helena vel fundator fuit
vel primarius Benefactor,
regnante Johanne.

*Rofs, al. Rofs-
Carbry, P.*

Ord. Canoniorum Augustinianorum. S. Fachnanus (de quo suprà diximus) primus fuit Abbas & fundator cœnobii ibidem, sub finem Seculi 6. Locus antiquitus appellabatur *Ross-ailithri*, & magno florebat honore, ob antiquam ibi Musarum Sedem. Ad Austrum, Mare Vergivium propinquum cernitur.

Temolagi, FC.

Fundatur Minoritis à Dom. Gulielmo Barrio, sub Edwardo secundo, vel, ut alii habent, à Cartæis. Conventum à Cregana huc translatum ferunt. Bibliothecam loci, Campanile, Dormitorium & Nosocomium construxit Edmundus Cursæus Episcopus Rossensis, qui obiit 10 Martii 1518, & in Ecclesia hujus cœnobii sepultus est.

*Traction, al. de
Albo tractu, M.
B. Marie.*

Fundatum anno Dom. 1224, & Monachis Cisterciensibus repletum ex cœnobio de Alba Landa, apud Maridunenses in Wallia. Possessiones confirmavit Edwardus. III.

*Juxta Troughal-
lam, FC.*

Mauritius filius Geraldii Minoritis cœnobium ad austrum Opidi extruxit, circa annum Dom. 1231. Obit is 8 Maii

8 Maii 1257, habitu fratris Minoris suscepto, & in Ecclesiâ ejusdem cœnobii tumulatus est. Is primus dicitur qui hunc ordinem in Hiberniam duxit.

Juxta Toughallam, FC.

Sedē hîc fixerunt Fratres Prædicatores ann. 1268, vel, secūdum Clynnū, 5 Calend. Augusti 1271. Thomā filium Mauritiî fundatorē ferunt.

Limerick.

Loca & Tituli
dedicationum.

*Fundatores, Ordines &
aliæ Antiquitates.*

*Limerici, P. B.
Mariæ & S. Edwardi regis.*

Simon Minor civis Limericensis Canonicis, ni fallor, Augustinianis posuit, regnante Johanne. Hujus loci Prior primam habuit vocem in electione annua Prætoris Limericensis.

Limerici, FC.

Donatus cognomento Carbrac O-Brien Fratribus Ord. Prædicatorum fundavit anno 1227. In Ecclesia ibidem hîc tumulo conditus est an. 1241, cum statuâ ejus superimpositâ.

Limerici, FC.

Ord. Minorum. Fundatur à quodam è familia de Burgo,

go, regnante Henrico 3. Hic sepultus est anno 1287, Dom. Thomas de Clare è Comitum Gloverniæ stirpe. Item filius ejus Richardus, anno 1318.

*Limerici, MC.
S. Petri.*

Donaldus O-Brien rex Limericenfis, sub adventum Anglorum, construxit Monialibus nigri ordinis S. Augustini.

Any, Pr. S. Johanne Baptistæ.

Galfridus de Mariscis fundavit, regnante Johanne, Militibus Hospitalariis. Æneas O-Hernan ultimus hujus loci Præceptor, ab Henrico 8 designatus est Episcopus Imelacensis, anno 1543.

Any, FC.

Ord. Eremitarum S. Augustini. Fundatur sub Edwardo 2, à Johanne filio Roberti & aliis.

*Athdara, al.
Adara, M. S.
Trinitatis.*

Hoc cœnobium constructum est fratribus Ordinis sanctæ Trinitatis de redemptione captivorum, pro fide Christiana, à Paganis incarcerationum, regnante Edwardo Primo. Sedet ad Magium flu.

Athdara, FC.

Johannes filius Thomæ primus comes Kildarenfis, sub Edwardo secundo, fundavit, cœnobiū ibidem ord. Eremitarum S. Augustini.

Athdara,

Atbdare, FC.

Thomas Comes Kildarenſis
& Johan. uxor ejus, anno
1464, regnante Edwardo 4,
excitârunt conventum ord.
Minorum de Obſervantia,
ad ortum villæ.

Asketina, F.C.

Jacobus comes Deſmo-
niæ Minoritis conſtruxit
an. 1420, (ad Delum flu.)
prope Caſtrum ſuum de
Asketin.

Ballinebraher, FC.

Ord. S. Franciſci.

Ballinegall, FC.

Ord. Prædicatorum, ex
fundatione (uti ferunt) fa-
miliæ *de Rupe.*

*Iniscatte, al.**Iniscatbaig, In-
ſula Shenani flu.**P. S. Senani.*

Sanctus Senanus Episco-
pus cœnobium ibi conſtru-
xit Canonicis Regularibus,
ſub finem ſæculi 5. In ea-
dem Inſula erat etiam olim
Sedes Episcopalis, quæ poſt
adventum Anglorum ca-
thedræ Limericenſi unita
eſt, ut ſuprà diximus, cap.
16. Spectabat nuper hæc
Inſula ad Tuemoniam, ſive
agrum Clarenſem, ſed nunc
pars cenſetur Limerici.

*Killocia, al. Kil-
mallock, FC.*

Sedem ibi fixerunt fra-
tres Prædicatores, an. Dom.
1291.

Kilshane, FC.

Ord. Minorum, vel, ut
alii, tertii ord. S. Fran-
ciſci.

*Monaster-ne-
Gallioch, M.C.
S. Catharina.*

*Nenay, al. de Ma-
gio, M.B. Marie.*

*Rathkele, P.B.
Marie.*

*Woney, al. We-
theny, M. B. Ma-
rie.*

Hoc cœnobium constru-
ctum est Monialibus ordinis
S. Augustini juxta lacum
dictum Loughgir.

Fundatum anno 1148,
aliis 1151, (ab O-Brieno ut
putatur) ad Magium flu. &
Monachis repletum Cisterci-
ensibus ex cœnobio Mel-
lifontis. Possessiones con-
firmavit Johannes rex An-
gliæ. Huic cœnobio annexa
est Cella Fealensis, ad Fea-
lum flu. in hujus & Kerri-
ensis agrî collimitio.

Ord. Canonicorum Aro-
acensium.

Theobaldus Walter Hi-
bernæ Pincerna fundavit,
paulò ante exitum Seculi
XII, & monachis Cisterci-
ensibus implevit ex cœno-
bio Saviniacensi in Gallia.
Regestum Honoris Rich-
mondæ in Bibliotheca Cot-
toniana (sub Faustina, B.7.)
fundatum vult 11. Kalend.
April. 1205.

Tipperary.

Tipperary.

Loca & Tituli *Fundatores, Ordines &*
 Dedicationum. *alia Antiquitates.*

Juxta Casseliam,
M.B., Mariæ.

Hoc cœnobium ~~Hore~~ **Ab-**
bey vulgò dictum Cister-
 tiensibus posuit David Mac-
 Carwill Archiepiscopus Cas-
 seliensis, an. 1272, & Bene-
 dictinorum prædiis, quos è
 cœnobio *de Rupe Cassel* (sito
 prope Ecclesiam cathedra-
 lem S. Patricii Casseliæ) ex-
 pulerat, ditavit. Ptoctro-
 phium porrò, quod David
 le Latimer Miles leprosis
 Casseliæ construxerat, ei-
 dem cœnobio conjunxit.

Casselie, FC.

David Mac-Kelly Archi-
 episcopus Casseliensis fun-
 davit Conventum ord. Præ-
 dicatorum anno 1243, Jo-
 hannes Cantwell Archi-
 episcopus itidem Casseli-
 ensis, sub Henrico 6, re-
 stauravit.

Casselie, FC.

Cœnobium Ord. Minorum
 Casseliæ vulgò appellatur
Hacketi cœnobium, utpotè à
 Dom. Gulielmo Hacketo
 fundatum, regnante Hen-
 rico 3.

Ardanan,

Ardfinan, FC.
Athassel, P.S.
Edmundi Regis
& Martyris.

Cahir, al. Cahir-
dunesk, P.B.
Maria.
Carrige, P. seu
H. S. Johannis
Euangelistæ.

Clonaul, Pr.

Clonmella, FC.

Ord. S. Francisci.

Prioratum (circa annum 1200) Canonicis Augustinianis extruxit Gulielmus de Burgo, è cujus posteris ibi sepulti sunt Walterus de Burgo comes Ultoniæ & Walteri filius Richardus, vulgò dictus *Comes Rufus*. Hic, anno 1326, ille, 1271. Johannes rex confirmavit possessiones 20 Aprilis 1205. Inter Priores clarus fuit Hubertus de Burgo, qui Episcopus evasit Limericensis anno 1223.

Galfridus de Camvil fundavit Canonicis Augustinianis, regnante Johanne.

Gulielmus de Cantelo & Dyonia uxore ejus filia Thomæ filii Antonii fundarunt Canonicis. Subiecta est postea hæc domus Hospitali S. Thomæ de Acon Londini, ut ex Regesto dicti Hospitalis, in Bibliotheca Cottoniana, sub effigie Tiberii, C. V. intelligimus.

Primum Sedes Militum Templariorum, postea Hospitalariorum.

Sedem ibi fixerunt Minoritæ anno 1269. Sunt qui Othonem de Grandisofno hujus conventus fundatorem

datorem asserunt, Alii qui fundationem ascribunt Opidanis, & alii, qui Geraldinis.

*M.S. Crucis, ad
Suriū flu. filia
Magii.*

Hoc cœnobium, in S. Crucis honorem, Monachis Cistertiensibus posuit Donaldus O-Brien rex Limericensis, circa annum 1169, vel ut alii habent, 1181. Possessiones confirmavit Johannes Dominus Hiberniæ & comes Moretoniæ, postea rex Angliæ. Hoc cœnobium subjectum est postea in Capitulo generali, per Abbatem Clarevallensem, cœnobio Furnessensi in Anglia.

Interda, FC.

Walterus Mulcot fundavit ibi conventum Ord. Eremitarum S. Augustini, assensu Mauritiū Mac-Carwill Archiepiscopi Casselensis, an. 1306.

Galbally, FC.

Ord. Minorum, O-Brien fundavit, in hujus & Limericensis agri collimitio.

*Inchinemeo, al.
Insula Viventi-
um. P.S. Hilarii,
alii, B. Mariæ.*

Prior & conventus loci sedem tandē fixerunt Corballiæ, quæ non longè distat à dicta Insula Viventium. Fuisse olim in ea Insula, capellam cui pauci Calibres, quos Calicolas vel Colideos vocant devotè deserviebant,

*Inisflamnaght, al.
de Surio, Filia
Magii, M. B. Ma-
rie.*

*Kilcoul, al. de
Arvi-campo,
filia Feripontis,
M. B. Marie.*

viebant, tradit Giraldus Cambr. Topograph. Hiberniæ distinct. 2, cap. 4. Sed postea sedes fuit Canonico-
rum Regularium.

Liber Statutorum ordinis Cisterciensium Hiberniæ Monasterium de Surio fundatum asserit anno 1159, cui astipulatur antiquus cœnobiorum illius ordinis Catalogus. Sunt tamen qui diù postea Monachis Cisterciensibus erectum volunt à Donaldò O-Brien rege Limericensi, ac ab eo & Malachia O-Felan Desiæ Dynasta prædiis ditatum. Atqui probabilius videtur Monachos Surienses, ab alia nescio qua sede eidem Surio fluvio apposita, huc migrasse, quam sedem hic primò fixisse: Nam in vitâ S. Malachiæ à Divo Bernardo (qui obiit anno 1153) descriptâ, Monasterii Suriensis fit mentio. Hoc cœnobium novâ Monachorum coloniâ, è cœnobio Furensensi, in Lancastriâ, repletum est anno 1249.

Exemplar chartæ Henrici 3, qua confirmavit possessiones hujus cœnobii, Donaldum O-Brien Monachis Cister-

Cistertiensibus fundâsse prodit. Donaldum illum fortasse intelligit, de quo supra fit mentio, & quem obiisse anno 1194 produnt Annales Hibernici. Contrâ autem, jam dictus liber Statutorum Ord. Cistertiensis hoc cœnobium fundatum tradit anno 1200, sexennio scil. post mortem Donaldi, & Regestum *Honoris* Richmondia ann. habet 1209. De hac re, quid judicem nescio. Fortè quis suspicetur Donaldum, pro Donato ejus filio, qui floruit annis 1200 & 1209, transcriptoris incuriâ irrepsisse.

*Kilcumin, P. seu
C. SS. Philippi &
Jacobi, & S.
Cumini.*

Philippus de Wigornia Benedictinis fundavit & Cellam fecit Monasterii Glastoniensis in Anglia. Sed prædiis à vicinis spoliatis non diurnavit.

*Killinenallah,
FC.*

Conventus Ord. Minorum introductus est regnante Henrico 6.

*Lurchoe, al. Lo-
thre, P. S. Ruadani.*

Ord. Canonicorum Augustinianorū. S. Ruadantus primus Abbas & fundator loci obiit ibidē an. 584. Sunt qui afferunt manū ejus Cantuariæ, in Ecclesia cathedrali, theca argentea deaurata asservatâ fuisse, usq; ad tēpora Hen. 8.

R

Lurchoe,

Lurchoæ, F.C.

Walterus deBurgo comes Ultoniæ fratribus Prædicatoribus cœnobium ibi instituit anno 1269.

*Moylagh, M.C.
S. Brigidæ.*

Moniales nigræ ordinis S. Augustini.

Nenaghæ, F.C.

Ord. Minorum. Fundatur regnante Henrico 3, à Kenedæis, vel (ut alii putant) à Pincernis. Capitulum Provinciale ibi habitum est anno 1344.

*Juxta Nenagh-
bam, P. seu H.
S. Johannis Bap-
tistæ.*

Theobaldus Walter Hiberniæ Pincerna fundavit & dotavit, circa annum 1200, ad sustentationem Canoniorum (Augustinianorum) & Infirmorum ibidem Deo servientium. Hoc cœnobium à nomine S. Johannis cui dicatum vulgò appellatur *Teach-eon* i. Dominus Johannis.

Roscreæ, F.C.

Bibiana vidua Mælonii O-Caroll cœnobium ibidem fratribus Minoribus instituit.

*Thome, P.S. Do-
nani, aliis,
B. Mariæ.*

Cella erat Prioratus Canoniorum S. Hilarii de Insula Viventium, ubi S. Donanus ut Patronus olim colebatur; fortè loci fundator.

Tipperariæ, F.C.

Conventus Ord. Eremitarum S. Augustini introductus est regnante Henrico 3.

Thurles,

Thurles, FC

Ibi cœnobium erat fratrum Ord. B. Mariæ de Monte Carmel. quod à Pincernarum sive Butlerorum familia extructum ferunt.

Kerry.

Loca & Tituli
dedicationum.

*Fundatores, Ordines &
aliæ Antiquitates.*

Aghamore, P.

Ord. (ut fertur) Canonorum Augustinianorum.

*Ardfertæ, al.**Ardartæ, FC.*

Fitz-Mauritii Majores Baronis Kerriæ fundarunt ibi conventum Ord. Minorum. Hi originem suam ad Reimundum *Crassum* referunt, de quo suprà fit mentio.

*Balli-ne-scelig,
al. de Monte S.
Michaëlis.*

Ord. Canonorum Augustinianorum. In una è Scelegis Insulis (quæ hinc aliquot miliaribus distant) antiquum erat cœnobium S. Michaëli Archangelo dictum, cujus meminit Giraldus Cambrensis, Topograph. Hibern. distinct. 2. cap. 30. De primo Conditor, non habeo quod dicam. Flanum *Mac Cellach*, Abbatem Seelichensem obiisse

Inisfallen, al.
Inis-fathlen, in
lacu Lean P.

Irrialagh, jux-
ta lacum Lean,
FC. S. Trinitatis.

Killagha, al. de
Bello loco, P. B.
Marie.

Lislaghtin, FC.

885. docent Annales cœnobii Inisfallensis. Cœnobium verò translatum est postea ad locum in Continente commodiorem, prope stationem de *Balli-ne-scelig*.

S. Finianus cognomento leprosus fundavit post medium Seculi 6. De eo vid. Johan. Colgani Acta Sanctorum Hiberniæ, ad 16 Martii. Insula ipsa arbutis abundat. Fructus arboris ab incolis vulgò **the Cane Apple**, i. pomum Cadomense dicitur, sed *Vnedo Latine*, quòd unum tantum esse expediat, noxio & inutili ejus esu. Sic Had. Junius.

Donaldus filius Thaddæi Mac-Carty Minoritis fundavit anno 1440 & restauravit 1468, ipso nimirum anno quo mortem obiit.

Ord. Canoniorum Regularium. Galfridus de Mariscis sub Johanne rege fundavit. Sedet prope Mangium flu.

Johannes O-Conner fundavit ibidem anno 1478 conventum Ord. Minorum de Observantia. Locus nomen habet à S. Lactino Abbate, qui decessit anno Dom. 622.

Odorney, al. Kieleyson, filia Magii, M.

Hoc cœnobium Ordinis Cisterciensis initium sumpsit anno 1154. Hic sepultus est anno 1186, Christianus illustris ille Episcopus Lismorensis, qui huc se contulit, cum terrena aversatus, aliquot ante obitum annos, episcopatu se abdicasset.

Rath-toy, M. SS. Petri & Pauli.

Primò Hospitale fuit S. Johanni Baptistæ dicatum, à *Fratre Gulielmo* constructum, & à Meilero filio Meileri confirmatum, regnante Johanne, postea in Monasterium Canonorum Regularium Ord. Aroacensis conversum.

Traleia, FC.

Johannes filius Thomæ (Geraldinus) fundavit ibi conventum Ord. Prædicatorum anno Dom. 1243. In Ecclesia hujus conventus ipse & Mauritius filius (à Mac-Cartæo occisi) sepulti sunt anno 1261.

Clare, olim Tuemonia.

**Loca & Tituli
dedicationum.**

**Fundatores, Ordines &
alia Antiquitates.**

*Clare, al. Kilmo-
ny, al. de Forgio,
M. SS. Petri &
Pauli.*

Donaldus O'Brien rex
Limericensis construxit ibi
cœnobium Canonicis Au-
gustinianis, ad Forgium flu.
unde quandoque dictum
Monasterium *de Forgio*.

*Concumro, al. de
Petra fertili, M.
B. Maria.*

Donaldus antedictus fun-
davit Monachis Cisterciensibus
auno 1194, vel, secun-
dum alios, filius ejus Dona-
tus *Carbrac* anno 1200. Filia
fuit Monasterii Surienfis.
Hoc cœnobium subiectum
est postea cœnobio Furnes-
senfi apud Lancastrienses
in Anglia. Huic etiam Mo-
nasterio annexa est cella de
Kilsonna al. Kilsane.

*Inis, al. Inis-
Cluanruada, FC.*

Donatus *Carbrac* O-Bri-
en, circa annum 1240, Mino-
ritis, magnâ, elegantia, exci-
tauit, ad Forgium flu.

*Inis-catte, P. S.
Senani.*

De hujus cœnobii Ori-
gine, vid. quæ suprâ dicta
sunt in Limerico.

Inis-negananagh,
i. Insula Canonico-
rum, P.

Ord. Canonico-
rum Augustinianorum. Donaldus
O'Brien rex Limericensis
vel fundator fuit vel restau-
rator cœnobii ibidem. Insu-
la ipsa Shenano flu. jam in
immensum aucto circum-
funditur.

Kil-Oen, MC.S.
Johannis Bapti-
ste.

Idem Donaldus, cœnobi-
um ibi construxit Moniali-
bus Ord. S. Augustini.

Quincky, FC.

Hunc conventum Ord.
Minorum fundavit Ma-
conus *Mac-Nemarra*, anno
1433.

PROVINCIA CONATIÆ

GALVAY.

Loca & Tituli
dedicationum.

Fundatores, Ordines &
alia Antiquitates.

Juxta Galviam,
FC.

Gulielmus de Burgo Mi-
noritis fundavit anno Dom.
1296, in Insula S. Stephani,
extra muros urbis. In Ec-
clesia hujus conventus, sub
uno eodémque marmore,
humati jacent duo Archie-
piscopi Tuamenses, Mauri-
tius de Portu, (cujus nomen

ob eruditionem celebre est) ejusque successor Thomas Lalæus, uterque ejusdem ordinis.

*Juxta Galviam,
FC.*

Ord. Prædicatorum, filia Conventus Athenriensis. Locum concessisse dicuntur Canonici ordinis Præmonstratensis Tuamæ.

*Juxta Galviam,
FC.*

Conventus Ord. Eremitarum S. Augustini Galviæ initium sumpsit ex largitione Opidanorum. Hunc locum conventum *Calviensem* perperam appellat Nicolaus Crusenius, in Monastico Augustiniano edito 1623, Sed de cæteris hujus Provinciae cœnobiis Augustinianis, crassius plerumque errat, uti postea patebit, quando de Conventu Ardnariensi agemus.

*Aghrim, vel
Eachraim, P.S.
Catharinæ.*

De vetustate hujus cœnobii, nihil certi quod dicam occurrit. Sunt qui i Butlerorum familia fundatum asserunt: At quàm verè nescio. Hic Canonici fuerunt Augustiniani.

*Aran, al. Arn-
na-namb, i. Aran
Sanctorum, M,*

Hæc insula, quæ jacet in Oceano inter extremos Conatiæ & Momoniæ fines, olim ad Momoniam spectabat; Sed hodiè vulgò pars censetur agri Galviensis. Hic S. Endeus Abbas

Abbas circa an. Dom. 480,
Monasterium Canoniorum
Regularium construxit, Æn-
gusa Natfraici filio rege Mo-
monia Insulam concedente.

Athenria, FC.

Milerus de Bermingham
loci dominus cœnobium ibi
fundavit fratribus Prædica-
toribus anno Dom. 1241.
Obiit is in Momonia, non
procul à Casselia, unde cor-
pus Athenriam deporta-
tum, ibi in Ecclesia dictorum
fratrum tumulatum est. In
eadem Ecclesia plura sunt
etiam sepulchra Episcopo-
rum Duacensium & aliorum,
Sed memorandum imprimis
illud Gulielmi Bermingha-
mi Archiepiscopi Tuamen-
sis filii dicti Mileri, parieti
inditum, ab aquilonali parte
summi altaris.

Ballineinch, FC.

Fundatur ibi à Flaghar-
tæis cœnobium ordinis (ni
fallor) Carmelitani.

*Clare, al. Clare-
yndowl, FC.*

Johannes de Cogan mag-
nis expensis Minoritis ex-
truxit, circa annum Dom.
1290, ad 4 à Galvia la-
pidem.

*Clonsfertæ, ad
Shenanum flu. M.
B. Mariæ de
Portu puro.*

S. Brendanus Abbas Finlo-
gæ filius posuit anno 558. In
hoc & in aliis à se fundatis
cœnobiis, tribus Mona-
chorum millibus præfuisse
dicitur,

dicatur, qui manuum suarum laboribus, victum sibi comparabant. Propriam is condidit regulam, quam successores ejus demum normam susceperint S. Augustini.

Clonkeen-Kerril,
FC.S.Trinitatis.

Thomas O-Kelley Episcopus Clonfertensis (postea Archiepiscopus Tuamensis) Ecclesiam parochialem ibidem concessit fratribus tertii ordinis S. Francisci de pœnitentia, ad rogatum Davidis & Johannis Mul-kerrill illius ordinis Professorum, circa annum 1435. Eugenius 4 confirmavit donationem anno 1441. Huic ordini constructa sunt etiam postea cœnobîa apud Cow-levernoge, Templemoyle-Killtullagh & Beagh.

Clontuuskirt, P.

Ord. Canonicorum Augustinianorum. *Boadanum de Cloantuaifcert* obiisse anno 808 (qui nobis 809) produnt Annales Ultonienses. Hujus cœnobii is Abbas fuit (opinor) & Conditor.

Crevabane, FC.

Ordinis Carmelitarum, ni fallor.

Dunmore, FC.

Ordinis Eremitarum S. Augustini. Fundatur à Berminghams Atheniæ Dominis.

Enaghduna,

Enagbduna, al.
Enagbcuin, MC.
B. Mariæ.

S. Brendanum Monialibus ibi cœnobium instituisse liquet, iisque Abbatissam præfuisse sororem suam Brigam. Monialibus ordinis Aroacensis Ecclesiam ibidem, cum villa de Kelgel, confirmavit Cœlestinus III, 4 Calend. Martii anno 1195. Sedet prope lacum *Curb.*

Enagbduna, M.
B. Mariæ de
Portu patrum.

Hoc cœnobium forte idem est cum eo Ord. Præmonstratensis, quod Johannes le Paige appellat Monasterium *Kilvainenafense filiam Tuamensis, Enechtunensis diœcesis.* Sed à quo erectum non reperi.

Kaltragh-ne-
Pallice, FC.
Kilbought, FC.

Ord. Fratrum B. Mariæ de monte Carmel.

Fundatur à familia Wa-læorum. Sunt qui fratres tertii ordinis S. Francisci ibi sedem fixisse asserunt.

Kilconnell, FC.

Gulielmus Kellæus Minoritis construxit an. 1414.

Kilcarbain, FC.
B. Mariæ.

Thomas de Burgo Episcopus Clonsfertensis (Capituli sui assensu) concessit fratribus tertii ordinis S. Dominici capellam B. Mariæ de Kilcarbain, ad rogatum Johannis fitz Rery & confratrum dicti ordinis. Eugenius 4 confirmavit 4 Idus Martii 1444.

Kilcreunata,

Kilcreunata, al.
de Casta filva,
MC.

Kil-mac-duac,
al, de Petra
Duacensi M.

Kinalekin, Pr.S.
Johannis Baptista.
Kinalekin, FC.
Knoc-moy, al. de
Colle Victoriæ,
filia Buellii, M.
B. Maria.

Carolus O-Conner, à manu rubra, vulgò *Crowderg* cognominatus Monialibus S. Benedicti instituit, circa annum 1200. Huic cœnobio annexæ sunt postea cellæ de Inchmean & Ard-carn, hæc in agro Roscomanensi sita, illa, in Maionensi.

Ord. Canoniorum Regularium. Sunt qui originem ascribunt S. Colmano filio Duaci primo Episcopo Duacensi, Seculo 6, Alii, qui Mauritio cuidam ejusdem sedis Episcopo. Situm habet prope lacum qui mensibus æstivis plerâsq; aquas suas exorbet, hybernis verò, evomit. Harum ideoque voragines itinerantibus periculosa sunt, dùm compendia in æstate sectantur.

Ord. Militum Hospitaliorum.

Ord. Minorum.

Supradictus Carolus *Crowderg* fundavit Monachis Cisterciensibus anno 1189, aliis 1190, in victoriæ memoriam, quæ eo loci feliciter ei cessit. Obiit is 5 Calend. Junii anno 1224, in hoc cœnobio tumulatus, habitu Cisterci-

Cistertiensis Monachi prius suscepto. Huic cœnobio annexa est postea cella de Cleary, in insula Maris ejusdem nominis, apud Maior-nenses.

Ad Lough-reogh,
FC. B. Maria.

Richardus de Burgo comes Ultoniæ Carmelitis posuit circa annum 1300.

Milick, FC.

Ord. Minorum. Fundatur ab O-Maddeno, ad ripam Shenani flu. quo hybernis mensibus circumfunditur.

Monaster-O-
Gormogan, al.
de Via nova,
M.B. Maria.
Portumna, FC.

Hoc cœnobium Canonicis Augustinianis fundavit quidam è familia O-Gormoganorum.

Cœnobium Dominicanis ibi construxit O-Maddenus, ad Shenanum fluvium.

Rosserelly, FC.

Cœnobium ibidem quidam ex familia Gannardorum construxit anno 1498. Ord. Minorum de Observantia.

Slewshancogh, FC.
Tea-Sasson, jux-
ta Athenriam,
FC.

Ord. Minorum.

Cœnobiolū fratribus tertii Ordinis S. Francisci de pœnitentia ibi extructum est, circa tempus Henrici 7. *Tea-Sasson* i.e. Domus Saxonum (ita Hiberni Anglos vocant) Britannicam sapit originem, *Tuy* Britannis domum

domum significat, sic Menevia illis, Tuy Dewi, i. Domus Devi, sive Davidis dicitur, à S. Davide sc. qui sedem Archiepiscopalem, ab Isca Legionis, illuc transtulerat.

*Tuama, M.S.
Trinitatis.*

Aubertus Miræus in Chronico ordinis Præmonstratensis cœnobium S. Trinitatis diœcesis Tuamensis filiam appellat Steinfeldiæ in Podolia, & perperam postea factam asserit *Esclesiam Cathedralem*. Johannes le Paige in Bibliotheca ejusdem ordinis, filiam vocat ipsius cœnobii Præmonstratensis. Christianus O-Lachnan Abbas loci naufragio periit, in mari Hibernico, anno 1251. Cœnobium erectum videtur sub exitum Johannis Regis, vel sub initium Henrici 3.

*Tuama P. seu H.
S. Johannis Baptiste.*

Tirdelvacus O-Coner rex Hiberniæ posuit circa annum 1140. De ordine, nihil traditum reperi.

Mayo.

Loca & Tituli
Dedicationum.

*Fundatores, Ordines &
aliæ Antiquitates.*

Mayo, *al. Magio, M. S. Colmani.*

S. Colmanus Episcopus Lindisfarnensis, abdicato Episcopatu, in Hiberniam rediit anno 665, ubi in Monasterio Magionenfi, à se constructo, Anglos (inter quos fuit S. Geraldus) collocavit, unde locus olim dicebatur *Magio-na-Sasson*, id est, *Magio* Saxonum. Canonici hujus cœnobii Ordinis fuerunt Augustiniani.

Annagh, C.

Walterus filius Thomæ de Burgo fundavit cellam quandam ibidem, sed cujus fuerit ordinis non certò constat. Sunt qui putent ordinis fuisse S. Francisci, alii qui ord. Canonorum regularium S. Augustini & cellam fuisse cœnobii de Cong. His ego assentior.

Ballinroba, FC.

Ord. Eremitarum S. Aug. Meminit conventus de *Roba* Regestum cœnobii Prædicatorum Athenriæ, ad annum

num 1337, Sed à quo vel quando fundatus fuerit, non traditur. Ejusdem ordinis fuerunt conventus de Belahaunes & Borrischarra, De quibus nihil prætereà comperi, nisi quòd fama tenet quendam è familia de Angulo fuisse fundatorem cœnobii de Belahaunes.

*Ballinsmale, FC.
B. Maria.*

Cœnobium Ordinis Carmelitarum fundatum à familia Prendergastorum.

*Ballintobber, al.
de Fonte S. Patricii, M.S. Trinitatis.*

Carolus O-Coner cognomento *Crouderg* fundavit & dotavit, ac Canonicis Regularibus Ord. S. Augustini implevit, quibus Abbatem præfecit *Briëtium Imakin*, anno 1216. Hujus cœnobii proles fuit & cella Prioratus de *Cross*, de quo ita *Regeſtum Ballintobberenſe*, Notandum quod *Abbas de Fonte* creari Priorem facit in filiali Ecclesia qua *Cross* dicitur in cantreda de *Irris*: Ad cujus creationem, dicta filialis Ecclesia, post receptum *Rosetum*, tenetur *Matrici Ecclesiæ de Fonte*, ad ipsius fabricam, ad 20 solidos & 12 denarios, & anno quovis postea, ad 3 uncias.

*Bogbmoynen, FC.
Borisoole, FC.*

Tertii ordinis S. Francisci. Cœnobiolum ordinis Prædicatorum

dicatorum fundatum à Pincernarum five Butlerorum familia.

*Cong, M. B.
Mariæ.*

Hoc cœnobium Canonicis Augustinianis posuit Donaldus Ædi five Hugonis filius, Amirachi nepos rex Hiberniæ, anno 624, prope *Curbum* lacum. Ibi S. Fechinus aliquandiū Abbas præfuisse dicitur.

*Cross, al. de
Cruce, C. B.
Mariæ.
Moyen, FC.*

De hâc Cellâ, vid. quæ suprà dicta sunt, ad Monasterium de Ballintobber.

Nehemias O-Donachou Ord. Minorum de Observantia hoc cœnobium suo ordini instituit anno 1460; cujus ordinis is fuit postea Vicarius Provincialis in Hibernia. Sedet ad Moyum fl. Adamnano, Modam, Girald. Cambrensi, Modadum.

Murisk, FC.

Ord. Eremitarum S. Augustini fundatur ad radicem montis vulgò dicti *Cruach-Patric* (Jocelino *Cruachan-aigle*) à familiâ (ut ferunt) O-Maliorum. *Cruc* Britannis collem vel montem significat, ut è Nennio liquet, & idem denotat hîc *Cruac*.

Orlare, FC.

Ibi conditū ferunt à quodam è familiâ de Angulo
S aliàs

*Rathbran, prope
Mare, FC.*

*Rosserick, FC.
Strade, juxta
Athlethan, FC.*

aliàs *Nangle* Conventum
ord. Prædicatorum.

Sedem hîc primò fixerunt
fratres Prædicatores anno
1274, ut è Chronico illius
ordinis liquet. Sunt qui cœ-
nobium conditum asserunt
à familia de Exonia.

Tertii ord. S. Francisci.
Jordanus de Exonia Ath-
lethanæ Dominus, vel (ut
alii habent) Jordani filius,
ad rogatum Basilæ uxoris
suæ filiæ Domini Mileri de
Berningham locum dedit
fratribus Prædicatoribus,
in quo antea habitabant fra-
tres Minores, ut ex Regeſto
domus fratrum Prædicato-
rum Athenriæ intelligimus.
Dominicanos hîc sedem pri-
mò fixisse anno 1252, docet
Chronicon illius Ordinis.
Ex Anglica hac familia de
Exonia (obiter annoto)
quæ magni olim fuit nomi-
nis in hoc tractu, multi
nunc, Hibernico more, *Mac-
Jordan*, id est, Jordani filii
appellantur.

Roscoman.

Roscoman.

Loca & Tituli
dedicationum.

*Fundatores, Ordines &
alia Antiquitates.*

*Ross-comani, vul-
gò Roscoman,
M.S. Comani.*

Ut Monasterium Cano-
nicorum Regularium sic ip-
sum Opidū nomen & origi-
nem debet S. Comano, qui
claruit anno Christi 550.
Edwardus Primus Rex An-
gliæ terram de Rathbrenin
cum Priore & conventu S.
Comani permutavit, pro Lis-
nenerny, &c. anno 1282.

Roscomani, FC.

Felimus al. Fedlimidus
O-Conner construxit ibi
cœnobium fratribus Ord.
Prædicatorum anno 1253,
& in Ecclesia ejusdem con-
ventus sepultus est 1265.
Huic cœnobio cellulæ quæ-
dam ejusdem ordinis an-
nexæ fuerunt. Sunt qui as-
serunt Fratres Minores se-
dem etiam Roscomani fixis-
se anno 1269. Opidum (obi-
ter adnoto) Castro firma-
vit Robertus de Ufford
Hiberniæ Justitiarius, ex-
pensis Henrici 3 Regis An-
gliæ.

Athlonæ, P. S.
Petri.

In ea parte Athlonæ quæ agri censetur Roscomanensis, Monasterium erat S. Petro, aliis, SS. Petro & Benedicto dicatum, quod in *Tabula Procurationum & Noxalium* Ecclesiæ Elphinensis, appellatur Monasterium de *Innocentia*, Ordinis fuit vel Benedictini, vel Cisterciensis, puto quidem posterioris. In Monachorum fundo extructum est Castrum Athlonæ, sub Johanne Rege, Ideoque contulit iis Rex *decimas expensarum Castri*, anno 1214, ut ex Archivis Turris Londinensis constat.

Bealaneny, FC.
Boyl, ad Buellium
flu. Filia Mellifontis, M. B. Mariae.

Ord. Minorum.

Ordinis Cisterciensis. Habitatio prima Monachis Buellienfibus assignata est Grellechdinæ anno 1148, 16 Augusti, ubi primus præfuit Abbas Petrus O-Morda, qui paulò postea Episcopus evasit Clonsfertensis, & tandem in Shenano flu. submersus est 6 Cal. Januarii 1171. Edanus O-Mac-cain Abbas secundus Dromconaidam, conventum transtulit, & successor ejus Mauritiuss O Dubhai, cum biennnio tantum Dromconaidæ

naidæ præfuiſſet, Monachos primùm Buinſiniam, deinde poſt duos annos & ſex meſes, Buellium tranſtulit, anno, ſecundùm Annales Conatienſes, 1161, ſecundùm alios perperam, 1151, ac ibidem mortem obiit anno Dom. 1174. E ſucceſſoribus ejus, non pauci ad Epiſcopatus aſſumpti ſunt. Sed inſtituti non eſt mei hîc enumerare.

Clourahan, FC.

Fundatum ferunt fratribus tertii ordinis S. Franciſci, ab *O-Conner Roe*, ſive *Ruſo*, circa tempus Henrici 7.

Clonſhanvill, FC.

Conditum ferunt fratribus Dominicanis, à *Mac-Dermot Roe*, ſive *Ruſo*.

Clontuoskirt, al.

Clontuoskirt-natin, M.

Hoc cœnobium Canonicoꝝ Auguſtinianorū fundavit S. Faithlecus. Sedet non procul à Shenano flumine, in Baronia de Ballintobber.

Dorhan, P.

Canonici Auguſtiniani ibi primò collocati deducti ſunt ex cœnobio Roſcomanenſi, O-Connoris locum concedentibus.

Elphina, FC.S.

Patricii.

Cornelius Epiſcopus Elphinenſis Eccleſiā parochialem S. Patricii ibidem Fratribus Minoribus conceſſit, ante annum Dom. 1450.

Inchemacnerin P.

Hæc Insula sita est in lacu dicto *Loughke*, à quo Buellius flu. excipitur. In ea fundatum est olim cœnobium Canonorum Regularium, fortè idem cum eo quod scriptor vitæ S. Columbæ appellat *Eas-mac-neirc*, ad Buellii fluminis ostium, ubi dictus Columba Monasterium extruxit, cui Dachonnam aliàs Mochannam abbatem præfecit. Sed de hac re quærant alii. Hoc cœnobium unico milliari distat à cœnobio Buellienfi.

Inchmore, in lacu Rienti, P.

Ord. Canonorum Augustinianorum. Fortè S. Liberius filius Loffeni, cujus memoria ibi celebris, fundator fuit.

Kilmore, P. B. Mariæ.

Conus O-Flanagan fundator fuit & primus Prior anno Dom. 1232. Præfuit ibidem usque ad an. 1249, quo obiit 7 Kalend. Maias. Hic Prioratus Canonorum ord. S. Augustini situm habet prope Shenanum fluvium.

Kilaraght, MC.

Hoc cœnobium Monialium idem est (ni fallor) cum eo quod S. Patricius construxisse & S. Athraëtæ virgini donasse fertur.

Knockvicar, FC.

Randon, al. Teacon, vulgò

D. Johne, P.S.

Johannis Baptiste.

Ordinis Militum Hospitaliorū, aliis, Cruciferorum. Fundatur regnante Johanne, ejusque uti creditur jussu, Philippus de Angulo magnus fuit Benefactor, sub Henrico 3. Sedet ad lacum Riensem, in Baronia de Athlone. Ibi olim Opidum erat cum Castro munito, nunc cadaver duntaxat visitur, adeò verum est illud Rutilii,

*Non indignemur mortalia corpora solvi,
Cernimus exemplis Oppida posse mori.*

Towemona, FC.

In Insula S. Trinitatis de Loughkea, M.S. Trinitatis.

Cœnobium ibi instituit Canonicis ordinis Præmonstratensis (vulgò dictis Canonicis albis) Clarus MacMailin Archidiaconus Elphinensis, circa annum 1215. Obiit is sabbatho Dominici Pentecostes 1251, & in Ecclesia illius cœnobii sepultus est, ut ex Annalibus Conatiensibus intelligimus.

Tuilsk, FC.

Hoc cœnobium ord. Prædicatorum à Dowellorum familia fundatum fertur. Sunt verò qui ab O-Connoris positum asserunt.

S 4

Sligo.

Sligo.

Loca & Tituli
dedicationum,

Fundatores, Ordines &
alia Antiquitates.

Sligoæ, FC.

Mauritius filius Geraldii construxit ibi cœnobium ordini Prædicatorum, an. 1252. Villam porro Castro firmavit.

*Akeras, al. Kil-
maltin, P.*

Ordinis Canonicorum Augustinianorum, nescio an idem cum cœnobio *de Echrois*, cujus Abbas fuit & Fundator S. Molaisse.

Ardnariæ, FC.

Hic conventus ordinis Eremitarum S. Augustini situs est in hujus & Maiorenensis agri collimitio. Nomina cœnobiorm hujus ordinis in Provincia Conatiæ, mirè distorquet Nicolaus Crusenius, in Monastico Augustiniano: Nam hunc locum appellat conventum *Arnacensem*, pro Conventu Bealahaunensensi, habet *Belufamensem*, pro Ballinrobenfi, *Valla-auro-nensem*, pro Benadensi, *Benefadiensem*, pro Berriscarrenfi, *Burgesquereensem*, pro Donmo-

Donmorensi, *Dominensem*,
pro Galvienti, *Calviensem*,
& pro Muriskensi, *Muraf-*
querensem.

Balli-Affadara,
al. Affadara,
M. S. Fechini.

S. Fechinus fundavit Se-
culo Christi VII, Canoni-
cis Augustinianis. Ibi non-
nunquam, sed plerumque
Fouræ præfuit Abbas, ubi
& è vitâ migravit 20 Janu-
arii anno 665.

Juxta Ballimot,
FC.

Ibi, necnon apud *Court*,
extructa ferunt cœnobiola
fratribus tertii ordinis S.
Francisci, Prius, à fami-
lia *de Mac-Donogh*, Poste-
rius, à familia *de O-Hara*.

Ballindown, FC.

Ord. Prædicatorum, fun-
datur à familia *de Mac-*
Donogh.

Benada, FC.

Ord. Eremitarum S. Au-
gustini.

Kilamoy, al. Ath-
moy, & Kilras,
C. S. Trinitatis.

Has cellas cœnobii S. Tri-
nitatis *de Loughkea* extru-
xit Canonicis Præmonstra-
tensibus, Clarus Mac-Mai-
lin Archidiaconus Elphi-
nensis (de quo suprà dixi-
mus) circa an. 1233.

Knockmore, FC.

Teach-Temple, i.
Domus Templi,
Pr.

Templarii milites hîc se-
dem fixerunt, regnante Hen-
rico 3, Sed eorû ordine sup-
presso, sub Edwardo 2, fa-
cta

Est est Præceptorum Equi-
tum Hierosolymitanorum.

Letrim.

Loca & Tituli
dedicationum.

Fundatores, Ordines &
alig Antiquitates.

Cruleagh, al.
Balli-ruark, FC.

Margareta uxor Eugenii
Ruarki posuit anno 1509,
Ordini Minorum de Ob-
servantia.

*Moybil, al. Moe-
thel, P. B. Maria.*

S. Manchenus Abbas fun-
davit Seculo Christi septi-
mo. Idem fuit opinor cum
Manchino Abbate *de Mene-
drocaid*, cujus obitus ab Hi-
storicis Hibernicis ad an-
num refertur 651, vel 652.
Canonici ejus cœnobii or-
dinis fuerunt S. Augustini.

Corollarii loco, adjecimus hîc Catalogum
Abbatum & Priorum, qui ante tempus Sup-
pressionis Cœnobiorum, sub Henrico 8, (quan-
dò summoniti) loca suffragiaque habuerunt
inter Proceres, in Comitibus Parlamentariis.
Ad fixum verò eorum numerum quod attinet,
longè minorem fuisse, ex Archivis liquet.

Abbate,

Abba- tes	Mellifontis. S. Thomæ juxta Dublin. B. Mariæ jux- ta Dublin. Baltinglassæ. Jeripontis. Tinternæ. Douskæ. Trahtonæ. Donbrodiæ. Magii, al. Ne- nai. Wetheniæ. Rosglassæ, al. M. S. Evini. Bechtiffæ. Rathtoæ,	} Prio- res	S. Johannis Hi- erosolymitani. S. Trinitatis Dublin. S. Petri novæ villæ juxta Trim. Conallæ. Kenlisæ, in Ossoria. S. Patricii de Duno. Omniū Sancto- rum Dublinii. S. Edmundi A- thassel. Killaghæ. B. Mariæ Lovi- diæ, al. Louthæ.
--------------	--	----------------	--

Haftenus de Cœnobiis Hiberniæ. Jamque ut caput hoc claudamus, notandum nos consultò hic prætermisisse, (ut quæ extra callem) Collegia Presbyterorum secularium, Cantarias, Nosocomia leproforum, necnon Ptocotrophia pauperum & infirmorum, quibus non præfuerunt Piores, ex ordine aliquo monastico.

CAP. XXVII.

*De Coloniis ex Anglia & Wallia in Hiberniam
emissis, tempore Henrici II, Deque terris in
concessis.*

Hiberniâ Anglici juris factâ & declaratâ,
Rex Henricus II, Provincias ibi & Regio-
nes per amplas distribuit, inter eos qui in ea
subjuganda, fortiter se gesserant. Agmen du-
cit Richardus cognomento **Strong-bow**, quod
arcu intenso uteretur, Giraldo Cambrensi,
Comes Striguliæ dictus, aliis, Penbrochiæ;
Sed in chartâ quâ concessit Viviano *de Cursu*
& hæredibus *terram de Ratheny* (prope Dub-
linium) *sicut eam Gilcolmus prius habuit*, no-
minatur tantum *Comes Richardus filius Comi-
tis Gisleberti*, sine ulla alia adjectione. Is, ex
pacto cum Dermotio rege Lageniæ, in cujus
auxilium, Hiberniam copiis aggressus est an-
no 1170, Evam Regis filiam & hæredem ux-
orem duxit. Nuptiis celebratis, Comes ejus-
que uxor, (ut suprà diximus Cap. 24,) Der-
motii hæredes publicè Waterfordiæ fuerunt
declarati. Non diù postea, quamprimum
scil. Henrico Regi Comitis successus inno-
tuit, metuens ille quonam hæc res tandè eva-
deret, omnes subditos suos, ex Hibernia, ad
diem statutum, edicto revocavit, cæterosque
prohibuit, nè commeatum aut milites in Hi-
berniam exportarent. Comes, de edicto cer-
tior factus, re popularibus communicatâ, eo-
rum consilio, Reimundum cum literis officii
plenis, ad Regem, tùm in Aquitania agentem,
misit,

misit, quibus quicquid in Hibernia habuit, Regi se paratum resignare professus est. Anno sequenti, dùm victorias suas prosequeretur, Wexfordiæ obviam factus est Hervæo de Monte-Marisco, tum nuper ab Henrico Rege, ad eum misso, cum mandato, ut sine ulla cunctatione, in Angliã ad Regem proficisceretur. Comes, hoc nuncio accepto, quantâ potuit celeritate, navem conscendit, & in Angliam trajiciens, ad Regem profectus est, tunc Newnhamæ agentem, in comitatu Glocestrensi, cum exercitu, quem ad expeditionem Hibernicam paraverat. Ibi postquàm omni submissione, quicquid vel uxoris jure, vel bello partum habuit, Regi per chartam transcripsisset, in gratiam receptus, totam Lageniam ab eo, beneficiario jure tenendam recepit, Civitate Dublinii & Cantredis adjacentibus, cum villis maritimis & castellis quibusdam exceptis. Exemplar chartæ ab Henrico 2. ei concessæ, (quod sciam) non extat, Sed apographum confirmationis chartæ à Johanne Rege concessæ Gulielmo Mareschallo comiti Penbrochiæ, qui Isabellam filiam & hæredem Comitis Richardi duxerat, habetur in Rot. chart. ann. 9. Johannis, penes custodem Archivorum Arcis Londinensis.

Videamus jam Distributionem, à Comite Richardo factam, præter amplissimas eas possessiones quas sibi suisque hæredibus reservavit. Eamque hîc apponemus ex Mauritio Regano, qui tum vixit, & de rebus sui temporis Historiam conscripsit, unâ cum additis nonnullis ex Archivis & authoribus fide dignis, *Dedit Comes (sic Reganus) Reimundo le Gros (sive Crasso qui Basileam sororem comitis duxerat)*

duxerat) Fothbert, Odrone & Glascarig, Hervao de Monte-Marisco, Obarthy, *Mauritio de Prendergast, Fernegenelan, quæ postea concessa est Mauritio filio Godeberti, Sed quomodo obtinuerit (ait Reganus) nescio, Meilero filio Henrici, dedit Carbriam, (Baroniam eam scil. quæ hodiè pars est agri Kildarenfis) Mauritio filio Geraldii, Naasam O-Felin, à Mackelano antea occupatam, & Wicklo. Mauritio eo non diù postea Wexfordiæ defuncto, Johannes tunc Dominus Hiberniæ & Comes Moretoniæ Guilielmo filio dicti Mauritiï confirmavit Cantredum terræ, quem Mackelanus tenuit, illum scil. in quo villa de Naas sita est, quem Comes Richardus dedit Mauritio patri ipsius Willielmi. Ita charta. Habetur in Rotulo Communium placitorum an. 10 Henrici 6, in turri Berminghamianâ Dublinii. Pergit Reganus, *Waltero de Ridelesford dedit terras de Omorthy, Johanni de Clabul, Mareschalciam Lageniæ, & terras inter Aghavoam & Lechlinam, Roberto de Bermingham, Ofaly, & Adamo de Hereford, largas possessiones. Quæ fuerint illæ possessiones, docet Regestum antiquum cœnobii S. Thomæ Dublinii, ubi de Comite & Herefordio sequentia traduntur, Postea Lageniâ perquisitâ, erat quidam Juvenis cum eo, (Comite sc.) quem multum dilexit, & dedit eidem, pro servitio suo, terras & tenementa subscripta, viz. Tenementum de Saltu Salmonis (unde Baronia de Salt in agro Kildarenfi nomen accepit) Cloncoury, Kille, Houterard & Tenementum de Donnings cum omnibus suis pertinentiis. Idem verò Adamus perpendens, quod non potuit solus dicta tenementa tenere & defendere, misit ad partes Angliæ, & fecit venire ad se duos fratres suos seniores,*
vix.*

viz. *Johannem & Richardum de Hereford*, qui venientes ad ipsum, dedit *Johanni fratri suo Tenementum de Kille, Kildroth, Clonsanbow & Mainay*, cum omnibus pertinentiis, scil. *Okey*. Item dedit alteri fratri suo *Richardo, Donning in Otyny*, cum omnibus suis pertinentiis. Idem in manu sua retinuit *Saltum Salmonis*, cum omnibus pertinentiis suis, scil. *Cloncoury, Owerard, Castrum munitum, cum ceteris*. Sic Regestum. Vidi præterea chartam dicti Comitis, quâ concessit huic *Adamo dimidiam villam de Achelo, & totum Cantredum terre in quo villa sedet, &c. Miloni filio Davidis* (sic iterum *Reganus*) uni è præcipuis amicis, dedit *Overk in Offoria, Thomæ le Fleming, Arde, Gilberto de Borard, Ofelmith, Cuidam equiti dicto Reinando* dedit 15 feoda militum mari contigua, & cuidam *Roberto* (filio *Richardi*) qui postea occisus est in *Conatia, Norragh*. Haftenus de *Lagenia*, tempore *Henrici 2.*

In *Midiam* jam ventum est, quam jam dictus *Henricus* his verbis concessit *Hugoni de Lacy, Henricus Dei gratiâ Rex Angliæ & Dux Normanniæ & Aquitaniæ, & Comes Andegaviæ, Archiepiscopis, Episcopis, Abbatibus, Comitibus, Baronibus, Justitiariis & omnibus Ministris & fidelibus suis, Francis, Anglis & Hiberniensibus totius terræ suæ, Salutem. Sciatis me dedisse & concessisse, & presenti chartâ meâ confirmasse Hugoni de Lacy, pro servitio suo, terram de Midia, cum omnibus pertinentiis suis, per servitium quinquaginta Militum, sibi & heredibus suis, tenendam & habendam de me & heredibus meis, sicut *Murchardus Hu-Melachlin* eam tenuit, vel aliquis alius ante illum, vel postea. Et de incremento dono illi omnia feoda, quæ præbuit vel præbebit*

præbebit circa Duveliniam, dùm Balivus meus est, ad faciendum mihi servitium, apud Civitatem meam Duveliniam. Quare volo & firmiter præcipio, ut ipse Hugo & heredes sui post eum prædictam terram habeant, & teneant omnes libertates, & liberas consuetudines quas ibi habeo vel habere possum, per prænominatum servitium, à me & heredibus meis, benè & in pace, libere, & quietè & honorificè, in bosco & plano, in pratis & pascuis, in aquis & molendinis, in vivariis & stagnis, & piscationibus & venationibus, in viis & semitis, & portubus maris, & in omnibus aliis locis & aliis rebus ad eam pertinentibus, cum omnibus libertatibus, quas ibi habeo, vel illi dare possum, & hac mea charta confirmare. Teste Comite Richardo filio Gilberti, Willielmo de Braosa, &c. Apud Weisford. Hanc donationem confirmavit R^{ex} Johannes Waltero de Lacy Hugonis illius filio, Februarii 4, Anno regni nono, per servitium suprà memoratum, & præterea feoda sua in Fingal, in valle Dublin, per servitium septem Militum, jure hereditario in perpetuum, ut è Rot. Chart. ejusdem anni, inter Archiva turris Londinensis liquet.

Sequitur jam Distributio ab Hugone Lacæo facta, non dico integra, nam in hoc defudent alii, sed ut à jam dicto Regano tradita reperitur, cum interjectis nonnullis, ex chartis ipsius Hugonis, & authoribus probatis, Dedit is (ait Reganus) Hugoni Tirrell, intimo suo amico Castle-Knock, & Willielmo Petit, Castle-breck. Vidi ego chartam antiquam, quâ Lacæus concessit huic Willielmo Petit, inter alia, Matherrithirnan, cum omnibus pertinentiis suis, exceptis lacu & villa quæ dicitur Dissert, &c. Viro strenuo Meilero filio Henrici (sic iterum Regana-

Reganus) dedit Magherneran, terras de Rath-
kenin & Cantredum de Athinorker, Gilberto de
Angulo aliàs Nangle, totam Magherigallen,
Jocelino filio Gilberti de Angulo, Navan & ter-
ram de Ardbraccan, Richardo de Tuit, amplas
possessiones, Roberto de Lacy, Rathwer, Richardo
de la Chappelle multas terras, Galfrido de Con-
stantin, Kilbisky & Rathmarthy. Atqui in charta
Walteri Lacæi, Hugonis filii, plenius, Feoda 5
Militū in Theof de Kilbixi, cum castello, & Feoda
15 Militū in terra de Conemake (i. Conmacne)
proxima prædicto castro, ultra aquam de Ethni,
per servitiū 4 Militū. Iterū Reganus, Adamo
de Feipo, Gilberto de Nugent, Willielmo de Misser
Hugoni de Hose, largas dedit possessiones. Spe-
ciatim dedit dicto Adamo de Feipo, Skrine,
& præterea feodum unius Militis circa Duve-
linam, sc. Clontorht, & Santreff, ut ex apo-
grapho chartæ ejus, in Regesto cœnobii B.
Mariæ Virginis juxta Dublin, liquet. Item
dedit Gilberto de Nugent, Delvin, quam in
tempore Hibernicorum tenuerunt O-Finellans,
cum omnibus pertinentiis & villis quæ infra præ-
dictam Delvin continentur, excepta quadam
villa Abbatis Fouræ, nomine Torrechelash, pro
servitio 5 Militum. Ita verba chartæ Lacæi,
quam integram vidi, cum impressione Equitis
armati in sigillo, chartæ affixo. Misseto dedit
etiam terram de Luin, & Hofæo, aliàs Hufæo,
totam terram del Dies, quam Schaclinus tenuit.
Pergit Reganus, Adamo Dullard dedit terras
de Dullenvarthy, Cuidam Thomæ dedit Cramly,
Timlath-began, ad ortum hybernum à Kenlisa,
Lathrakalim, & Sendevonath, & Richardo
Flandrensi, sive le Fleming dedit Crandon, pro
20 feodis Militum. In hac Midix & partis Fin-
T gallix

galliæ Distributione, nihil dictum de terris quas Lacæus sibi suisque hæredibus reservavit, quæ sanè amplissimæ fuerunt.

De Momonia jam loquendum: Atque hîc primò se nobis offert Charta Henrici 2, quâ concessit Roberto filio Stephani & Miloni de Cogan Regnum de Cork (quod Desmoniam etiam olim complectabatur) Civitate Corcagia & Ostmannorum Cantredo exceptis. Sed en tibi ipsissima Chartæ verba, *Henricus Dei gratia Rex Angliæ & Dux Normanniæ & Aquitaniæ & Comes Andegaviæ, Archiepiscopis, Episcopis, Abbatibus, Comitibus, Baronibus, Justitiariis & omnibus ministris & fidelibus suis Franciæ, & Angliæ, & Hiberniensibus, Salutem. Sciatis me concessisse & præsentî chartâ meâ confirmâsse Roberto filio Stephani & Miloni de Cogan, custodiam civitatis meæ de Cork, cum Cantredo quod erat Hostmannorum ejusdem civitatis, quod retineo in manu meâ. Ac habenda & tenenda ea simul, quamdiû mihi placuerit, & benè mihi servient: Præterea dono iis & concedo, & præsentî charta confirmo totum Regnum de Cork, exceptis dicta Civitate & Cantredo prænominato, quæ in manu meâ retineo, ipsis & hæredibus suis, tenenda de me & Johanne filio meo & hæredibus nostris, per rectas divisas, versùs Cap. S. Brendani, super maritima, & versùs Limericum & alias partes, & usque aquam proximam de Lismore, quæ fluit inter Lismore & Cork, & descendit in mare, per servitium 60 Militum, inde mihi & Johanni filio meo & hæredibus nostris faciendam, A præfato Roberto & hæredibus suis servitium 30 militum faciendum, & à præfato Milone & hæredibus suis, 30. Quare volo & firmiter præcipio quòd præno-*

minati

minati Robertus & Milo custodiam supradictæ Civitatis & Cantredi prædicti habeant & teneant, sicut suprà dictum est. Et quòd iidem & heredes eorum post ipsos, totum regnum prædictum, exceptis supradicta civitate & præfato Cantredo, quæ in manu mea retineo, habeant & teneant, de me & Johanne filio meo, & hæredibus nostris, per rectas divisas, sicut suprà determinatum est, benè & in pace, liberè & quietè, integrè, plenariè, & honorificè in bosco & plano, in pratis & pascuis, in aquis & molendinis, in vivariis & stagnis & piscariis, in viis & semitis, & in omnibus aliis locis & aliis rebus ad illud pertinentibus, cum omnibus libertatibus & liberis consuetudinibus suis: Ita quòd à prædicto flumine, quod fluit inter Lismore & Cork, remaneat in manu mea, tota terra usque ad Waterford, cum ipsa Civitate de Lismore, ad custodiam de Waterford. Testibus Johanne Norwicensi, Adamo de Sancto Asapho, & Augustino Waterford. Episcopis, Richardo de Lucy, Willielmo filio Aldelmi Dapifero, Hugone de Lacy, Hugone de Burid, Rogero filio Remsye, Mauritio de Prendergast, Roberto Dene, Roberto filio Elioderi, Galfrido Poër, Hervæo de Monte-Marisco. Apud Oxoniam. Hæc charta concessa videtur anno Dom. 1177, Tunc enim (secundùm Hovedenum, in Henrico 2) venit Rex **Drenford**, & in generali Concilio ibidem celebrato, constituit Johannem filium Regem in Hibernia, concessione & confirmatione Alexandri Summi Pontificis. Veruntamen, Johannes ille deinceps, in omnibus chartis suis, tam tempore patris, quàm fratris Richardi Primi, confectis, dictus est Dominus (non autem Rex) Hiberniæ & Comes Moretoniæ. Biennio postea,

inter Stephanidem & Coganum facta est Divisio septem Cantredorum, quam ita denotat Giraldus Cambrensis, lib. 2, de Expugnatione Hiberniæ, cap. 18, *Pacificatis itaque continuò tam Dermotio Desmonia, quàm aliis quoque partis illius præpotentibus viris, Stephanides & Milo VII Cantredos urbi propinquiore, quos majori in pace tunc possidebant, inter se dividerunt: Stephanidi tribus, ab Oriente, Miloni verò quatuor, ab Occidente, sorte venientibus, Illi paucioribus, quia potiores erant Cantredi, huic pluribus, quia deteriores, in divisione constitutis. Urbis existente custodiâ communi, & aliorum Cantredorum 24 qui restabant, tributo, cùm obvenerint, inter ipsos equaliter dividendo. De terris quas Stephanides & Coganus concesserunt aliis, admodum pauca traduntur à dicto Giraldo Cambrensi, illius ævi Scriptore, Coganum interitu, qui anno accidit 1184, (non 1189, ut aliqui volunt) opus impediante. Atqui lucem aliquam præbent Chartæ Confirmationum Johannis Regis, quas Regni sui anno IX concessit. Tunc enim confirmavit Willielmo de Barry donationem quam Robertus filius Stephani fecit Philippo de Barry, (ejus è sorore nepoti) patri ejusdem Willielmi, cujus heres ipse fuit, de tribus Cantredis, in terra sua de Corcaia, scil. Olethan, cum omnibus pertinentiis suis, & aliis duobus, scil. Muscherie-Dunegan & Cantredo de Killede, per servitium decem Militum, sicut charta prædicti Roberti, quam inde habebat testabatur. Ita Charta confirmationis. Item concessit Adæ de Rupe Cantredum de Rosselibir, cum omnibus pertinentiis suis, Salvo dominico Episcopi ejusdem loci; per servitium quinque militum. Item Richardo de Cogan,*

Cantredum cum pertinentiis suis, qui vocatur Muscrie-O-Millane, per servitium quinque militum, cum pertinentiis, inter portum de Cork & portum de Insovenach, & feoda 25 militum, quæ alibi præcepit ei assignari, per consilium Meileri filii Henrici Justitiarum Hiberniæ & Johannis Marescalli; per servitium 4 Militum, Salvis Regi & hæredibus suis prædictis portibus & dominicis suis. Item Roberto filio Martini, in Cantredo de Insovenach, feoda 20 militum, & alibi 20 feoda militum, quæ ei per consilium Meileri filii Henrici Justitiarum Hiberniæ & Johannis Marescalli & Philippi de Prindergast, præcepit ei assignari, per servitium 4 militum, pro omni servitio, Denique Henrico filio Philippi & Mauritio filio Philippi fratribus, unum Cantredum terræ, in quo Dunalaboth sita est, per servitium 5 Militum. Huc usque de Regno Corcagiæ. Sequitur Regnum Limerici, sive Momoniæ Borealis, quod regnum Henricus II concessit Philippo de Breusa, aliàs Braos, exceptis Civitate Limerici & Ostmannorum Cantredo. Atqui in Charta confirmationis, à Johanne rege concessa Gulielmo de Braos Philippj nepoti, dedit ei Rex tantum Honorem de Limerick; Retentis in dominico nostro (sunt verba chartæ) civitate de Limerick, & donationibus Episcopatum & Abbatiarum, & retentis in manu nostra Cantredo Ostmannorum & S. Insula. Inter alios viros primarios, qui fedes etiam ibi fixerunt, numerantur Hamo de Valois, Philippus de Wigornia, Theobaldus Walter, Gulielmus filius Aldelmi, & Thomas filius Mauriti. Ad Waterfordiam quod attinet, quæ pars etiam est Momoniæ, asserit Benedictus Abbas, qui tum vixit, & Henrici se-

cundi Historiam descripsit, Regem dedisse Roberto Puher (aliàs le Poër) in custodia, civitatem Waterford, cum tota circumjacente Provincia. His porrò adicere visum ex eodem Benedicto, Servitia Wexfordiæ, Waterfordiæ & Dublinio, ab ipso Rege, assignata. Tradidit autem Dom. Rex (ait ille) *Wllyelmo filio Aldelmi Dapifero* suo civitatem Wexfordiæ, in custodia, cum omnibus pertinentiis suis, & statuit ut subscripta in posterum pertinerent ad servitium Wexfordiæ, *Arkelow* cum pertinentiis suis, ad servitium Wexfordiæ; *Glas carrig* cum pertinentiis suis, ad servitium ejusdem, *Terra Gilberti de Bisrobard* (al. Borard) ad servitium ejusdem, *Fernregwinal*, cum pertinentiis suis, ad servitium ejusdem, *Fernes* cum pertinentiis suis, ad servitium ejusdem, *Tota terra Hervai*, inter Wexford & aquam de Waterford, ad servitium ejusdem, *servitium Reimundi de Druna* ad servitium ejusdem, *servitium de Fordonelan* ad servitium ejusdem, *Servitium Uthmorthi & Leghlin*, ad servitium ejusdem, *tenementum de Machtalo*, cum pertinentiis suis, ad servitium ejusdem, *Leis*, terra *Galfridi de Costentin*, cum pertinentiis suis, ad servitium ejusdem. Tradidit autem ibidem Dom. Rex Roberto le Poër in custodiam Civitatem Waterfordiæ, cum omnibus pertinentiis, & statuit ut hæc subscripta in posterum pertinerent ad servitium Waterfordiæ, *Tota terra quæ est inter Waterfordiam & aquam quæ est ultra Lismoram*, ad servitium ejusdem, *tota terra de Ossoria* cum pertinentiis suis ad servitium ejusdem. Tradiditque ibidem Dom. Rex *Hugoni de Lassey* civitatem Duveliniæ in custodia, cum omnibus pertinentiis suis, & statuit ut hæc subscripta in posterum pertinerent ad servitium Duveli-

Duveliniæ, tota terra de *O-Felana*, cum pertinentiis suis, ad servitium ejusdem, tota terra de *Offalia*, cum pertinentiis suis, ad servitium ejusdem, *Kildara* cum pertinentiis suis, ad servitium ejusdem, *Wichelou*, cum pertinentiis suis, ad servitium ejusdem, *Servitium de Mida*, ad servitium ejusdem, servitium 4 militum quod *Robertus Pöer* debet de *Castello suo de Dunavet*, ad servitium ejusdem. Postquam autem *Dom. Rex* apud *Oxenford*, in prædicto modo, terras *Hiberniæ* & earum servitia divisisset, fecit omnes quibus custodias commiserat, homines suos & *Johannis filii sui* devenire, & jurare iis legeantias & fidelitates, de terris *Hiberniæ*. Hactenùs *Benedictus Abbas*, qui porrò (nè quid lectorem celemus) asserit *Henricum 2*, sub eodem tempore; dedisse *Heberto* (fortè *Huberto*) filio *Heberti* & *Willielmo* fratri *Comitis Reginaldi*, & *Joëllano de la Pummai* nepoti eorum, regnum de *Limeric*, pro servitio 60 militum, Tenendum de ipso & *Johanne filio suo*, excepta civitate de *Limeric*, cum uno *Cantredo*, quæ *Dom. Rex* retinuit in manu sua, ad opus suum & heredum suorum. Ut ut fuerit, constare videtur eos in *Hiberniam* non profectos, ad regnum illud *Limericense* subjugandum. De donatione verò facta *Philippo de Breusa*, de qua suprà fit mentio, *Vid. Roger. Hoveden. in Henrico 2*, Et de confirmatione *Regis Johannis* concessa *Gulielmo de Braos Philippi nepoti*, *vid. Rot. Chart. an. 2 Johannis* in arce *Londonensi*.

Ad *Conatiam* quod attinet; de incurfione in eam facta à *Milone de Cogan*, anno 1178, & de alia, decennio postea, à *Johanne de Curcy*, in *Annualibus Hibernicis* fit mentio :

Sed de Colonia aliqua Anglica ibidem fixa tempore Henrici 2, nihil traditum reperi.

Ultonia jam adeunda, quam primus aggressus est Johannes Curcæus, al. de Curcy, anno 1177, Ulidiam Hibernicè *Ullagh* (ubi hodiè comitatus Dunensis) is brevi postea, à Rogero Poër, Almarico de S. Laurentio, Adamo Camerario & aliis adjutus, debellavit, deinde anno 1182, *Dalriatam*, cujus pars est Ronta, territorium hodiè in agro Antrimensi; Unde (ni fallor) exierunt olim Dalreudini illi, de quibus Beda mentionem facit, *qui duce Renda, de Hibernia egressi, vel amicitia vel ferro, inter Piectos, sedes, quas hætenus (ait ille) habent vindicârunt.* Curcæi habitatio primaria erat Duni, in Lecalia, ubi anno 1183, ex Ecclesia Cathedrali, seculares Canonicos expulit, quorum vice, introduxit monachos Benedictinos, è Cœnobio S. Werburgæ Cestriæ desumptos. Vita ejus, quam è Latino Anglicè reddidit Georgius Dondallus Archiepiscopus Armachanus, sub Henrico 8, MS. extat. Curcæi tempore, Anglicæ gentis plurimi, sedes suas in Ultonia fixerunt, inter quos fuerunt Savigii, Whiti, Ridelli, Mandevilli, Jordani, Stanton, Logani, Sandalli, Poëri, Camerarii, Stokæi, Passelevi, Russelli, Audlæi, Coplandi & Martelli. Ultoniz porro pars erat Ergallia, sive Uriel, quæ antiquitus complectabatur totam eam regionem quæ postea divisa est in agros Louthensem, Monaghanensem & Armachanum. Sub exitum Henrici 2, filius ejus Johannes tùm Hiberniæ dictus Dominus & Comes Moretoniæ, dedit Bertramo de Verdun, Hiberniæ Seneschallo (qui in Palestinâ postea

stea obiit anno 1192) *quatuor Cantredas terre in Uriele prædicta, & dimidium Cantreda terre in Luva (al. Loutha) illud scil. quod est versùs mare, pro Servitio 20 Militum.* Hujus generis sunt alia non pauca, ex Archivis plerùmque petenda, quæ aliorum penitiori indagini relinquimus. Mitto hîc varias Johannis Curcæi expeditiones & incurfiones in alias Ultoniæ partes, necnon prælia inter eum & Hibernos commissa, ut quæ ad hunc locum non pertinent. Satis erit hîc indicare, ob Ulidiam debellatam, & sedes quas ille & commilitones in eâ potissimum fixerant, à Jocelino monacho Furnessensi (qui tum vixit) in *Prologo ad vitam Sancti Patricii*, appellatum *Ulidie Principem*.

CAP.

CAP. XXVIII.

*De Insulis minoribus quæ per Mare
Hibernicum sparguntur.*

DE Mari Hibernico suprà diximus, Cap. III & XXIII. De Commoditatibus quas præstat, Cap. VII. Locus jam postulare videtur, ut de Insulis mari Hibernico circumfluis, aliquid adjungam, & adjungam sanè, idque primò ex Veteribus generatim. Hiberniam habere *Insulas insignes* VI, tradit Marcianus Heracleota, in Periplo suo, sed nomina non ascribit. Habe etiam fabulosam Demetrii Grammatici narrationem de Insulis Britannia adjacentibus, è Plutarchi libro de Oraculorum Defectu, *Demetrius narravit Insulas circa Britanniam esse multas hinc inde sparsas, (quales ex eo Sporades Græcis dicuntur) easque desertas, quarum nonnullæ geniorum & heroum dicantur. Se quoque mittente Imperatore, cognoscendi ac perlustrandi gratiâ, profectum in eam que desertis proxima, à paucis tenebatur incolis, sed quos omnes Britanni sacros inviolabilesque haberent: Statim verò post illius adventum, magnam in aëre confusionem extitisse, & portenta multa ventosque in procellas erupisse & ignitos vortices in terram delatos fuisse, sub horum finem Insulares dixisse aliquem eorum qui præstantioris humanâ sunt naturæ, esse desiisse: Et addit paulò post, ibi quandam esse Insulam, in quâ Saturnus captivus detineatur à Briareo, dormiens, (hoc enim vinculum adversus eum fuisse excogi-*

excogitatum) & adesse Saturno multos genios, comites ipsius ac famulos. Ita Plutarchus. Neque desunt qui, ex Orpheo, Jasonem, cum Argonautis; in Hiberniam vel appulisse, vel saltem litora Hibernica legisse colligunt, unde Hadrianus Junius ita Hiberniam loquentem inducit,

*Illa ego sum Graiis olim glacialis Tërne
Dicta, & Jasonis puppis benè cognita nautis.*

Huc usque generatim. Quæ ad rem habent Plinius, Ptolemæus & alii nonnulli tam è veterum quàm mediorum temporum Scriptoribus, suis postea patebunt locis.

Jam verò ut meliore ordine in instituto cursu progrediar, è sinu *Carigfergusii* solvam, & inde litora legens, Insulas orientales primùm invisam, postea australes, deinde occidentales, ac demùm aquilonales. In hac navigatione, se nobis primùm ostendunt *Coplandæ*, duæ Insulæ, ita fortassè dictæ à Coplandorum familia, quæ in vicina Ulidia olim florebat. Tum *Berry* Insula, à qua si oram legamus usque ad litus agri Dubliniensis, nullæ apparent insulæ memoratu dignæ: Nam insulas quæ sunt in lacu *Cone* & unam vel alteram exiguam insulam, intra ostium portus Carlingfordiensis, uti & scopulos hinc inde per mare sparsos, consultò prætermisi, ut quæ ad rem, de qua nunc agimus, non pertinent. In agri Dubliniensis litore est *Holm-Patrick*, sive Insula S. Patricii, quæ ita denominata est in memoriam S. Patricii, qui ibi appulit anno CCCCXXXII, & inde in continentem trajecit, ad Hiberniam Christianæ religionis

onis radiis illuminandam. Huic proximæ sunt *Skerres*, Insulæ scopulosæ. Eodem inde litore *Lambey* eminet, quæ à Plinio (ni fallor) *Limnus*, & à Ptolemæo *Limni* appellatur. Proxima huic est insula exigua dicta *Ireland's eye*, i. *Oculus Hiberniæ*, ubi (ut notavit Johannes Alanus Archiepiscopus Dublinensis, sub Henrico VIII, in Regesto suo nigro) *S. Nessanus* olim *insistebat crebris orationibus, jejuniis & vigiliis*. Tribus hinc miliaribus, ad austrû, abest *Dalkey*, in Chartis nonnullis Hydrographicis, *Insula S. Benedicti* vocata, à qua, ut oram legimus, postquàm loca ea vadosa à nautis dicta *The North, Middle & South grounds*, prætervecti sumus, Insula *Beg-eri* i. si interpreteris, *Parva Hibernia* conspicitur, ad agrû Wexfordiensem spectans, fortassè eadem quæ à Plinio, *Edros*, à Ptolemæo, *Edri* dicitur, olim *S. Ibari* Scholâ celebris, qui ibi (ut in vita ejus legimus) *celebre condidit cœnobium, & sacras literas aliâsq̃ue artes optimas docuit maximam multitudinem Hibernorum & aliorum*. Huic proximæ sunt duæ *Saltes* Insulæ, quæ ejusdem comitatus censentur partes.

Ab his, usque ad *Capel* insulam modicam, quæ 3 vel 4 miliaribus à portu *Youghallensi* abest, nullæ memoratu dignæ sunt Insulæ. Post eam verò, in eodem litore *Cotton-Island*, *Lesteren*, *Lacallan*, *Cray* & *Loughin*, cum aliis minoris notæ conspiciuntur. Magis ad occasum in alto eminet *Clera* Insula, nautis *Caput Clere*, cui maximum fuit decus *S. Kiaranus* senior Episcopus Saigerensis, qui hîc (ut refert vitæ ejus scriptor) natus est & educatus. Interius in Sinu *Baltimorensi* confertissimæ jacent insulæ, inter quas sunt *Inistirkân* alias *Inisshirkân*,

Inisshirkan, Augbra, Insula longa, Insula dicta de Horse, five Equus, & interius in sinu Bantriensi, & ibi.

In alto tùm comparent tres Insulæ *Dorses*, quarum maxima appellatur, **The Cow**, i. *Vacca*; Secunda, **The Bull**, five *Taurus*, tertia, **The Calf**, five *Vitulus*. Sub ostium deinde Kilmari, vel Kinmari fluvii, sunt Insulæ quædam exiguæ, sed inprimis memorandæ sunt margaritæ, quas in hoc fluvio & in ora vicina conchæ pariunt. Hoc obiter. In alto eminent tres *Scelega*, Insulæ scopulosæ, in quarum una erat olim cœnobium S. Michaeli Archangelo dicatum, quod postea (uti suprâ diximus Cap. XXVI) ad Continentem translatum est. His proxima est *Valentia* aliâ *Dairry* Insula, quæ per aliquot milliaria *Kerriæ* litori objecta jacet, tenui freto à continente divisa. Magis ad Arctum sunt *Blaskes* Insulæ, cum scopulis adjacentibus. Neque præmittenda est *Inis-catte* five *Inis-cathaig* (licet intra ostium Shenani flu.) olim Sedes Episcopalis, ubi S. Senanus præfuit Episcopus. Nomen Insulæ Scholiastes *Æneæ filii Oengobhan*, à *Cathaic bestia* fera deduxit, quæ ibi, & in Regionibus vicinis (ut ille habet) multos occidebat. Proximæ melioris notæ sunt tres *Arane* Insulæ, scilicet *Inis-ier*, *Inis-mane* & *Aran-more*, quæ nunc ad agrum Galviensem spectant, olim verò ad Momoniam pertinebant. Harum præcipua est, *Aran-More*, id est, *Aran-Magia*, dicta etiam *Arn-na-namb*, five *Aran Sanctorum*, ob sanctos ibi sepultos. De hac Insula & S. Enna, aliâs *Endeo*, primo ibidem Abbate, ita Scriptor vitæ S. Albei, Cùm S. Albeus revertetur de *Cassell*, occurrit ei *Enna Abbas* dicens:
Revertere

Revertere mecum ad Regem (Ængusam) & quære mihi ab eo illam Insulam, i. e. Arn, ut in nomine Domini faciam ibi Monasterium. Tunc reversus Sanctus Albeus ad Regem salutavit eum dicens: Illam Insulam positam in Oceano maris, da nobis ut ædificemus ibi Monasterium. Rex ait non vidi nec audiui qualis & quanta sit illa Insula, & ideo nemini illam dabo, ut prius sciam quomodo sit. Tunc virtus divina fecit Regem videre totam eam insulam per longa spatia terrarum, & scivit qualis & quanta fuit. Tradidit autem Rex Sanctis Insulam Arn, & sub S. Albeo, S. Enna construxit ibi egregium Monasterium, & sub uno nomine nominatur etiam Insula, i. Arn. Et magna est illa insula, & est terra Sanctorum, quia nemo scit numerum sanctorum, qui sepulti sunt ibi, nisi solus Deus. Hæc ille: cui astipulatur Scriptor vitæ S. Endei, qui asserit etiam Dariniam Endei sororem Ængusæ Regis fuisse uxorem. Sed audi porrò fabulosam relationem de hac Insula, ex Giraldi Cambrensis Topograph. Hiberniæ Distinct. II, Cap. VII, *Est Insula quædam in occidentali Conactiæ * solo posita cui nomen Aren, à S. Brendano, ut aiunt, consecrata. In hac, hominum corpora nec humantur nec putrescunt, sed sub dio posita & exposita, permanent incorrupta. Hic homines avos, atavos & tritavos longamque stirpis suæ retrò seriem, mirandi conspiciunt & cognoscunt. Est & aliud ibi notabile, quia cum per totam Hiberniam copiosè nimis mures abundant, hæc tamen insula mure caret: Mus enim non nascitur hîc, nec vivit invecus, &c. Nescio an hîc operæ pretium sit memorare incolas nonnullos qui fide digni videri volunt, affirmare se, ex his*

* Solo melius.

Insulis,

Insulis, fascinatam Insulam quam *O-Brafil* vocant interdum sudo cœlo prospexisse. In hujus Insulæ scrutinio, nonnulli nuper oleū & operā perdidērunt. At situm confidentiùs designant Chartæ quædam hydrographicæ. De perdita hac Insula, sive Insula Brendani, vide, si placet, quæ habet Ortellius, in Thesauro suo Geographico. Prætereo hîc fabellam de Insula quadam maris Hibernici quam *fantasticam* vocant, *instabili primò, tandem per ignem stabili facta*, Talium cupidus petat jam dicti Giraldi Cambrensis Topogr. Hib. Distinct. II. Cap. XII. Ad rem redeo. Inter *Aranas* & continentem, non paucæ jacent insulæ exiguæ. Magis verò ad Arctum, (inter alias minoris notæ) jacent *Ar-dillan*, *Ilanemraher*, *Inissharke*, *Insula Cuniculorum* & *Inis-bo-find*, id est, *Insula vaccæ albæ*, in quam ingentes massæ ambræ, (nos **Ambergreese** dicimus) aliquoties sunt ejectæ. Hîc S. Colmanus Lindisfarnensis Episcopus cœnobi-um olim construxit. Sic enim Beda, Ecclesiasticæ Historiæ lib. 4, cap. 4, Interea Colmanus, qui de Scotia erat Episcopus, relinquens Britanniam tulit secum omnes quos in Lindisfarnensi Insula congregaverat Scotos: Sed & de gente Anglorum viros circiter triginta, qui utrique monachicæ conversationis erant studiis imbuti. Et relictis in Ecclesia sua aliquot fratribus, primò venit ad Insulam Hu, unde erat ad prædicandum verbum Dei, Anglorum genti destinatus. Deinde secessit ad insulam quandam parvam, quæ ad occidentalem plagam ab Hibernia procul secreta, sermone Scotico *Inis-bo-find*, id est, *Insula vitulæ albæ* nuncupatur. In hanc ergò perveniens construxit Monasterium & Monachos inibi, quos de utraque natione collectos adduxerat, collocavit, &c.

&c. *Navigatio Colmani ad Insulam vacca alba*, in Annalibus Tigernaci, (qui floruit Seculo XI) ad annum refertur DCLXXVI. Ibi Colmannus ille naturæ cessit novennio postea, die 8. Augusti. Eodem inde litore eminent *Inisturk & Clerey*, in qua erat olim Cella cœnobii Knockmoyensis. Inter has & continentem (in sinu Borisolenfi) confertissimæ jacent Insulæ exiguæ. Tum utraque Akil, major & minor, cum noto nautis scopulo magis ad occasum, dicto **the Black Rock**, Deinde *Iniskea & Davilan*.

Insulæ Ultoniæ jam invisendæ, atq; illæ primum quæ partes censentur Tirconalliæ, sive ut nunc loquimur, agri Donegallensis. Atque hîc, post insulas quasdam perexiguas, quæ ostiis Êrni flu. & portuum Donegalliæ & Calebegæ præjacent, in alto comparent Insulæ dictæ *Arane Aquilonales*, ad Arandarum supra memoratarum differentiam, prope quas sunt Scopuli à nautis vocati **The Staggs**, sive Cervi. Tum *Cladagh* conspicitur, & magis ad orientem *Torre*, ad 8 milliare à continente, Terra satis fertilis. *Inis-oën* verò, (sive Insula Eugénii) licet Insula dicta, reverà Peninsula est, & Isthmo, Continenti Hiberniæ annectitur. Huic maximum est Ornamentum *London-derry* Civitas, antiquitùs *Deria & Dair-calgac*. Proximæ sunt *Glassedy & Strahul*, *al. Inis-strahul*, Insulæ scopulosæ ad quas Phocæ se conferunt, ut dormiant & fœtum edant. Tum *Skerres*, deinde *Ragblin*, quæ pars est agri Antrimensis & una leuca à continente abest, Plinio *Ricna*, Ptolemæo *Ricina*, Antonino *Riduna*. Cæterùm Historici Hibernici *Recarn*, & *Recrain* vocant. *Segenium* Abbatem Jæ Ecclesiam de *Recarn*

Recarn fundâsse anno DCXXXIV, vel DCXXXV, prodit Tigernacus; & in Annalibus Ultoniensibus ad an. DCCXCIV, (qui nobis est DCCXCV) fit mentio *Combustionis & vastationis Rectrain per Gentes*. Danos hîc intelligi docet Caradocus Lhancarvanensis, in Cambriæ Chronico: Nam Dani circa hæc tempora (ut ille habet) *maximam Hiberniæ partem populating, Recrain quoque vastârunt*. Johannes Rex Angliæ donavit hanc Insulam (inter alia) *Alano de Galway*, ut ex Archivis constat. Inter eam & continentem jacent exiguæ nonnullæ Insulæ, & magis ad Austrum, comparent novem Insulæ scopulosæ dictæ *The nine spids*, non procul à peninsula *Magie*. His proximæ sunt Insulæ Coplandiæ, à quibus exorsi sumus, & cum quibus finem huic Capiti imponemus.

CAP. XXIX.

Diatriba de Basilicis , sive Ecclesiis Cathedralibus Hiberniæ , in qua Origines earum & aliæ Antiquitates aperiuntur.

In Provincia Armachana.

*Loca & Tituli
dedicationum.*

*Origines & aliæ
Antiquitates.*

Armachæ, Ecclesia S. Patricii.

Templum erexit cathedralique ibi fixit S. Patricius Hibernorum Apostolus , anno Domini 445 , vel secundum Annales Ultonienses , 444, ad quem annum, in iisdem Annalibus ita annotatum invenimus, *Ardmacha fundata est. Ab Urbe condita, usque ad hanc civitatem fundatam, 1194 anni sunt.* Locum (prope Calin flu.) à salicibus quibus confectus fuerat, *Druim-Sailec* primum dictum concessit Dairus quidam, vir divitiis affluens, & inter suos magni nominis. Ab editiori verò situ, postea factum est nomen Armacha sive Ard-macha, id est, *Editus Campus.* De Sede à S. Patricio hinc collocatâ, ita Jocelinus Monachus Furnessensis, in vita ejusdem Patricii, cap. 165 , *Cathedram Archiepiscopalem in eadem urbe collocavit (S. Patricius) & ut Sedes illa totius Hiberniæ esset Primaria, Metropolis* &

& *Magistra*, animo statuit. De antiqua hujus Sedis dignitate, nihil prætereà dicam; nisi quod amplissima habebat olim privilegia, ad Ecclesiasticæ libertatis firmamentum indulta. Sed redeamus ad propositum. Ecclesia hæc cathedralis, sicut sæpè devastata fuit & incendio deformata, ita iterùm atque iterùm restaurata & amplificata ab Archiepiscopis Armachanis: Sed præcipuè à Patricio Scanlano, circa annum Salutis 1262, tum nuper à sede Rapotensi Armacham translato. Proximus ejus successor Fr. Nicolaus *Moliffæ* filius, præter libros, vestimenta Ecclesiastica pretiosa & alia quæ Ecclesiæ suæ Armachanæ dederat, annuam etiam 20 marcarum pensionem ejusdem Ecclesiæ fabricæ, ex Mannerio suo de *Termon-Feichan* pendendam contulit. Sedi prætereà suæ appropriari curavit Mannerium de *Dromyskin*. Obiit 10 Maii 1303, vir ob facundiam & prudentiam celebris, cùm Ecclesiam Armachanam rexisset annos 31.

Clonardæ E.
S. Finiani.

In Midia multæ erant olim Sedes Episcopales, Clonardenfis nempè, Damleagenfis, Kenlisenfis, Trimmenfis, Ardbraccanenfis, Don-shaghlinenfis & Slanenfis, præter alias minoris notæ: quæ omnes, exceptis Damleagenfi & Kenlisenfi five Cenanusensi, coaluerunt, iisque communis Sedes Clonardæ constituta est, ante annum Dom. 1152, quo facta est Divisio Episcopatum Hiberniæ, à Johanne Paparone Presbytero Cardinale tituli S. Laurentii in Damaso, Eugenii III tunc apud Hibernos Legato, in Synodo inchoata pridie Nonas Martii, vel in cœnobio Mellifontis, vel,

ut aliis placet, Kenlisæ. Cæterùm duæ illæ Sedes (Damleagensis nempè & Kenlisenfis) eandem postea aleam subierunt. De his compendio sigillatim: Ac primò de Clonarda.

Clonardæ primus præfuit Episcopus S. Finianus, five Finanus, Philosophus & Theologus insignis. Is nobili ortus prosapia, sed pietate nobilior, apud S. Davidem Menevensem in Cambria Episcopum aliquandiu commoratus est, eique ob egregias animi doctes valdè charus fuit. In patriam reversus, factusque Episcopus, sedem suam Clonarda in Midia, prope Boinum fluvium, collocavit, ubi porro Gymnasium instituit, quod illius curâ & laboribus, multos progeniuit viros sanctitate & doctrinâ celebres: inter quos fuerunt uterque Kiaranus, uterque Brendanus, uterque Columba (nempè Columba-cille & Columba filius Crimthani) Lasarianus filius Nathfraci, Caineus, Movæus & Ruadanus. Et sicut Schola S. Finiani fuit *quasi quoddam totius Sapientiæ Sacrum*, ut loquitur vitæ ejus Descriptor, ita ipse Finianus *Sapientis* cognomen adeptus est. Obiit is Decembris 12, anno Salutis 552, & in Ecclesia sua sepultus est. Episcoporum hujus dioceseos, qui Clonardæ sederunt postremus fuit Simon de Rupeforti al. *Rochfort*, Anglus, qui sicut prædecessor ejus Eugenius, ultimis consecrationis suæ annis, stylo à Midia regione amplissimâ, mutuato, Episcopus Midensis dictus est; quo titulo omnes etiam deinceps successores constanter usi sunt. Non tamen hîc prætermittendum Idumanum unum è prædecessoribus Eugenii, diu ante eum Midia Episcopum fuisse dictum, & eo usum stylo, inter

testes

restes Epistolæ Waterfordiensiu ad Anselmum Archiepiscopu Cantuariensem, in gratiam Malchi electi Waterfordiensis, an. 1096 conscriptæ. Sed ad Simonem redeamus. Is circa annum Christi 1206, Clonardâ relictâ, cathedrâ suam Episcopale ad Cœnobiû SS. Petri & Pauli Apostoloru novæ villæ juxta Trimmâ transtulit, quod tum nuper Canonicis Augustinianis condiderat. Constat porrò Henricû VIII regē (qui Monachos ubique exturbavit) Ecclesiam cœnobiî B. Mariæ de *Ballemore* juxta *Logh-seudy* apud West-Midenses, in Cathedralē hujus diœceseos convertisse. Sed quàm diù ita duraverit, nescio.

Damleagæ, sive ut hodiè, Dulekæ, Sedes Episcopalis primùm constituta est à S. Kenano, aliàs Cianano, cui ipse præfuit Episcopus primis Ecclesiæ Hibernicæ surgentis temporibus. S. Kenanû *Ecclesiâ ibi construxisse lapideam*, & inde *Damleag* nomen accepisse refert Officiû ejus, cujus exemplar, è codice MS. Bibliothecæ publicæ Cantabrigiensis transcriptum, impertivit mihi amicissimus M. Gulielmus Morus. *Ecclesiarum etenim antea (sic idem Officium) de virgis & tabulis Structuræ fiebant in Hibernia.* Nec facilè quidem reperiemus aliam structuram, è saxo, ab Hibernis factam, ante tempus S. Malachiæ Archiepiscopi Armachani, S. Bernardi æqualis & dilecti, licèt in morte paulò prioris. Sed de veterum Hibernorum Ædificiis, vide, si placet, quæ suprâ diximus cap. 22. Sanctus hic Kenanus regio Momonienfium ortus sanguine, & ad tempus in Gallia, sub S. Martino Episcopo Turonensi educatus obiit 24 die Novembris anno 489 vel 488.

Sequitur *Cenanus*, postea contractiùs Kenlis, & deinde (sicut hodiè vulgò) *Kells*, antiquitè

inter insigniores Hiberniæ urbes numerata^a sed posterioribus temporibus postquam nimirum in opidulum decrevit, dicta ob situm & munimentum *Clavis earum partium Mediæ*. Memoranda porro hoc nomine, quod S. Columba, qui & *Columb-cille, composito* (inquit Beda) à *Cella & Columba nomine*, cænobium insigne ibi fundavit, circa annum Dom. 550, locum concedente Dermotio filio Cervalli rege Hiberniæ. Sedem etiam Episcopalem ibi postea erectam fuisse liquet, sed quando primum constituta fuerit, ignoratur. Hoc tamen constat eum Seculo XIII, cathedræ Midenfi fuisse conjunctam. Kenlisæ huic magnum olim decus fuit S. Cuthbertus Lindisfarnensis Episcopus (obiter adnoto) qui hîc in lucem editus est, uti vitæ ejus Descriptor demonstrat ex *Historiis Hiberniensium*. Liber habetur in Bibliotheca Cottoniana, sub effigie Vitellii, D. XIV. 8. Non desunt tamen qui natum eum in loco dicto *Kilmacudrick*, ad quartum à Dublinio lapidem, contendunt.

Ad cæteras quod attinet, satis erit vel verbo memorare Ecclesias Trimmensem & Donshaghlinensem à S. Patricii nepotibus erectas fuisse, hanc à S. Secundino, al. Sechnallo, illam à S. Lumano: Deinde Slanensem à S. Erco, qui obiit anno 513, & Ard-bracanensem à S. Ultano, qui anno decessit 697. Hique omnes ut fundatores, ita primi fuerunt harum Ecclesiarum Episcopi. Atque hæc de Sedibus hisce, unitis tandem & conjunctis Episcopatui Midenfi compendio dicta sufficiant.

*Duni, Eccles.
S. Patricii.*

Sanctus Cailanus S. Mac-
nissi Episcopi Connerensis
æqualis, sed in Episcopatu
posterior, ex Nendrumensi Abbate, factus est
Dunensis Ecclesiæ Episcopus, sub exitum seculi
post Christum natum quinti. Ecclesiam hanc refe-
cit S. Malachias Morgairus, Episcopus primum
Connerensis, dein Armachanus Archiepiscopus,
ac demum Archiepiscopatu abdicato, Antistes
Dunensis, anno 1137. Tum post annos circiter
40, Malachias tertius ejusdem nominis Epis-
copus Dunensis, à Johanne Curcæo Ultoniæ
dicto expugnatore adjutus, auxit eam & or-
navit. Johannes ille præterea, Canonicis se-
cularibus expulsis, eorum loco, Monachos Be-
nedictinos, è cænobio S. Werburgæ Cestriæ,
substituit anno 1183. Et sub eodem tempore,
ejusdē Curcæi suasu, Ecclesia ea Cathedralis,
quanquàm antea S. Trinitatis nomini conse-
crata, in S. Patricii honorem dicata est. Non
paucos autem credidisse Iliadem malorū Cur-
cæum inde sibi postea attraxisse, author est
Christophorus Pembrigijs, in Annalibus suis.
Utcunque, maximam olim claritatem loco
proculdubio conciliavit S. Patricii sepultura,
cui etiam corpora SS. Columbæ & Brigidæ
postea translata fuerunt. Postrenus hujus Se-
dis Episcopus, ante realem (ut loquimur)
unionem Ecclesiarum Dunensis & Conneren-
sis, fuit Johannes *Sely*, monachus Benedicti-
nus. Eo verò exauthórato anno 1441, Johan-
nes Episcopus Connerensis unionem utriús-
que sedis, ab Eugenio IV Pontifice obtinuit.
Et jam inde unus idemque Episcopus Dunensis
& Connerensis appellatur. Locus, antiquiori
nomine *Aras-Cealtair* prorsus deperdito, Du-
nun.

num dictus est, unde & regioni nomen. Dunum autem priscis Gallis, Britannis & Saxonibus, collem vel situm acclivem denotabat: Atque hinc Lugdunum & Juliodunum in Gallia, Dunelmum, Camialodunum, Sorbiodunum & similia in Anglia manârunt: neque aliam habebat significationem apud Hibernos. Nam hæc sedes in Regeſto censuum Cameralium Centii Camerarii appellatur *Dun-da-leghla*, quam vocem Hiberni interpretantur *Collem binorum mediorum catena*: Et Jocelinus, cap. 38, à *catenis confractis*, Dunum nomen sortitū fuisse asserit. Sic porro à collino situ in Hibernia, nomina deducunt *Dun-amaus*, *Dun-keran*, *Dungannon* & *Dun-garvan*. Exempla alia satis obvia sunt: sed in re tam nota, hæc sufficiant.

Connera, E.
S. Mac-nisii.

Ængus Macnisius primus fuit hujus Ecclesiæ Episcopus & fundator. Is cognomentū à matre, more insolito, trahens, vulgò *S. Mac-Nisæ* vel *Mac-nisius*, sine aliqua alia additione, dictus est. Patris autē nomen *Fobrec* fuit, ut tamē Tigernaci Annalibus, quàm ex antiquo Ængusiani Martyrologii Scholiaste, ad diē 3. Septēbris, intelligimus. E vivis hic cessit *senex venerabilis*, 3 Septēbris, an. Dom. 507, vel secundū alios, 514. Hujus Ecclesiæ Benefactor dicitur Isaacus de Novo castro ad Tinā, Episcopus creatus Connerensis an. 1245, ubi præfuit annos 12, Quid autem contulerit traditū non reperi. Celebritatē hujus loci maximā aliqui adscribunt *S. Malachiæ* suprā memorato, qui hīc præfuit ad tempus Episcopus, & cujus vitam descripsit *S. Bernardus Abbas Claravallensis* celeberrimus; è quo plura petas.

Clochore, E. S. Hanc Ecclesiā fundavit S. *Maccartini.* Patricius eamq; postea con-

tulit dilecto suo discipulo, & in verbi Dei prædicatione adjutori indefesso, S. Maccartino, Jocelino, Kerteno, è nobili Aradenfium. profapia orto, sed moribus nobiliori. Sedit ibi Maccartinus usq; ad an. Dom. 506, quo placidè ex hac vita senex migravit, IX Calend. Aprilis, vel ut alii habent, VI Octobris, & in Ecclesiæ suæ cœmeterio sepultus est. Post aliquot deinde secula, an. nempe 1041, hæc Ecclesia de novo ædificata est, & S. Maccartini memoriæ dicata. Circa annū verò 1295, eam restauravit Matthæus *Mac-Catafaid* Episcopus Clochorensis. Is capellā porrò condidit supra sepulchrū S. Maccartini, & cœmeterium muro circumdedit. Anno demū post centesimo, Aprilis 28, dum Arthurus *Mac-Cameil* loci Episcopus capellā Maccartini de novo erigi curaret, Ecclesia ipsa cathedralis, & duæ capellæ, & Monasteriū B. Mariæ, necnon Curia Episcopi unā cum 32 aliis ædificiis, &c. incendio conflagrāvunt. Ad Ecclesiæ & Curie suæ structurā, Arthurus hic omni studio postea incubuit. Decessit autem admodū senex, die S. Laurētii 1432, cū hanc Ecclesiam rexisset annos 42. Extant Ordinationes ejus (obiter adnoto) an. 1395 & 1430 editæ. Clochora (ad Launum flu. sita) nomen habet à Lapide aureo, quo Ethnicismi temporibus, Dæmon responsa præstigialia, quasi Apollinis Pythii oracula, dare solebat; ut è Regesto Clochorensi intelligimus. Inter hujus loci Episcopos secundū Macartinum maximè celebratur Christianus O-Morgair, frater unicus S. Malachiæ Armachani. Eum S. Bernardus in vita Malachiæ *virum bonum* appellat

pellat, plenum gratiæ & virtutis Germano quidem suo secundum in celebri opinione, sed vitæ sanctimonia, & justitiæ zelo fortè non imparem. Obiit 1139, & Armachæ in cœnobio SS. Petri & Pauli sepultus est.

*Ardachæ, E.
S. Meli.*

Ecclesia cathedralis Ardachadenfis meritò inter antiquissimas totius Hiberniæ numerata, à S. Melo Britanno, primo loci Episcopo fundata est. Fuit is S. Patricii è Darerca sorore nepos, & ab ipso S. Patricio (cujus etiam discipulus fuit) Episcopus consecratus. Hunc *ex proprio labore manuum, more Pauli*, victum sibi comparasse asserit Jocelinus, in vita S. Patricii, cap. 102. Obiit S. Melus anno salutis 488, Februarii die 6, quadriennio ante avunculum, & in Ecclesia sua Ardachadenfi sepultus est. Ardachæ nominis ratio ab editiori situ deducitur. Atque hujus nominis libentiùs hîc memini, quia *Ard* generali vocabulo loca editiora Hibernicè vocantur.

*Raphoe, E.
S. Eunani.*

Cœnobium ibi loci fundavit S. Columba-cille, vir regio sanguine, ad virtutem & literas natus: antea quidem Crimthannus dictus; Columbæ verò nomen secundum Adamnanum, (qui vitam ejus descripsit) *ob innocentiam*, secundum veterem Ængusiani Martyrologii Scholiasten, eodem sensu, *ob simplicitatem* candidam obtinuit, allusione fortasse factâ ad præceptum Servatoris nostri, (Matth. X.) *Estote ergò prudentes sicut serpentes, & simplices sicut columbæ*. Hanc structuram restauravit postea jam dictus Adamnanus, celebris ille cœnobii

cœnobii Hyensis Abbas, cujus magno cum hō-
nōre meminit Beda venerabilis, Ecclesiasti-
cæ Historiæ gentis Anglorum lib. 5, cap. 16,
ubi *virum bonum appellat, & sapientem, & sci-
entiâ Scripturarum nobilissimè instructum*. Hu-
jus cœnobii templum in Ecclesiam cathedra-
lem erexit (ut videtur) S. Eunanus, qui pri-
mus existimatur hujus sedis Antistes. Quo
tempore autem vixerit nullâ potui indagine
invenire. Ostendebatur Raphoæ, sive (ut
olim) Rathbothæ, non ita pridem lectus ejus.
Ibi porro turris erat, sive pyramis, ut aliqui
vocant, colli imposita, in qua Episcopi Ra-
potenses Musæum olim habebant. Hujus Ec-
clesiæ Benefactor fuit egregius Patricius
Magonail Episcopus Rapotensis, circa annum
Dom. 1360, qui porro ædes Episcopales,
in tribus Manneriis ad sedem suam pertinen-
tibus, construxit. Locus nomen habet partim
ab Hibernico *Rath*, quod sepimentum militare
denotat. Sed in residui nominis rationem in-
quirant alii.

Deria, E. S.
Columbæ,

De cœnobia à supradicto
S. Columba Deriæ extructo,
anno 545, jam antè egimus.

Cæterùm, Ecclesia cathedralis Derensis opus
est multò recentioris temporis. Nam illius Di-
oceseos Episcopus Ardsrathæ ad Dergum flu-
vium primam cathedram habuit constitutam, ubi
primus præfuit Episcopus S. Eugenius, quem
aliqui S. Patricii discipulum, & ab eo Episco-
pum consecratum tradunt: Alii verò S. S. Ca-
nici & Congalli æqualem faciunt. Tempora
certè parùm cohærent: nisi fortè S. Eugenio
(inter Macrobios illius seculi) istam tantam
longavi-

longævitatē adscribamus. Fuit is Prædicator eximius & assiduus. Natus porrò dicitur Regio Lageniensium sanguine. Decessisse ferunt 23 die Augusti an. 618, & in Ecclesiæ suæ cœmeterio sepultus est, suprà cujus sepulchrum, sacellum postea ædificatum est. Ab Ardsratha sedes Episcopalis Magheram translata est, quæ S. Lurocho dicata, cujus festum agitur 17 Februarii : unde (ut opinor) Episcopi illius sedis Rathlurienses dicti sunt. Circa annum tandem 1150, Mauritius, Hibernis appellatus Mureachus *O-Coffy* al. *Cobthaig* Episcopus mutavit sedem in Deriam. Is ex Canonico Augustiniano Episcopus factus dictus est etiam Episcopus de *Kenel-eogain* sive *Tir-oen*, & Hovedeno impresso, ad an. 1172, corruptè Charenensis. Vir ob eruditionē, humilitatem & erga egenos liberalitatem, ab Historicis plurimum laudatus. Vixit usque ad an. Dom. 1173, vel 1174, quo defunctus 10 Februarii, in cœnobio S. Columbæ Deriæ, quod olim *Cellam nigram* vocabant, sepultus est. Eo sedente, an. 1164, Ecclesia cathedralis (ut ego intelligo) sive *Ecclesia magna Derensis* (ut in Annalibus Ultoniensibus appellatur) constructa est, Mauritio *Mac-Lochlin* Rege Hiberniæ & Flano *O-Brolchan* Abbate cœnobii S. Colūbæ Derensis opus promoventibus. Non negandū tamen ante Mauritium nonnullos ex Abbatibus Derensibus dictos etiam simul Episcopos. Huic diœcesi, circa an. 1266, adjunxit Germanus aliis Gelasius *O-Cherballan* Episcopus itidē Derensis, (ut è Regesto Clochorēsi didici) *per potentiam nationis suæ de Kenel-eogain, Ecclesiā de Ardsratha, cum pluribus aliis Ecclesiis de Opheacrach*. Has à sede Clochorēsi eripuisse dicitur, dum David O-Brogan Episcopus Clochorēsis

chorensis jaceret paraliticus in cœnobio Melli-
fontis, cujus Monachus aliquando fuerat, & in
quo defunctus sepultus est an. Dom. 1267. Dici-
tur porrò partē aliquā diœcesis Rapotensis à
Carbraco *O-Soba* ordinis Prædicatorū & E-
piscopo Rapotēsi, circa idem tempus subtractā,
diœcesi suæ adjecisse. Sedis hujus Episcopus
an. 1420 fuit Gulielmus Quaplodus Carmelita,
Bertrami *Fitz Allen* Carmelitæ itidē & viri e-
ruditi Mæcenas, ut è Lelando liquet, in libro de
Scriptoribus Britannia, id quod eo libentiùs hîc
obiter annotavi, ut Balæi errorē patefacere, qui
Episcopū Darense eū facit, unū sc. è suffraganeis
Archiepiscopi Dubliniēsis. Urbs ipsa à colonia,
è Londino deducta *London-Dery* hodiè dicta,
Daire-Calgac olim appellabatur, i. e. *Roboretū*
Calgachi, aliquādo etiā *Daire Columb-kill* & de
Luco, & in antiquo Provinciali Romano, *Darrich*.

Clone, sive Clon-
macnoise, E.S.
Kiarani.

Cœnobiū Clonmacnoisæ,
priùs *Tipraic* dictæ, prope
Shenanum flu. in ipso quasi
Hiberniæ umbilico sive me-
ditullio construxit S. Kiaranus, sive Ciaranus
junior, ex Aradensium familia ortus, sed Boëtii
al. Beonandi fabri lignarii filius, unde & vulgò
dictus est *Mac-iteir*, sive *filius Artificis*, locum
concedente Dermotio Cervalli filio Rege Hi-
bernix. Huic cœnobio secundum plurimos, Kia-
ranus unico solùm anno, secundum nonnullos
verò (perperā opinor) annis septē præfuit Ab-
bas, morte ibi ereptus 5 Idus Septembris, anno
Salutis per Christū 549, in ipso ætatis flore, cum
annos vixisset solùm 33. Exequiis ejus terciā
nocte insequēti interfuit S. Coëngenus. Hymnū
in ejus laudē paulò postea composuit S. Colūba
amicus

amicus ejus. Hujus cœnobii Ecclesia postea, sed quo tempore planè me latet, in Ecclesiam cathedralem commutata est. Non desunt quidem qui S. Kiaranum Episcopum fuisse Clonmacnoisensem disertè tradant. Hoc si verum, de Ecclesiæ cathedralis initio, non est cur ulterius disquiramus. Ut ut fuerit, posteriori temporibus IX alias Ecclesias, in uno quasi eodemque cœmeterio, duo plùs minùs jugera Hibernica ambitu colligente, ei subjecerunt. Ad occasum hujus loci Prasules ædes Episcopales ædificârunt.


Ecclesia ipsa cathedralis multis certè olim possessionibus ditata fuit: Magnatum præterea ac Episcoporum sepulturâ, nec non Monumentis aliquot & Inscriptionibus, partim Hebraicè partim Hibernicè incisis, inprimis insignis. Paulatim attamen decrevit & ad pudendam tandem redacta est paupertatem. In Synodo suprâ memoratâ, anno 1152 habitâ, dum Cardinalis Paparo Legati munus in Hibernia obiret, inter sedes Episcopales Provinciæ Tuamensis subjectas, numeratur *Cinani*, quæ post longas contentiones, Romæ agitata, inter Archiepiscopos Armachanos & Tuamenses Provinciæ Armachanæ tandem adjudicata est. Hanc sedem jampridem è nominis affinitate, eandem esse existimavi cum Cenaniensi, sive Kenlisenfi. Sed dies diem docet: Nunc non possum non existimare *Cinani* corruptè ibi legi pro *Cluana*, vulgò Clonmacnois, tum ob vicinitatis rationem, ut quæ à Provincia Tuamensi, Shenano fluvio solum disternatur, tum quia in Divisione antedicta Episcopatum Hiberniæ, inter sedes Provinciæ Armachanæ subjectas, habetur *Conna-*

nas, quæ eadem sine dubio est cum Cen-
nusa: Non enim verisimile est unam eandem-
que sedem in ea sedium Distributione facta in
Synodo, cui tot Præsules Hibernici interfu-
erunt, fuisse bis numeratam, & diversis
Provinciis assignatam. Clona sive Cluaina
Latibulum sonat. De residui nominis ratione,
ita Annales cœnobii Inisfallensis, ad annum
Dom. 547, vel 548; Hoc anno fundata est
Cluain-mac-nois, id est, Nois-Muccaid rex
Conatius, à quo nominatur Cluain. Hactenus
de Clona vetere: nunc veterem ejus faciem
exhibemus,

Kilmora,

304

ECCLESIAE &
Coemeterij Clonmacnois
Descriptio.



Kilmoræ, E. S. Post Clonmacnoisam, memorabitur *Kilmoræ*, id est, si interpreteris, *Ecclesia magna*. Hujus diœcesis Episcopi stylo à Bresinia (regione ita dicta) mutuato, Bresinienses aliquandò dicti sunt, quandòque Triburnenses, quia consedissee dicuntur in viculo quodam obscuro Triburna dicto. Cæterum, anno tandem 1454, Andreas (Bradæus opinor) Episcopus Triburnensis Ecclesiam parochialem S. Fedlemidi al. Felimii *Kilmoræ*, quam locum commodiorem invenerat, Nicolai V Papæ assensu, in cathedralem erexit, & in ea Canonicos XIII collocavit. Hanc erectionem confirmavit Calistus III, anno insequenti: Et circa idem (ni fallor) tempus, Decanatus Kilmorensis constitutus est. Ad S. Fedlimidum quod attinet, vixit is Seculo VI, & frater fuit, ut ferunt, S. Diarmidii Abbatis Inis-cloghranensis. Obiit 9 die Augusti. De anno non habeo quod certò dicam. Regestum Ecclesiæ Clochorensis Episcopum eum facit Ecclesiæ Cluainenensis, quam, ad lacum dictum *Longh-Ern* sitam, nos vulgò *Cluines* dicimus, & ibidem eum S. Tigernach, primo loci Episcopo, sepultum tradit. Sed redeamus. Jam inde à novæ hujusce foundationis initiis, ipse Andreas ejusque successores non Episcopi Bresinienses nec Triburnenses, ut antea, sed Kilmorenses appellati sunt. Et videtur sanè ipsam sedem Bresiniensem vel Triburnensem non antiquæ fuisse memoriæ; nam de ea nulla sit mentio in suprâ memorata Divisione Episcopatum Hiberniæ, ut è codice censuum Cameralium Centii Camerarii, qui fuit postea Honorius III. Papa, constat.

Hâc novâ Ecclesiæ cathedralis Kilmorensis fundacione non obstante, duos postea Episcopos ad Episcopatum Triburnensem fuisse promotos ostendit Lucas Waddingus, in tomo 8 Annalium Minorum, nempe Stephanum de Straboniza, & per ejus obitum, Fr. Bernardum 13 Junii 1509. Cæterum, cùm certum sit Thomam Bradæum tunc temporis Episcopum fuisse Kilmorensem, & è vita non migrasse ante annum 1511, admodum probabile videtur eos ne teruncium quidem ex Episcopatu percepisse.

Dromora, E. S. Superest Dromora, quæ *Colmani.* (ut à peritioribus accipi) dorsum magnum collis, live *clivum magnum* denotat.

(*Conveniunt rebus nomina sæpè suis.*)

Hæc Ecclesia originem suam debet S. Colmano, *Aradeorum gente oriundo*, primo cœnobii Muckmorensis apud Antrimenses Abbati, deinde primo hujus sedis Episcopo. Hunc Jocelinus, cap. 96, *Colmanelum* vocat: sed *Mccolmoc* etiam dictum notat vetustus Angliani Martyrologii Scholiastes. Claruit Colmanus Sæculo VI. Quippe qui natus anno 516. Obiit 7 Idus Junii. Annum verò obitus ejus nondum invenimus. De hac sedæ, in libro supradicto Centii Camerarii, (quod miror) nulla habetur mentio. Ideoque credibile videtur aliquot Sæculis eam proprio caruisse Antistite. Et sunt qui opinentur tot hoc tempore, Diocesi Archiepiscopi Armachani fuisse inclusam. Neque comperi quidem Episcopum ibi loci aliquem sedisse, post sæpè su-

præ memoratam Divisionem Episcopatuum Hiberniæ factam anno 1152, ante Gerardum monachum Cisterciensem cœnobii Mellifontis, qui (ut ex Archivis Arcis Londinensis didici) electus assensum Regium obtinuit 25 Aprilis 1227. Ex hujus Ecclesiæ Episcopis, non pauci postea Seculo XV, in Anglia plerumque degabant, & temporis in hac Ecclesia, ob ejus (ut auguror) paupertatem, parùm aut nihil absumebant. Speciatim, sub Henrico IV Rege Angliæ, Richardus Mesinus Carmelita & ejus successor Johannes quidam. Item sub Henrico V, Nicolaus Wartre ordinis Minorum & David *de Chirbury* Carmelita, ac sub Henrico VI, Thonias Scropus al. *de Bradley* Carmelita itidem, & Thomas Radcliffus. Pristina Episcopatus hujus Dromorensis paupertas ex Epistola quadam Octaviani de Palatio Archiepiscopi Armachani ad Henricum VII Regem, intelligi potest, in qua annuos ejusdem census tunc temporis non valuisse asserit, ultra 40 marcas monetæ Hibernicæ. Hæc porro moneta minoris tunc fuit valoris (ut ille ibi asserit) ex tertia parte quàm nummus *Sterlingus* dictus. Atq; ut Episcopatus erat tenuissimus, ita & parochiæ in eo perpaucæ, solum nempe 23. Sed de Basilicis Provinciæ Armachanæ hæc tenemus. Ad eas Provinciæ Dubliniensis jam venio.

In Provincia Dubliniensis.

**Loca & Tituli
dedicationum.**

**Origines & alia
Antiquitates.**

Dublinii, Ecclesia S. Trinitatis, quæ vulgò Ecclesia Christi appellatur.

Hanc Ecclesiam, in Civitatis medietate, Sitricus filius Amlavi Rex Ostmannorum Dublinii & Donatus Episcopus Dubliniensis Canonicis secularibus construxerunt, circa an. Salutis 1038. De hac fundati-

one, ita Liber niger ejusdem Ecclesiæ: *Sitricus Rex Dublin. Filius Ableb comitis Dublin. dedit S. Trinitati & Donato primo Episcopo Dublin. Locum ad edificandam Ecclesiam S. Trinitati, ubi fornices sive voltae sunt fundatae, cum terris subsequentibus, viz. Beal-dulek, Rechen, Portabern, cum villanis, & vaccis, & bladis, necnon aurum & argentum sufficienter ad edificandam Ecclesiam, cum tota curia contulit. Donatus hic, præter navem Ecclesiæ & collaterales structuras, excitavit etiam à fundamentis Capellam S. Nicolai, in parte boreali, & Capellam S. Michaëlis, quam, qui illi, post aliquot secula, successit, Richardus Talbotus in Ecclesiam erexit parochialem. Obiit tandem Donatus 6 Maii 1074, & in Ecclesia sua sepultus est. Canonicos seculares hujus Ecclesiæ Laurentius Archiepiscopus Dubliniensis in Canonicos mutavit regulares ordinis Aroacensis, circa annum Domini 1163. Laurentius hic, necnon Richar-*

Richardus cognomento **Strong-bow** Comes *Strigulienfis*, Robertus filius Stephani & Reimundus Crassus, sive *le Gros*, Ecclesiam amplificare aggressi, Chorum suis sumptibus ædificârunt, cum campanili & duabus capellis, una S. Edmundo Regi & Martyri, & S. Mariæ quæ dicitur alba, dicata, altera, S. Laudo. Inter Benefactores primarios, numerantur etiam Lauratij tres proximi successores, Johannes Cominus scil. Henricus Loundrès & Lucas quidam, qui ante infulas susceptas Decanus fuit S. Martini Londini & Thesaurarius *Garderobæ*, sive à synthesi Henrico III Regi Angliæ. Neque prætermitti debet Johannes de S. Paulo illius itidem Sedis Archiepiscopus, qui paulò ante obitum, obiit autem 9 Septembris 1362, totum Presbyterium, unâ cum ipsa (quam hodiè cernimus) cathedra Archiepiscopali, suis sumptibus extruxit. Saxo is coopertus marmoreo, æneis laminis ornato, tumulatus est, in secundo gradu, ante summum altare, sicut in testamento suo mandaverat. Hujus Ecclesiæ Priorem & conventum Henricus VIII Rex Angliæ in Decanum & Capitulum convertit, anno 1541.

*Dublinii, E.
S. Patricii.*

Johannes Cominus (de quo suprâ diximus) Ecclesiam hanc speciosissimam S. Patricio dicatam in australi Urbis suburbio, veteri parochiali Ecclesiâ ibidem demolitâ, construxit & dotavit, circa annum Domini 1190, in qua XIII collocavit Præbendarios, qui numerus posterioribus temporibus auctus est ad XXII. Is Bullam

etiam à Lucio III Pontifice obtinuit, datam Velletri, Idibus April. Indictione 15 1182, in quâ, inter alia privilegia Sedi Dublinensi concessa, ita legimus; *Sacrorum quoque Canonum auctoritatem sequentes, Statuimus ut nullus Archiepiscopus, vel Episcopus, absque assensu Dublinensis Archiepiscopi, si in Episcopatu fuerit in Diocesi Dublinensi, Conventus celebrare, Causas & Ecclesiastica negotia ejusdem diocesis, nisi per Romanum Pontificem, vel Legatum ejus, fuerit eidem injunctum, tractare præsumat.* Exemplar hujus Bullæ habetur in antiquo Regesto Dublin. vocato CREDE MIHI, fol. 80. b. Atque ex hoc privilegio, initium sumpsit controversia illa, sive acris & diuturna concertatio inter Archiepiscopos Armachanos & Dublinienses. An Armachanus habuerit jus Primatiæ, Bajulationis Crucis, Appellationum & Visitationum in Provincia Dublinensi, quæ per aliquot annorum centurias postea duravit. Sed redeo. Collegiatam hanc Ecclesiam Comini proximus successor Henricus Loundres sive Londinensis in cathedralem erexit, unitam (inquit Johannes Alanus Archiepiscopus Dublin. sub Henrico VIII) cum Ecclesia cathedrali S. Trinitatis in uno sponso, salvâ alteri Ecclesiæ Honoris prærogativâ. Gulielmum filium Guidonis primum ibi constituit Decanum. Præcentorem porro, Cancellarium & Thesaurarium ordinavit, quibus prædia & rectorias assignavit. Capellam B. Mariæ ibidem extruxit postea Fulco de Samford successorum unus, in qua ipse tumulo, statuâ ejus ornato, conditus est anno 1271. Partem denique Ecclesiæ cathedralis incendio fortuito deformatam restauravit

vit Thomas Minot Archiepiscopus itident
Dubliniensis, qui porrò campanile præcelsum
è saxo quadrato construxit, circa annum
1370, unde & in sigillo suo usus est postea ima-
ginē pontificali, quæ manu visa est tenere cam-
panilis effigiem. Atque hæc de hac Ecclesia,
quæ sive laxitatem spectemus, sive egregiam
structuram & magnificentiam, cæteris Hiber-
niæ Ecclesiis cathedralibus, facile (ut opinor)
est præponenda.

Ferna, E. S.
Edani.

Fernam urbem Brandi-
bus Rex Lageniæ S. Edano
al. Moedogo primo loci
Episcopo contulit, & secundum Biographos
nostros, Synodi magnæ consensu, Metropolim
eam totius Provinciæ Lageniensis constituit;
circa annum Dom. 598. Qua de re, sic anti-
quus vitæ ejusdem Edani Scriptor: *Magna
civitas in honore S. Moedog ibi crevit, quæ vo-
catur Ferna. Deinde factâ Synodo magnâ in
terra Lagenensium, decrevit Rex Brandubb.
& iam Laici quàm Clerici, ut Archiepiscopatus
omnium Lagenensium semper esset in Sede & ca-
thedra S. Moedog. Et tunc S. Moedog à mul-
tis catholicis consecratus est. Decessit Edanius
grandævus, die ultimo Januarii anno Dom.
631, & in Ecclesia sua Fernensi, quam ipse
fundaverat, sepultus est. Ei successit S. Mo-
lingus, dictus etiam Dairchilla, fuit enim bi-
nonius, qui (ut in vita ejus legimus) consti-
tutus est ipse Archiepiscopus, in Sede & cathedra
S. Moedog. A Rege jam Lagenensium Bran-
dub filio Eathac constitutum est, ut Archiepisco-
patu Lagenensium in civitate S. Moedog esset.
Ipsa civitas vocatur Ferna, quæ est in terra gen-
tis*

tiſ Kenselach. Is verò , diù ante obitum, Præſulatum abdicavit , & vitæ pertæſus eam depoſuit valdè ſenex , 17 Junii 697, Temo-
lingi, ubi in cænobio à ſe conſtructo, ſepul-
tus eſt. Molingum , Braccanum , Patricium
& Columbam , *quatuor Hibernicos Prophetas*
appellat Giraldus Cambrenſis, Libro 2 Hiber-
niæ expugnata , cap. 33. ubi etiam eorum Li-
bros ſuo tempore extitiſſe *Hibernicè ſcriptos*,
aſſerit. Sed hoc obiter. Locus nomen habet (ut
notat Colganus) à Ferna Heroe, Carili Regis
Deſiorum filio, ibi in pugna per Gallum filium
Mornæ interempto. Inter primarios Eccleſiæ
Fernenſis Benefactores numeratur Johannes
de S. Johanne , tam ob ſtructuræ ſuas, quàm
ob privilegia Sedi ſuæ comparata. Obiit is an-
no Dom. 1243, poſtquàm magna cum pruden-
tiæ & integritatis laude ibi præſuiſſet annos
circiter 21, eique bis ſucceſſit Galfridus de S.
Johanne, (fortè frater ejus) primùm in Ec-
cleſiæ Limericenſis Theſaurariatu , deinde in
Episcopatu Fernenſi. Fuit porrò Galfridus
ante Præſulatum , Hiberniæ *Eſcaetor*. No-
tandum hîc aliquos è jam dicti Johannis præ-
deceſſoribus, Joſephum *O-Hethe* nempe & Al-
binum *O-Mulloy* dictos fuiſſe interdum Epiſ-
copos Wexfordienſes, & eo uſos ſtylo in char-
tarum quarundam ſubſcriptionibus ; Fortaſſè
animo cathedram hanc Episcopalem ad Wex-
fordiam , opidum tunc temporis populi re-
quentia longè celebrius , transferendi. Hoc
certè conſtat hunc Episcopatum in Bulla
Lucii III Papæ ad Jo. Cominum Archie-
piſcopum Dublinienſem, Weisfordenſem eſſe
dictum.

Kildare, E.
S. Brigide vir-
ginis.

Sanctus Conlæthus, quibusdam Conlaidus, alii Conlianus, primus perhibetur Darenfis Episcopus, & Ecclesiæ Cathedralis, à S. Brigida adjutus, fundator. In ejusdem Brigidæ vita, à Cogitoso descripta, is *Archiepiscopus & Summus Pontifex* appellatur. Ultimū diem clausit 3 Maii anno 519, & Kildaræ (quæ *Cellam Robor-ii* sonat) in Ecclesia sua, prope summum altare, sepultus est. Ejus verò ossa, 281 post anno, viz. anno 800, in capsulam argenteam deauratam gemmisque ornatam fuerunt translata. Liber rubeus Comit̃is Kildarenfis (quo nixus fundamento nescio) *Lonnium* quendam primum fuisse loci Episcopum tradit, Ivorium ei successisse, & Ivorio, Conlæthum: Et ex eodem (uti creditur) libro, idem habet Richardus Stanihurstus, in Anglica sua Hiberniæ Descriptione, quæ in edito Holinshe-do extat. Sed uterque perperam opinor. Multò probabilius est Conlæthum omnium primum ibi sedem Episcopalem fixisse: id quod ita firmat Scriptor antiquus vitæ S. Brigidæ, lib. 2, cap. 11. *Conlianus Episcopus sanctus & Propheta Domini qui habebat Cellam in australi parte campi Lissi, venit in curru ad sanctam Brigidam, & moratus est apud eam. Quem B. Brigida Episcopum elegit in sua civitate Kildara. In Ecclesiæ hujus ornatu & reparatione, non parvam impendit pecuniam Radulphus de Bristol, Bristoliæ (ut opinor) in Anglia natus, primus Ecclesiæ S. Patricii Dublinensis Thesaurarius,*

rius, primusque Anglici generis Episcopus qui in hac sede collocatus est. Decessit sub initium anni 1232, cum sedisset annos vix 9. Eandem Ecclesiam fatiscentem restauravit Edmundus Lanus Episcopus, regnante Henrico VII. Inter Episcopos suffraganeos Hiberniæ, ut in Conciliis & alibi primum habuit locum Episcopus Midenfis, ita secundum sibi asseruit Episcopus Darenfis: Cæteri secundum tempora ordinationum sederunt.

Kilkennia, E.
S. Canici.

Sedes Episcopalis Ossoriensis Saigeræ, quam hodie *Seir-Keran* appellamus, in

Elia Carolina primum collocata est, ubi sub medium Seculi quinti, primus præfuit Episcopus Kiaranus senior, vir magnæ auctoritatis, ob sanctitatem & doctrinâ. Quirinû tamen eum fuisse, ad quem, & cæteros in Hibernia Episcopos, scripta est Epistola 61 Gregorii I, quæ in Regesto ejusdem Gregorii, lib. 9, extat (licet Kiarani eminentia, longævitæ & nominis similitudo quodammodo invitent) non alideo affirmare. Hæc sedes Aghavoam in Ossoria superiore translata est, sed quo tempore incertum: fortasse tamen anno Dom. 1052, nam ad eum annum, ita Annales MSS. Lagenienses: *Templum Achadboæ constructum est, & Canici Scrinium ibi collocatum.* Hic S. Canicus filius Laideci Poëtæ insignis, vir doctus & industrius, primus fuit Abbas cœnobii Aghavoensis à se constructi, in quo etiam defunctus, 5 Idus Octobris, anno Dom. 599, vel 600, annos natus 72. Scripsit is viram S. Columbæ, & Hymnos aliquot præterea in ejus laudem. Aghavoam, sive, ut olim Achadboam,

buam, Adamnanus in vita S. Columbæ, lib. 1. cap. 4, *Campulum Bovis* interpretatur, & Scriptor vitæ S. Canici, *Agrum Boum*. Hinc verò cathedram tandem Kilkenniam, five Canicopolim transtulit Felix *O-Dullany* Episcopus Ossoriensis, circa finem regni Henrici 2 Regis Angliæ. Is fundamenta videtur jecisse Ecclesiæ cathedralis Kilkennienfis, quæ tamen non absoluta fuit, ante tempus Galfridi de S. Leodegario Episcopi, qui eam, sumptu non exiguo, ante obitum suum qui incidit in annum 1286, perfecit, licet ante eum, nonnulli è prædecessoribus, imprimis Hugo Mapiltonus, fabricæ ejusdem Ecclesiæ strenuè incubuissent. Nec hîc prætermittendus est Richardus Ledredus Minorita, successorum unus, qui in ejusdem Ecclesiæ ornatu & reparatione, magnum insumpsit pecuniam, speciatim omnes fenestras de novo erexit & vitro obduxit, inter quas enituit fenestra orientalis, opere tam eximio adornata, ut in universa Hibernia, parci non inveniretur. Obiit Ledredus anno Domini 1360, & in Ecclesia sua cathedrali, prope summum altare, ad latus Evangelii, tumulo conditus est. Tum, qui illi post annos 100 successit David Hacketus, è polito saxo testudinem campanulis erigi curavit. Item Oliverus Cantwellus, ordinis Prædicatorum (qui mihi penè exciderat) sub exitum Seculi XV, præter ædium suarum Episcopaliû Aghoræ & Freinstonæ & pontis majoris Kilkennia aquarum inundatione fracti reparationes, vicariis choralibus appropriavit Ecclesiam S. Mallæ.

His addamus antenissimum hujus Ecclesiæ situm, quæ è colle clementer edito, & urbem modicè subjectam, & fertilissimam regionem adjacen-

adjacentem, Neoro flumine irriguam, jucundissimè prospectat.

Leghline, E.

S. Laseriani.

Ex Provincia Dublini-

ensi dicenda superest Legh-

lina, ubi Sedes cathedralis

à S. Laseriano, aliàs *Molaisfre*, filio Cairelli

de Blitha constituta est. Educatus hic fertur

ad ætatem usque adultam, sub S. Murino

Abbate, cui mater, quæ filia erat (uti fertur)

Regis Pictorum, illum instituendum tradi-

dit. Postea Romam profectus, ibi 14 annos

transegit, interea D. Gregorium Sacras Scrip-

turas exponentem audivit, & ab eodem de-

mum Presbyter ordinatus in patriam reversus

est. Brevi postea, Leghlinam pervenit, ubi S.

Gobanus tunc præfuit Cœnobiarcha, qui ei

cœnobium suum sponte cedens, sibi & mona-

chis suis cellam alibi construxit. Monachos

1500 Laseriani regimini hic subsuiffe tradit

Scriptor vitæ S. Munnu, qui porro asserit Sy-

nodum magnam in *Campo albo* habitam fuisse,

& magnam ibi ortam contentionem inter S.

Lasarianum & S. Munnu, de festo Paschæ ce-

lebrando, die Dominico, an cum Hebræis, de-

cima quarta Luna: Hæc verò Synodo habitâ,

uti videtur, mense Martio, anno 630,

sed sine optato successu finitâ, Lasarianus

Romam usque denuò iter suscepit, ubi Ho-

norius I eum *Præsulem consecravit*, & revertenti

(ut in vita ejusdem Laseriani legimus) *Legati-*

onis in Hibernia officium commisit. Nec irritò

successu, Nam post reditum in Patriam, Pas-

chalis observationis ritum, ad Honorii moni-

ta, in australibus Hiberniæ partibus reformatum fuisse liquet. Vid. Bed. venerab. Histor.

lib.

lib 3. cap. 3. Mortem obiit S. Lasarianus 14 Kalendas Maias anno Dom. 638 vel 639. & in Ecclesia sua sepultus est. In Synodo Dublinii celebratâ, sub Alexandro Bicknoro Archiepiscopo Dublin. Dies obitus S. Lasariani antedictus (quod obiter adnoto) necnon Dies obituum sanctorum Patricii, Brigidæ, Canici & E-dani, duplicibus festis, per Provinciam Dublinensem, annumerati sunt. Inter Ecclesiæ Leghlinensis Benefactores primarios, habetur Burchardus Norwegus, Gurmundi filius, de quo suprâ diximus. Fuerunt & nonnulli ex hujus sedis Episcopis valde benefici, speciatim Donatus, sub adventum Henrici 2 in Hiberniam, & Gulielmus aliquando Archidiaconus Leghlinensis, qui sedere cœpit anno 1227, aliis 1229, & obiit 1251. Is porro confirmavit Burgenfis Leghlinensibus prædia & privilegia, quæ Herlewinus prædecessor ejus iis concesserat. Nec prætermittendi, inter Benefactores, Joh. Mulganus Episc. sub rege Henrico VI, & Matthæus Sanderus, sub Henrico VIII. Legh-lina vulgò *vetus Leghlina* dicta non procul abest à Baroo fluvio, quem Ptolemæus *Birgum* vel *Brigum* vocat. Mitto hîc Glendalacham, ubi olim erat sedes Episcopalis, (ab Hovedeno, Bistagnensis dicitur, & in Bulla Lucii III, *Episcopatus Insularum*) siquidem ea regnante Johanne, cathedrâ Dublinensi unita est.

In

In Provincia Casseliensi.

Loca & Tituli
dedicationum.

Origines & alia

Antiquitates.

Cassellie, Eccles.
S. Patricii.

Post Angustæ (Nasræ) filii) Regis Momoni conversionem ad Christianam religionem, S. Patricii prædicatione, populum Casseliensem S. Albei & successorum ejus Jurisdictioni, qui Intelacæ (ad 12 à Casselia lapidem) sederunt, aliquandiu subsistisse, non est our dubitemus: quæ de re postea pluribus, cum ad Intelacam perventum fuerit. Quis autem primus fuerit Ecclesiæ Casseliensis Episcopus, haud facile quis designarit. De Cormaci Oulinani filio, Rege & Episcopo Casseliensi, sub initium Seculi decimi, supra fuisse diximus. Is certe tanquam fundator, vel saltem restaurator Ecclesiæ cathedralis vulgo habetur. Et memoria proculdubio Antiquitatum Casseliensium ante eum, perquam exilis superest. Ecclesiam ejus, post novam (ut arguor) restitutionem, sollemniter consecratam fuisse, & Synodum ibi habitam anno 1134, tradunt Annales Prioratus Insulæ omnium Sanctorum. Cæterum Ecclesiam novam circa Anglorum ingressum, sub Henrico nostro secundo, à fundamentis ibi excitavit Donaldus O-Brien Rex Limericensis, quam & prædiis ditavit, veteri Cormaci Ecclesiâ in capellam,

vel

vel domum Capitularem, ad austrum Chori conversâ. Is porro Sedi Casseliensi latifundia non pauca elargitus est, cui alia rîdem in Tumonia postea contulit filius ejus Donatus cognomento *Carbrac*, & inter cætera, duas insulas *Sulleith* & *Kismacayl* appellatas. Hanc donationem confirmavit Johannes Rex Angliæ, 6 Septembris 1215. Sed & deo. Post annos deinde plûs minûs 200, Richardus Hedianus Archiepiscopus Casseliensis Ecclesiam hanc vetustate fatiscentem restauravit. Aulam præterea vicariis suis choralibus construxit, iisque prædia quædam dedit vocata *Grange-Connel* & *Baon-Thurlisbeg*. Ecclesia ipsa extra urbem sita, colle petroso præcipitióque munita est, sed ventis, ob sublimem situm, nimis exposita. In ascensu ad eam, saxum grandinisculû memini me juvenem vidisse, ad quod (uti ferebant incolæ) novus quisque Rex Momoniæ, pro more, edicto publicè promulgato, olim declarabatur. Est & alia Casselia dicta olim *Cassel-irra*, in Conatia, cui primus præfuit Episcopus S. Bronus, qui mortalitatem exiit anno 512, quod ideo hîc monendum duxi, quia non desunt qui opinentur Bronum hunc Episcopum fuisse Casseliensem in Momonia.

Imelacæ, E. S. Post Casseliam memora-

Albei. bitur Imelaca, al. Imleca-

Ibair, Sedes Episcopalis antiquissima, in regione amœnâ & fertili sita, & amplissimis olim ditata prædiis, ubi & urbs erat olim celeberrima, quæ tamen paulatim in exiguum viculum decrevit. Huic loco maximum fuit decus S. Albeus dictus alter Patri-

cus,

cius, & Momonienſiũ poſt Patriciũ ſecundus Patronus; qui dum Euangelicam doctrinam in Hibernia diſſeminaret, conatibus ejus ita Deus benedixit, ut quamplurimos ex nobilitate & plebe, tam docendo, quàm vitæ exemplo, ad fidem Chriſti converterit. Totâ demum Inſulâ his pietatis officiis, peragrata, Eccleſiam ſuam cathedralē fixit tandem Imelacæ, juxta Lacum jam ſecum exiccatum. Author antiquus mihi anonymus, qui vitam S. Colmani Dro-morenſis Episcopii deſcripſit, Episcopum vocat *Imblicenſem, ſapientem ac religioſum virum. Ad-dit porrò Colmanum apud eum divinarum ſcrip-turarum ſtudiis, jejunio, & orationi atque vigi-liis ſedulè inſiſtentem, aliquot annis docilem manſiſſe.* Verumenimverò, S. Albeum totius Momoniæ conſtitutum fuiſſe Archiepiſcopum, his verbis diſertè aſſerit vitæ S. Declani Scri-ptor, adhuc (ut opinor) ineditus: *Commanen-tes in civitate Caiſſyl, S. Patricius, S. Albeus, ſanctusq; Declanus, cum multis ſanctis ſuis diſcipu-lis, apud Regem Enguſam, multa bona rigori Chriſtiani conſtituerunt. Et ibi Rex Enguſa & S. Patricius cum omni populo ordinaverunt Ar-chiepiſcopatum Mumeniæ in civitate & in ſede S. Albei, (qui tunc ab eiſdem Archiepiſcopus ordi-natus eſt) per ſeculum. Ita ille. Item Scriptor vitæ S. Albei; Cùm B. Albeus (inquit) audiſ-ſet quod Patricius Regem Memoneniſum Enguſum filium Neſrich converteret ad Chriſtum, & eſſet cum eo in civitate Caſſel. Venit ut eos ſalu-taret. Rex autem & Patricius gaviſi ſunt in ad-ventu Albei, & ille eſt gaviſus eos videns. Ibi verò accepit Patricium Magiſtrum ſuum S. Albeus, qui valdè erat humilis. Tunc Rex Enguſ & Patri-cius ordinaverunt, ut in civitate & cathedra S.*

Albei

Albei esset Archiepiscopatus omnium Memonensium semper. Quo tempore S. Albeus Euangelium in Hibernia prædicare cœperit, controvertitur. Sunt qui tradant in Christiana religione propaganda, operam ibi sedulò cum navasse, ac multos ad Christi fidem convertisse, ante Sancti Patricii adventum in Hiberniam. Sed nos illorum sententiæ adhæremus, qui eum S. Patricio posteriorem ponunt. Vide, si placeat, quæ diximus in Annotationibus nostris ad Opuscula S. Patricii : quibus & hic addere liceat Albeum Presbyterum ordinatum ab ipso Sancto Patricio, id quod docet Tirechanus Scriptor antiquus, Libro 2, de vita Sancti Patricii. Item è jam dicta vita Sancti Albei intelligimus puerum eum fuisse, dum Palladius à Celestino Pontifice missus in Hibernia moraretur, & ab eo baptizatum. Palladium verò in Hiberniam pervenisse anno Domini 431, unico solum anno ante S. Patricium, doctis satis est notum. Sed hæc obiter. Hic talis tantusque vir decessit tandem grandævus, integris tamen animi & corporis sensibus, 12 Septembris anno Domini 527, vel, ut alii volunt, 541, & in Ecclesia sua Imelacensi sepultus est. Imelacam direptam, & mitram S. Albei, ibi magnâ curâ, per multa secula asservatam, à latronibus combustam fuisse anno 1123, tradunt Annales Ultonienses. Huic sedi tunc præfuit Mælmorda Episcopus, qui fugâ evasit. Ad reparationem & ornatum Ecclesiæ, post annos deinde 120, (nam in intermediis temporibus nihil ad

Y

rem

rem comperi) Christianus successorum unus valdè intentus fuit. Obiit is anno 1249. Imelacæ etiam Collegium nescio quod erexit Thomas Hurlæus Episcopus, tempore Regis Henrici VIII.

Limerici, E.

B. Mariæ Virg.

Hanc Ecclesiam cathedrallem extruxit & dotavit Donaldus *O-Brien* Rex Limericensis, (de quo *suprà*, in *Casselia*,) circa Anglorum adventum in Hiberniam. Est verò Limerici ædes sacra vulgò dicta *S. Munchini* Ecclesia, nunc parochialis, sed olim (ut ferunt) cathedralis, à *S. Munchino* primo Limericensi Episcopo fundata & ab *Ostmannis* postea restaurata. De hac re quærant alii, Quis autem iste *Munchinus* fuerit non parva quæstio est. Sunt qui opinentur hunc esse illum Mancenum quem *Jocelinus*, cap. 59, *virum* appellat *religiosum & optimè in Scripturis exercitatum*, quémque *S. Patricium Amalgaidi* Regis *Conatiæ* populo, à se tum *noviter ad Christum converso*, præfecisse asserit. Sunt alii qui minùs probabiliter cum *Mancheno* illo confundant, quem *Annales Ultonienses* Abbatem vocant *de Mene-drochit*, & obiisse docent anno 651, vel 652. Hujus *Mancheni* obitus memoria designatur; sub nomine *Manichei sapientis Hiberniensis*, in *Libris de Mirabilibus Scripturæ*, à quibusdam *S. Augustino* perperam adscriptis. Non abhorret nomē, & tempora exactè conveniunt. Vid. lib. 2 cap. 4. tom. 3. *Opusculum S. Augustini*. Festum *S. Munchini* Limericensis agitur die 1 Januarii. Post *Munchinū*, inter Episcopos hujus sedis celeberrimus fuit *Gille* al. *Gilbert*. in *Hibernia* Legatus Pontificis, cujus

ejus extat *de statu Ecclesiæ* libellus circa annum Domini 1130 descriptus. Sed redeo ad Ecclesiam cathedralē Limericēsem, cui, sub initium Seculi XIII, valdè beneficus fuit Donatus *O-Brien* loci Episcopus. Inter alia, Decano & Capitulo Præbendas assignavit, ac de Ecclesiæ suæ Liturgia, & Canonieorum privilegiis, Constitutiones quasdam ordinavit. Porro is fuit (nisi me fallo) qui Decanatum ipsum & Capitulum erexit: Atque ut illustris fuit genere, ita eruditione, prudentiâ & liberalitate illustrior. Ejus operâ multum usus est Rex Johannes in rebus suis Hibernicis; Et officium certè sibi demandatum, eâ fide & solertiâ exequutus est, ut magnam inde gratiam apud Regem comparaverit. Numerum Præbendarum auxit postea Hubertus de Burgo Episcopus itidem Limericēsis, qui decessit 14 Septembris 1250. Proximus ejus successor Robertus de Imelaca Decanatu ap propriavit *Ecclesiastica beneficia de Carnarthy & Rathsward*, ut ex Ecclesiæ Limericēsis Registro didici. Neque hîc prætermittendum, sub exitum Seculi XII, vel initium insequentis, Episcopatus Limericēsem & Cathayensem, siue *de Insula Gatha* coaluisse. Urbs ipsa totius Momoniæ pulcherrima hodiè vulgò Limericum nuncupatur, olim verò Lumniacuni & Hibernicè *Lumneach*, unde & loci Episcopi Lumnicenses vel Lumnicani olim dicti. Quod spectat Diploma hoc à jam dicto Donaldō, circa annum 1194, Briccio Lumnicano siue Limericēsi Episcopo concessum: *Domnaldus Rex Lumnicensis, Universis Dei fidelibus tam presentibus quàm futuris, Salutem. Non lateat Universitatem vestram me donasse Briccio Lumnicano*

* Hodie
Mungaret.

Episcopo, suisque successoribus, Cleroque S. Mariæ Lumnicæ, in liberam & perpetuam eleemosynam, terram *Imungram, & terram Ivamnacham, ab arcu videlicet Imungram, usque ad terram Imalin, & à vado Ceinu, usque ad flumen Sinan, cum omnibus appenditiis suis. Ut autem rata sit hæc eleemosyna, Sigilli mei impressione eam confirmo. Teste Domino Matthæo Cassil. Archiepiscopo, & Ruadri ua Gradei. Civitatis maximam partem, diviso alveo, circumluit Shenanus Hibernicorum fluminum præcipuus, Ptolemæo Senus, de quo Alexand. Nechamus,

*Fluminibus magnis letatur Hibernia, Sineus
Inter Connatiam Momoniâque fluit:
Transit per muros Limerici, Knock-Patric illum
Oceani clausum sub ditione videt.*

Castro præterea, tormentis majoribus instructo, urbs munita est, & mœnibus firmissimis obvallata, præsertim quâ flumine non defenditur. Sed hoc obiter. Sunt qui *Lumneach* interpretentur *locum denudatum ex pastu equorum*. Quam verè viderint alii.

Waterfordiæ, E. S. Trinitatis. Ostmannis Waterfordiensibus, postquam religionem Christianam amplexi fuissent, consultum tandem visum fuit urbi Episcopum præficere. Ad hoc itaque munus, Malchum quendam virum probum delegunt, monachum quandoque Benedictinum Wintoniensem, & in Angliam mittunt anno Dom. 1096, ab Anselmo Archiepiscopo Cantuariensi consecrandum. Literarum in ejus gratiam conscriptarum exemplar extat apud Eadmerum, in

in Historia sua Novorum. Malcho deinde consecrato & Waterfordiam reverso, Ecclesia hæc cathedralis ab eo & Ostmannis popularibus suis constructa est. Prædiis eam postea, Johannes Rex Angliæ, sub initium Seculi XIII, ditavit, cujus porrò tempore, (ut opinor) Ecclesia Waterfordiensis primum habuit Decanum. Possessiones Decani & Canonicorum figillatim expressas confirmavit Innocentius III Papa, anno 1210, ut ex ejus Epistolis, à Francisco Bosqueto, J. C. Tolosæ Testosagum editis anno Dom. 1635, intelligimus. Ecclesiæ chorum & presbyterium testudine sive laqueari fornicato ornârunt Nicolaus Cominus Episcopus & Robertus Lombardus Decanus, anno 1522. Neque hîc omittendum Decanum & Capitulum hujus Ecclesiæ anno 1463, ab Edwardo IV rege Angliæ, in *augmentationem divini cultus ibidem* (uti verba sunt chartæ) facultatem impetrâsse fundos acquirendi ad annuum valorem 100 marcarum. Hactenus de Ecclesia cathedrali, quæ ut originem suam debet Ostmannis, sic & ipsa civitas Waterfordia, quæ ad Surii nobilissimi fluminis ripam australem sita, inter celeberrimas totius Hiberniæ meritò connumeranda est, sive opes & frequentiam spectemus, sive portus opportunitatem. Ad nominis Etymon quod attinet, exoticam planè ostendit originem; Nam Fluminis vel aquæ trajetum sonat: Hibernis autem & Britannis *Portlargi* vocatur.

Lismore, E.

S. Carthagi.

Sanctus Carthagus vulgò dictus *Mochudu*, patriâ Momoniësis, Abbas fuit primum

celeberrimi cœnobii Ratheniensis, ubi & præfuit

fuit annos 40, sed ex eo tandem à Blatmacho Rege pulsus, primus Ecclesiæ Lismorensis evasit Episcopus. Ecclesiam cathedralem, nec non Scholam insignem ibi construxit, in qua multi olim Philosophiam veram profitebantur. Mortem obiit post multa sanctitatis edita signa, 14 Maii anno 638, vel, ut alii habent, 637, & Lismoræ, (quæ Sepimentum magnum significat) in Ecclesia sua sepultus est. Scholam Lismorensensem ad tempus rexisse dicitur S. Cataldus, postea Tarentinus in Italia Episcopus, ad quam *undique ex finitimis ac remotis regionibus, innumeros penè homines confluxisse* refert in ejus vita, Bartholomæus Moronus, id quod ostendit etiam ejusdem Cataldi Officium. Cæterum hinc inter alia colligere licet Cataldum non anno 170, ut Moronus habet, neq; sub initium Seculi sexti, ut Alexander ab Alexandro & Antonius Caracciolus volunt, sed sub medium potius Septimi claruisse, post obitum nempe S. Carthagi Scholæ Lismorensis fundatoris. Hanc opinionem firmat multitudo ea credentium in Hibernia, S. Cataldi ævo, à Morono memorata, quæ ad Seculum secundum sine dubio referri non potest. Siquidem Hibernia, eo Seculo & diù postea, Ethnicismi tenebris obvoluta jacuit, Sed hæc obiter. Ecclesiam cathedralem restauravit Cormacus filius Mureti Rex Momoniæ, circa an. 1130. Vicarios chorales ibi primus instituit & dotavit Griffinus *Christophori* Episcopus Lismorensis, circa annum 1230. De tempore erectionis Decani & Capituli nihil mihi constat. Librum habuit hæc Ecclesia lectissimum, de ejus Juribus, & Benefactorum Donationibus, quem composuit Thomas Pursellus Episcopus Lismorensis

morensis & Waterfordiensis, anno Dom. 1487. Atqui, magno Ecclesiæ detrimento, Liber ille igne fortuito combustus est, circa annum 1612. Hæ duæ Sedes, Lismorensis inquam & Waterfordiensis *realiter* (ut loquimur) unitæ fuerunt & conjunctæ ab Innocentio VI Pontifice, anno 1363. Primus utriusque Sedis Episcopus post unionem fuit Thomas quidam, qui è Canonico Lismorensi factus est Lismorensis Episcopus an. 1358, & Rogero Cradoco Minoritâ Episcopo Waterfordiensi ad sedē Landavensem in Wallia translato an. 1362, utriusque sedis unionem, à jam dicto Innocentio VI, paulò postea obtinuit. De antiqua Urbis Lismorensis celebritate, Corollarii loco, audi vetustum vitæ S. Carthagi scriptorem; *Egregia & sancta civitas est Leshmor: cujus dimidium est Asylum, in quo nulla mulier audet intrare, sed plenum est Cellis & Monasteriis sanctis: Et multitudo virorum sanctorum illic manet. Viri autem religiosi ex omni parte Hiberniæ, & non solum, sed ex Angliâ & Britannia confluant ad eam, volentes ibi migrare ad Christum. Et est ipsa civitas posita super ripam fluminis quondam dicti Nem, modo autem Aban-mor, id est amnis magnus, in plaga regionis Nan-Desi. Hunc fluvium Ptolemæus Dauronam vocat, Nechamus Avenmor, de quo ita ille;*

*Urbem Lismor pertransit flumen Avenmor,
Ardmor cernit ubi concitus æquor adit.*

Nunc Anglis alicubi **Broad-water**, i. Aqua lata, alicubi **Black-water**, sive Aqua nigra dicitur. Adeò verum est illud Claudiani, lib. 2, in Eutropium;

— *Quid non longa valebit*
Immutare dies ? &c.

Ardmora ipsa, ab editiori situ sic dicta, Sedes etiam olim erat Episcopalis, à S. Declano primo loci Episcopo, in Ecclesiæ Hibernicæ infantia constituta, sed post Anglorum adventum in Hiberniam, cathedræ Lismorensi unita.

Corcagia, E.
S. Barri, al.
Finbarri.

Proxima dicetur Corcagia, ubi S. Barrus, aliàs Finbarrus, sive Barrus albus, dictus etiam antea Lochanus, in Conatiâ ortus, primus præfuit Episcopus. Ecclesiam cathedralem is ibi loci fundavit inunte Seculo VII, & cum annos sedisset 17, vel secundum alios solum 7, Clonæ, quæ Corcagiâ 15 circiter miliaria distat, 7 Kalendas Octobris, amicis circumstantibus, placidâ morte obiit: Quo autem anno obierit non est omninò certum. Corpus ejus Corcagiam deportatum, ibi in Ecclesia sua, honorificè sepultum est, & Ossa, nescio quàm diù postea, capsulæ argenteæ indita. Ejus est Epistola Alcuino attributa, de Ceremoniis Baptismi, si Dempstero credimus. In cœmeterio est campanile à Templo parùm distans, quod aliqui existimant Ostmannorum Corcagiensium fuisse opus, & pro specula vel loco ubi excubiæ agebantur ab iis primùm usitatum. Inter Benefactores Ecclesiæ primarios, numerantur Gilla-Æda O-Mugin Episcopus Corcagiensis, qui naturæ debitum persolvit valdè senex, an. Dom. 1173, ejusque proximi successores Gregorius & Reginaldus. In hoc tractu Ptolemæi ætate

Coriondi

Coriondi habitârunt, ecrúmque nominis vestigia quædam retinere videtur *Corcagia*, quæ & olim dicta *Corcagia magna*, nisi quis malit ab Hibernico *Concac*, quod locum palustrem sonat, fluxisse. Notandum hîc veteribus Hibernicis usitatissimum, ut *C* litteram in fine dictionis, in aspirationem verterent, & aliquando etiam in initio dictionis.

Clona, E.
S. Colmani.

Colmanus ille filius Lenini, S. Finbarri discipulus, vir doctus & pius, primus fuit Ecclesiæ Clonensis Episcopus & Fundator. Constructionis hujus fit mentio, in vita S. Brendani Abbatis Clonfertensis, his verbis; *Erat hic Colmanus filius Lenini vitâ atque doctrinâ, inter sanctos, præcipuus. Ipse fundavit Ecclesiam Clonensem, quæ est hodiè cathedralis & famosa in partibus Momonie.* Claruit is Seculo VI, sed placidè tandem in Domino obdormivit, an. 604, Novembris 4. Hanc sedem per obitum Adami Pay, vel Py, vacantem an. 1430, Martinus V Papa contulit Jordano Cancellario Limericensi: Et Jordanus hic non ita diù postea, post obitum nempe Milonis Episcopi Corcagiensis, realem utriusque Sedis unionem obtinuit. *Clona* latibulum sonat. Hæc in antiquo Provinciali Romano *Cluain-vanian*, ab Historicis Hibernicis *Cluainvama* appellata, in agro Corcagiensi sita est, non longè à mari Vergivio. Expositionem posterioris partis dictionis, sc. *vama*, meliùs instructis relinquo. Ex hujus sedis Archivis antiquis, nunc solùm (quod ego sciam) superest Rotulus, quem *Pipam Colmani* vocant, inchoatus anno

anno 1364, tempore Johannis Swafhami Camelitæ, S.T.D. tum Clonenfis, postea Bangorenfis in Wallia Episcopi.

Rossæ, olim Sanctus Fachnanus, *vir*
Ross-ailithri, *sapiens & probus,* (ut eum
E. S. Fachnani. vocat Scriptor vitæ S. Mo-
 coëmogi), claruit ineunte

Seculo VI. De eo, ejusque cœnobio & nobili Schola Rossensi, prope mare Vergivium, alibi diximus. Quando autem Ecclesia cathedralis ibi erecta fuerit, aut quis primus extiterit ejusdem Episcopus, haud certò constat. Non possum tamen non existimare Fachnanum ipsum primum fuisse Episcopum Rossensem & Ecclesiæ illius cathedralis fundatorem. In Martyrologio certè antiquo, ad 14 diem Augusti, quo die memoria ejus celebratur, Episcopū eum disertè appellatū comperi. De antiquis hujus Sedis libertatibus, *Wreccis Mariæ* sc. five naufragiis, &c. Vide Inquisitionem, in Archivo *Curia Capitalis Banci*, Dublinii, an. 29. Edwardi I, membr. 21. a. in causa Laurentii Episcopi Rossensis. Atq; obiter hîc notamus *Ros* viridantem planitiem, vel, ut alii volunt, ericetū significare, & *ailithri*, peregrinationē, quòd locus olim peregrinationibus frequentabatur.

Laonia, E. Laonia vulgò *Killaloe*, ad
S. Flannani. occidentalem Shenani ripam sita, (non procul à cataraetâ, quâ fluvius impeditur, quò minùs ulterius navigia deferat) nomen habet à S. Molua Abbate, qui ibi aliquandiu vixit, sub finem Seculi VI. Atqui ejus discipulus S. Flannanus Theodoricæ Regis filius, Romæ à Johanne

Janne IV. Pontifice consecratus, primus fuit
 hujus sedis Episcopus. Eo sedente, Pater ejus
 Theodoricus Ecclesiam Laonensem multis
 prædiis dotavit, ac mortuus tandem anno-
 rum plenus, in eadem, à filio Flannano, solen-
 niter sepultus est. Inter hujus Ecclesiæ Bene-
 factores, numeratur etiam Moriartachus *O-*
Brien Rex Hiberniæ, qui è vita migravit 6
 Idus Martii 1120, & sicut vivus mandaverat,
 in eadem Ecclesia sepultus est. Nec silentio
 præteriri debet, ex eadem familia, Donaldus
O-Brien Rex Limericensis, de quo suprà, ob
 largitiones non solum huic Ecclesiæ, sed quam-
 plurimis etiam aliis concessas, ab Historicis
 multum celebratus. Sub finem Seculi XII,
 Sedes antiqua Roscræensis huic cathedræ ad-
 jecta est & unita. Ibi Johannes Rex Angliæ
 castrum erexit, ex assensu Cornelii *O-Heney*
 Episcopi Laonensis: Sed ipsum Mannerium
 Roscræense permutavit postea Matthæus *O-*
Hogan, unus è Cornelii successoribus, cum
 Edwardo I Rege Angliæ anno Dom. 1280, pro
 prædiis quibusdam prope novum Castrum in
 agro Dubliniensi, quæ anno post 148, vide-
 licet anno Domini 1428, qui tum præfuit Epi-
 scopus, Donatus *Mac-Cragh* permutavit
 cum Gulielmo *fin* (five albo) *fitz-Reuber*,
 pro villa de Hamonston, apud Limericenses.
 Mannerium verò Roscræense (ut ad illud re-
 deamus) Edwardus Primus, anno 1281, Ed-
 mundo Butlere contulit, postea comiti Caric-
 kiano. Utcunque, hâc utriusque Sedis unione,
 Diœcesis Laonensis, admodum spatiosa evasit,
 ita ut 116 plùs minùs Ecclesias parochiales
 præter capellas contineret. Ad Ecclesiæ Ros-
 cræensis primordia quod attinet, certissimum
 est

est S. Cronanum Episcopum, vel, ut alii volunt, Abbatem primum ejus fuisse conditorem. Frontispicium ejus ad occasum (pro loci paupertate) satis speciosum est.

*Ardfertæ, E.
S. Brendani.*

Sedes hæc Episcopalis facta est in Kerria regione, olim Kerrigia dicta, quæ patria fuit S. Brendani Abbatis Clonfertensis, cujus memoriæ hæc Ecclesiæ dicata est. Is ab incunte ætate, in hac sua patria; bonis literis, sub Erto Episcopo, operam dedit, donec adultus, impetratâ veniâ, in Conatiam profectus est, ad S. Jârlathum Episcopum, sub quo, Theologiæ studio naviter ad tempus incubasse dicitur. Orationis longiusculæ S. Brendano attributæ exemplar habeo MS. cujus initium est: *Deus omnipotens, Pater, Filius & Spiritus Sanctus*. Id quod à me libentiùs hic memoratur, quia Oratio ipsa nondum typis mandata est. Atque hæc de S. Brendano. An verò Ertus ille hujus Ecclesiæ fuerit Episcopus, non facile judicari potest. Fuisse tamen vix est cur non existimemus, donec tempus veritatem in lucem extrahat. Habitatio ejus fixa in Kerria hoc innuere videtur: Et ipsos Episcopos Ardfertenses (ut hoc non omit- tam) nonnunquàm Kerrienses dictos, tam ex Historicis Hibernicis, quàm ex Archivis publicis didici. *Ardfert* significat locum editum mirabilem, vel ut alii interpretantur, Altitudinem miraculorum. Sed vulgò nunc dicitur *Ardart*.

Fenabore,

Fenabora, E.

S. Fachnani.

Post has, recensebitur Fenabora, vulgò Kilfenora, in agro Clarenfi (olim Tuemonia) sita, in Baronia nempe de Corcumro, Oceano occidentali pulsata. Hujusce Sedis Episcopum dictum etiam Corcumrothensem notat Johannes Clinnus, in Divisione Sedium Episcopaliū, ad finem Annalium suorum. Quo tempore, & à quo condita fuerit Ecclesia cathedralis, nihil (quod sciam) certi extat. Suspicietur fortasse aliquis S. Fachnanum, de quo suprā, eam primū excitasse. Qua de re quærant alii. Episcopus iste, ut totius Hiberniæ minimus, cui nempe 13 tantū parochiæ subiectæ, ita & inter pauperrimos semper numeratus est. Ad reliquas Basilicas instituto ordine, jam pergamus.

In

In Provincia Tuamensi.

Loca & Tituli
dedicationum.

Origines & alie
Antiquitates.

Tuamæ, Ecclesiæ. Primus Episcopus qui
B. Mariæ Virg. Tuamæ (olim *Tuaim-dagualand*) sedem fixit cathedralē, fuit S. Jārlāthus Lögæ filius, qui claruit sub initium Seculi Sexti. Quippe qui S. Brendani Abbatis Clonfertensis Præceptor fuit, ut ex ejusdem Brendani virâ intelligimus, vir doctus, & in quo pietas & morum candor cum doctrinâ certabant. Decessit dierum plenus 26 Decembris, sed quo anno non compari. Extant sub ejus nomine vaticinia quædam, de successoribus suis in sede Tuamensi, quorum exemplar habeo MS. sed quam fidem mereantur, aliorum sit judicium. Ossa ejus, post obitum, quæsitæ & inventa, in Scrinium argenteum translata sunt, & Tuamæ reposita in Ecclesia sive Capella, quæ inde vulgò dicta est *Temple-ne-scrin*, id est, Templum Scriptorii. Post aliquot. deinde Secula, videlicet circa annum Dom. 1152, Ecclesiam cathedralē de novo condidit, à Tirdelvaco O-Connér Rege Hiberniæ adjutus, Edanus O-Hoisin primus Archiepiscopus Tuamensis, saltem qui primus pallio usus est, Nam aliqui è prædecessoribus ejus, ab Historicis Hibernicis, passim appellati sunt Archiepiscopi, quamvis Pallio non induci.

duti. Edanus hic, ob morum suavitatem celebratus, obiit senex anno Dom. 1161, & in Ecclesia sua cathedrali conditus est, ubi, saxo quo tegitur, Epitaphium Hibernicè inscriptum legitur, in quo Järlathi Comorbanus, sive successor appellatur. Cæterùm hanc Ecclesiam Edani successores, novo constructo Choro, in navem Ecclesiæ postea converterunt. Inter eos, Thomas O-Conner Ecclesiæ valdè beneficis fuisse perhibetur: qui porrò sedi suæ, ab Henrico III Rege Angliæ, nundinas impetravit, Tuamæ quotannis 28 Decembris & 7 diebus insequentibus habendas. Ad Sedes quod attinet quæ Cathedræ Tuamenfi unitæ fuerunt, Prima erat Maionensis, sive Magionensis, tempore Felicis Ruadani Archiepiscopi annexa, post obitum nempe (ut opinor) Celestini aliàs *Cæle O-Dubhai* Episcopi Maionensis, qui obitus contigit anno Domini 1210. Secunda, Enaghdunenensis; Atqui ante ejus realem unionem, diuturnæ erant olim contentiones inter Archiepiscopos Tuamenses & alios, qui ejus etiam Ecclesiæ jus sibi vendicabant. His primùm enata est post mortem Thomæ O-Maley Episcopi Enaghdunenensis. Eo enim defuncto anno 1250, Florentius Mac-Flin, eodem an. à Cancellariatu Tuamenfi ad Archiepiscopatum promotus, intravit in Episcopatum Enaghdunensem, sede vacante, de licentia Canoniorum Enaghdunensium: & retinuit, toto tempore suo, temporalia & spiritualia, dicti Episcopatus, ut è Rot. Placitor. an. 34. Edw. 1. liquet, Concorde quodam Episcopo consecrato, & Regio assensu confirmato 8 Maii 1251, de injuria sibi illata frustrà conquerente. Florentii proximus successor Wakerus de Salern, ali-

quando

quando Decanus Ecclesiæ S. Pauli Londinensis (quem Matthæus Parisiensis malè Archiepiscopum vocat, Armachanum) obiit Londini, in reditu à Roma, paulo post consecrationem, mense nimirum Aprili 1258, antequàm sedem suam vidisset, ita ut de eo, ad hanc rem, non habeo quod dicam. Waltero defuncto successit Thomas O-Conner, de quo suprà, qui sedi Tuamensi simul ac Enaghduensis præfuit annos 20. Cæterùm sedente ibidem Stephano de Fulburn, verus controversia denuò suscitata est, inter eum & Johannem de Ufford, qui in Episcopum Enaghduensem electus, Regium obtinuerat assensum Martii 16 (stylò Anglicano) 1282, in qua tamen Uffordus succubuit. Fulburno defuncto 5 Nonas Julii 1288, Gulielmus de Birmingham successit, cujus tempore Gilbertus quidam ordinis Minorum in Episcopum Enaghduensem electus & consecratus 1306, Temporalibus Episcopatus tandem restitutus est Julii 15 1308. Archiepiscopo quantumvis invito & reclamante. Mirto hîc (ne longus nimis sim) lites agitatae inter Malachiam Gulielmi successorem, & jam dictum Gilbertum ejusque successores, Jacobum Kernæum, Robertum *Le Petit* & Thomam Malæum. Satis erit hîc indicare Malachiam Thoma Malæo Avenione mortuo anno 1328, Ecclesiam Enaghduensem repetiisse, & ante obitum per annos non paucos, administrasse. Atque ita tandem lis ea diuturna finita est. Venimus jam ad Sedem Elphinensem.

Elphine, E.
S. Mariæ.

Elphina, sive (ut alii scribunt) Elfina, in regione fertili & amœna, aliquantulum

hinc surgente sita est, ubi Ecclesiam cathedralē construxit S. Patricius, prope amniculum ē duobus fontibus emanantem, circa medium Sæculi quinti, eique præfecit Aficum monachum, magnum poenitentiae & austeræ vitæ amatorem, à se in Episcopum consecratum, qui paulò postea monachis eam implevit. Sunt qui tradant (quàm verè nescio) Aficum hunc aurificem fuisse præstantissimum, artēque suā, Ecclesiam Cathedralē, operis eximii monumentis, ornasse. Post multas verò annorum centurias, nempe non ita diù post Anglorum ingressum, Sede Roscomanensi hūc translata, hæc Sedes (Elphinensis inquam) multis magnisque ditata est latifundiis. Quando Ardcarnensis, Drumclivensis, & alii ejusdem minoris notæ Episcopatus conjuncti itidem & uniti fuerint, ignorare me fateor; Verisimile autem est eos ante Anglorum adventum annexos fuisse vel Elphinensi cathedrali, vel Roscomanensi. Non inveniuntur certè eorum nomina in Dispositione Episcopatum Hiberniæ factâ anno 1152, jam sæpius à nobis memoratâ: & (quod miror) ipsa Sedes Elphinensis in dictâ Distributione omissa est, unde non possum non suspicari eam, ad tempus, antè translationem scilicet prædictam, Roscomanensi sedi fuisse etiam adjunctam. Utcūque, certum est sedem Elphinensem, ex hisce unionibus, inter opulentissimos totius Hiberniæ Episcopatus, tandem fuisse numeratam, & Ecclesias parochiales plūs minūs 79 subjectas habuisse. Imperitum vulgus loci nomen factum somniat

ab ingenti saxo ibi conspiciendo, quod *Finn Mac-Cool* gigantis Saxum vocant.

Clonfertæ, E. Sanctus Brendanus *Fin-*
B. Mariae. logæ filius, S. Brendani Br-

gensis æqualis & studiorum comes cœnobium Clonfertæ construxit, prope Shenanum flu. anno Dom 558, cui ipse præsuit Abbas, & in quo sepultus est, cùm annos vixisset 93. Obiit Enachdunæ die Dominico, 16 Maii anno 577, unde corpus Clonfertam delatum, ibi sepulturæ (uti diximus) tractum est. Ejustempore, Ecclesia cathedralis Clonfertensis primum constituta est. Primum qui ibi præsuit Episcopi obitum, in Annalibus Ultoniensibus, ad annum 571, vel 572, ita annotatum invenimus; *Mæna Episcopus Clonfert-Brenain quievit.* Inter Ecclesiæ hujus Benefactores recensetur vir magni inprimis nominis, Johannes quidam, natione Italus, Clementis I V Pontificis Nuncius in Hibernia, Athenarum ad hanc sedem consecratus, die Dominico ante festum Natalis Domini 1266, cùm præfuisset annos ferè 30, ad Archiepiscopatum Bisteventanum in Italia translatus est. Ei successit, in sede Clonfertensi, Robertus, Monachus Benedictinus Ecclesiæ Christi Cantuariæ, qui ab Henrico III Rege Angliæ probatus est 24 Septembris 1296. Sed hoc obiter. Ad Nominis Etymon quod attinet, *Cluain-ferta Latibulum* mirabile significat.

Killalle, E. Muredachus ille, cujus
S. Muredachi. memoriæ Ecclesia cathedralis Alladenis dicata est, primus

mus fuit ejusdem Ecclesiæ Episcopus. Ordinatus est à S. Patricio, unde eum claruisse constat Seculo quinto; De tempore verò obitus ejus, nihil traditum comperi. Killalla sita est non procul à Muado, al. Moio flu. in agro Maionensi, & ejus sedis Episcopi ab ea parte agri quâ cingitur, ab Historicis nonnunquam appellabantur Episcopi *de Tir-Amalgaid*. Antiquas hujus Sedis possessiones confirmavit Innocentius III Papa, 3 Kalendas April. 1198, ad rogatum Donati Episcopi Alladenfis. Vide, si placet, earum Catalogum, in editis ejusdem Innocentii Decretalibus Epistolis.

Achonria, E. Hanc Ecclesiam construxit S. Finianus Clonardensis, circa annum Salutis 530, locum concedente Dynastâ regionis Luigniensis. Ecclesiam ita constructam S. Finianus mox contulit *Nathie*, qui binomius fuit, dictus vulgò Comrahus, al. *Cruimthir*, vir magnæ sanctitatis. Hunc Scriptor vitæ S. Finiani Presbyterum solum appellat. Ego autem non possum non existimare factum eum postea fuisse Ecclesiæ hujus Achadensis Episcopum. In Annalibus antiquis Hibernicis, Præsules hujus Sedis appellantur plerumque, à centuria in qua sita est, Episcopi Luignienses, sive Leinienses. Inter Episcopos, ob eruditionem maximè celebratur Gulielmus *Andrew* Anglus, ordinis Prædicatorum, S. Theologiæ Doctor, qui cum hanc Ecclesiam annos plùs minùs 6 gubernasset, ad Episcopatum Midensem translatus 1380, post quinquennium decessit, in vigilia nimirum S. Michaelis Archangeli 1385.

Duaci, E.

S. Colmani.

Diatribam hanc claudit

Duacensis Ecclesia, quæ
originem suam debet S.

Colmano filio Duaci, qui ibi sedet Episcopus, circa medium Seculi VI, & obiit 3 die Februarii: Obitus autem annum ignoro. Ab ejus cognomine ipsa sedes *Kil-macduac*, id est, Ecclesia filii Duaci nomen sortita est: sed corruptè vulgò *Kil-macough* nuncupatur. De hac Ecclesia nihil præterea memoriâ dignum se offert.

Erunt fortassè qui vitio mihi vertent, quòd de Provinciæ Tuamensis Basilicis, tam pauca dixerim: Sed sciant illi Diplomata & Regesta fermè omnia antiqua Præfulum & Basilicarum illius Provinciæ; exceptis nudis nonnullis possessionum, reddituum & procuratorum Catalogis, magno non solum Ecclesiarum sed etiam rei antiquariæ detrimento, periisse. Atque hæc sunt quæ de Hiberniæ Basilicis dicenda habui.

CAP.

CAP. XXX.

*De Hibernorum veterum Servis, five Mancipiis,
Deque Villanis, Nativis, five Betagiis,
fundo quem colebant
adscriptis.*

AD Hibernorum veterum Servos five Mancipia nunc descendamus. Hibernos olim Servos habuisse quos pretio plerunque certo emebant & vendebant, liquidò constat. Atque adeò frequens sanè erat mos ille apud veteres Hibernos, ut in antiqua Synodo Hibernica, Episcopi legatum, ex bonis Ecclesiæ, per pretium Ancillæ definitum inveniatur. Sic enim priscus Canon; Princeps (five Episcopus uti alibi notavimus) in sua morte, de rebus Ecclesiæ commendare potest, hoc est, pretium ancilla, five de mobili substantia, five de agro. Habetur in codice Canonum pervetusto Collegii S. Benedicti Cantabrigiæ, ante annos ferme 700 descripto. Item liber Canonum Cottonianus titulorum 66, Synodus Hibernica ait: Omnis qui ausus fuerit ea quæ sunt Regis aut Episcopi furari, aut rapere, aut aliquid in eos committere, parvi pendens despicere, septem ancillarum pretium reddat, aut septem annos pœniteat cum Episcopo. Ibi porro, alio Canone, Servi Juramentum, nesciente Domino, irritum declaratur, sicut & Juramentum filii aut filiae, nesciente patre, & Juramentum monachi, nesciente Abbate.

Inter Servos numerabantur olim bello capti, utpote pretio empti & venditi, pretio itidem à servitute sæpè redempti. Hâc faciunt hi duo Canones, in jam dicto codice titulorum 66, S. Patricio adscripti, viz. *Si quis redemptionem captivi inquæsi-verit, sine permissione Abbatis, meruit excommunicari.* Item, *Si quis acceperit permissionem Pontificis, & collectum sit pretium captivi, non plus exigerit quàm necessitas poposcit. Si quid supra remanserit, ponat super altare, & indigentibus detur & captivis.* De ritu aliquo aut modo manumissionis, quo servi libertatem, apud priscos Hibernos, affecuti sunt, nihil traditum reperi. Neque scio an huic rei lucem aliquam adferant varii illi manumissionum ritus à Francis veteribus usitati, vel nimirum per denarium ante Regem, vel eo absente, ante ipsius proceres, jactatum, velin Ecclesia per chartam, coram sacerdotibus & altari, vel per privatam Epistolam.

Præter Servos hosce, erant & alii quos *Villanos* vocabant; unde & terræ iis concessæ, in *Villanagium* concessæ dicebantur. Hi erant *Mannerio* vel *Glebæ* adscripti, ac culturæ & hæredii aut prædii partes habiti, id quod ostendit Liber niger Ecclesiæ cathedralis S. Trinitatis Dublinii, ubi prædia quæ *Sitricus* Rex eidem Ecclesiæ concesserat, donata dicuntur, cum *Villanis*, & *vaccis* & *bladiis*. Hoc discimus prætereà, è charta *Demnitii* Regis *Lageniæ*, paucis annis ante Anglorum ingressum, concessa, quam è *Regesto Prioratus omnium Sanctorum juxta Dublin.* Lectari hîc visum exhibere: *In nomine Sanctæ & individuæ Trinitatis, Patris, & Filii, & Spiritus Sancti. Ego Diarmitius Rex Lageniensium,*

pro Dei amore & animæ meæ salute, donavi & tradidi spirituali Patri & Confessori meo Edano Lugudensi (sive * Clochorensi) Episcopo, * De unionem
ad opus Canoniorum Ecclesiæ filie Zolæ & successorum eorum, terram quandam quæ dicitur harum sedium antiqua. Vid. cap. 16.
Ballidubgail, cum hominibus suis, scilicet, Melisu Mac-Feilecan, cum filiis & nepotibus suis, liberis & absolutis à procuratione & expeditione mea, & omnium in regimine Lageniæ, & Dubli-
niæ, mihi succedentium, in perpetuam eleemosynam, cum legitimis & antiquis terris, & omnibus aliis ad eam villam pertinentibus, &c. Testibus Laur. Dublin. Archiepiscopo, Kinad * Episcopo, * Glendelacha, Benigno Abbate de Glendelacha, Enna filio lac.
meo, Felano Mac-Feolain, D. Mac-Gillacollmoch, Ethmarehac & † Aralt filiis Torcail, G. † Harald.
Mac-Gunnar & aliis multis. Ita Regestum, fol. 45. Villani hi iidem fuerunt cum iis quos alii Nativos, sive Originarios, vel Originales inquilinos, alii Betagii vocant. De Betagiis fit mentio in antiquo Regesto Archiepiscopi Dublin. vocato CREDE MIHI, nempe in duabus Bullis Urbani IV Papæ, necnon in libro nigro Ecclesiæ Lismorensis, fol. 1. b. unde, ante illius libri combustionem, sequentia fuerunt desumpta: Memorandum quod quælibet caruca de Betagiis quolibet anno debet arare Domino (Episcopo) unam acram, ad seisinam frumenti, & unam acram ad seisinam avenarum, &c. Item Betagii debent trahere blada Domini. Distinguuntur ibi Betagii, à Tenentibus. Item in Charta Edwardi 2 Regis Angliæ data 14 die Maii anno regni ejus IX, hoc est, Gratiæ 1316, quâ præfecit Johannem filium Thomæ in comitem de Kildare, dedit etiam illi Castrum & villam de

Kildare, unà cum servitiis liberè Tenentium, Firmariorum & Betagiorum, &c. Vox labium sonat Hibernicum. Sed quære. Servilis huiusce conditionis Homines non permittebantur munera aliqua subire militaria. Et more quidem veterrimo Heroicorum temporum, ut ostendit Virgilius, Æneidos 9,

————— *Quorum primævus Helenor,
Mæonio Regi, quem serva Lycimnia furtim
Sustulerat, vetitisque ad Trojam miserat armis.*

Sed rustica tantùm navantes servitia, fodiebant, sepiebant, arabant; seminabant, metebant, &c. Villano denique fundi Dominus jus dicebat, tam de corpore, quàm de omnibus bonis & fortunis. En durum jugum Servitutis.

CAP.

CAP. XXXI.

*De priscis, apud Hibernos, Probationum sive
Purgationum generibus, post conver-
sionem Gentis ad fidem
Christianam.*

USitatum olim Purgationis genus, apud Hibernos Christianos, fuit illud Jurisjurandi, tactis solenniter sacris Euangeliiis, & interdum perceptione Eucharistiæ. Hoc docet Canon antiquissimus S. Patricii, sub titulo, de Contentione duorum absque testibus: *Statuunt, ut per quatuor Sancta Euangelia, antequam communicet, testetur quid probatur; Et deinde sub Iudice fama relinquatur.* Sed & diversa alia genera ab Authoribus mediorum seculorum referuntur, Speciatim Venerabilis Beda, in Martyrologio suo, ad Kalendas Febr. de S. Brigida nostra loquens, *Apud Scotos, (inquit) S. Brigida Virginis, cujus vita miraculis clauit. Que cum lignum altaris, in testimonium virginitatis, tetigisset, viride factum est.* Tandem habet Cogitosus, Bedâ antiquior, in ejusdem Brigidæ vita. Ad Duelli examen (nam hoc aliud fuit examinis genus) in Clerico prohibendum spectat sequens Canon Synodi S. Patricii, Auxilii & Iffernini: *Clericus si pro gentili homine fidejussor fuerit in quacunque quantitate. Et si contigerit, (quod mirum non est) per astutiam aliquam, gentilis ille Clerico fallat rebus suis, Clericus ille solvat debitum.*

Nam

Nam si armis compugnauerit cum illo, merito extra Ecclesiam computetur. Post Anglorum in Hiberniam adventum, in solennioribus quibusdam Juris actionibus, & purgationibus, Duellum ibi, licet rarius, in usum venit. Talis Duelli ita meminit Johannes Clinnus Minorita Kilkennienfis, in Annalibus suis, ad annum Salutis 1284; Dominus Galfredus de S. Leodegario Episcopus Ossoriensis acquisiuit per Duellum, Manerium de Seirkeran. Episcopi Athletâ scil. (nam ita intelligo) Athletam adversarii, per Breve (ut vocant) de Recto, in jus vocati, superante. Item decennio post, in acri illo dissidio inter Gulielmum de Vescy, tum nuper Hiberniæ Justitiarium, & Johannem filium Thomæ, postea Kildaræ comitem, quo Vescæus Majestatis læsæ accusatus est Dublinii, 1 Aprilis, coram Gulielmo de la Hay Custode officii Capitalis Justitarii Hiberniæ, & Concilio Regis. Vescæus causam suam Duello defendere obtulit, id quod adversarius accepit. Post ritus deinde quosdam assuetos, Dies pugnæ, Edwardi Regis assensu, addicitur in Angliā; Atque Vescæus, ante diem, clanculum aufugit. Quapropter Rex latifundia ejus in Hibernia, contulit jam dicto Johanni. Sed hæc duo exempla recentiorum sunt temporum. Pergo. Erat & aliud Examinis genus priscis legibus receptum, Ordaliū dictum, cuius species erant Ferrum candens, Aqua fervida, & Aqua frigida, &c. Gillebertus al. Gille Episcopus Lunnensis, sive Limericenfis, (qui claruit anno 1130) in lib. de Statu Ecclesiæ, inter ea quæ Episcopus consecrare solebat, numerat Ferrum Judiciale. Hinc verisimile videtur Hibernos

nos olim hoc etiam examine usos fuisse. Speciatim Saxo Grammaticus, in vita Nicolai Danorum Regis 81, refert Haraldum Hibernum ortu, *candentium Laminarum* Judicium, *nudatis plantis*, absque inuisione sustinuisse. Cæterum postrema hæc examina, *Duellum* scil. & *Ordalium*, vetant Canones, & acriter instantur Theologi. *Ordalium* equidem jam diu sopitum jacuit, & Probatio per Duellum desuetudine exoleta.


Ultimus dicetur (quem penè præterieram) mos ille vitiosus, olim à litigantibus, coram *Brehonis*, interdum usitatus, jurandi per Caput, Manus, Vitam vel Salutem Principis, sive Domini; qui mos Ethnicam proculdubio sapit originem, & ab Ægyptiis primum, uti videtur, manavit. Idque innuit Juramentum Josephi, (è more Ægyptiorum) *per Salutem Pharaonis*, Geneseos cap. 42. Simile morè apud Romanos veteres viguisse, jurandi *per Salutem & Fortunam Caesaris*, ostendit Dio, lib. 45 & 57. Constat porro ipsis etiam Christianis tam in Oriente quàm in Occidente, per aliquot Secula, in more postea fuisse, per Salutem aut Vitam sive Imperatoris, sive Regis & filiorum ejus, jurare. In Hibernia mos iste diutius quidem mansit, quàm aliis in locis, demum verò, etiam ibi in Judiciis interdictus. Manum de tabula.

CAP. XXII.

*De veterum Hibernorum & Ostmannorum
in Hibernia Funeribus,
Sepulturis & Cryptis
subterraneis.*

Videamus tandem quale fuit olim in Hibernia Funerum & Sepulturæ genus. Duplex fuisse antiquitus Sepulturæ genus, apud Ethnicos, in Græcia, Italia, Germania, Gallia, Britannia & alibi, Humationem scilicet & Cremationem, doctis satis notum est. Nec dubitandum similes olim ritus, ab Hibernis ante admissam in Hibernia religionem Christianam, fuisse observatos, præsertim cum certissimum sit Druides eorum fuisse Sacerdotes & Legillatores. Druides verò mortuos cremasse & defodisse disertè asserit Pomponius Mela, Geographiæ lib. 3. Nec dissimiles erant olim Exequiæ Ostmannorum in Hibernia, dum Ethnici essent. Nostreis certè temporibus, mense nempe Novembri, anno 1646, è colle egesto, in orientali suburbio civitatis Dublinii, dum in aggerem munitum efformaretur, effossum est Sepulchrum antiquum, à Zephyronoto in Euroaquilonem positum, VIII nigris lapidibus marmoreis fabricatum, tectum nimirum duobus, & reliquis sustentatum. Tumuli longitudo fuit pedum sex & pollicum duorum, latitudo, pedum trium & pollicis

pollicis unius, Lapidum crassities, pollicum trium. Ad singulos Tumuli angulos, erectus fuerat lapis quatuor pedes altus, juxtâque, ad Zephyronotum scilicet, alius, pyramidali formâ, sed rudi operâ, ex eo genere quod lapis molaris dicitur, sex pedes altus. Figuram tumuli (sicuti stetit ante demolitionem) hic subjungendam curavi;



In ipso Sepulchro, reperta est magna vis carbonum combustorum, cinerum, & ossium hominis, partim exustorum, partim quasi semiustorum, Opus (ut creditur) Ostmannorum, utpote ab iis dum Ethnici essent, in Reguli vel Nobilis cuiusdam memoriam, constructum. Quo autem modo Dani ossum mortuos cremaverint & cineres collegerint videre est apud Olaus Wormium, in Danic. Monum. lib. 1. De antiquis Sepulturis, in montibus vel collibus, sic Virgilius, *Æneid.* lib. 11;

——— Fuit ingens monte sub alto,
Regis Dercenni terreno ex aggere bustum,
Antiqui Laurentis, opacâque ilice tectum.

Et Lucanus, lib. 8,

Et Regum cineres extructo monte quiescant.

De hac re, vid. porrò Isidor. lib. 15. Etymolog. cap. 11.



Hujusmodi nonnulli, hominum labore aggesti, in Hibernia, antiquo opere formâque rotundâ, etiamnum cernuntur, speciatim (ut alios hîc mittam) Nasæ in agro Kildarensi, & Clonardæ in Midia, qui Antiquorum (uti creditur) fuerunt tumuli, cum cœmeteria nondum illis in usu essent. De *Circulis* illis sive sepimentis Castrensibus non hîc loquimur, quæ vulgò *Daneæ Rathes*, hoc est, Danorum præsidia sive castra vocamus, qualia in Hibernia frequentissima vidimus. Saxones, qui olim in circulo etiam castrametabantur, hujusmodi loca munita *Burgos* sive *Burghs* appellabant. Atque *Raith* Hibernicè idem sonat.

Non prætermittendum tamen nonnullos reperi

periri colles rotundos editos, quorum partibus interioribus in cameras sive concamerationes divisas, Magnates Ostmannici pro Domiciliis, sic fama perhibet, olim utebantur. Atque talis est collis ille apud Sligoenses in Conatia, unico milliari à *Cattle-Coner* distans, ad cujus concamerationes subterraneas, introitus, per aliquot annorum centurias, occlusus, anno tandem 1640, à bubulco quodam, casu detectus est & apertus. Camera ibi quadrangulæ sunt, è saxis ingentibus, arcuato opere, cum terrâ superimpositâ, in collem formatâ, constructæ, unâ cum meatu circulari ad easdem. Ichnographiam Areæ structuræ hujusce cameratæ, unâ cum forma unius è fornicibus, cui cæteri pares, sicut mihi descripsit, qui paulò post ipsam detectionem, lumine accenso, perlustravit, CL. Mathematicus Milo Symnerus, hic exhibere operæ pretium duxi;

De

352



- A. Meatus ad Cameras
 B. Camera is vel id pedes utrobis continentes
 C. Cui usui interior ea pa. servierit, nondum con.
 D. Forma unius e fornici

De hoc vetusto opere, variæ enatæ sunt opinioniones. Cum verò in concamerationibus sive tameris ejus, nulla, ut accepi, reperiantur indicia foraminum, vel ad lucem admittendam, vel ad fumum emittendum, verisimillimum videtur à priscis Ostmannis non habitationi destinatum, sed vel horreum sive receptaculum fuisse, vel (quod mihi potius aridet) Conditorium Magnatibus & Ducibus suis. Hæc quasi per transennam. Verùm exantiant perspicaciores: Mihi satis sit meam interposuisse conjecturam. Dies forsan certiora docebit, cum plena fuerit detectio interioris partis hujus structuræ adhuc occlusæ. Vetusto huic operi addemus obiter Speluncas collis, seu potius rupis *de Corren*, apud jam dictos Sligoenses, ubi sub medum præcipitis & ferè impervi aditus, in occidentali latere rupis, miras habitationes, multiplicesque recessus ex ipso saxo excisos, (*Gigantum Habacula* vocant) excavavit Antiquitas. Ante Speluncarum introitus, est femita vel pergula plusquam centum passus longa, è rupe itidem olim excisa. An opus hoc fuerit Hibernicum, vel Ostmannicum, non mihi constat. Marte furente, nonnullis tutissimum olim perugium fuisse creditur. Sed ut pergamus. De Cryptis subterraneis, quas Græci olim Hypogæa, Latini* Conditoria vocabant, apud Hi-

* Et in anti-

storicos veteres frequens sit mentio. De He-

quibusdam inscri-

brarum veterum Sepulchris in Speluncis, prionibus,

vid. Geneseos Cap. 23, & 49. Priscos Anglo- Requeictas

Saxones Ethnicos sepulchra habuisse Byrgens

dicta, sub collibus, quos nonnulli Barrowes

appellabant, certò liquet. Porro viris septen-

trionalibus in usu fuisse, ut singuli milites

prælio superstites tantum terræ quantum cal-
sede capere poterant in occisorum tumulos ag-
gererent, notat Camdenus, in Wiltonia. Ca-
terum de hujusmodi ritibus, à Gentibus ad
Arctum usitatis, vide etiam, si placet, plura,
apud jam dictum Olaus Wormium, in lib.
de Danicis Monumentis, vel, si mavis, apud
Saxonem Grammaticum, & Olaus
Magnum.

Ad priscum cremationis ritum, apud Hi-
bernos, redimus. Et certè non solum apud
Ostmannos in Hibernia, dum Idolorum essent
cultores, viguit mos ille comburendi cada-
vera defunctorum, sed etiam apud ipsos
Hibernos, elucet fide Christianâ, haud re-
pentè in tenebras abiit. Nam in pervetu-
sto libro Canonum titulorum 66, in Biblio-
theca Cottoniana, Anglo-Saxonicis tempo-
ribus descripto, sub titulo, *De nomine Basili-
cæ, & ejus scissurâ*, ita legimus: *Synod. Hi-
bern. Βασιλειῶς* Græcè, *Rex* Latine, *Hinc &*
Basilica Regalis, quod in primis temporibus *Re-
ges tantum sepeliebantur in eâ, nomen sortita*
est. Nam cæteri homines sive igne sive acervo
*lapidum conditi sunt. Item, nemo alienus liber-
tatem scindendi Basilicam, sine Principis per-
missione habet: Et si hoc ausus fuerit, red-
det secundum dignitatem ejusdem loci.* Ita
Synodus. Ubi & alius antiquus apud Hi-
bernos sepeliendi mos, sub acervo lapidum
detegitur, de quo vid. Typum, supra pag.
222. Si ad hunc usum, seu in occisorum
memoriam, non aggesta fuerit ingens
lapidum strues, quæ ad ~~Wickloen~~ Wickloen-
agros aggesta fuerit, quæ ad Wickloen-
agro Wickloensi cernitur, vel acervus lapi-
dum Mercurialis videatur, in honorem Mer-
curii

curii (ethnici Viarum præsidis) crebro lapidum jactu, à viatoribus antiquitus pro more congestus, vel, unus è monticulis illis lapidosus qui pro terminis in agris limitandis olim erecti *Scorpiones* dicebantur. Atque hîc in trivio sumus. Nec silentio his prætermittendum quod de jure corporis sepulti, ex antiquâ Synodo Hibernicâ his verbis, habet jam dictus Liber Canonum, *Omne corpus sepultum habet in jure suo vaccam, & equum; & vestimentum, & ornamentum sui lecti, nec quicquam horum reddetur in alia debita, quia corpori ejus tanquàm vernacula debentur.* De Fœminarum Hibernicarum vociferationibus, sive ululatibus, & manuum complosionibus, amicorum funera prosequentium, aliâ occasione supra diximus cap. XII. Interdum porro mulieres ad mortuum lamentandum conductæ fuerunt, veterum *Præficarum* more. *Servius Præficam*, planctuum Principem vocat. Romanis mulieribus fuisse olim ejulandi morem, ac comas genasque lacerandi, satis liquet; ex antiquis Rerum Romanarum Scriptoribus. Atqui mos ille, XII Tabularum legibus, his verbis fuit interdictus; *Mulieres genas nè radunt. Mulier faciem nè carpito. Mulieres lessum* (id est, lugubrem ejulationem) *funeris ergò nè habent.* Tacitus, libro de Moribus & Populis Germaniæ: post descriptionem Exequiarum veterum Germanorum, qui corpora clarorum virorum certis lignis cremabant, & sepulchra cespite erigebant, ita pergit, *Lamenta & lacrymas citò, dolorem & tristitiam tardè ponunt. Fæminis lugere honestum est; viris meminisse.* Neque dubitandum est Hibernos veteres morum similitudinem in

multis, è Germania, *Caucorum* & *Menapiorum* Hiberniæ parente contraxisse, uti etiam aliorum nonnullorum, è Gallia, speciatim (ut ad rem nostram) in parentalibus, sive conviviiis post funus elatum. Atque hæc habui de priscorum Hibernorum & Ostmannorum Funeribus, Sepultaris & Cryptis, quæ dicerem.



RERUM
HIBERNICARUM
HENRICO VII
regnante,
ANNALES.

Nunc primum in Lucem editi.

JACOBO WARÆO Equite Aurato
Authore.



LONDINI,
Typis E. Tyler, Impensis Job. Crook, sub Signo
Navis, in Cœmeterio S. Pauli. MDCLVIII.

THE UNIVERSITY OF CHICAGO

115 00111

510044

A. M. J. A. S.

107

CONFIDENTIAL



100

1947

Icer
tin
mo
res
tr
tes
an
ri
ta
ti
C
be
de
m
te
a



LECTORI.

P*ropositum mihi est in his Annualibus, Res in Hibernia gestas maximè memorabiles, sub Henrico nostro Septimo, citra fucum & odium, paucis explicare, atque ex umbra in lucem educere : Pensum certè neque nostratum neque exterorum notitia indignum, modò pro Argumenti dignitate, scriptorem fuisset naçtum. Veruntamen, in his tractandis, ut rerum gestarum veritatem melius eruerem, præter ea, quæ ex antiquis schedis, Regeſtis, & Scriptoribus tam editis quàm ineditis, desumpta sunt, non pauca etiam hæcenus latentia & scitu non indigna, ex Archivis Cancellariæ & Scaccarii sive Fisci Hiberniæ exhausti, tanquam è fontibus, unde cuncta certiùs deriventur. In rebus majoris momenti, quæ per discrepantes Scriptorum opiniones, dubiæ videntur, vel nihil asseveranter affirmavi,*

LECTORI.

vel saltem ubi quicquam certò statui, sententia mea rationes reddidi. Res Anglicas interdum quidem attigi, sed non nisi levi manu, & ubi plerumque necessaria rerum nostrarum Hibernicarum connexio postulavit. Nonnulla porro inserui, quæ cum sint personalia tantum, vel honoraria, æquè pertinere videntur ad Hibernica, ac ad Anglica; interque enumeranda sunt quæ de Apparatu protuli, ab Henrico VII factò, ad Apotheosm Henrici Sexti obtinendam, licèt irrisu successu: Item de virtutibus, honoribus, & exitu Henrici VII, necnon paucula de uxore & liberis ejus.

In hoc præterea Commentariolo, non solum Rerum exitus memoravi, sed (quod monet Dionysius Halicarnessensis) causas etiam & modos quibus res peractæ fuerint, adjunxi, posterisque tradidi, quatenus nimirum investigando potui colligere. De occultioribus, non exquisivi. Arcana Principum Labyrinthum esse quis nescit?

In his verò quæ jam protuli, eo libentius desudavi, ut peritior aliquis & me potior hinc incitatus, integram Hibernia Historiam conscribendi laborem suscipiat, vel eam saltem partem, quæ incipit ab adventu Anglorum in Hiberniam, sub Henrico Secundo. Non deest certè materies

LECTORI.

ries selecta, ab ipso ferme Anglorum ingressu, in Archivis publicis, ubi messis hactenus ferme intacta manet. Mihi satis superque incepisse, & gustum aliquem horum temporum hic præbuisse. Quicquid vero hic præstiti (præstiti autem quod potui) Doctorum & moderatorum virorum judicio lubens offero & subjicio. Hi candidi (scio) erunt rerum aestimatores, atque conatus istos meos qualescunque æqui bonique consulent: Iniquos & detrectatores nihil moror, non illis ego vigilavi, sed quibus de meliore luto præcordia. Atque hæc habui quæ de Proposito meo dicerem.

Londini, VI Kalendas
Junias, MDCLVIII.

RERUM

1902

100

1944-1945, 1946-1947, 1948-1949, 1950-1951, 1952-1953, 1954-1955, 1956-1957, 1958-1959, 1960-1961, 1962-1963, 1964-1965, 1966-1967, 1968-1969, 1970-1971, 1972-1973, 1974-1975, 1976-1977, 1978-1979, 1980-1981, 1982-1983, 1984-1985, 1986-1987, 1988-1989, 1990-1991, 1992-1993, 1994-1995, 1996-1997, 1998-1999, 2000-2001, 2002-2003, 2004-2005, 2006-2007, 2008-2009, 2010-2011, 2012-2013, 2014-2015, 2016-2017, 2018-2019, 2020-2021, 2022-2023, 2024-2025, 2026-2027, 2028-2029, 2030-2031, 2032-2033, 2034-2035, 2036-2037, 2038-2039, 2040-2041, 2042-2043, 2044-2045, 2046-2047, 2048-2049, 2050-2051, 2052-2053, 2054-2055, 2056-2057, 2058-2059, 2060-2061, 2062-2063, 2064-2065, 2066-2067, 2068-2069, 2070-2071, 2072-2073, 2074-2075, 2076-2077, 2078-2079, 2080-2081, 2082-2083, 2084-2085, 2086-2087, 2088-2089, 2090-2091, 2092-2093, 2094-2095, 2096-2097, 2098-2099, 2100-2101, 2102-2103, 2104-2105, 2106-2107, 2108-2109, 2110-2111, 2112-2113, 2114-2115, 2116-2117, 2118-2119, 2120-2121, 2122-2123, 2124-2125, 2126-2127, 2128-2129, 2130-2131, 2132-2133, 2134-2135, 2136-2137, 2138-2139, 2140-2141, 2142-2143, 2144-2145, 2146-2147, 2148-2149, 2150-2151, 2152-2153, 2154-2155, 2156-2157, 2158-2159, 2160-2161, 2162-2163, 2164-2165, 2166-2167, 2168-2169, 2170-2171, 2172-2173, 2174-2175, 2176-2177, 2178-2179, 2180-2181, 2182-2183, 2184-2185, 2186-2187, 2188-2189, 2190-2191, 2192-2193, 2194-2195, 2196-2197, 2198-2199, 2200-2201, 2202-2203, 2204-2205, 2206-2207, 2208-2209, 2210-2211, 2212-2213, 2214-2215, 2216-2217, 2218-2219, 2220-2221, 2222-2223, 2224-2225, 2226-2227, 2228-2229, 2230-2231, 2232-2233, 2234-2235, 2236-2237, 2238-2239, 2240-2241, 2242-2243, 2244-2245, 2246-2247, 2248-2249, 2250-2251, 2252-2253, 2254-2255, 2256-2257, 2258-2259, 2260-2261, 2262-2263, 2264-2265, 2266-2267, 2268-2269, 2270-2271, 2272-2273, 2274-2275, 2276-2277, 2278-2279, 2280-2281, 2282-2283, 2284-2285, 2286-2287, 2288-2289, 2290-2291, 2292-2293, 2294-2295, 2296-2297, 2298-2299, 2300-2301, 2302-2303, 2304-2305, 2306-2307, 2308-2309, 2310-2311, 2312-2313, 2314-2315, 2316-2317, 2318-2319, 2320-2321, 2322-2323, 2324-2325, 2326-2327, 2328-2329, 2330-2331, 2332-2333, 2334-2335, 2336-2337, 2338-2339, 2340-2341, 2342-2343, 2344-2345, 2346-2347, 2348-2349, 2350-2351, 2352-2353, 2354-2355, 2356-2357, 2358-2359, 2360-2361, 2362-2363, 2364-2365, 2366-2367, 2368-2369, 2370-2371, 2372-2373, 2374-2375, 2376-2377, 2378-2379, 2380-2381, 2382-2383, 2384-2385, 2386-2387, 2388-2389, 2390-2391, 2392-2393, 2394-2395, 2396-2397, 2398-2399, 2400-2401, 2402-2403, 2404-2405, 2406-2407, 2408-2409, 2410-2411, 2412-2413, 2414-2415, 2416-2417, 2418-2419, 2420-2421, 2422-2423, 2424-2425, 2426-2427, 2428-2429, 2430-2431, 2432-2433, 2434-2435, 2436-2437, 2438-2439, 2440-2441, 2442-2443, 2444-2445, 2446-2447, 2448-2449, 2450-2451, 2452-2453, 2454-2455, 2456-2457, 2458-2459, 2460-2461, 2462-2463, 2464-2465, 2466-2467, 2468-2469, 2470-2471, 2472-2473, 2474-2475, 2476-2477, 2478-2479, 2480-2481, 2482-2483, 2484-2485, 2486-2487, 2488-2489, 2490-2491, 2492-2493, 2494-2495, 2496-2497, 2498-2499, 2500-2501, 2502-2503, 2504-2505, 2506-2507, 2508-2509, 2510-2511, 2512-2513, 2514-2515, 2516-2517, 2518-2519, 2520-2521, 2522-2523, 2524-2525, 2526-2527, 2528-2529, 2530-2531, 2532-2533, 2534-2535, 2536-2537, 2538-2539, 2540-2541, 2542-2543, 2544-2545, 2546-2547, 2548-2549, 2550-2551, 2552-2553, 2554-2555, 2556-2557, 2558-2559, 2560-2561, 2562-2563, 2564-2565, 2566-2567, 2568-2569, 2570-2571, 2572-2573, 2574-2575, 2576-2577, 2578-2579, 2580-2581, 2582-2583, 2584-2585, 2586-2587, 2588-2589, 2590-2591, 2592-2593, 2594-2595, 2596-2597, 2598-2599, 2600-2601, 2602-2603, 2604-2605, 2606-2607, 2608-2609, 2610-2611, 2612-2613, 2614-2615, 2616-2617, 2618-2619, 2620-2621, 2622-2623, 2624-2625, 2626-2627, 2628-2629, 2630-2631, 2632-2633, 2634-2635, 2636-2637, 2638-2639, 2640-2641, 2642-2643, 2644-2645, 2646-2647, 2648-2649, 2650-2651, 2652-2653, 2654-2655, 2656-2657, 2658-2659, 2660-2661, 2662-2663, 2664-2665, 2666-2667, 2668-2669, 2670-2671, 2672-2673, 2674-2675, 2676-2677, 2678-2679, 2680-2681, 2682-2683, 2684-2685, 2686-2687, 26

REF ID: A66084

50



Rerum

HIBERNICARUM

HENRICO VII regnante,

ANNALES.



ANNO CHRISTI

MCCCCLXXXV.



Richardo Tertio in pralio ad Bosworth occiso, Bello illi intestino quod Angliam, per plurimos annos, gravissimè afflixerat, finem dedit Henricus Richmondia Comes, jam inde Henricus

ricus Septimus appellatus, si turbas à duobus scenicis principibus, vel potius ab eorum fautoribus, suscitatas excipiamus. Regnum is iniiit Augusti 22 1485, qui dies prælii, & 30 insequentis Octobris, Coronationis solennia peracta sunt Westmonasterii.

Hiberniam tunc temporis administrabat Geraldus Comes Kildariæ, titulo *Deputati* Johannis de la Pole comitis Lincolnæ *Locum-tenentis* Hiberniæ, eo munere functus Richardi III concessione. Hunc Rex confirmavit Deputatum, sed non ita diu postea, novo diplomate, Deputatum constituit Gasparis de Hatfield Ducis Bedfordiæ, quem Locum-tenentem Hiberniæ designarat. Approbavit etiam Thomam Fitz-Gerald Equitem auratum, dicti comitis fratrem, Hiberniæ Cancellarium, Rolandum Fitz-Enstace Baronem Portlesterium, summum Quæstorem (sive ut loquimur) Thesaurarium, virum in Rebus Hibernicis, longo usu versatissimum, cæterosq; consiliarios, præter Judices & alios administratos primarios, etsi eorum plurimi; id quod ille certò cognovit, *Rose alba*, sive familiæ Eboracensis fautores fuerint. Veruntamen, eo tempore, (quod mireris in principe tam prudente) illis, alios probatæ fidei viros, è suis non adjunxit. Quid detrimenti inde accepit, postea suo patebit loco.

Dum hæc agerentur, magnum erat dissidium inter Jacobum Ketingum & Marmaducum Lomleium, de jure Prioratus S. Johannis Hierosolymitani in Hibernia, *Kilmainan* vulgò dicti, utroque pro Priore se gerente, unde & utriusque demum exitium. Simultas (ut rem altius repetam) initium

sumpsit

sumpsit anno 1482. Nam sub exitum ejus anni, exauthoratus est Ketingus, à Petro Daubussono magno Rhodi Insulæ Magistro, cui subsuit, ob contumaciam & munus male administratum, speciatim, quod monilia quædam & alia Prioratus sui ornamenta, partim vendiderat, partim pignori posuerat, inter quæ memoratur pars Crucis Dominicæ: Item quod prædia multa ad Prioratum spectantia, partim etiam vendiderat, partim ad longum tempus locaverat, & partim pensionibus quibusdam oneraverat. Deprivato itaque Ketingo, successor designatus est à prædicto Magistro Rhodiano, Marmaducus ille Lomleius, Anglus nobili Lomleiorum familia ortus. Hæc mense Decembri 1482. Is ita electus, anno insequenti, Clontarfam appulit, ubi Præceptoriam fuit ejusdem ordinis, ad secundum à Dublinio lapidem. De appulsu ejus, quamprimum certior factus est Ketingus (qui diu magnâ vixerat potentiâ, & Prioratum jam rexerat annos plus minus 20) illuc magnâ suorum catervâ stipatus properavit, & Lomleium secum captivum ducens, sub arcta custodia detinuit, donec omnibus electionis & confirmationis instrumentis, in manus suas resignatis, (licet præviâ Lomleii protestatione) ad sustentationem, ei tandem concessit Præceptoriam de *Kilsaran*, in agro Louthensi. De his omnibus, Lomleius literas perscripsit, tam ad Regem Angliæ, quam ad magnum Magistrum Rhodi, eoque tandem successu, post longam nimirum moram, ut Ketingus, ob crimina perpetrata, excom-

excommunicatus fuerit. Ketingus vero hinc irritatus culpamque omnem in Lomleium conjiciens, eum quasi harum novarum turbarum fontem, ex dicta Præceptorio, manu armatâ expulit, Octaviano de Palatio Archiepiscopo Armathano, in cujus diocesi dicta Præceptorio fuit sita, Lomleium frustra propugnare satagente. Neque hic tamen finis erat ærumnarum Lomleii: nam circa hoc tempus, in carcerem ab adversario denud conjectus est. Quid de eo postea factum fuerit, traditum non reperi: Hoc constat eum nunquam Prioratum administrasse. Cæterum Ketingus ipse licet Prioratum per 9 ferme annos postea per vim occupaverit, tandem tamen majore cum dedecore ejectus, in summa inopia vitam finit, postquam nimirum Jacobum Valæum in locum suum suffectum vidisset. Prior hujus loci (quod obiter hic annotatum) totius Hiberniæ Protoprior olim censetur, & locum suffragiumque habebat inter Proceres Parlamentarios. Ad Prioratum ipsum quod attinet, is adeo amplius erat, & opere tam venusto, ante suppressionem, ut inter ceteros universi regni speciosissimas, merito numerata fuerit.

Sed ut in instituto cursu progrediamur, Mense Novembri, Thomas Ormond alias Butler Eques auratus in Parlamento Westmonasterii coacto, possessionibus & honori Comitum Ormonia restitutus est, ac Statutum editum anno primo Edwardi IV, quo dictus Thomas & duo fratres ejus seniores, videlicet, Jacobus Comes Wiltoniæ & Ormonia, ac Johannes Ormond Eques aur. proditores declarati fuerant, adjudicatum est irritum viribusque cassum.

Comes

Comes brevi deinde postea, in numerum eorum asciscitur, qui Regi erant à Secretionibus consiliis.

Ultimus fuit hic annus Johanni Domino Barrio, in quo morum probitas cum generis splendore certavit, ac etiam Ulicko Bourko, Clan-Richardi Dynastæ, nobilissimâ orto familiâ de Burgo, (cujus rami in Hibernia longè diffusi) viro magni nominis & potentia. Ulickum filium is successorem habuit, de quo plura postea.

ANNO CHRISTI

MCCCCLXXXVI.

REx subodoratus sub hoc tempore Kildarium res novas in Hibernia moliri, literis suis, inter mandata ei dedit, ut in Angliam properaret, specioso prætextu coram consultandi, de rebus ad publicam pacem & tranquillitatem Hiberniæ spectantibus. Kildarius, his literis acceptis, metuens quoniam ea res evaderet, Hiberniæ Ordines Dublinii congregatos, de Regis voluntate, certiores facit. Junii deinde 4, Proceres ad Regem literas excusatorias mittunt, in quibus significant subitam Comitum profectionem in Angliam negotiis quibusdam magni momenti in Parlamento tractandis multum obfuturam: idcircoque obnixè petunt, ut ille tam diù se sistat, donec negotia ea conficiantur. Literis illis subscripserunt, ex Ecclesiasticis, Walterus fitz-Simon

mon Dubliniensis & Octavianus de Palatio Armachanus Archiepiscopi, Johannes Paitius Episcopus Midenfis, Johannes Pursellus Abbas cœnobii S. Thomæ juxta Dublin. Walterus Champflour Abbas cœnobii B. Mariæ juxta Dublin. Johannes Troy Abbas Mellifontis Henricus Abbas Baltinglassensis & Nicolaus Prior Conallensis : ex Secularibus verò Robertus Prestonus Vicecomes Gormanstonius, & Barones VI, Slanius nimirum, Delvinus, Killenius, Houthius, Trimletstonius & Donfanius. His literis Comes quasi munitum se sentiens, tempus itineris indies protraxit.

Nunc ut pergamus; Ad tempus pervenimus conjurationibus plenum, conspirârunt enim ad Regem Henricum subvertendum, Margareta Edwardi IV tum nuper Regis Angliæ soror, Carolique *Pugnacis* Burgundiæ Ducis vidua, aut (ut loquimur) dotaria, Johannes de la Pole Comes Lincolnæ, Franciscus Vicecomes Lovellus, aliquando Richardi III Camerarius, & alii nonnulli. Huic flammæ oleum addidit mirum vastumque facinus vafri cujusdam presbyteri Oxoniensis Richardi *Simons*, vel (secundum Polydorum Virgilium) *Simondi* appellati. Is enim, hoc anno, cum discipulo suo Lamberto Simnello egeni opificis, sive pistoris nimirum sive sutoris filio, puero tamen aspectu decoro & docili, ætate etiam conveniente, in Hiberniam trajecit, eumque astute prius instructum, coram Deputato, Cancellario, Thesaurario & aliis nobilibus, quos familiæ Eboracensis studiosos fuisse audiverat, pro Edwardo comite Warwiciensi Georgii Ducis Clarentiæ filio, quasi vero Co-

ronæ Angliæ hærede; ex arce Londinenſi evaſo, ostendit & venditavit. Hoc ille figmento, discipulo ſuo regnum, & ſibi opulentum aliquem Episcopatum ſomniaverat. Hæc re facile crediræ, & cum proceribus nonnullis communicatâ, Puer à Cancellario honorificè hoſpiti- no exceptus eſt. Deinde paulò poſt miſſi ſunt nuntii, tam ad fautores nonnullos nominis Eboracenſis in Anglia & Hibernia, quàm ad prædictam Burgundiæ Ducifſam, auxilium peſturi, ad juſtum (ut illi dicebant) titulum Edwardi illius (quem regem ſalutarant per nomen Edwardi VI) vindicandum. Negotium hoc Comiti Kildariæ maximas poſteà calamitates attulit, & niſi Deus ruentem ſuſtinuiſſet, ſibi & nobiliſſimæ ſuæ familiæ fuiſſet exitio.

Interim de his rebus, Rex certior factus ab Houthæ Barone & aliis, ad impoſtu- ram detegendam, verum Warwici comitem, ex arca in turri Londinenſi cuſtodia, die Do- minico per præcipuos civitatis vicos, circum- duci juſſit, & ſolehni poſteà proceſſione, Eccleſiam Divi Pauli, cum eo ingreſſus eſt, inſigni nobilitatis flore ſtipatus. Hinc liquidò apud Anglos, Impoſtoris detecta eſt fraus: Cæterum in Hibernia, retorta eſt in Regem impoſtura, quaſi verò ipſe Pſeudo-Warwicum populo obtruſerat.

Fuerunt nihilominus in Hibernia non pauci, qui conſtantiffimè ſemper fideliffimè- que Henrici cauſam pro viribus defenderunt: Inter quos memorantur Octavianus de Pa- latio Archiepiſcopus Armachanus, Edmun- dus Curſeus (vel Courcy) ord. Minorum, tum Clochoreſis (poſteà ni fallor Roſſenſis)

Episcopus, Butlerorum familia, Baro Houthius & ciues Waterfordienses. Conjuratio illius exitum in sequentis anni narratione, Deo volente, exponemus.

Inter hæc, Hugo *Mac-Mabon* magnâ suorum catervâ stipatus, in agrum Louthensem irruit, prædas egit, & prædia undique diripuit & incendit. Combustæ feruntur in hac incurfione 28 villæ. Porro VI Kalendas Martii, in partibus nonnullis Ultoniæ, tanta vis venti & procellæ contigit (neque abs re erit verbo memorare) ut arbores eradicarentur, multæ domus & aliquot Ecclesiæ (inter alia mala quamplurima) pessumruerent.

Fatis concesserunt hoc anno, ex Episcopali ordine, Thaddæus Episcopus Dunensis & Connerensis, consecrationis an. 17, Johannes Hedianus Ossoriensis, cùm sedisset annos circiter 7, & (Julii 19) Thomas Arthurus Limericensis, cùm præfuisset annos plûs minûs 17. Thaddæo successit Tiberius quidam, Hediano, Oliverus Cantwellus, ordinis Prædicatorum, & Arthuro, Johannes Folanus, Rector Ecclesiæ Clonmorensis, negotiorum jam dicti Octaviani Armachani, in Curia Romana, Procurator.

Hæc in Hibernia. Interim Wintoniæ in Anglia, Elizabetha Regina filium Regi peperit 29 Septembris, Arthurum vocatum. Neque silentio hîc prætereundum Henricum Regem hoc anno Bullam procurâsse, ab Innocentio VIII, datam VI Kalend. Aprilis, per quam (inter alia) omnes Episcopi, &c. jussi sunt excommunicationes in rebelles emittere, quoties ex parte Regis requisiti fuerint. Hæc res negotia Regia magnopere

erè postea juit promovitque, tam in Anglia quàm in Hibernia.

ANNO CHRISTI

MCCCCCLXXXVII.

Johannes Comes Lincolnæ filius & hæres Johannis de la Pole Ducis Suffolciæ, vir animi excelsi & elati, (quem Richardus III, cum filius suus obiisset, successorem regni que hæredem declaraverat) litteris & nuntiis certior factus, de Idolo hoc in Hibernia pro vero comite Warwicensi recepto, speque ductus, per hunc pontem, viam sibi patefactam, ad Anglicum Sceptrum suo titulo obtinendum, sinempe sub hujus Larvæ nomine, proprio suo tempore detegendæ, Regem Henricum opprimeret, in Flandriam trajecit, ubi Dominum Lovellum invenit, qui consiliorum suorum particeps, ibi paulò antè appulerat. Hi arcana ineunt consilia cum Margareta Burgundiæ Ducissa; Edwardi IV sorore, acerbissima familiæ Lancastriensis hoste, de Henrico rege exturbando. Ibi decretum fuit, ut Comes & Lovellus, cum exercitu qui Ducissæ expensis conscriberetur, in Hiberniam primò transfretarent, & inde postea, ad junctis Hibernorum viribus, in Angliam, adversus regem. Exercitus paucis post diebus 2000 Germanorum militum veteranorum conscriptus, sub ductu Martini Swarti, vel (ut alii habent) So-

varpi Germani, veteranz militiæ gloriâ clari
 & navigiis impositus, è Flandria solvit, Dub-
 liniumque (Hiberniæ Metropolim) appulit
 mense Maio: Die deinde Pentecostes, Pseu-
 do-Warwicus iste (cujus suprà mentionem fe-
 cimus) Dublinii in Ecclesia cathedrali S.
 Trinitatis, quam ædem Christi vulgò vocant,
 post concionem, à Johanne Paino Episcopo
 Midenfi ibi editam, in qua publicatus est
 titulus ejus ad Coronam, solenniter coro-
 natus est, Præsentibus Deputato, Can-
 cellario, Thesaurario, Comite Lincolnia,
 Domino Lovello, & multis aliis è proce-
 ribus & viris primariis, tam Ecclesiasticis
 quàm Secularibus. Coronam quâ usus est,
 à statua B. Mariæ Virginis, in Ecclesia
 illius memoriæ dicata, prope portam ur-
 bis, quam *Dames-gate* vulgò appellamus,
 asservata, mutuatam ferunt. Hinc per me-
 diam urbem, magno populi applausu, ad
 castrum Dubliniense deductus est & epulis
 exceptus. Inter eos quibus præsentia dis-
 plicebant, numeratur Octavianus Archi-
 episcopus Armachanus: Is enim (postquam
 Kildarium à tam infelici proposito frustra
 deterrere desudasset) se subducens, coro-
 nationi interesse recusavit, id quod mul-
 tum ei postea peperit molestia. Interim
 verò sub eminenti Principis nomine, Co-
 mitia & Juris fora habita sunt, ac Pro-
 cessus, Tabulæ publicæ & Acta Concilii pro-
 dierunt: Speciatim de *Magno Concilio*, ejus
 nomine & autoritate congregato, sic men-
 tio in Epistola prædicti Octaviani Arma-
 chani, ad Præsulem quendam Anglicum,
 cujus nomen non editur, in quo Concilio,
 Subsidium

Subsidium à Clero se absente, Papæ concessum asserit, ad absolutionem à sententiis & censuris quas forsàn n. vos tumultus contra Regem suscipientes incurrerent, obtinendam. Epistolæ exemplar habetur in Octaviani Regesto, fol. 152. a. Cæterùm hæc omnia latâ lege, in Parlamento Pontanæ coacto, sub Poyningo Prorege, anno 1494, rescissa sunt & penitus antiquata.

Sub initium Junii hujus anni 1487, Dominus Thomas Fitz-Gerald Cancellarii munere se abdicavit, eique successit Rolandus Eustacius Baro Portlesterius. Brevi deinde postea, clavis Concilii decreto, cum ementito hoc Principe, & copiis tam Germanicis quàm Hibernicis, quibus præficiebatur Comes Lincolnæ (suprà dictis Domino Lovello, Dom. Thoma Fitz-Gerald & Swarto Germano comitatus) è Dublinio solvit, & vento secundo, Fouldriam apud Lancastrienses in Anglia appulit: Quò se statim contulit Thomas Broughtonus Eques auratus, conjugationis socius: cum parva militum manu. Ita instructi agrum Eboracensem pertranseunt, ubi etiam copiarum quarundam accessionem expectabant, sed frustrâ. Utcûque animos non despondentes Newarcum versus properant, sperantes locum subito eorum adventu, facilè possessuros. Rex autem, rebellium consilio intellecto, cum exercitu valido, sub ductu Gasparis Ducis Bedfordiæ & Johannis de Vere Oxoniæ Comitis Angliæque Thalassiarchè, Nottinghamiam (nam illuc tunc nuper venerat) relinquens, non procul à Newarco, castrametatus est, eorûmque transitum ibi interclusit. E diverso,

Lincolniæ Comes, cognito Regis adventu, intrepidè tamen iter institutum continuavit, & eadem nocte, castra fixit apud Stocham viculum, in agro Nottinghamiensi, in ipso ferme conspectu exercitus Regis. Postridiè, Junii nempe 20, Henricus rex, exercitu è castris ducto & in tres acies diviso, Stocham profectus est, ubi Comes itidem suos, satis animosè, Swarti directione, in aciem duxit. Dimicatur utrinque fortiter per tres horas, æquo quasi Marte. Tandem verò prima Regis acies, quæ hucusque impetum sustinuerat, reliquis duabus (quod mireris) quasi ociosè prælium tam diù spectantibus, tantâ vi & audaciâ pugnam continuavit; ut occisis primariis hostium Ducibus, cæteri in fugam facilè versi fuerint. In hoc prælio (quod in annum 1489 perperam conjicit Polydorus Virgilius) ex parte e mentiti principis, acriter pugnantes occubuerunt Johannes de la Pole comes Lincolnæ, Franciscus Vicecomes Lovellus, Dom. Thomas Fitz-Gerald, quem falsò nonnulli comitem Kildariæ appellant, Mauritius fitz-Thomas Geraldinus, Broughtonus, Plunketus quidam Baronis Killenii filius & Swartus: præter quatuor millia militum gregariorum. Sunt tamen qui Dominum Lovellum in Trento fluvio submersum dicunt, & alii, qui non aquis periisse, sed in caverna quadam subterranea diù postea latuisse & vitam produxisse miseram asserunt. Ex parte Regis dimidium duntaxat primæ aciei cecidit. Capti sunt inter alios, scenicus ille regulus Lambertus Simnellus & astutus sacerdos ejus præceptor Lambertus, clementiâ Principis inaudita, postquam crimen agnovisset, & misericordiam Regiam

giam implorâſſet, ad mortem non eſt damna-
tus, ſed in culinam Regis detrufus, ibi veru ad
tempus circumegit, & poſteà in numerum ad-
miſſus eſt accipitrariorum Regis. Sacerdos
verò clericali ordine privatus, in gurguſtium
quoddam detrufus eſt. Sic aliqui tradunt.
Afferunt verò alii, ordinis intuitu, criminis
atrocitate non obſtante, eum neque morte
multatum, neque ordine privatum, ſed per-
petuo tantum carceri adjudicatum.

Sed hanc rem ſuis etiam verbis exhibebit
Johannes Hereus Medicinæ Doctor, qui Hiſto-
riam Anglicanam Heroico carmine deſcripſit,
ab initio Edwardi IV, uſque ad initium Hen-
rici VIII,

*Lambertus capitur, necnon Simondus inermis,
E quibus hic tenebris damnatur carceris atri,
Concludendus ibi, miſero dum vita ſuperſit.
Ille ex rege novo, lixa eſt & calo creatus,
Servus ut ad Regis portaret ligna coquinam:
Regis at accipitres poſthac aluiſſe refertur.
Sic quamvis meriti tormenta cruceſque fuiſſent,
Parvâ Rex panâ ſtatuit ſcelus omne piare.*

Hoc incendio ſic ſopito, Rex in partes ſep-
tentrionales proſectus eſt, atque in ea
proſectione, non pauci è Simnelli & Co-
mitis Lincolnæ fautoribus detecti ſunt, è
quibus nonnulli, ad terrorem aliorum, ul-
timo ſupplicio fuerunt affecti, alii mag-
nis pecuniæ ſummis multati, alii que præ-
ſertim tenuioris fortis, ſine multis condo-
nati. Hiſque peractis, Rex Londinum rediit,
ubi magno civium applauſu, exceptus eſt. No-
vembriſ inſequentis 25 (die S. Catharinæ)

Uxor ejus Elizabetha Regina magna cum pompa solenniter uncta est & coronata Westminsterii: Cujus coronationis *Prognosticon*, versibus Lyricis, mox composuit Bernardus Andreas, Poëta laureatus, Regisque Henrici Historiographus.

Rex brevi postea Prætori & civibus Waterfordiæ, quos sibi fidelissimos invenerat, literis suis postquam immotam eorum fidem laudasset, inter mandata dedit, ut ad usum urbis, naves, bona & merces civium Dublinensium intercipere conarentur, necnon omnium aliorum, cum iis mercaturam exercentium. Anno etiam sequenti (Maii 12) ad plenius benevolentia suæ testimonium, novis privilegiis & immunitatibus, Urbis fidelitatem remuneravit. Ad seditionem tamen extinguendam, nullas hætenus copias, (quod mirum videri possit) in Hiberniam misit. Hibernica proculdubio hucusque, eum nimis neglexisse non negandum. Cæterum hanc culpam aliquantum correxit anno insequenti, tantâ tamen cum lenitate & clementiâ, (diligentiam quam metui maluit) ut Principem ostenderit & misericordem & pacis summopere amantem, atque inde victoriam incruentam reportaverit, ut ex illius anni narratione, lectori liquido constabit.

Interim Decembris VII, Jacobus Fitz-Thomas Geraldinus, comes Desmondia, qui annos ferme 28, opibus & potentia floruerat, à famulis, in ædibus suis Rathkelæ, apud Limericum, subito crudeliter trucidatus est. Strenuum suum is duxit à Mauricio filio Geraldii, qui sub Henrico Secundo, in expugnanda Hibernia, fortem egregiamque navavit operam. Jacobo

sine prole, saltem mascula, mortuo, Mauritius frater successit, à quo Johannes Mantagh, id est, edentulus, perpetrati sceleris princeps, paulò post captus est & occisus. Atque ita certe plerumque usu venit, ut qui, aliorum cædibus, manus polluerunt, eos pœna talionis sequuta fuerit. Hoc admonet Horatius, lib. 3 Carmin. Odâ 2,

*Rarò antecedentem scelestum
Deseruit pede pœna claudo.*

Cujus rei veritatem plurimis demonstrare exemplis in promptu est. De Mauritio successore plura postea erit dicendi locus. Sed ad res magis publicas redeamus.

Ad primum victoriæ Régis rumorem, seditionis in Hibernia concidit animus, & de ea paulò postea certiores facti, Kildarius & alii è potentioribus nuntios demùm miserunt, qui factum Regi excusarent, errorem agnoscerent, & veniam quàm humilimè peterent. His nuntiis & submissionibus, Rex aliquantulum lenitus, maturâ rei deliberatione, cum consiliariis suis habitâ, nuntios tandem in Hiberniam remisit, ad Comitem & ceteros, cum literis, in quibus, postquàm nupera proditiōis eos infirmulasset, præteritorum tamen veniam cunctis promisit, secundùm merita eorum futura. Ad Hiberniæ administrationem quod attinet, eam pro tempore, Comitis fidei iterum commisit, cum instructionibus quibusdam & mandatis tempori convenientibus & aptis. Atque ita tandem fucus Lamberti-nus in Hibernia, quasi in fumum evanuit.

Quid

Quid verò Rex fecerit, ne recens rebellio iterum flammam conciperet, in sequenti anno narrabitur. Non negandum enim Regem justas habuisse causas suspicandi scintillas ibi aliquas non adedò plenè fuisse extinctas, quin datâ fortè novâ occasione, incendium denuò ex iis excitari posset.

His diebus de Asylorum immunitatibus, multæ per Angliam & Hiberniam querimoniæ increbuerunt : Hoc itaque anno, exorbitantia quædam eorum privilegia, Innocentius VIII Papa, per Bullam datam Romæ VIII Idus Augusti, imminuit & depressit, ita ut deinceps facinorosi ad ea confugientes, & nova crimina foràs perpetrantes post reditum, Regi aut ministrorum ejus mandato, ad examina subeunda extraherentur; Item, ut obzatorum ad ea confugientium bona creditoribus subjicerentur, si hoc in fraudem fecerint creditorum, ut denique læsæ Majestatis convicti similiterque prorecti, custodiâ tamen à Rege arctâ includerentur, ne exeuntes pejora perpetrarent. Bulla ipsa habetur Westmonasterii, in egregio Antiquitatum, præcipuè Britannicarum, Thesauro Cottoniano, sub imagine Cleopatæ, E. 3. Criminum impunitatem in Asylis, Græcis urbibus simile olim attulisse malum, imperante Tiberio, donec per Senatus consulta, modus præscriberetur, ostendit Tacitus, Annalium lib. 3.

ANNO

ANNO CHRISTI

MCCCCLXXXVIII.

IN Hiberniam Rex misit hoc anno Richardum Edgecombum Equitem auratum Cornubiensem, Aulæ suæ Censorem, sive (ut loquimur) *Contrarotulatorem*, unum è Consiliariis suis, singulari virum prudentiâ, cum armata 500 militum manu, & potestate tam ad Juramentum fidelitatis & obsequii recipiendum à proceribus, nobilibus minoribus & primariis civibus, quàm ad delictorum veniam concedendam. Eadem gratiâ non paucis è Proceribus & aliis nominatim à Rege prius concessâ: Nam ex Ecclesiasticis, Regis diplomatibus, condonati fuerant Archiepiscopi Armachanus & Dubliniensis, Episcopi Midenensis, Darenensis & Clonenensis, Abbates cœnobiorum B. Mariz juxta Dublin, S. Thomæ juxta Dublin, Baltinglassensis, Navanensis, Mellifontani, Bectiffensis & B. Mariz Trimmensis; Priores deinde cœnobiorum S. Petri novæ villæ juxta Trim, Conallensis & Louthenensis: Hi etiam ex Proceribus secularibus & aliis viris primariis, Comes Kildariæ, Vice-comes Gormanstonæ, Barones Slanius, Delvinus, Killenius, Houthius, Trimletstonius, Donsanius & Portlesterius, uti etiam primarii utriusque *Banci* Judices. Hæc mense Maio. Sed ut ad Edgecombum redeamus. Is cum 500 militibus (de quibus suprà diximus) quinque navibus impositis,

Positis, ad portum Kinsalæ appulit Junii 27. Verumenimverò, ei animus fuit terram ibi non ingredi, sed juramento fidelitatis, in nave sua, à viris nonnullis primariis recepto, vela protinùs pandere, versùs alia loca. Eodem igitur die, in ipsa nimium nave, Thomas Dominus Barry Homagium pro Baronia sua, necnon Juramentum fidelitatis coram eo præstitit. Proximo tamen mane, Jacobi Domini Courcæi & opidanorum primariorum importunitate evincente, Kinsalam ingressus est, ubi in Ecclesiæ S. Mæltoci cancello, Courcæus Homagium pro Baronia præstitit, & tam ille quàm opidani juramento fidelitatis & chirographis obstricti sunt. Quibus peractis, & Regià condonatione iis concessâ, post prandium, è Kinsala solvit, & ejusdem mensis die ultimo, Waterfordiam appulit, urbem, quæ nullis fucis à debito obsequio se passa fuerat divelli. Ibi ab Urbis Prætor (quem Majorem vocant) & civibus honorificè receptus est. Postridiè verò, postquàm Urbis fidelitatem & constantiam magnopere laudâisset, Regisque gratias & benevolentiam declarâisset, usâ cum protectionis & remunerationis promissis, vela fecit versùs Dublinium, sed ventis adversantibus, eo non pervenit ante quintum Julii, quo die supplices eum exceperunt Urbis Prætor & cives, prope portam cœnobii fratrum Prædicatorum, à quibus fratribus in hospitium receptus est. Mansit ibidem 7 dies, antè reditum Comitissæ Kildariæ Deputati Hiberniæ à peregrinatione, quam tunc nuper susceperat. Julii 12, Comes tandem

Dublinium

Dublinium rediit, eodemque die Edgecomb^{us} ad cœnobium S. Thomæ in suburbio occidentali, ubi Comes tunc erat, profectus est, deducantibus Episcopo Midenfi, Barone Slainio & aliis, à Kildario eo sine missis. Ibi postquàm in camera magna, literas Regias, non sine signis quibusdam acerbitatis, comiti palàm obtulisset, in partem interiorem ambo secesserunt, ubi, præsentibus duntaxat Proceribus, diù collocuti sunt, de summâ rerum. Cæterùm tunc temporis propter absentiam multorum è Proceribus, nihil decretum. Colloquio eo finito, Comes ad ædes suas Maynothenses rediit, & Edgecomb^{us}, ad fratres Prædicatores. Postridie (qui dies erat Dominicus) Excommunicationis absolutio, quam à Pontifice procuraverat Rex Henricus, omnibus fidelitatem debitam præstantibus, Edgecombi mandato promulgata est, Dublinii in Ecclesia S. Trinitatis, in concione nempe à Paino Episcopo Midenfi ibi prolatâ. In disceptatione de juramenti suscipiendi formula, inter Edgecomb^{um} & Proceres, dies aliquot postea, tam Maynothæ, quàm Dublinii, elapsi sunt. Conveniunt verò tandem de juramento sequenti,

Ego——promitto & obligo me, quòd deinceps
verus fidelis & obediens ero ligens & subditus
Celsissimi Potentissimique Principis Naturalis mei
& Prudentissimi Domini Henrici VII, Dei gratiâ
Regis Angliæ & Franciæ & Domini Hiberniæ,
& heredum suorum, de corpore suo exeuntium,
Regum Angliæ. Item, quod nunquam juva-
bo, assistam aut fovebo aliquos rebelles aut
proditores Domini mei prædicti, aut aliquos
subditorum

subditorum ejus, qui perpetrabunt aliquid contra
 eorum fidelitatem & personam Regiam, vel Co-
 ronam ejus. Et quod nunquam jurabo vel fovebo
 private vel aperte aliquid quod erit contrarium
 Bono; Honori, vel Securitati dicti Domini mei,
 aut heredum suorum Regum Angliæ, in rebus
 pertinentibus ad conservationem nobilissime sue
 persone & Status Regalis: sed si contingat quod
 aliquo tempore mihi notum erit quicquam ten-
 dens ad damnum, dedecus, vel molestiam Celsitu-
 dinis ejus, vel dictorum suorum heredum Regum
 Angliæ, pro viribus meis reprimam illud & impe-
 diam. Præterea quamprimum potero, declarabo
 illud, vel declarari faciam Celsitudini suæ, vel
 heredibus suis Regibus Angliæ, vel eorum Consi-
 liariis. Item quod serviam dicto Domino meo &
 omnibus heredibus suis Regibus Angliæ, in omni-
 bus titulis eorum, ad Coronas Angliæ & Fran-
 ciæ, & Dominium Hiberniæ pertinentibus, & in
 omnibus ejus & eorum titulis & contentionibus, in
 causa Coronæ. Et quod vivam & moriar, cum
 eo & iis, contra omnes: atque ejus eorumque
 legitima mandata, pro viribus meis verè & fi-
 deliter observabo & exequar. Item si aliqui
 nuntii vel alii cujuscunque ordinis, gradus, vel
 conditionis missi fuerint à Burgundiæ Ducissa, vel
 à quocunque alio, cum literis vel mandatis ad me,
 vel, quoad noscam, ad aliquem alium, ut me vel
 illos pervertant à debita fidelitate & obedientia,
 vel ut incitent seditionem vel rebellionem, inter
 Regis subditos, vel si aliquis subditus Regis in
 Hibernia, vel exterius in Hiberniam venerit, &
 usus fuerit aliquo sermone seditioso, vel indecen-
 ti, contra Regis personam, aut honorem, Ego an-
 nuntiar quamprimum ad notitiam meam pervene-
 rit, capere eum, vel eos, ita, uti dictum est, affe-
 rentem

rentem vel afferentes literas, vel nuntia, ad novam seditionem excitandam, vel seminantem vel seminantes sermones seditiosos aut indecentes: Et quod, quantum ad me attinet, faciam eos puniri, secundum eorum demerita, vel aliter eum vel eos mittam ad Regem, cum eorum literis, vel sermonum notitia. Item in posterum non impediam nec impediri faciam executionem & declarationem magnarum Sanctæ Ecclesiæ censurarum, contra quamcunque personam, cujuscunque fuerit status, gradus, vel conditionis, per aliquem Archiepiscopum, Episcopum, Abbatem, Priorem, Rectorem, Vicarium, vel Curatum, intra terram Hiberniæ, auctoritate S. nostri Patris Innocentii VIII, concessarum, contra omnes Regis subditos, qui impediunt vel perturbabunt Dominum nostrum Henricum Septimum, in titulo Coronæ Angliæ & Domini Hiberniæ, vel aliquo modo molientur seditionem vel rebellionem, vel sustentabunt vel reficient aliquos proditores vel rebelles machinantes destructionem nobilissimæ suæ personæ, vel subversionem dicti regni sui Angliæ & Domini Hiberniæ, sed pro viribus meis adiutor ero in executione & declaratione dictarum censurarum, quoties ex parte dicti Domini nostri Regis requisitus ero, vel sufficientem materiam aut causam habebo. Hæc autem Declaratio facta est absque fraude, aut fallacia: Ita me adjuvet hoc Sanctum Sacramentum, &c.

Ecclesiasticorum autem Juramento adjecta est hæc clausula: Item, in posterum quoties Ego legitimè requisitus ero, ex parte Domini nostri Regis, ad Ecclesiæ censuras exequendas, per auctoritatem S. Patris nostri Innocentii Papæ Octavi, & per Bullam ejus sub plumbo, contra omnes
 Domini

Domini Regis subditos, cujuscunque fuerint dignitatis, gradus, status vel conditionis, qui impediant aut perturbabunt dictum Dominum nostrum Regem, in titulo suo Corona Angliæ & Domini Hiberniæ, vel qui incitabant seditionem vel rebellionem contra eum, vel qui adjuvabunt, sustentabunt, vel reficient aliquem è proditoribus vel rebellibus ejus qui machinabitur destructionem nobilissimæ suæ personæ, vel subversionem dicti sui Regni Angliæ, vel Domini Hiberniæ, dictis censuras, cum omni solennitate ad easdem pertinente, intra aliquam Ecclesiam meæ jurisdictionis palam & solenniter exequar, ac declarabo easdem censuras in & contra omnes transgressores ejusdem Bullæ, vel exequi & declarari faciam, si causa mihi fuerit nota, vel aliter legitime ex parte Regis nostri, vel heredum suorum Regum Angliæ, monstrata fuerit, & probata. Neque disistam ex amore, odio, invidia, metu, vel aliqua alia causa. Ita me adjuvet, &c. Salvo ordine Episcopali.

Julii 21, Homagium primum præstitit Geraldus Comes Kildariæ coram Dom. Richardo Edgecombo in cœnobio S. Thomæ, in Camera nimirum magna, vulgò dicta Camera Regia. Deinde durante Missâ, ab excommunicatione absolutus est, & more proposito, Fidelitatis juramento obstrictus. Similiter fecerunt Rolandus Eustacius Baro de Portlester, summus Hiberniæ Questor, Robertus Prestonus Vicecomes de Gormanston, Jacobus Flemings Baro de Slane, Nicolaus de Sancto Laurentio Baro de Houth, Christophorus Barnwallus Baro de Trimletston, Johannes Plunket Baro de Donsany, & alii. Item ex Ecclesiasticis, Walterus Fitz-Simons Archiepiscopus

pus Dubliniensis, Johannes Waltonus ejus Prædecessor in Archiepiscopatu, sed qui ante aliquot annos resignaverat, Mannerio tantum de Swordes sibi ad sustentationem, quoad viveret reservato: Item, Johannes Painus Episcopus Midenfis, Edmundus Lanus Episcopus Darenfis, Johannes Purfellus Abbas cœnobii S. Thomæ juxta Dublin. Walterus Champflourus Abbas cœnobii B. Mariæ juxta Dublin. & Jacobus Coganus Prior cœnobii S. Patricii de Holm-Patric, qui omnes postea chirographis porro fuerunt obstricti ad fidelitatis Juramentum observandum. Neque hic prætermittendum Edgecombum, postquam Comes homagium præstitisset, torquem aureum collo ejus aptasse, quem Rex ei miserat, tanquam benevolentiae suæ arrhabonem. His ita peractis, Edgecombis splendido epulo excepit Comitem, & quamplurimos è proceribus, in Domo fratrum Prædicatorum. Postridie, Thomas Meilerus Prætor Urbis & cives primarii in Prætorio, vulgò dicto *The Toulfell*, congregati, fidelitatis juramentum, coram Edgecombo, præstiterunt, & juramenti formulam, sub urbis sigillo, Regi transmissērunt.

Julii deinde 23, Edgecombis, Dublinio Pontanam (quam Droghedam vulgò dicimus) adiit. Dieque proximo, postquam nempe Prætor & opidani juramentum fidelitatis, in Prætorio ibidem, coram eo suscepissent, condonati sunt omnes, & in gratiam Regis (diplomate Regio) recepti. Inde Triminiam profectus est die sequenti, ubi præteritorum venia Præposito (sive Portgrevio) & opidanis itidem concessa est, post agnitam Regi fidelitatem

ratē. Ibi etiā Nicolaus Herbertus Prior coenobii S. Petri novæ villæ juxta Trimmā, Richardus Nangle sive de Angulo Abbas Navanensis & Jacobus de Castro-Martin Abbas Bestiffensis juramentum oblatum præstiterunt, & in gratiam Regis recepti sunt. Dublinium deinde reversus Julii 26, ibi brevi postea, in Domo fratrum Prædicatorum, simile sacramentum, inter alios, dixerunt Octavianus de Palatio Archiepiscopus Armachanus, Philippus Birminghamus summus in Tribunali regio Index, & Thomas Dowdallus Rotulorum Præfectus. Edgecombi penso ad finem jam fermè perducto Kildarius & nonnulli alii è magnatibus, enixè cum illo egerunt, ut Ketingus Prior (de quo suprà) & Thomas Plunketus summus communium Placitorū Judex condonarentur. Nam hi duo, præcipuè verò Ketingus, Regis iram in se valdè excitârunt, quasi nuperæ rebellionis faces & antesignani. Plunketo quidem, illorum intercessionibus, data tandem est venia, Ketingo autem, ob plurima illi objecta crimina, non solum veniam concedere præcisè recusavit, sed protinùs etiam munere Præfecti castri Dubliniensis amovit, quod per aliquot annos usurpaverat, eique amov. successit Richardus Archboldus, quem Ketingus prius possessione vi deturbârat. Tunc verò Edgecombus ultimo condonationum negotio confecto, Julii 29, Dalkeyam iter fecit, quò Archiepiscopus Dubliniensis & alii viri primarii non pauci eum honoris ergò deduxerunt. Ibi navem ille conscendit, & Cornubiam versùs vela fecit, sed partim ventis adversantibus partim tempestate impeditus, in Cornubiam non apulit, ante diem 8. Augusti insequentis.

Circa

Circa idem tempus, Johannes Painus Episcopus Midenfis (quem falsò liber Houthensis inter Kildarii adversarios numerat) à Kildario & Senatu Regio in Angliam missus est nuntius, tum ad Regem placandum, tum ad adversariorum machinationes prævvertendas. Neque defuit sibi è contra, Octavianus Archiepiscopus Armachanus: Nam ut Kildarii & aliorum suorum adversariorum vires faciliùs enervaret, multum egit cum amicis suis in Anglia, de Hiberniæ Cancellariatu sibi obtinendò: licèt irritò successu. Sibi fidum eum fuisse Rex benè novit, veruntamen pro ratione illorum temporum, meritò metuit, ne si eum constitueret Cancellarium, Reip. id detrimento fieret, ne inde nimirum contentiones inter Deputatum & illum tunc temporis fernè extinctæ resuscitarentur, & sic publica Pax disturbaretur.

Brevi postea Kildarius in Moycassellam Mac-Geoghegani regiunculam profectus est, ubi castrum Bilerahum vi cepit & diruit, atque inde milites dispersi prædia circumquaque depopulati sunt, & cum prædis spoliisque domum redierunt.

Idem annus supremus erat Thomæ Haroldo Priori Ecclesiæ cathedralis S. Trinitatis Dublinii, viro gravissimo, qui obiit Februarii 27. Ad hujus rogatum, (Octobris 1. 1486) Henricus VII annuam 20 librarum pensionem dictæ Ecclesiæ concessit, ex redditu civitatis Dubliniensis. Fama obtinet hanc Haroldorum in Hibernia familiam stirpem esse Danicam, sive Ostmannicam.

ANNO CHRISTI

MCCCCLXXXIX.

EX Hibernia accersiti in Angliam transfretarunt Proceres ferè omnes Seculares, sive (ut vulgò loquimur) *Temporales*, qui Grenovici (ad 4 ab urbe Londinensi lapidem) in conspectum Regis admissi, ab eo acriter increpati sunt, quòd Lamberti causam propugnassent. Inter alia, Regem dixisse ferunt se petasse eos simias tandem coronaturos, si ipse dum absens fuerit. Afferit præterea liber Houthensis quòd quo primo tempore, in Aula Regia, epulo excepti fuerunt, Rex Lambertum Pincernæ munus pro ea vice obire fecit, eo modo crimen eorum ostendens & redarguens. Cæterum paulò postea in gratiam Regis plenè recepti sunt & honorificè habiti, speciatim in solenni processione Grenovici Regem ad Ecclesiam comitati, ac benignè donum, pro solita Regis clementia, dimissi. Roroni Houthæ discessuro, ob fidelitatem spectatam, Rex auri signati 300 libras Anglicanas, quæ aureos Gallicos circiter mille conficiunt, benevolentia suæ testimonium, donum dedit. Hæc in Anglia.

In Hibernia hoc anno Mauritius comes Desmondia, in duobus conflictibus victor fuit in altero, vicit & interfecit Murchardum O'Carroll & Mælmurrium fratrem ejus, in altero, Dermidium Cartæum filium Thaddæi Mauritius

Mauritius ille (quod recens nominis ejus mentio submonuit) à nonnullis *Claudus* cognominatus est, sed vulgò *Bellicosus*, ob crebros nimirum conflictus, quos cum vicinis habuit; à quibus etiam multa prædia extorsisse ferunt, & sui juris fecisse.

Julii 6, Synodus Provincialis celebrata est ab Octaviano de Palatio Archiepiscopo Armachano, in Ecclesia parochiali B. Mariæ virginis de *Athirde*, aliàs de Atrio Dei, cui interfuerunt Johannes Pairus Midenfis, Edmundus Cursæus Clochorensis, Gulielmus Ferrallus Ardachadensis, Georgius Dromorensis, Donaldus Fallonius Derensis, Menelaus *Mac-Carmican* Rapotensis, & Walterus Blackæus Cluanensis sive Clonmacnoisensis, Episcopi. In hac Synodo, magna fuit contentio inter Thomam quendam Bradæum filium Andreæ & alium dictum Cormacum, de jure Episcopatus Kilmorensis sive Triburnensis. Atqui res tandem, communi consensu, subiecta est Midenfis, Clochorensis & Ardachadensis Episcoporum arbitrio. Quid tunc temporis concluderint, non comperi: Hoc certè constat ex Regesto jam dicti Octaviani, utrumque (tam Thomam nempe quàm Cormacum) sexennio postea appellatum fuisse Episcopum Kilmorensem, & interfuisse (quod mireris) Concilio Provinciali Pontanæ tunc habito, in Ecclesiâ S. Petri.

Eodem anno, 3 Kalendas Februarii, è vitâ migravit Philippus Birminghamus primarius in Tribunali regio Judex, vir Juris patrii prudentiâ insignis, & in cœnobio B. Mariæ virginis juxta Dublin. sepultus est. Tota præterea hæc æstas valde morbosa extitit, peste ac

febris supra modum grassantibus, unde
 quamplurimi mortales perierunt. In An-
 glia sub finem Novembris, Arthurus Regis
 filius (tum triennis) Walliæ Princeps cre-
 atus est.

ANNO CHRISTI

MCCCCXC.

His diebus Margareta Burgundiæ Ducissa
 dotaria, (de qua antea) ex odio in Hen-
 ricum regem & familiam Lancastriensem no-
 vum statuit Belli incendium in Hibernia ex-
 citare. Primum igitur falsos spargit rumores
 Richardum Ducem Eboracensem in arce
 Londinensi non fuisse occisum, ut vulgò
 ferebatur, sed fugâ evasisse. Postea adole-
 scentulum quendam verò nomine Petrum Os-
 beekum, sed vulgò Perkinum Warbekum vo-
 catum, exploratorum suorum ope, selegit ad
 Ducem hunc Eboracensem agendum, filium
 scil. secundo-genitum Regis Edwardi IV,
 regniq. fratre suo seniore Edwardo V
 occiso, hæredem. Erat enim Perkinus vul-
 tu & corpore Richardo non dissimilis, inge-
 nio præterea admodum acuto, ætate etiam
 conveniente: Tornaci quidem editus in Flan-
 dria, patre Johanne Osbecko urbis Cen-
 sore, matre Catharinâ de Faro: Sed qui
 linguæ Anglicæ non expers erat. Hunc
 igitur

igitur Ducissa idoneum judicans instrumen-
tum, occultò apud se, per aliquot menses,
detinuit, donec nempe eum Principis gestum
imitari docuisset, & de omnibus quæ ad
Ducem Eboracensem pertinerent, plenè in-
formasset, cum aliis quibusdam documen-
tis, ad rem tantam suscipiendam necessariis.
Ita institutum, clanculùm eum demùm
in Lusitaniam misit, una cum Domina
Bramptona, Edwardi Bramptoni Equitis
aurati uxore, ac uno è famulis suis, qui
tanquàm explorator actiones ejus quotidie
observaret, eoque porrò consilio, ut inde,
& non è Flandria, ne machinatio hæc à
se profluxisse videretur, in Hiberniam na-
vigaret, quamprimum ab ea mandatum
reciperet. In Hibernia enim non pauci
adhuc remanebant, id quod illa satis no-
vit, nominis Eboracensis plurimum studi-
osi. Sed Perkinum in Lusitania jam re-
linquamus, cætera quæ post appulsum
ejus in Hiberniam ad eum pertinent, suo
loco explicaturi. Interim tamen haud præ-
termittendum nonnullos etiamnum contem-
dere hunc (Perkinum quem dicimus) ve-
rum Richardum Ducem Eboracensem ex-
titisse. Fatendum sanè vitam ejus, (quoad
circumstantias) non parvâ involutam obscuri-
tate, præsertim si consideremus tot Prin-
cipes (ut ex sequentibus patebit) partem
ejus contra Regem, per aliquot annos,
fovisse. Cæterùm constabit itidem, sub
hoc prætextu, quemque suum promovisse
negotium, eoque finito, Perkinum dese-
ruisse. Neque novum aut mirum iis videbi-
tur principes imaginarios tanta ausos moliri,

quibus notæ sunt Historiæ Pseud-Alexandri, apud Josephum, & Pseudo-Neronis, apud Tacitum & Suetonium. Sed jam ad institutum pergamus.

ANNO CHRISTI MCCCCXCI.

Procraftinabat adhuc Margareta Burgundix Ducissa Perkinii missionem in Hiberniam. Interim omnia ibi pacata videbantur. Annus tamen vulgò dicebatur infauſtus : nam continuis in æſtate & autumno pluviis, magna erat annonæ caritas per univerſam Hiberniam.

Sub exitum porrò Decembris, poſt Cometam, qui per aliquot dies effulſit, Morbus quidam gravis & peſtilens, à loco ubi primum natus, Sudor Anglicus vulgò nominatus, Hiberniam primum affligere cœpit, quem Medicorum nonnulli manâſſe putant, à malignitate quadam in ipſo aëre, ex crebris & infalubribus cœli mutationibus, impreſſa. Hujus morbi Symptomata & remedium præſens utpote rem miram, Polydori Virgilii verbis, ad annum primum Henrici Septimi, quo morbus ille Angliam primò vexavit, adſcribere non pigebit, Eodem anno, novum morbi genus pervafit per totum regnum, ſub primum Henrici in Inſulam deſcenſum, dira quidem lues & quam nulla ſit ætas antea quod conſtet perpeſſa : ſubito enim ſudor letalis corpus tentabat, ac ſimul dolor caput

caput stomachumque vehementi caloris ardore affectum infestabat. Quo morbo homines vexati, quia alii æstus impatientes, si in lecto erant, stragula dimovebant, si vestiti, vestes deponebant, alii sitibundi frigidum potum sumebant, alii demum patientes caloris factorisque, (nam sudor grave olebat) additis stragulis, sudorem provocabant: ita ut ex omni ægrotantium numero, vix centesimus quisque revaleret. At post 24 horas, tanto temporis spatio vis ejus morbi sæviebat, abente sudore servabantur, non eo tamen expurgati erant, quin iterum atque iterum in morbum reciderent, multique inde interirent. Sed ea res remedium tanto malo ad ultimum monstravit: Nam qui semel primò sudârunt, cùm deinde tentarentur, observabant ea quæ in prima curatione profuissent, & illis pro remedio ntes, addebant semper aliquid ad curationem utile. Item, & illi iidem cùm iterum in idem valetudinis genus inciderent, ex priore observatione, vim sudoris facillè evaderent. Quibus rebus ita usu venit, ut post ingentem mortalium stragem, remedium unicuique promptissimum inventum sit, quod hujusmodi est: Si quis interdix sudore corripitur, cùm vestitus, protinè cubatum eat, sin noctu & in lecto, tum quiescat, nec se è lecto moveat, usque ad 24 horas exactas, interim ita se stragulis oneret, quo non provocetur sudor, sed sua sponte molliter stillet, cibi nihil capiat, si tam diù tollerare possit, neque plus potus consueti ac calefacti hauriat, quàm modicè satissit ad sitim extinguendam. Inter hanc curationem in primis caveat, ne manum quidem aut pedem, sui refrigerandi causâ, extra stragula proferat, quod facere letale est. Hoc remedium est novo morbo inventum, qui tantum Angliam

Angliam id temporis pervasit; & postmodum apè graviter vexavit. Sic Polydorus, qui ubi exitum anni 1507, Archidiaconatu Welfensi donatus est.

Observârunt nonnulli hunc morbum juvenes puerunque & viros mediâ ætate florescentes invasisse, qui si in initio morbi vel paululum dormitarent, statim interibant: Paucos porro evasisse quos morbus saturos invaserat: Fœminas verò, pueros & senes hoc malo rarò correptos. Cæterùm de morbi illius novitate, non est cur miremur: Nova morborum genera nostris etiam temporibus exoriri quis nescit? Atque idem de temporibus antiquis sentiendum est, ut è Plin. lib. 26. cap. 1. satis liquet, ubi de temporibus agit quibus novi morbi, nominatim, Mentagra, Carbunculus, Elephantiasis, Gemursa, & Colus in Italia primùm cœperunt. Sed de his satis superque. Pergamus jam ad alia.

Junii 22 Elizabetha Regina filium Regi peperit Grenovici in Cantio, Henricum nuncupatum, qui postmodum regnavit.

Sub exitum Novembris, Kildarius Parliamentum Trimmæ indixit, tenendum die Veneris proximo post festum Epiphaniæ Domini. Sed de Legibus vel Actis ibi latis, nihil quod sciam extat.

Januarii 15 è vita migravit Thomas Scropus aliàs de Bradley fermè septenarius, vir genere ortus nobili, sed virtutibus nobilior, qui dum Carmelita esset Norwicensis, ab Eugenio IV Papa, designatus est Episcopus Dromorensis in Hibernia. *Post acceptam verò episcopalem dignitatem, (verba sunt*

sunt Johannis Lelandi Antiquarii hætenus inediti) Rhodians militibus charissimus fuit : Nam apud illos Legati functione usus est. Præterea Romæ in pretio erat , magnamque cum Eugenio IV , cui libros aliquot historicos, de rebus Carmeliticis dedicavit , gratiam iniverat. Vixit ad decrepitam usque ætatem. Mortuus est anno Dom. 1491. Sepulchrum ejus ostenditur Lovetosti, opido maritimo & limitaneo Sudovolgæ. Sic ille. Scropi liber, quem de Carmelitani ordinis Institutione scripsit, etiamnum extat Cantabrigiæ in Bibliothecâ publicâ. Is diu ante obitum episcopatu se sponte abdicavit, & Carmelitarum disciplinæ se denuò submisit , in cœnobio ejusdem ordinis Lestofti, ubi, à mundanis occupationibus segregatus vixit. Successit ei in Episcopatu (tempore Henrici VI Regis) Thomas Radcliffus, qui sicut prædecessor, in Angliâ vixit, & (quantum auguror) sedem suam Episcopalem nunquam vidit. In libro Benefactorum Ecclesiæ Dunelmensis, olim vulgò dicto *Libro Vitæ*, fol. 57. b. is appellatur *Magister Thomas Radcliff Episcopus Dromorensis & Suffraganeus Dunelmensis*. Habetur liber iste in egregia Bibliotheca Dom. Thomæ Cottoni Baronetti, (sub Donitiano, A. 7) cujus libri prior & antiquior pars literis aureis & argenteis exarata est. Extrema Scropi senectus confirmare videtur eorum opinionem qui animi tranquillitatem & victum monasticum, secundum regulas strictiores, ad valetudinem & longævitatē plurimum conferre putant.

Hæc

Hæc sub exitum anni. Interim in Ultonia, diffidiis indies crescentibus, inter Conum O-Nealum Tironiæ Dynastam & Odonem (sive Hugonem) Rufum O-Donellum Tirconallium, uterque tandem, mense Augusto, per amicorum intercessionem, ad Kildarium (Deputatum) profectus est, ut ab illo, post auditas querelas, pax si commodè id fieri posset, componeretur. Suscepit Comes reconciliationis negotium; atqui per litigantium pertinaciam, sine fructu. Redeunt itaque illi in Ultoniam, ubi post prædas utrobique passim abactas, pugna tandem inter eos commissæ est, in qua multi utrinque ceciderunt, sed plures ex parte O-Donelli. Cæterum Comes haud ita diù post, nempe VI Idus Januarii 1492 (stylo Anglicano) per Henrici fratris malas artes trucidatus est. Tūmq̃ue Tironia ad tempus quasi divisa fuit, dum altera pars incolarum Henricum sequeretur, altera, Donaldum fratrem (ut opinor) seniore, donec resignante tandem Donaldō, anno 1497, eo ambitionis obice amoto, Dynastiam solus occupaverit Henricus. Verū non diù duravit hæc malè parta potentia, uti suo loco postea patebit.

Audax omnia perpeti (inquit Horatius)

Gens humana ruit per vetitum nefas.

Ad O-Donellum quod attinet, Is porro VII Kalendas Junias 1497, (ut omnia simul congeramus) præfecturam se abdicavit, & in ejus locum successit Conus filius, die Martii proximo

proximo sequenti. Vixit postea Odo ad annum usque 1505, quo senex decessit 5 Idus Julii, & in cœnobio fratrum Minorum observantium de Donagall, quod ipse fundaverat, sepultus est. Hæc ideo hic conjunximus, ne series narrationis interrumpatur.

Ut verò ad hunc annum redeamus: Ad Monetariorum corruptelas fraudesque prævertendas, Martii die XXIX, Nicolaus *Flyn*, à Rege constitutus est *Supervisor* officinarum monetariarum Dublinii & Waterfordiæ. Mense etiam Aprili sequenti, prodiit Edictum Regis contra nummos adulterinos, antea in Hibernia cufos.

ANNO CHRISTI

MCCCCXCII.

DE novis quibusdam in Hibernia machinationibus, Rex Henricus jam certior factus, in locum suspecti Comitis Kildariæ suffecit (rebus suis ita ut judicabat poscentibus) Walterum *Fitz-Simons* Archiepiscopum Dubliniensem, cum titulo Deputati Gasparis Ducis Bedfordiæ *Locum-tenentis* Hiberniæ. Sub idem etiam tempus, amoto Rolando *Fitz-Eustace* Barone Portlesterio, Kildarii socero, à munere summi Hiberniæ *Quæstoris*, quod annos plusquam 38 administraverat, ad locum illum promovit Jacobum Ormondium Equitem

Equitem auratum, filium nothum Johannis tum nuper Comitis Ormoniae, (in peregrinatione Hierosolymitana defuncti, circa annum Domini 1478) cum modica militum manu, protinus in Hiberniam misit. Hæc mense Junio. Cæterum de Actis ejus, quæ ad hunc annum pertinent, post appulsum, nihil traditum reperi, præterquam quod velitatione una vel altera, prope Dublinium, cum Kildario & Geraldinis decertavit. Hæc res utrique familiæ magna attulit detrimenta. Inter alia, hinc ansam arripuerunt Hibernicæ originis non pauci, Anglorum limites, incendiis & direptionibus vastandi. Junii itidem XI, Alexander Plunketus ex ordine equestri Hiberniæ Cancellarius à Rege constitutus est: De quo munere fideliter administrando sacramentum præstitit Dublinii, 26 insequentis Septembris. Eodem etiam die Thomas Butlerus *Rotulorum* Cancellariæ Præfectus designatus, muneris sui juramentum suscepit. Pauloque antea, 20 nempe Augusti (nam annus hic fuit mutationibus memorabilis) Nicolaus Turnerus (amoro Plunketo) summus communium placitorum Judex simile loci sui sacramentum præstitit.

Inter hæc, Henricus noster ad Carolum Octavum Gallorum regem, Legatos misit Thomam Comitem Ormoniae, Regiæ Camerarium summum & Thomam Goldstonum Priorem Ecclesiæ cathedralis Cantuariensis, viros prudentes & integerrimos, de fœdere inter eos, si commodè id fieri posset, transigendo, quod negotium utrinque

trinque artificio (inquit Polydorus) summo agebatur. Cæterum Caroli consilio de nuptiis inter se & Annam Armoricæ sive Britannicæ Ducissam hæredemque conficiendis, jam plenè detecto, Legati (ad eam præcipuè rem devehendam missi) Henrici jussu, qui molestè tulit quod Gallus his nuptiis Britanniam in suam ditionem redigeret, in Angliam, re infectâ redierunt. Comitem hunc Ormonia (digressioni ignosce) ut singulari Principis sui favore, ita opum affluentia floruisse ferunt, & cum post aliquot annos in Hiberniam rediret, immanem pecuniæ summam secum portasse. Afferunt nonnulli expressè quadraginta millia librarum monetæ Anglicæ, præter argentum cælatum, post mortem (quæ Londini accidit anno 1515) in oculis suis reliquisse. Res mira certè, & pro illorum temporum ratione, vix credibilis.

Verum ut in instituto cursu progrediamur; Dirupto mox inter Reges negotio pacis, belloque utrinque indicto, Burgundiæ Ducissa tempus jam nacta ut putabat opportunum, missis per nuntium Ullisponem in Lusitania literis, Perkinum, sine mora, in Hiberniam trajicere mandat. Is literis perlectis, ad iter protinus se paravit, atque nave conscensâ, haud multò post, Corcagiam appulit, urbem 100 miliaribus versùs austrum, à Dublinio distantem. Ibi (si qua fides sit adhibenda confessioni, manu sua propria, in Anglia postea descriptæ) cives quidam eum splendide vestitum videntes,

tes, filium esse affirmârunt Georgii nuper Ducis Clarentiæ, alii, filium nothum Richardi III, demum verò, conjunctis suffragiis, eum pro certo esse Richardum Ducem Eboracensem, filium secundum Edwardi IV. Addit Confessio ejus hæc se primò juramentis abnegâsse, coram Urbis Prætoribus & civibus, sed per eorum importunitatem & copiarum promissa, quasi partim ab Urbe, partim à Comitibus Kildariæ & Desmonia, in ejus auxilium adversus Regem conscribendarum, illis se tandem dedere adactum. Sic ille de seipso. Sunt tamen, quibus ego potius fidem habeo, qui disertè trãdant statim post appulsum in Hiberniam, se pro Richardo Duce Eboracensi palàm gessisse, & à civibus Corcagiensibus magnâ gratulatione exceptum, sed præcipuè à Johanne *Water* mercatore. Fama etiam manet eum *Wateri* *apprenticium* (ut vocant) ibi aliquando extitisse, quod nec affirmare mihi animus est, nec refellere. Literæ ejus ad Comites Kildariæ & Desmonia missæ etiamnùm extant, quibus eos oravit, uti sibi in oppugnando Henrico non deessent, sed auxiliares mitterent copias, ad jus suum recuperandum. Atq; ita Hibernia his temporibus quasi Theatrum fuit, quod intrârunt personati Principes, licèt brevi, personis depositis, è Theatro extrusi. Cùm hæc comperrisset Carolus Rex Gallicus, hanc ansam avidè arripiens, Perkino per nuntios protinùs significavit sibi deliberatum esse auxilia illi abundè præstare, ad regnum suum recuperandum, ab usurpatore, professo Gallia hoste, eoque nomine rogavit eum, ut ad se in Galliam properaret. Magnis hisce pollicitationibus

tionibus Perkinsus exultans, & omnia sibi jam ratus ex animi sententia succedere, instigatus præterea à prædictis nuntiis, nimirum Ludovico quodam deLaques & Stephano Friono, nuper Regis Henrici Amanuensi pro lingua Gallica, sed qui Regi nescio unde insensus, ab eo nuper defecerat, rem cum amicis præcipuis & fautoribus communicavit, eorumque consilio, brevi postea vela fecit Galliã versus, ubi ventis faventibus incolumis appulit, & ad Aulam Regis deductus, ab eo, Ducis Eboracensis nomine salutatus est & honorificè exceptus.. Hæc palàm: Sed reverà nulum alium in finem Rex ista fecit, quàm ut Henricum nostrum ad æquiores Pacis conditiones flecteret: nam negotio pacis postea transacto, Perkinsus citò neglectus est. Is igitur ex metu (ut creditur) nè Henrico in manus traderetur, in Flandriam clanculùm ad Ducissæ Curiam confugit, ubi quasi verus Edwardi I V filius tum primum ab ea visus, perhonorificè receptus est.

Hoc tempore, Prophetia Sancti Cataldi Hiberni, Episcopi primum Rachuenfis in Momonia, (quæ Provincia est australis Hiberniæ) deinde Tarentini in Italia, plumbeis laminis inscripta, Tarenti inventa fuisse dicitur, & Ferdinando Primo Regi Arragoniæ & utriusque Siciliæ ostensa. Mira quæ tam de Prophetia ipsa, quàm de inventione ejusdem, traduntur, petas ex Alexandro ab Alexandro, (qui tum vixit) in Genialium dierum, lib. 3, cap. 15. De Monumentis publicis, & Libris olim plumbeis laminis confectis, vide
O M M A D d etiam

etiam Herman. Hugon. lib. de Prima Scribendi origine, cap. 10.

Sed hunc annum nihil magis nobilitat quàm Christophori Columbi Genuensis Navigatio, quâ novus quasi Orbis in Atlantico Oceano Ferdinandi Castellæ Regis auspiciis, tum primùm Europæis, ut plerique putant, detectus est. Non desunt qui huic detectioni, tanquàm vaticinium, referunt illud Senecæ, in Medea,

—————*Venient annis*
Secula seris, quibus Oceanus.
Vincula rerum laxet, & ingens
Pateat tellus, Typhisque novos
Detegat orbes, nec sit terris
Ultima Thule.

Ista mutuâsse videtur Seneca ex Platonis Dissertatione, in Phœdone, de Orbe incognito. Quantum sibi & gloriæ suæ, è procrastinatione, defuit Rex noster Henricus, cui rem priùs obrulerat Columbus, judicent alii. Ad Hibernica nunc redeamus.

Tanta erat per Hiberniam hâc æstate fectitas, ut quamplurimi fluvii fermè siccati essent, & pecora passim siti perirent. Sæviit etiam paulò postea pestilentia, quâ, inter plurimos alios, sublati periiit Jacobus Flemingus, (sive Flandrensis,) Baro Slanius, cui successit Christophorus filius, qui postmodum ab Henrico VIII, Januarii 13 (stylo Anglicano) 1513, summus Hiberniæ Quæstor constitutus est. Depique non abs re erit verbo memorare, Cometam hoc anno, per duorum mensium spatium post solis occasum, effulxisse.

ANNO

ANNO CHRISTI

MCCCCXCIII.

SUB finem Junii (nempe die Veneris proximo post festum Nativitatis S. Johannis Baptiste) Walterus Archiepiscopus Dubliniensis Deputatus Gasparis Ducis Bedfordiæ Locum-tenentis Hiberniæ Ordines ad Parlamentum Dublinii evocavit, in quo irritæ declarantur *Inquisitiones* omnes adversus eum, Rolandi Baronis Portlesterii instigatione, antea compertæ. Ipsi porro Baroni, subita rotæ conversione, dies in *Scaccario* sistendi indicitur, ad rationem reddendam muneris sui, dum summus esset Hiberniæ *Quæstor*, sub pœna amissionis terrarum & bonorum, nec non corporis disponendi, pro voluntate Regis. Quando vel quo pacto sedata fuerit hæc tempestas, non comperi. Tunc porro cives Waterfordienses, qui in Comitibus Parlamentariis, ante aliquot annos, sub Geraldio comite Kildariæ habitis, damnati fuerant, lata lege, plenè restituti sunt, & Statutum contra eos, sic antea editum, antiquatum est & abrogatum: Urbis etiam possessiones & immunitates confirmatæ. In eodem Comitibus, ad seditiosorum quorundam machinationes prævertendas, Augusti dies 12 dictus est Johanni Water civi Corragiensi, uni è præcipuis Perkinii fautoribus (cujus supra fit mentio) comparendi, & Præfecto sive *Constabulario* Castri Dubliniensis in manus se reddendi,

dendi, sub criminis *feloniae* poena. Idemque dies, ob eandem causam, assignatus est Philippo Water (Johannis filio) Decano Limericensi, & aliis expressim in Statuto nominatis, inter quos fuit Edmundus Comerfordus Decanus Kilkennienfis, qui tamen feliciter absolutus, postea Episcopus evasit Ossoriensis, ut suo loco narrabitur. In eodem denique Parlamento, (ut quæ minoris sint notæ prætermittamus.) omnes Coronæ possessiones, quæ post annum primum Henrici Sexti concessæ fuerant, sive alienatæ, Regi restitutæ sunt, cum cautionibus tamèn quibusdam, in Statuto expressis. Mense Augusto sequenti, hoc Parlamentum solutum est.

Paulò deinde postea, circa sextum scilicet insequentis Septembris, Waltero Archiepiscopo Dubliniensi successit in munere Deputati Gasparis Ducis Bedfordiæ, Locumtenentis Hiberniæ Robertus Prestonus Eques Auratus, primus Vicecomes Gormanstonensis. Quem honorem concesserat ei Edwardus IV. Is, simul ac gladium Authoritatis accepisset, Proceres & alios viros primarios, è Pagis sive (ut vulgò loquimur) Comitatus Midia, Dublinii, & Kildariæ, qui interesse poterant, Trimman convocavit, ubi duodecimo ejusdem mensis (die scilicet præstituto) convenerunt Dom. Alexander Plunketus Cancellarius, Geraldus Comes Kildariæ, Johannes Paynus Episcopus Midenfis, Edmundus Lanus Episcopus Darenfis, Christopherus Flemingus Baro Slanius, Richardus Nugentus Baro Delvinus, Edmundus Plunketus

Baro Killenius, Nicolaus à S. Laurentio
Baro Houthius, Christophorus Bannewal-
lus Baro Trimletstonius, Johannes Plun-
ketus. Baro Donfanius, Gulielmus Darcy
& Gulielmus Wellesley Equites Aurati, &
alii deinde nonnulli, qui omnes; 4 die
postea, ad Articulos quosdam Paci Regni
consulentes observandos, & chirographos de-
derunt & obsides. Articulorum præcipui
fuerunt, ad Militiam sine Proregis sive De-
putati assensu cohibendam, & ad tributa
quædam Hibernica tollenda, cum quibusdam
aliis, in homicidas, deprædatores & er-
rones. Parlamentum porro Pontanæ sive
Droghedæ habuit, cujus Statuta non ex-
tant. Atqui illud Parlamentum in proxi-
mis Comitibus, sub Poyningo habitis, an-
no sequenti, vacuum adjudicatum est ac
invalidum, idque propter rationes se-
quentes, Primò, quòd Dux Bedfordiæ,
Locum-tenens Hiberniæ, cujus Deputatus
ille fuit, manus suam abdicasset, ante
Parlamenti citationem. Secundò, quòd
citatio non esset generalis, sed quatuor tan-
tùm comitatibus directæ. Tertio denique,
quòd in diplomate Regio quo Deputatus
is constitutus est nulla data esset ei pote-
stas Parlamentum convocandi. Interim men-
se Octobri, Walterus Archiepiscopus Dub-
liniensis in Angliam profectus est, ubi Re-
gem, de Statu rerum Hibernicarum plene
informavit.

Porro Kildarius (quod oblivione non est te-
gendum) de criminationibus, ab adversariis,
in Aula Anglica, in se comparatis, certior fa-
ctus, mense Novembri in Angliam etiam

trajecit, ut de criminationibus objectis, se apud Regem purgaret. Ibi auditus quidem, sed responsis ea tempestate à Rege non probatis, in Hiberniam remissus est anno sequenti, cum Edwardo Poyningo Equite, Hiberniæ Deputato designato, ad examen ibi subeundum. Inter Comitum adversarios inprimis memoratur Jacobus Ormondus, Hiberniæ Thesaurarius, qui paulò antè, prædia ejus & amicorum in agro Kildarenfi, ferro flammæque devastârat, posteaque Gulielmo Prestono Equite aurato Vicecomitis Gormanstonii filio muneris sui Vicario sive (ut loquimur) *Deputato* relicto, in Angliam properaverat, ubi coram Senatu Regio, crimina haud parca Comiti objecerat.

Hoc etiam memoratu fortassis non est indignum, quòd sub initium hujus anni Johannes *Serjeant* Prætor Dubliniensis (quod munus bis etiam antea obiverat) in carcerem coactus est, arcem nimirum Dubliniensem, & in ejus locum, pro residuo anni suffectus est Richardus *Arland*. Quodnam Serjeanto crimen objectum fuerit, pro certo non habeo compertum, nec quid de eo postea factum. Suspiciantur aliqui postulatum tanquam Perkinii fautorem & conjurationis ejus affinem.

Hæc domi. Dum verò hæc in Hibernia agerentur, non sibi defuit Henricus; nam ut facilius Ducissæ Burgundiæ & Pseudo-Ducis Eboraci molitiones subverteret, non paucos misit in Flandriam exploratores, sub variis prætextibus, qui munere suo tam fideliter persuncti sunt, ut multi in Anglia conjuratores detecti fuerint, & de toto mysterio Rex plenam

nam habuerit informationem. Hinc ex con-
juratis in Anglia præcipui capitali supplicio
affecti sunt. Quid verò de Rebus Hiber-
nicis stabiliendis fecerit, in anno sequenti
narrabitur.

ANNO CHRISTI

MCCCCXCIV.

DEcreverat jam Henricus viros aliquos
fidos & prudentes in Hiberniam mittere,
cùm ad Perkinii imposturam detegendam, cùm
ad fautorum machinas subvertendas. Uno
igitur eodémque tempore, 13 videlicet Sep-
tembris, Edwardum Poyningum Equitem
auratum, unum è Consiliariis suis, Hiberniæ
designat Deputatum, Henricum Deanum
Episcopum Bangorensem (in Wallia) & utri-
usque Lanthoniæ Priorem, Cancellarium, Item
Hugonem Conway Equitem auratum sum-
mum Questorem sive (ut nunc loquimur)
Thesaurarium, per Jacobi Ormondii re-
signationem. Novi etiam sub id tempus con-
stituti sunt Judices, videlicet, Thomas Bou-
ringus, summus in Tribunali Regio Judex,
Johannes Topclifus, primarius Communium
placitorum Judex, & Walterus verus pri-
marus Fisci Regii Baro, viri legum Angli-
carum consultissimi. Hos omnes protinus in
Hiberniam misit, unà cum copiis quibusdam,
sub Poyningi ductu, sed ad numerum vix
1000. Hi tunc paucis post diebus Houtham

appellantes , ad septimum à Dublinio lapidem , inde Dublinium progressi sunt , ubi Poyningus gladium , pro more , à Prædecessore accepit , & cæteri administri Regii supra memorati in Senatorum Regionum album ascripti. Brevi postea Poyningus , conjunctis simul universis copiis , tam suis nempe ex Anglia deductis , quàm aliis , à Kildario & Jacobo Ormondio collectis , in Ultoniam festinat , adversus Perkini participes , qui illuc confugerant , & alios Rebelles. Ibi ferro & igne devastare cœpit territoria O-Hanloni , Magenissi & aliorum vicinorum : Hibernis interim in sylvas & loca uliginosa aufugientibus. In exercitu tunc erat Jacobus Ormondus , qui flammæ oleum adjecisse dicitur. Ferunt porro Kildarium , (qui ibi etiam aderat) indignatione contra Poyningum exardentem , tanquàm adversariis suis indulgentiorem & eorum machinas promoventem , clandestina agitasse consilia , cum Dynastis quibusdam Hibernicis , de Deputato oppugnando , & speciatiim cum Malachia O-Hanlono (in cujus regione Deputatus tunc erat) de eo interimendo. Sunt tamen qui non sine causâ arbitrantur hanc famam à Comitibus adversariis disseminatam , ad ruinam ei accelerandam. Atque hoc verisimilius videtur , tum quia O-Hanlonus , a quo biennio postea solenni juramento , Comitum illius sceleris immunem declaravit , tum quia comes in Angliam paulò post missus , & à Rege auditus , feliciter tandem absolutus est , ut super postea loco patebit. Sub eodem tempore,

Jacobus

Jacobus Comitis frater, ejusque etiam, uti fertur, consilio & jussu, castrum Catherlaghense, ad tricesimum ab Urbe lapidem, ex improvise occupavit, & præsidio firmavit. De hac re, ut primum Deputatus rescivit, reditum acceleravit, & acceptis obsidibus à Magenifio & O-Hanlonb, de pace observanda, Catherlagham adiit, ubi arctâ castrum cinxit obsidione, ac post unam vel alteram septimanam, deditione cepit. Inter hæc, Summum Concilium (quod Parlamentum vocamus) indixit. Die Lunæ proximo post festum S. Andreæ Apostoli hoc Parlamentum Pontanæ inchoatum est, in quo Impositiones illæ gravissimæ, *Cogn*, *Liberty*, &c. penitus exterminantur, & Subsidiaria pecunia eâ conditione, Regi offertur. Multæ porro aliæ tunc temporis Leges sancitæ sunt. Inter quas, de Parliamentis in Hibernia in posterum non habendis, ante Rationum pro indicendo, & Actorum aliquot sancientorum transmissionem, sub magno Sigillo Hiberniæ, ad Regem & Concilium, eorûmque Actorum approbationem impetratam, unâ cum licentia indicendi Parlamentum, à Rege adepta, sub magno Sigillo Angliæ. Item, Lex ea memorabilis, quæ (sicuti & prior) hodiè vulgò *Poyningi Lex* vocatur, De publicis Angliæ Statutis tum nuper ordinatis, in Hibernia etiam recipiendis. Antiquorum siquidem Angliæ Statuta fuerant antea (ut observant Jurisperiti) in Hibernia recepta. Item alia Lex ut Procures, trabeis sive togis Parlamentariis vestiti in Comitibus apparerent, uti solebant

bant ante annos 20, vel ut maximè 24. Ad Pacem itidem publicam conservandam, Statuta quædam Kilkenniensia confirmantur, cum honorifico Elogio, de Hiberniæ felicitate, dum Statuta ea, ibi observarentur: Homicidium ex malitia præcogitata & Bellum gestum contra Locum-tenentem, Deputatum, vel Anglicam gentem, fiunt læsa Majestatis crimina: Potestas pacem vel bellum transigendi & sclopos vel majora tormenta retinendi, sine Gubernatoris licentia, restringuntur: Verba illiciti Patrocinii, & quæ dissidia inter nobiles familias alebant, videlicet, *Crom-abo*, *Butler-abo*, (hoc ab Ormonio, illud à Kildario usurpatum) & similia abrogantur. Inter quæ numeranda Desmonii *Shannet-abo* & *Clan-Ricardi Galriagh-abo*. Nonnullaque alia hujusmodi sancita sunt, temporis aptata. In hoc etiam Parlamento, ad petitionem Dom. Johannis Kendalli Prioris Hospitalis S. Johannis Hierosolymitani in Anglia, nomine & vice Domini Magistri Rhodi, lata est lex, quæ irritæ declarantur omnes alienationes & concessionem factæ per Jacobum Keringum (de quo antea diximus) Thomam Talbotum proximum ejus antecessorem & alios Priores Hospitalis ejusdem ordinis in Hibernia. Aliæ porro leges sancitæ fuerunt, de gemmis, ornamentis & reliquiis ejusdem Prioratus restituendis, à Ketingo oppignoratis: Deq; Præceptoribus (ut loquimur) ab eo constitutis exauthorandis, & de munere Prioris illius Ordinis in Hibernia nemini concedendo, nisi ex Anglico sanguine, & sustentationem ab eodem ordine in Anglia percipienti. In hoc denique Ordinum conventu, Geraldus Comes

Comes Kildariæ, Jacobus Fitz-Thomas-Gerald, comitis (ut opinor) frater, de quo suprà diximus, & multi alii ex Geraldinis & eorum participibus rei facti sunt prodicionis. Comes etiam ipse, Poyningi jussu, captus & Pontanam evectus, inde in Angliam paulò post captivus missus est. Cæterum eventus præter expectationem: Nam à Rege tandem probatus, omnibus juribus (quod suo tempore opportuniùs commemorandum) restitutus est.

Parlamento nondum soluto, Deputatus a-liam suscepit expeditionem adversus Rebelles: sed tunc etiam propter nemora & loca uliginosa, ad quæ aufugerant, sine fructu spectato. Interim antequàm discederet, potestatem quandam vicariam Deano Cancellario delegavit, Parlamentarium conventum continuandi, in ulteriorem diem rejiciendi, prorogandi, dissolvendi. Hujus Parlamenti Statuta (quod obiter annotatum) linguâ Anglicâ scripta sunt, quàm priorum Comitiorum Statuta linguâ antiquâ Gallicâ scripta essent & in Rotulos digesta.

Sub id tempus defecit *Fraternitas* militaris S. Georgii, quam ad defensionem Comitatum Dublinii, Kildariæ, Midix & Louthæ, Auctoritas Parlamentaria mense Decembri 1479, sub Edwardo IV Rege, erexerat. Constabat hæc Societas ex 12 viris primariis, qui Dublinii annuatim, die S. Georgii, ex seipsis Ductorem eligebant, pro anno sequenti, Ductori tamen suberat admodum parva armatorum manus, solùm nempe 200. Primi qui electi sunt in hanc Societatem fuerunt,

*Henricus Septimus.**E comitatu Kildariensi.*

Geraldus Comes Kildariæ, tunc Deputatus
 Richardi filii secundi Edwardi IV Regis,
 Ducis Eboracensis Hiberniæque Locum-ten-
 nentis,

Rolandus Eustacius. Baro Portlesteriæ &
 summus Hiberniæ Quæstor,

Nicolaus Woganus Eques auratus.

E comitatu Dubliniensi.

Dom. Jacobus Keringus Prior Hospitalis S.
 Johannis Hierosolymitani in Hiberniâ,

Robertus à S. Laurentio Baro Houthæ,
 Prætor Dubliniensis.

Ex agro Midenfi.

Robertus Prestonus Vicecomes Gormastonz,
 Jacobus Flemingus Baro Slanz,
 Johannes Plunketus Eques auratus,
 Alexander Plunketus Armiger.

Ex agro Louthensi.

Richardus Belleu Armiger,

Prætor Pontanensis,

Nicolaus Taaf Armiger.

Sed ut pergamus: Aprilis 28 obiit Jaco-
 bus Walæus S. Theologiæ Doctor, Ordinis
 Minorū aliquando Episcopus Darenfis, & Lon-
 dini, in cœnobio ejusdem ordinis (cujus *Gardi-
 dianus* fuerat) sepultus est, cū in eodem cœ-
 nobio, Episcopatu Darenfi ultrò abdicato,
 in magnâ tranquillitate, diū vixisset, factus in-
 terim Episcopi Londinensis suffraganeus.
 Mense Septembri insequente, Nicolaus Epif-
 copus Elphinensis, propter valetudinariam se-
 nectutem & oculorum caliginem, se tanto one-
 ri

ri imparem sentiens, Episcopatu etiam se sponte abdicavit, reservatâ sibi, quamdiu viveret, annuâ pensione 50 marcarum ex Episcopatu pendenda. Resignationis instrumentum habetur in Regeſto Octaviani Archiepiscopi Armachani, fol. 405. b, in cujus fine, Papam rogat, ut ad Episcopatum Elphinensem sic resignatum transferatur Georgius Episcopus Dromorensis.

Sub exitum istius anni, Cormacus Cartæus Dynasta Muscriæ (Regiuncula est non procul ab urbe Corcagiensi) ab Oweno sive Eugenio Thaddæi filio fratre suo germano, atrociter trucidatus est. Corpus Cormaci ad cœnobium fratrum Minorum de Kilcrea, quod ipse fundaverat deportatum ibi monumento conditum est. An fratricida ex jure judicatus fuerit necne, haud comperi: Hoc constat, quod etiam si multæ bonæ leges his temporibus ad Reipublicæ salutem spectantes sancitæ fuerint, vim tamen & virtutem tunc & diù postea non extenderunt, ultra Regiones ab Anglica gente habitatas.

Hoc etiam anno, (ut annum jam concludamus) Reliquiæ S. Palladii Episcopi in capsulam argenteam translatae sunt Forduni in Scotia, à Gulielmo *Schemes* Archiepiscopo Andreapolitano, Palladii (inquam) illius, qui in primis Ecclesiæ Hibernicæ temporibus, à Cœlestino Pontifice, in Hiberniam missus est, ad fidem Christianam ibi propagandam. In quo munere cum paulisper desudâſſet, Romam reversurus, in *Albaniam* profectus est, ubi Forduni, XVIII Kalendas Januarii anno 431 mortem obiit, eodem nempe anno quo in Hiberniâ venit. Cæterum in Annalibus cœnobii Inisfallensis MSS. qui

qui penes me sunt, in Hibernia uno anno mansisse fertur, tuncque in Britannia quiescente in Christo. Ibi Martyrium passum intulit Tirechanus, in vita S. Patricii. Sed ad alia transcamus.

ANNO CHRISTI

MCCCCXCV.

AB Asylo suo in Flandria erupit hoc anno Perkinus: Nam postquam Ducissa suasu, Martisaleam in Anglia subire statuisset, coacta modica militum manu, ad numerum sc. 500 vel 600 hominum, exterorum plerumque & ex face plebis, Angliam versus vela pandit, & sub initium Julii, ad oram maritimam Cantii perveniens, mox milites aliquot, in apertum illud litus, quod *De Domes* vocamus, exposuit, eo fine ut Cantianorum animos tentaret. Ceterum captis fuorum 169, ab opidanis Sandwicensibus & aliis regionis vicinæ incolis, cæterisque partim occisis, partim ad naves repulsis, cursum Hiberniam versus flexit, ubi auxilia etiam alia expectavit. Interim captivi Londinum perducti restibus vincti, alii paulò postea Londini & Wappingi, alii circa oras maritimas, in patibulis, ad similem nebulonum terrorem, suspensio strangulati sunt. Cum verò Perkinus post appulsum in Momoniam, ibi itidem spe excidisset, procellam præterea imminentem, iustis de causis, à ministris Regis

giis metuens, fautorum consilio, in Scotiam navigavit, à Jacobo IV Rege copias auxiliares petiturus. Ibi decenter stipatus, à Rege tanquam verus Dux Eboracensis perhonorificè receptus est, &, quod mirum videatur, haud multo post, Regis assensu, uxorem duxit Dominam Catharinam Gordonam, Alexandri comitis Huntley filiam, virginem in primo ætatis flore, formosam & modestam, Regique ipsi sanguine conjunctam. Sunt qui tradant Scotiæ Regem, qui in Henricum VII animo erat infenso, oblatam hanc arripuisse ansam, ad Bellum ei indicendum : incitatum porrò literis secretis Maximiliani Cæsaris, Caroli Gallorum Regis & Margaretæ Burgundiæ Ducissæ dotariae, in gratiam ementiti hujus principis conscriptis. Neque prorsus defuit spes aliqua exigua ex Hibernia : Perkinus igitur, (sub ficto nomine Richardi Ducis Eboraci) literas perscripsit ad Mauritium Comitem Desmondia, quibus vehementer flagitavit, ut copias in Scotiam mitteret, ad jus suum in Anglia recuperandum. Sed frustra : Nam Comes (quâ ratione ductus non reperi) nihil misit subsidii.

Interim dum hæc in Scotia gererentur, ut ad Poyningum redeamus : Is Hiberniam tunc pacatam administrabat. Inde verò mense Januario insequenti revocatus, in Angliam trajecit, ubi non diù post reditum, Henricus Rex, ob utilissimam sibi, tam in pace, quam in bello, operam navatam, in aureæ periscelidis ordinem eum cooptavit. Magnâ præterea tam apud Henricum nostrum Septimum, quam apud filium ejus Henricum Octavum, per plurimos postea annos gratia floruit & potentia.

In

In Poyningi sic (uti diximus) revocatum locum, Henricus Deanus Episcopus Bangorensis, Justitiiarii Hiberniæ titulo, mox suffectus est. Ita ut jam uno eodémque tempore, Hiberniæ fuit & Justitiarius & Cancellarius, necnon Episcopus Bangorensis, & Prior Lanthoniarum, ad quas Cellæ etiam de *Colp* & *Duleek* in Midia pertinebant. His verò honoribus, cum per menses fermè 9 potitus fuisset, à Rege in Angliam revocatus est, uti suo postea loco narrabitur. Interim Aprilis 26, Rex constituit Gulielmum Radcliffum *Ærarii* Hiberniæ *Subthesaurarium*, & die sequente, Johannem Pimpum *Questorem* exercitus ibidem.

Mense Julio, Octavianus Archiepiscopus Armachanus Synodum celebravit Pontanz, in Ecclesia S. Petri, ubi confirmatæ sunt indulgentiæ Georgii Dromorensis Episcopi, *Indulgentiarum Hospitali S. Spiritus in Saxia*, (sive in vico Saxonum) *de urbe, & Benefactoribus ejusdem indultarum Ministratoris*, necnon *ad construendum novum Hospitale S. Spiritus*, *membrum viz. supradicti Hospitalis in Hibernia Procuratoris*. Vidi ego Sigillum hujus (ut credo) Georgii, quo usus est, ante insulas susceptas, cum hac inscriptione SIG. GEORGII BRANNI VICARII GENERALIS SANCTI SPIRITUS. Fuit is natione Græcus, patriâ Atheniensis. De aliis illius Synodi Actis, nihil (quod sciam) extat.

Mense deinde Augusto, Odo sive Hugo rufus O-Donellus, tum nuper è Scotia reversus, O-Connoros in prælio prope Sligoam superavit. Castrum etiam Sligoense (quod Mauri-

tius filius Geraldi construxerat anno 1252) obsidione incinxit, sed frustra: Nam Ulicki de Burgo Clan-Richardi Dynastæ accessu, cum magno exercitu, territus in Tironalliam se subito cum copiis subduxit. Ulickus interea omnium ejus fautorum prædia, in regione vicina diripuit & incendit. Filius hic fuit Ulicki illius, quem hujus Regis anno primo obiisse diximus.

Ab instituto non omnino alienum videatur, verbo uno vel altero hîc memorare hunc annum ultimum fuisse Gaspari de Hatfield Bedfordiæ Duci, quandoque (ut antea diximus) Hiberniæ Locum-tenenti, qui senex & cœlebs decessit Decembris 21, & in cœnobio Keinshamenfi apud Somerssetenses in Anglia sepultus est. Hoc etiam anno, dum Kildarius in Anglia hæreret, à criminibus, objectis, se purgare satagens (an verò in carcere huc usque detentus nescio) Alifona uxor ejus filia Rolandi Eustacii Baronis Portlesterii mortem obiit in Hibernia, ex dolore (ut putatur) quem in mariti ærumnis & periculis hauserat, & sepulta est in cœnobio fratrum Minorum juxta pontem de Kilcullen, quod pater ejus extruxerat.

ANNO CHRISTI MCCCCXCVI.

Kildarius admissus est hoc anno, Rege ipso coram, causam suam defendere, & ad obiecta crimina respondere. In qua re, ita se gessit, ut negotio plenè intellecto, in gratiam receptus fuerit. Ad Articulum postremum adversus eum, aculeato hoc dicto conclusum, *Quòd universa Hibernia eum gubernare non sufficeret*, Regem lepidè dixisse ferunt, *Itanè verò, Is igitur universam Hiberniam gubernabit.* Et brevi certè postea omnibus Juribus à Rege restitutus est; Augusti deinde 6, diplomate Regio, *Locum-tenens* Hiberniæ constitutus. Ita paucis mutatis, Stanihurstus. Neque fidem Regis is fefellit: Nam post reditum in patriam, virum se ostendit & strenuum & Principi fidelem. Sunt qui tradant primogenitum suum Geraldum tunc temporis in Anglia reliquisse, qui pignori esset de futura fidelitate.

Dum hæc in Anglia agerentur, Junii die 25, Dublinii, Concilii Regii sententiâ, Deanus Justitiarius Richardum Nugentum Delvinæ Baronem, omnium copiarum Ducem sive *Commissionarium* (verba sunt Tabularum publicarum) & *primarium Ductorem* designavit, ad defensionem comitatum Dublinii, Kildariæ, Midix, & *Urielis*.

Kildarius in Hiberniam reversus est (cum secunda sua uxore Elizabetha de S. Johanne quam tum nuper duxerat) mense Augusto, & simul ac gladium, pro more, à prædecessore Bango-

Bangorensi Episcopo accepisset, coptis convocatis, adversus O-Brienū expeditionem suscepit, & in Tuomoniā, per Limericum, profectus, Feybachum, Finini Mac-Nemarræ castrum, deinde Ballinitium castrum & alia loca munita vi cepit & diruit. Post reditum etiam (ut Regis negotia meliùs promoverentur) ille & Octavianus Archiepiscopus Armachanus, qui diù dissidentes vixerant, sibi mutuò reconciliati sunt, unde Archiepiscopus reliquum ætatis in magna tranquillitate transegit. Deano Episcopo Bangorensi in Angliam interim revocato, in Cancellarii munere successit Walterus Archiepiscopus Dubliniensis, tum nuper ex Anglia reversus, vir gravis & eruditus. Formā prætereà erat decorā, & quæ reverentiam incuteret,

Gratior est pulchro veniens è corpore virtus.

Neq; silentio prætereundum, quòd in Concilio Provinciali Dublinii celebrato, in Ecclesia S. Trinitatis, *Lectoribus Universitatis Dublin:* stipendia quædam assignavit, à se & suffraganeis suis annuatim pendenda. Manet etiam narratio, dum in Anglia hæreret, Oratorem quendam in Regis laudem, Rege ipso coram, orationem habuisse politam, Regemque, finitâ oratione, ad Archiepiscopum (qui unâ aderat) conversum illum rogâsse, ut de ea, sententiam suam ediceret, Archiepiscopū deinde (qui adulationem novit perpetuū esse malum Regum) liberè his verbis respondisse, *Domine Rex, nihil certè vitii in hac oratione observavi, præter adulationem. Tūmq; Regeni arridentem sic conclusisse, Ita me Deus amet,*

Pater Dubliniensis, nos ipsi idem vitium observavimus. Atque ita Archiepiscopi ingenuitas ab optimo Principe merito probata est. Ad Deanum quod attinet, quadriennio post reditum in Angliam exacto, ob plurimas animi virtutes & fidele obsequium Regi præstitum, Sarisburiam primùm, & inde post annum annum vel alterum, Cantuariam translatus est, ubi tamen admodum exiguo præfuit tempore, Nam Februarii 15 (stylo Anglicano) 1502, Lamethæ decessit. Inde cadaver Cantuariam deportatum, ibidem in Ecclesia sua cathedrali, in medio scilicet loci, qui Martyrium appellatur, tumulatum est, sub lapide marmoreo, æneis laminis ornato, cum Epitaphio promotiones ejus Ecclesiasticas sigillatim exprimenti.

Nunc ut pergamus, Decembris 19, fatis concessit admodum senex Rolandus Fitz-Eustace, Baro de Portlester, (quem Edwardus IV ad eam dignitatem evexerat Martii 4 1462) & in cœnobio fratrum Minorum de observantia prope pontem de Kilcullen, in agro Kildariensi, quod ipse à fundamentis excitârat, tumulatus est. Monumentum tamen speciosum sibi & Margaretæ *Jenico* defunctæ uxori suæ extruxerat anno 1455, Dublinii, in Ecclesia S. Audoëni, in capella nempe B. Mariæ Virginis, à se itidem constructa, ut ex inscriptione sepulchri constat. Reciprocus ille fortunæ æstus expertus est. Deputatus fuit aliquandiu Georgii Ducis Clarentiæ *Locum-tenentis* Hiberniæ, deinde Cancellarius Hiberniæ, & per annos plusquàm 38 summus *Quæstor* sive *Thesaurarius*, Eaque dum obiret munia, magnas sibi comparavit opes. Ecce verò rerum humanarum

narum vicissitudinem : Paucis ante obitum annis, Thesaurarii munere exactus, alias, easque non leves, prout antea retulimus, passus est molestias. Filius is erat (ut id etiam hinc adnotem) Edwardi Fitz-Eustace Equitis auro-rati, quem Henricus Sextus Deputatum constituerat Richardi Ducis Eboracensis, Hiberniæ Locum-tenentis, anno 1454. Nec omit-tendus, qui ante Baronem obiit Cornelius (fi-lius Tirlachi) O'Brien, Tuomonix Dynasta, cui successit populari electione, *Gil. duf* frater. Hæc sub finem anni.

Interim Augusti 26, Henricus Rex, de Per-
kini fautorum conatibus quibusdam clandesti-
nis in Momonia, certior factus, ut eos facilius
enervaret, & Momonienfes in officio retineret,
omnium delictorum veniam concessit Mauritio
comiti Desmondix & nonnullis aliis è magnati-
bus Momoniæ : Similemque clementiam ex-
hibuit Davidi Casselienti Archiepiscopo &
quibusdam è suffraganeis ejus, Corcagiensi
nimirum & Waterfordiensi Episcopis. Sub
idem porrò tempus Opidanis Yoghalensibus
libertates antiquas confirmavit, & novas præ-
tereà adjecit.

ANNO CHRISTI MCCCCXCVII.

Cœpit sub hoc tempore, negotium de pace componenda, inter Regem nostrum Henricum & Jacobum IV Scotorū Regem. Inter alia, per literas urget Henricus, ut sibi in manus traderetur Perkinus, utpote Impostor & jure gentium non protegendus. Recusavit hoc Jacobus, ipsum dicens non idoneum esse Judicem, de titulo illius, quem pro Principe perfugo receperat. Fœderis tamen cupidus, si æquis conditionibus, id fieri posset, & Perkinum cernens paci esse maximo impedimento, rogavit eum demum ut in aliud aliquod regnum transfretaret, quod ipse decrevisset, cum Rege Angliæ fœdus renovare: Promisit tamen se pecuniis eum & cunctis ad navigandum necessariis instructurum.

Perkinus contrà ut Regem à proposito deflecteret, nullum non movit lapidem: Sed cum surdo (quod aiunt) se cecinisse comperisset, nullumque renitendi locum relictum, brevi postea, alto corde dolorem reprimens, novo itineri se accinxit, & nave conscensâ, cum uxore & familia, vela fecit versùs Hiberniam. Atque ita recens ejus felicitas tanquam somnium transit. Corcagiam iterum appulit Julii 26, ubi nonnulli ex amore, alii, rerum novarum studio, ad eum accesserunt, inter quos fuit (ut aliqui perhibent) Mauritius Comes Desmondæ. Adventum hujus larvæ, unâ cum conjuratorum detectione, Prætor & cives Waterfordiæ, literis paulò postea per nuntium

tium missis, Regi Henrico significant. Atque ut antea contra Lambertum, ita nunc contra Perkinum, pro viribus fortiter prudenterque se gerunt, ideoque gratia Principis merito floruerunt, multaque ab eo consecuti sunt beneficia, neque temerè, pro symbolo tunc usurpasse videantur, *Intacta manet Waterfordia*. Sed ut ad Perkinum redeamus, Is post mensem unum vel alterum, literis per nuntios acceptis, certior factus est. Cornubienses, licet in prælio ad *Black-beath*, in agro Cantiano, à copiis Regiis, mense Junio præcedenti, magnam accepissent cladem, paratos tamen fuisse Belli aleam rursus subire, atque dummodò sibi non deesset, sed ad eos protinùs veniret, copias auxiliares ei adjuncturos, ad jus ejus recuperandum. Re mox amicis communicata, eorum consilio, quâ potuit festinatione, mense Septembri, cum uxore sua & parva militum manu, nimirum ad numerum duntaxat 120, in Cornubiam trajecit, civibus Waterfordiensibus quatuor navibus eum persequentibus, licet fortuna conatibus eorum non arriserit. Qui plura de Perkinò, principe illo Nebulonum, (ut eum appellare solebat Rex Henricus) sciendi cupidus est, Rerum Anglicarum historias petat, in quibus copiosè traduntur. Satis videatur hîc interim indicare post Exoniam, ab arcta quâ (copiis Cornubiensibus adjutus) obsidione cinxerat, exercitus Regii accessu, liberatam, ejusque fugam in Asylum cœnobii Belli-loci, apud Southantonien- ses, sponte eum inde exivisse & Regis gratiæ se submisisse; Londinum deinde captivum ductum, & post secundam fugam iterum captum, ac per civitatem, ludibrio expo-

fitum, vitæ suæ seriem & confessionem qualemcūque manus suæ subscriptione firmâsse & publicè perlegisse, tandem verò, quòd post veniam concessam, res novas denuò molitus fuisset, capitali supplicio (ut suo loco dicemus) affectum. Confessionem antedictam Rex typis excudi mandavit; sed, quod mirum videatur, de Burgundiæ Ducissâ, altum in ea fuit silentium: præsertim cùm Henrico res satis nota esset, Ducissæ technis & figmentis has turbas fuisse suscitatas. Hoc tamen Regis artificio ascribitur, qui eo modo Ducissam demereri, vel saltem à novis turbis excitandis avertere sperabat: Neque spe suâ omninò frustratus: Nam Ducissæ hinc ita placuit, ut nihil postea adversùs eum molita fuerit.

Iisdem diebus, Henrici Regis diplomate & auspiciis, ad regiones incognitas lustrandas, & imperio Anglicano acquirendas, missus est Sebastianus Cabota Venetus, Cosmographus insignis & rerum nauticarum peritissimus: in qua navigatione, Insulam illam primus detexit, quam hoc **Petwound-land** sive Terram novam, appellamus, necnon oras maritimas Continentis septentrionalis (ut nunc loquimur) Americæ. Cœptum sanè egregium & silentio non præmittendum.

Verùm ut in cursu instituto progrediamur, magna circa hoc tempus exorta est discordia inter Petrum Butlerū (qui postea comes evasit Ormonia) & Jacobum Ormondiiū (de quo dixi ad an. 1492 & 1493) quæ Ormondio demum fuit exitialis: Nam is XVI Kalendas Augusti, sex tantum equitibus stipatus, à jam dicto Petro Butlero, catervâ nescio quâ comitato, in via, inter Donmoram & Kilkenniam, hastâ transfixus

transfixus est. Martii die 17 qui S. Patricio sacer, *Cavernam Purgatorii S. Patricii in Lough-derg, à (Guardiano conventus Donagalensis, unà cum aliis ab Episcopo (Clochorensi) missis è Decanatu de Lough-ern (Alexandri VI) Papæ autoritate, dirutam fuisse tradit* Author Annalium Ultoniensium, qui tum vixit, utpote supposititiani, id quod *popularibus notum asserit, ex Militis historia & aliis libris authenticis.* Per Militis historiam intelligit (opinor) Oëni militis Hibernici historiam, à Gilberto monacho Cistertiensi cœnobii B. Mariæ Ludensis, apud Lincolnenses in Anglia, relatum anno Dom. 1152. Qua de re, plura noscendi cupidus legat Henricum monachum Saltereyensem, qui Libellum edidit, de Oëni illius in Purgatorium S. Patricii ingressu, ex prædicti Gilberti relatione, vel Matthæum Parisiensem, in Stephani Regis historia.

Hoc etiam anno (redeundum est enim ad propositum) Maii penultimo, Frater Dionysius cognomine *White*, quod Album sonat, qui se pro Episcopo Glendelacensi diù gesserat, octogenarius jam & longâ senectute fatigatus, Dublinii, in domo capitulari Ecclesiæ S. Patricii, juri suo qualicûque renunciavit, conscientiam (ut fatebatur) tactus, quòd sedes ea Glendelacensis à tempore Regis Johannis, cathedræ Dubliniensis conjuncta esset & colligata. Fuerunt tamen alii etiam, qui circa hæc tempora, eodem gavisi sunt titulo: Nam per obitum Johannis cujusdam, dicti similiter Glendelacensis Episcopi: Ivonem *Russi* ordinis Minorum, ad eundem Episcopatum promotum anno 1494, eoque paulò postea mortuo, alium Johannem ejusdem itidem ordinis provisum 21 die Augusti

gusti 1495, (si non ut alibi 1501) ostendit Lucas Waddingus Waterfordiensis, (cujus laboribus literariis ille ordo multum debet) Annal. Minorum Tom. VII. Sed ut ad finem hujus anni properemus, Januarii 28 (stylo Anglicano) Walterus Champflourus Abbas cœnobii B. Mariæ virginis juxta Dublin. unus è visitatoribus ordinis Cisterciensis in Hibernia vir prudens & eruditus, naturæ debitum persolvit, admodum senex, magno sui desiderio relicto, cum annos præfuisset fermè 30, factus interim ad tempus magni sigilli Custos. Monasterio suo, inter alia beneficia, is, 450 marcarum pretio, hoc est aureorum Gallicorum 1000, comparavit, anno 1486, à Thoma Priore cœnobii Benedictinorum B. Egidii minoris Malvernæ, apud Wigornienfes in Anglia, omnes possessiones ad dictum Prioratum, tunc temporis in Hibernia spectantes, Johanne Alcco Episcopo Wigornienfi, cum assensu Prioris & Capituli Ecclesiæ suæ cathedralis, venditionem confirmante. Successit ei in cœnobii regimine Johannes *Orum* ejusdem Domus Monachus, dein Prior.

Tanta denique annonæ caritas Hiberniam fermè universam hoc anno afflixit, ut multi passim fame perirent, præsertim in Ultonia. Atqui in quibusdam Lageniæ partibus, non æquè laboratum: Nam Dublinii tritici *Pekkus* (ut vulgò appellatur) mensuræ ibi usitatæ, qui continet duos medimnos, sive 4 fermè modios Anglicos (*Busbellos* appellamus) tunc veniit decem solidis, & similis mensura hordeimadefacti regerminantisque, quod Græci *Bynen* nos *Pault* vocamus, octo solidis: Pretia quidem pro illorum temporum ratione, satis

fatis dura. In Midia, tritici *Peckus* valebat 5 uncias minores argenti, & cervisiæ *galo*, sex denarios, sive aurei Gallici partem duodecimam. Apud Ultonienses verò, avenæ *Bertus* (ut vocant) valebat vaccam, & vacca lactans, duas vaccas prægnantes, duosque solidos. Notandum in Hibernia quàmque fermè regionem distinctam & à cæteris differentem olim habuisse mensuram, non sine Reip. detrimento evidenti. Magnam regulæ fixæ in re mensuraria & nummaria, utilitatem, ita exprimit Budelius, De Monetis,

*Una fides, pondus, mensura, moneta sit una,
Et status illæsus totius orbis erit.*

Sed hoc obiter. Ad nostra redeo.

ANNO CHRISTI
MCCCCXCVIII.

IN Ultonia, X Kalendas Augusti, Henricus IO-Nealus qui Conum fratrem (ut suprâ retulimus) occiderat, pœnâ licèt claudâ reum assequente, à Coni filiis Tirlacho & Cono, interfectus est. In eam porrò Provinciam hoc anno, ad insolentiam Neali mac Art O-Neali comprimendam, Kildarius, copiis coactis profectus est, ubi conjunctis viribus O-Donnelli, Maguiri, Tirlachi O-Neali Coni filii (sui ex Eleanora sorore nepotis) & aliorum ex stirpe O-Nealorum, *Donganon* castrum expugnavit, & captivos ab O-Nealo in castro illo

illo detentos , libertati restituit. Omium deinde progressus , illud etiam castrum occupavit , ac paucis post diebus Nealum *Mac-Art* in ordinem , obsidibus receptis , redegit.

Brevi post reditum , mense nimirum Octobri , expeditionem in Momoniam suscepit , & Corcagiam progressus , ibi ob priora Urbis admissa , & ad similia prævertenda , præsidium locavit. Tùmque XV die ejusdem mensis , primarios Corcagiæ cives & Kinsaliæ opidanos juramentum fidelitatis Regi præstare effecit , coram ipso & Concilio regio , atque ad illud observandum tam chirographos dare quam obsides. His rebus ex animi sententia confectis , hieme jam ingruente , domum reversus est. Kalendis Martii insequentis , Parlamentum Dublinii convocavit , nomine *Deputati* Henrici filii secundi Henrici Regis , Hiberniæ *Locum-tenentis*. Sed de Legibus in eo sancitis , in Archivis nihil extat , nec de aliis Actis , præter *Amerciamenta* quædam (ut vocant) sive Multas leves pecuniarias Proceribus nonnullis & aliis summonitis , quòd absentes fuerint , impositas. Sunt qui tradant *Rotulum* Legum tunc latarum sinistrè olim sublatum fuisse , ac Nangleum quendam necnon alium Skeganum dictum hujus criminis in Anglia postea postulatofuisse , speciatim Nangleum ea de causa in carcerem conjectum fuisse , ibique ad mortem usque detentum.

Inter hæc , amoto Richardo Talboto , qui Prioratui S. Johannis Hierosolymitani in Hibernia , Custodis titulo , per annum unum vel alterum præfuerat , Robertus Everus ,
Anglus

Angulus, nobili Everorum familiâ ortus, à magno Rhodi Insulæ Magistro constitutus est Prior. Porrò XII Kalendas Januarii, Alexander VI Bullam Innocentii VIII (cujus suprà fit mentio ad annum 1486) confirmavit. Bulla confirmationis habetur in Bibliotheca Cottoniana, sub Cleopatra, E. 3.

Jam Obitus doctorum quorundam virorum recensendi sunt. Januarii XI mortem obiit David de Winchester, sive Wintoniensis, Prior Ecclesiæ S. Trinitatis Dublinii, vir gravis & eruditus, & in dicta Ecclesia sepultus est, cùm Prioratum laudatè administrasset annos 9 & menses 10. Hujus Ecclesiæ Benefactorem egregium extitisse ferunt: Sed quid præstiterit, sigillatim recensere nequeo. Erexisse quidem & dotasse ibidem *unum Magistrum & 4 pueros choristas*, ex ipso foundationis instrumento intelligimus, dato 28 Augusti 1493. Successit ei in Prioratu, Richardus Skerretus, qui annos præfuit 20. Item X Kalendas Aprilis naturæ debitum persolvit Carolus Maguius Ecclesiæ Armachanæ Canonicus, Theologus, Philosophus & Historicus, eo genere exanthematum sublatu, quod Medici morbillorum nomine designant, ætatis suæ anno 60.

ANNO CHRISTI

MCCCCXCIX.

IN Conatia jam res erant admodum turbidæ : in eam itaque Provinciam, Kildarius hoc anno exercitum duxit, ubi quatuor castra, videlicet, Athleag, Roscoman, Tuilsk & Castle-reagh cepit & præfidiis firmavit. Dum hæc in Conatia aguntur, Prælium in Momonia conferunt Petrus Butlerus (de quo supra diximus) & Tirlachus O-Brien, qui anno superiori, per mortem Gilduffi, Tuomonix Dynasta electus fuerat. Pugnatum utrinque acriter in initio, sed Butlerus demum & sui in fugam versi sunt, multique ceciderunt, inter quos fuit *Superior Kilkennix*, ita tunc temporis Magistratum Urbanum vocabant. Quænam fuerit prælii causa, non possum pro certo affirmare : Sunt qui dicant discordiam initium sumpsisse, de finibus & prædiis quibusdam, quæ uterque sibi vendicarat.

Augusti die 26, Comitia Parlamentaria habebantur apud *Trifle-dermot*, sive (ut hodiè vulgò appellatur) *Castle-dermot*, in agro Kildariensi. Opidum à S. Diarmitio hoc nomen acceptum fert, qui in primis surgentis Ecclesiæ Hibernicæ temporibus, singulari ibi sanctitate vixit, cujus tempore & diù postea Desertum Diarmitii appellabatur. In his Comitiiis, lata est lex, de Publicanorum sive *Custumariorum*

mariorum & aliorum ministrorum vectigalium fraudibus puniendis : Item, alia lex, de vectigali imponendo omnibus mercibus, tam importandis, quàm exportandis, exceptis oleo & vino, cum cautionibus tamen nonnullis in Statuto eo expressis. Latæ sunt etiam eodem tempore duæ leges, quæ animadversiones continebant in Procères quosdam : Prior, in eos qui cùm equitarent, ephippiis, more Anglicano, non uterentur : Posterior, in eos qui in Comitibus, Trabeis Parlamentariis non ornarentur. Regi præterea concessum est Tributum sive Subsidium pecuniarium, tam à Clero, quàm à Laicis.

In Anglia, hæc ita multò post, mense nimirum Novembri, Perkinus & Johannes *Water* (cujus suprà fit mentio) tum nuper Prætor Urbis Corcagiensis in Mononia, qui inter præcipuos proditorum & Consiliorum Perkinii participes numerabatur, Westmonasterii, à duodecim-viris læsæ majestatis rei peracti, Tiburnæ (quod patibuli publici nomen est) ultimo supplicio affecti sunt. Capita cadaveribus amputata, ad portam Londinensem, pro more in criminibus gravioribus usitato, suspensa sunt. Perkinus ad locum supplicii deductus, ibi pegmate conscenso, Confessionem suam, sive vitæ suæ seriem, paulò ante mortis articulum, publicè denuò perlegit, veramque fuisse agnovit; fautorum permultis vicem ejus dolentibus, & quasi ulterioris vitæ spe inductum, id eum fecisse, in angulis susurrantibus. Iste Perkinii fuit exitus. Atque ita tandem Henricus ab hujusmodi spectris liberatus est. Ad Johannis Wateri filium Philippum, de quo suprà, quod attinet, clementiâ Regiâ

Regiâ is postea condonatus est. Circa hoc tempus, aliam Hibernorum quorundam conjunctionem detectam ferunt, qui nominis Eboracensis adeo studiosi fuerunt, ut de filio notho Richardi III, è carcere, ubi diu detentus fuerat, liberando, & in Hiberniam deducendo, eo animo, ut ad regnum eum eveherent, arcana inivissent consilia. Hoc notho mox fuit exitio. Nomina conjuratorum non reperi, nec quid de iis postea factum fuerit. Hoc anno, Insulæ Jarfeia & Garnfeia (Antonino, Casafaria & Sarnia) quæ imperio Anglicano, à quo Normanni rerum potiti sunt fideliter semper adhæserunt, sed, quod ad rem Ecclesiasticam pertinet, sedi Constantiensi in Normannia subfuerunt, ab ea abstractæ sunt, & Diœcesi Wintoniensi in Anglia adjectæ. Hoc etiam anno excessit è vivis Jacobus Courcæus Baro Kinsalius, de quo antea. Anglica hæc familia latifundiis & magna diu floruit potentia, sed amplissimæ illæ possessiones paulatim quasi diffugerunt,

ANNO CHRISTI MD.

Nunc ingredimur annum Christi quingentesimum ultra millesimum, qui & Jubilæus dicitur. Jubilæum primum instituit Bonifacius VIII, centesimo quoque anno celebrandum, postea verò Clemens VI, quod

quod tempus illud longius videretur, ad quinquagesimū contraxit, & tandē Sixtus IV. ad vicesimū quintū. Hoc anno Alexander VI. potestatem concessit Gaspari *Pow* sive *Poo*, Hispano, Protonotario & S. Theologiæ Doctori, ac cuidam Guilielmo *Burt*, impertiendi hujus Jubilei indulgentiam omnibus Anglis, Hibernis & aliis Henrici Regis subditis, qui per bella, itineris difficultatem, &c. Romam petere impediti, subsidium pecuniarium, ad versus Turcas, erogarent, secundum regulas in instrumento quodam expressas: Tempusque dilatavit, usque ad ultimas vespervas infra octavas Paschæ sequentis. Instrumenti exemplar in Anglicam linguam conversi, extat in Bibliotheca Cottoniana, sub Cleopatra E. 3. Irritum successum pecuniæ hinc collectæ, petas ex Polydoro Virgilio, in eodem anno.

Vix sopitum seditionis incendium in Conatia anno superiore, quando aliud non minus grave exortum est in Ultonia: In eam itaque Provinciam, Kildarius hoc anno, aliam suscepit expeditionem, ubi, inter alia, castrum *de Kinard* expugnavit, cui Tirlachum O-Nealum Coni filium, (cujus ope biennio ante, castrum *de Donganon* ceperat) cum novo præsidio præfecit. Sub id tempus civibus Corcagiensibus (prolatâ amnestiâ) in gratiam Regis receptis, ille poenitentiam sapiens quàm poenâ pacatus; Urbis immunitates, Augusti primo, confirmavit & auxit, adeò verum est illud Ovidii, lib. 2, de Ponto, eleg. 9,

Regia (crede mihi) res est succurrere lapsis.

F f

Interim

Interim dum hæc fiunt, David Barris Archidiaconus tam Corcagiensis quam Clonensis, nescio unde infensus, fratrem suum Guilielmum Dominum Barrium, virum fortitudinis & liberalitatis laudibus venerandum, subito & nihil minus expectantem crudeliter trucidavit. Fratricida autem mox captus à Thoma Barrio occisus est, & cadaver ejus vicesimo die postea ex humo effossum, Mauricii comitis Desmonie jussu, publice combustum est. O varii mortalium casus!

— *En quo discordia fratres
Perduxit miseros.*

Circà hæc ipsa tempora, ultimum diem clausit Donaldus O-Fallonus, ordinis Minorum de observantia, Episcopus Derensis, cum illi sedi præfuisset annos circiter 15, vir magni sui tempore nominis, ob eruditionem, & assiduam, per universam Hiberniam, conciones, annos totos 30. Hoc etiam fortasse memorari non indignum videatur, quod hoc anno magna pars Galviæ urbis (quæ Conatiæ est quasi ocellus) incendio fortuito conflagravit. Hæc urbs pro Magistratu (quod obiter hic annoto) primum Præpositum habuit, inde Superiorem & Ballivos, postea Richardi III concessione, Majorem cum Ballivis, & demum (si de recentioribus temporibus hic dicendi locus) Majorem & 2 Vicecomites.

His diebus, Rex Henricus, ut ob perspectam prudentiam (Anglorum Salomon habitus) magnâ apud vicinos principes polluit auctoritate, ita etiam hoc honori ejus accessit, quod à procul disitis Equitibus Rhodiensibus,

hoc

hoc anno designatus fuerit illius ordinis Protector.

Ad Ingeniorum Seculum nunc accedimus, quo nimirum maxima crevit seges hominum doctorum & singulis scientiis illustrium, per universam Europam. Ut verò Seculum concludamus, de cuius posteriore parte, hucusque egimus, non omittendum duxi, quod inter Hibernorum præcipuos, qui, hoc exeunte seculo, doctrinâ claruerunt, suo iure meritorè haberi debet, patriæ suæ Ornamentum, Mauritius de Portu, aliàs *O-Fibely*, ordinis Minorum, post aliquot annos, à Julio 2 Papâ, Archiepiscopus renunciatus Tuamensis, de quo alibi fusiùs diximus. Sed memoriam, ejus nemo meliùs celebravit, quàm Johannes Camers, Artium & S. Theologiæ Doctor, ordinis itidem Minorum, in notis suis ad 35 caput Solini, quem ut unicè dilexerat & coluerat, sic ab eo vicissim redamatus. Neque silentio prætereundus est Walterus *Fitz-Simon* Archiepiscopus Dubliniensis, Dublinique natus, cujus in præcedentibus plurima mentio, ob bonarum Artium scientiam, Theologiæ imprimis ac Philosophiæ, à Richardo Stanihursto celebratus. Sed singulos enumerare, non est hujus loci. Inter externos ejusdem melioris notæ, qui munera tunc temporis in Hibernia obierunt, non immeritò ob eruditionem nuntius Octavianus de Palatio, Florentinus, Juris Canonici Doctor & Archiepiscopus Armachanus. Is à Sixto IV, in Edmundi Connesburgi antecessoris abdicantis locum successus, consecrationem obtinuit paulò ante exitum Martii 1480, postquàm, sub Connesburgo, Ecclesiam Armachanam per triennium vel

circiter administrâſſet, Deceſſit grandævus
 menſe Junio 1513, à conſecratione annis 33
 & tribus menſibus. In hoc etiam non ſine
 laude nominandus, quòd quo tempore Hen-
 ricus VII, à quamplurimis in Hibernia mag-
 næ potentiæ viris, d ſertus fuit, à debita
 fidelitate nunquàm diſcedere voluerit, aut
 adverſæ parti adhærere, licèt multis inde
 ærumnis & difficultatibus conſiſtatus fuerit.
 Ejus ſunt in plebis Armachanæ ſui tem-
 poris mores barbaros, vulgati illi Rhythmi,

Civitas Armachana,

Civitas vana,

Absque bonis moribus :

Mulierès nude,

Carnes crude,

Paupertas in editus.

Hinc itaque Pontanæ is plerúnque, aut
 in mannerio ſuo *de Termon-Fechan*, apud
 Louthenſes, degebat; Armachæ rarò aut
 vix unquam: Nam licèt Armacha, antiqui-
 tate priſcâ, academiâ illuſtri, & magnitudi-
 ne ſuâ, plurimis Hiberniæ urbibus olim fue-
 rit præferenda, haud mirum tamen, ſi per
 dintinam (in Ultonia) Bellorum rabiem, ad
 pudendam tunc temporis redacta fuerit pau-
 pertatem, & ferè conciderit. At urbes lon-
 gè celebriores bellis concidiſſe, è doctis quis
 nescit? Sed pergamus: Hoc anno, à medio Sep-
 tembris uſque ad finem hyemis, Hibernia con-
 tinuas pluvias & crebras tempeſtates per-
 peſſa eſt.

ANNO CHRISTI

MDI.

IN Lagenia & Momonia læta erat toto hoc Anno quies : Atqui in Conatia & Ultonia res tumultuosæ. Castrum Sligoense in Conatia, à stirpe Roderici O-Conner filii Tirdelvaci *Carragh* (i. Pforici) obsessum est, & scalis admotis captum. In Ultonia porro, per solita Dynastarum dissidia, multæ cædes perpetratæ sunt. Pugnam etiam Armachæ conseruerunt O-Neali & Scoti quidam, sive (ut ab historicis Hibernicis appellantur) Albani, in qua Albani amiserunt filium quendam Domini *de Aig*, ex familia Mac-Donellorum, tres filios Colli *Mac-Alexander*, Tirlachum scil. Donatum & Ludarum, ac gregarios milites plus minus 60. Die S. Patricii hæc gesta sunt.

Decembris 28, è vita migravit Guilielmus *Shyoy*, aliàs *Seoy*, Archiepiscopus Tuamensis, cum præfuisset annos plus minus 20. & in Ecclesiâ (ni fallor) S. Nicolai Galviæ sepultus est, ubi proximus ejus prædecessor Donatus *Imurry* aliàs *Imirdle* Collegium Vicariorum eorumque *Guardiani* instituerat.

Erat etiam hic annus, duabus nuptiis in Anglia memorabilis : Nam Novembris 14 (die S. Erkenwaldi Episcopi Londinensis) Londini in Ecclesiâ S. Pauli celebratæ sunt nuptiæ inter Arthurum Henrici Regis primogenitum

nitum Walliæque Principem, & Dominam Catharinam, Ferdinandi Regis Hispaniæ alteram filiam, ille annos natus 15, hæc, circiter 18. Item Januarii insequentis die 25, Londini itidem, ad crucem scil. Paulinam, publicatæ sunt nuptiæ Jacobi IV Regis Scotiæ cum Dominâ Margaretâ Henrici primogenitâ, per procuratorem prius contractæ, & Hymnus SS. Augustini & Ambrosii tunc temporis solenniter ibi decantatus est. Atqui ut hæc magnâ transacta sunt pompâ, ita magno omnium ordinum applausu recepta. Sed juxta illud Salomonis, Extrema gaudii luctus occupat: Non ita diù postea, Arthurus ille egregiæ spei Princeps, qui (sub præceptore Bernardo Andrea) ex indole eximiâ, progressum in bonis literis fecerat supra ætatem maximum, ut & Elizabetha Regina mater ejus, fœmina prudens, moribus suavissimis castissimisque, & Sexus sui & Seculi Ornamentum, magno Regis & popularium mœrore, extincti sunt, ille Aprilis 2 1502, hæc 11 insequentis Februarii, puellâ enixâ in puerperio.

Sed ut ad Hibernicâ redeamus, Holinsheadus, quo authore nescio, Henricum jam dicti Arthuri fratrem juniorem, hoc anno à Rege constitutum asserit Hiberniæ *Locum-tenentem*. Ut ut fuerit, hunc certè titulum Archiva tradunt à Rege ei concessum 12 Septembris 1494, unico nimirum die, antequàm Dom. Edwardus Poyningus (de quo supra diximus) designatus est Deputatus, quo tempore Henricus quartum duntaxat ætatis annum attingerat. Titulus ille Locum-tenentis Hiberniæ, potestatis & honoris plenissimus habitus (ut hoc obiter adnotem) olim ab Angliæ

glia Regibus, non solum iis concedebatur qui in Hiberniam transmissi sunt, ad Remp. ibi administrandam, sed interdum iis etiam, qui in Anglia detenti, eo quidem titulo gavisi sunt, atqui administratio in eorum Deputatos collata est. Porro ut facti erant aliquando Deputati Locum-tenentium, sic interdum, pro Principis arbitrio, Deputati ipsius Regis, interdum Iustitiiarii, & antiquioribus temporibus, Custodes: sed plerunque una eademque authoritate, quæ sanè ampla erat & Regia, neque absimilis illi Propraetorum & Proconsulum, apud veteres Romanos.

ANNO CHRISTI
MDII.

Fuit hoc anno sævissima lues, per universam Hiberniam, quæ infinitum pecorum numerum absumpsit. Rerum publicarum nihil præterea (quod sciam) habet hic annus memoratu dignum. Non prætermittendum tamen in Ultonia, omnia cadibus fuisse plena, dum alii à gentilibus suis adversæ partis confossi cadebant, alii, ab hostibus vicinarum regionum, trucidabantur.

ANNO CHRISTI

MDIII.

Exente Aprili, Kildarius, à Rege accersitus, è Dublinio in Angliam trajecit: Sed antequàm discederet, muneri suo præfecit (durante absentia) Walterum Fitz-Simon Archiepiscopum Dubliniensem. Præcipuæ profectionis suæ causæ fuerunt, cùm ad rationem muneris sui reddendam, tum ad mandata Regis in rebus quibusdam gravioris momenti recipienda. Post tres deinde menses, in Aula Anglica exactos, negotiis jam, ob quæ venerat, secundùm animi sententiam confectis, magno cum honore & novis instructionibus, à Rege in Hiberniam remissus est Deputatus. Dublinium rediit mense Augusto, unà cum Giraldo primogenito & uxore ejus Elizabetha, Domini Johannis Zuchæi *de Codner* filia. Reversum magna popularium gratulatio excepit.

Ante finem Autumni, Kildarius in Ultoniam profectus, ibi Belfastum castrum incepit diruitque. Deinde opidum *Knock-fergus* aliàs *Carig-fergus* sive Fergusii rupem ingressus, in castro ibidem, ad loci securitatem, Stantonum quendam Præfectum, sive *Contabularium* locavit. Hisque rebus ita ordinatis, domum rediit.

Dum hæc in Ultonia aguntur, Theobaldus de

de Burgo Dynasta *Muskrie-cuire* in Momonia, à Donato O-Carollo & Cornelio O-Duiro, in quadam (ni fallor) velitatione, interfectus est. In Conatia verò, circa idem tempus, Ulickus Bourkus sive de Burgo Malachiam O-Kellaum, à quibusdam è familia Bourkorum adjutum, profligavit.

Februarii insequentis die 18, Henricus Dux Eboracensis, mortuo (ut suprà retulimus) Arthuro fratre, creatus est, pro more usitato, Walliæ Princeps & Cestriæ Comes. Decimo post die Geraldus comitis Kildariæ filius factus est summus Hiberniæ *Treasaurarius* (ut nunc loquimur) malim dicere *Quæstor*, eodemque die sacramentum præstitit Dublinii, coram Deputato & Senatu Regio, de munere eo benè & fideliter administrando.

Fatis concessit, hoc anno, in autumno, Alexander Plunketus Eques auratus, Hiberniæ tum nuper Cancellarius, vir magni nominis. Eum & eodem anno secutus est David *Creagh* Archiepiscopus Casseliensis, Theologus & Juris utriusque peritus, qui mortem obiit Septembris 3, cùm Archiepiscopus præfuiisset annos circiter 20, eique successit Richardus quidam. Davide sedente, Kildarius (quod omitendum non putavi) nescio unde ei offensus, Ecclesiam cathedralem S. Patricii Casseliæ incendio deformavit. Hac de re, Archiepiscopus, anno 1496, apud Regem Henricum, graviter conquestus est: Sed nihil (quod mirū) profecit, etiam licet Comes ipse, lite corā Rege & Concilio pendente, factum apertè fassus esset, necnon (quod crimen aggravabat) de causa tanti facinoris interrogatus, illud se nunquam

quàm perpetrâsse respondisset, nisi Archiepiscopum intra Ecclesiam tunc fuisse putâsse. In hoc certamine, succubuit ita Archiepiscopus, qui cùm frustrâ se sudâsse comperisset, alto corde dolorem premens, in patriam reversus est, ubi hoc anno vitam cum morte commutavit. Interim Kildarius, à Rege in gratiam receptus, & cum honore (sicut antea retulimus) in Hiberniam remissus, publica negotia, magnâ fide & solertiâ administravit: multis interim vicem Archiepiscopi, non sine causa dolentibus. Quid postea Kildarius fecerit, ad injuriam hanc resarciendam non comperi: Verisimile est eum qui Ecclesiæ cathedrali S. Trinitatis Dublinii, præter capas chorales magni pretii, & alia ornamenta, villam etiam quæ *Magna Capard* dicitur, contulerat, (hæc si vera, quæ sanè vulgò feruntur) pœnitentiâ ductum, in Ecclesia Casseliensi reficienda, quam ipse incenderat, pecuniam etiam impendisse. Sed redeamus.

Hoc etiam anno, obiit Laurentius Nevillus Episcopus Fernensis, vir nobili ortus familiâ, in agro Wexfordiensi, cùm annos præfuisset plus minùs 23, cui successit Edmundus Comerfordus Decanus Kilkennienfis, qui anno sequenti Kilkennix, in Ecclesia cathedrali S. Canici consecratus est. Interim 5 Idus Aprilis 1503, mortem obiit Dom. Robertus Prestonus primus vicecomes Gormanstonius, cujus in præcedentibus plurima mentio. Hanc ille dignitatem filio Gulielmo reliquit. Hoc denique anno Decembris II, Philippus Pinsonus Minorita Anglus, S. Theologiæ Professor ad Archiepiscopatum Tuamensem, Rege Henrico VII rogante, Romæ promotus, ibi triduo pòst,

post, ex peste obiit, ut ex literis Hadriani de Castello Cardinalis S. Chrysogoni, ad dictum Henricum, datis 4. insequentis Januarii (quæ extant in Bibliotheca Cottoniana) intelligimus. Ex iisdem literis constat etiam Pinsonum, ante promotionem ad Archiepiscopatum, suffraganeum fuisse ipsius Hadriani, tunc Herefordiensis, postea Bathoniensis & Wellensis in Anglia Episcopi. Vacavit deinde sedes Tuamensis per duos annos & sex menses.

ANNO CHRISTI
MDIV.

Fœdus inierunt, circa hoc tempus, Ulickus de Burgo Clan-Richardi Dynasta, vulgò dictus *Mac-William* & alii nonnulli ejusdem familiæ, cum Tirlacho O-Brien Tuomonie Dynasta, Malronio O-Carroll, aliisque è primariis viris *Legh-Moe*: sic australem Hibernie medietatem olim appellabant. De particulari eorum machinatione, non possum aliquid pro certo affirmare. Ut ut res fuerit, Kildarius, de eorum consiliis certior factus, copiis contractis, sub initium Augusti, signa contra eos movit. Ei se adjunxerunt multi nobiles Lageniæ, ex Anglica stirpe, videlicet, Vicecomes Gormanstonius, & Barones, Slanius, Delvinus, Killenius, Houthius, Trimletstonius & Donfanus. Item Johannes Blakus Prætor (sive Major) Dubliniensis, cum armata civitatis

vitatis manu : Opidani prætereà Pontanenses, necnon O-Donellus, O-Relius, Guilielmus Ferallus Episcopus Ardachadensis, Annaliæ aliquando Dynasta, etiam post infulas susceptas; & alii nonnulli ex potenti-
oribus *Legb-cone* five *Legb-cuna*; sic medietatem Hiberniæ septentrionalem appellabant, cum copiis suis auxiliaribus. *Mac-William* è contra, suum etiam exercitum, numerosum sanè, convocavit. Ejus copiis Kildarius obviam factus est, Augusti 19, in loco dicto *Knock-to*, aliàs *Knock-tua*, five colle securium, paucis milliaribus à Galvia distante. Pugnatum est per aliquot horas, utrinque acriter, dubio Marte: Sed Kildario demùm cessit victoria, hostibus in fugam conversis. In prælio & fuga, ex parte Ulicki de Burgo, plùs minùs quatuor millia hominum ceciderunt. Longè majorem numerum tunc temporis interiisse, videlicet 9000, refert Liber Houthensis: sed falsò proculdubio. In eodem prælio, multi etiam capti sunt, inter quos fuerunt duo Ulicki filii. Ex parte Deputati, aliqui desiderati, atqui numerus eorum incertus. Mirum est & vix credibile quod in libro albo Fisci (quem *Scaccarium* appellamus) Dublinii annotatum fuit, in eo tam atroci prælio, nullum Anglicum (ex parte Kildarii, nam ita intelligo) fuisse læsum. Autographum anno Dom. MDCX, casu combustum est, Sed penes me sunt Notæ quædam historicæ ex eo olim excerptæ. Victores (ut pergamus) cùm regionem adjacentem vastassent, & Galviam ac Athenriam deditione cepissent, cum prædis opimis domum

domum redierunt. Deputatus captivos secum duxit prædictos Ulicki filios, & ut nonnulli tradunt duas etiam illius filias : Sed Ulickus ipse fugâ evasit. Is quidem vir fuit magni inter suos nominis, bello strenuus, consilióque non postremus, licet in hoc prælio, pro Martis aleâ, superatus. Stemmia duxit à Guilielmo Aldelmi filio, Henrici Secundi Regis Angliæ Dapifero, & Hiberniæ sub eo, ad tempus, Gubernatore. Kildarius post reditum, 30 vini *tonnas*, five dolia 120, benè merentibus distribuit. Neque desunt qui dicant (quàm verè nescio) rotum hoc negotium initium sumpsisse ex similitate quadam inter Kildarium & Ulickum oborta, quæ tandem in apertum illud bellum erupit. Mense Julio, Kildarius (uti tradunt nonnulli) in honoratissimum Equitum *Gartherii* five *Periscelidis* ordinem adscitus est. Alii verò honorem illum egregiæ fortitudinis præmium, paulò seriùs, nimirum post reditum, obtinuisse ferunt.

Brevi postea Walterus Fitz-Simon Archiepiscopus Dubliniensis, à Kildario & Concilio Regio, in Angliam missus est, ad Regem, de his & aliis publicis rebus, informandum. Houthæ is navem conscendit Septembris 20, Cruce suâ, pro more, Richardo Skereto Priori Ecclesiæ cathedralis S. Trinitatis Dublinii, tanquàm Custodinato priùs traditâ. Die sequenti, vento usus secundo, in Angliam appulit; & ad Aulam Regis, paucis post diebus, perveniens, ibi munus sibi demandatum, adeò solerter, eâque prudentiâ exequutus est, ut Rex summo eum habuerit in pretio, & haud ita diu post, cum gratiis & literis

literis voluntatem ejus experimentibus, in patriam remiserit.

Interim egit Henricus cum Julio 2, Papa, de Henrico VI, ultimo ante ipsum, familia Lancastriensis Rege, in Sanctorum numerum referendo. Atque hanc rem ut promoveret, libellum de virtutibus & miraculis ejus conscribendum curavit, qui etiamnum typis excusus extat. Papa hujus negotii examen, Cantuariensi Archiepiscopo, necnon Episcopis Londinensi, Wintoniensi & Dunelmensi, per Bullam commisit, quam integram (typis quod sciam antehac non editam) Lectori visum est exhibere, ex autographo quod etiamnum extat Westmonasterii in Bibliotheca instructissima V. CL. Dom. Thomæ Cottoni Baronetti, sub effigie Cleopatæ, E. 3.

Julius Episcopus servus servarum Dei, Venerabilibus fratribus Archiepiscopo Cantuariensi, & Winton. Dunelmen. & Londinensi Episcopis, Salutem & Apostolicam benedictionem. Divina providentia Altitudo, nullis clausa limitibus, nullisq; finibus terminata, cujus potentia inscrutabilis & via investigabiles sunt, ad corroboracionem & exaltacionem catholice fidei, præterquam nullum aliud ad salutem, fundamentum poni potest, & ut secundum Prophetam in suis sanctis collaudetur, nonnullos ex hominibus quos ad sui similitudinem formavit, sue gratia infusione clarius illustrat & benedictionibus suis specialibus prævenit & exornat, ut & in illis gratie sue radius, singulari quadam prærogativa virtutum & meritorum uberius circumfulcitur, sue Majestatis potentiam ostendat, & per lumen fidei quam in eis firmiter roboravit, ejus benignitate cognita, ad ipsius laudem & magnificentiam fideles

fideles ferventius inducantur, & Sanctorum in quibus benodicitur & laudatur precibus & meritis, ad eterna & incorruptibilis mansionis gloriam, feliciter perveniant. Sane ex literis carissimi in Christo filii nostri Henrici VII Angliæ Regis illustris, ac etiam fama quadam non vulgari intelleximus clare memorie Henricum VI Angliæ regem, dum in hoc mundo ageret, vite sanctimonia, moribus probatis, ferventi in proximos caritate, & omni virtutis & sanctitatis genere claruisse, ac jejuniis & misericordie operibus assidue vacavisse, & duo magna & insignia Collegia, pro sustentatione pauperum scholarium ad honorem omnipotentis Dei & ejus gloriosissime genetricis Beate Mariæ Virginis, in dicto regno erexisse, fundasse & dotasse, & tam eo vivente, quam post ejus mortem, Dominum illius meritis & intercessionibus multa & evidentissima miracula demonstrasse & quotidie demonstrare. Nam cum ad ejus sepulchrum, debita cum devotione accedant cæci videre, surdi audire, claudi ambulare, & quocunque infirmitatis genere oppressi, ipso Henrico VI quondam Rege intercedente, & Altissimo operante, sanitatem recipere dicuntur. Cujus rei fama non solum per totum dictum regnum, sed etiam per alia loca vicina, mirifice divulgata, diversarum Regionum populi ad illum frequens concursus & singularis devotio habetur & continue magis augetur, adeo ut totius populi illarum partium firma sit opinio ut dictus quondam Henricus Rex Catholico Sanctorum mereatur ascribi. Quare prefatus Henricus Rex modernus nobis humiliter supplicari fecit, ut aliquibus Prælati illarum partium qui de vita & meritis ac miraculis aliisque supradictis diligenter & prudenter inqui-

rant

rant & nobis per suas literas super his, quæ invenerint relationem fideliem facerent committere, ac alias ad effectum Canonizationis dicti quondam Henrici Regis in præmissis opportunè providere de benignitate Apostolica dignaremur. Nos igitur etsi dicti Henrici moderni Regis desiderius annuere cupiamus, attendentes tamen huius rei divinum iudicium potius quàm humanum existere, & propterea pro tanti negotii magnitudine, in illo maturè, graviter & accuratè procedere intendentes, ipsius Henrici moderni Regis in hac parte supplicationibus inclinati, vestigiis etiam felicitis recordationis Innocentii VIII & Alexandri VI Romanorum Pontificum prædecessorum nostrorum, qui similiter Commissionem fecerunt inherentes, fraternitati vestræ, de qua in his & aliis magnis & arduis fiduciam gerimus in Domino specialem, per Apostolica scripta committimus, & mandamus, quatenus vos, vel tres aut duo vestrum, de vita, moribus, sanctimonialia, caritate, devotione erga Deum, & piis operibus dicti quondam Henrici Regis, necnon miraculis, tam in vita, quam post mortem, aliisque consimilibus quæ circa pondus tanti negotii requiruntur, diligenter, solerter, prudenter, accuratè, cunctè, & maturè in quocunque seu quibuscunque loco aut locis, de quo vel quibus vobis magis expediens visum fuerit, ad præmissa cognoscenda, auctoritate nostrâ inquiratis, testes legitimos recipiatis, & præstito prius per eos iuramento, diligenter examinare curetis, de loco, tempore, mense, die, nominibus, cognominibus, causa scientiæ, aliisque circumstantiis, in talibus necessariis & requisitis fidelitèr inquirentes, Instrumenta etiam publica & alias scripturas,

pturas, universaque alia probationum genera, ad huiusmodi negotium facientia videatis, & diligenter examinetis, & personas apud quas fuerint, ad illa vobis exhibenda, per censuram Ecclesiasticam & alia juris remedia, appellatione remotâ compellatis. Et quicquid in præmissis inveneritis, sub testimonio literarum vestrarum clausurarum, & vestris sigillis munitarum, per fidelem nuntium, ad nos & sedem Apostolicam transmittere curetis, ut nos illis visis, & diligenter examinatis, & cum venerabilibus fratribus nostris communicatis, in huiusmodi negotio, prout illius magnitudo requirit, concedente Domino, ad ejus laudem & gloriam, ac Orthodoxæ fidei exaltationem, ad ulteriora & magis specialia, si nobis & eisdem fratribus visum fuerit, procedere valeamus. Dat. Romæ, apud Sanctum Petrum, Anno Incarnationis Dominicæ Millesimo quingentesimo quarto, Tertiodecimo Kalend. Junii, Pontificatus nostri anno Primo. Hactenus ipsa Bulla.

Cæterum res tota sub ea Commissione quasi sensim silentio expiravit. Ad Henricum sextum ipsum quod attinet, ut ob pietatem & Christianam patientiam, vulgò habitus est vir sanctissimus, ita ob inertiam, à nonnullis, inter pessimos Reges numeratus, ut qui Galliam à patre subactam turpiter amisit, ac postea deinde Angliæ etiam regno excidit. Non omittendum hæc (quod traditum reperi) Henricum Sextum, dum manus aliquando lavaret, Bello in Angliâ intestino exarDESCENTE, prædixisse Henricum nostrum tunc puerum

astantem regni gubernacula tandem suscepturum, eumque paulò postea in partes transmarinas clanculùm misisse, ut procellam imminentem faciliùs evaderet. Ex Prædictionis hujus & cæterarum sanctarum Henrici Sexti virtutum admiratione, Henricum VII postea inductum ferunt ad Apotheosim prædictam promovendam, licet sine fructu sperato.

Pestis hoc anno multos ferè ubique absumpsit, sed præcipuè in Ultonia, interque cæteros, Patricium Conallium Abbatem de *Cluanois*, tum nuper à Roma reversum, ubi designatus fuerat Episcopus Clochorensis, per resignationem Nehemiæ *Clonin* ordinis Eremitarum S. Augustini, qui Augusti 29, anno superiore resignasse dicitur, ad jam dicti Conallii instantiam, reservatâ ducatorum aliquot pensuunculâ, de Camera, quàm diù viveret, sibi annuatim solvenda. Vacabat deinde sedes Clochorensis ad annum usque MDVIII, quando Eugenius Mac Camæil Decanus Clochorensis ad eam consecratus est ab Octaviano Archiepiscopo Armachano, assistentibus Thoma Kilmorensi & Tiberio Dundenfi & Connerensi Episcopis. Interim verò, mense Julio hujus anni 1504, Synodus Provincialis quam Pontanæ indixerat Octavianus Armachanus, pestis metu, quæ ibidem multùm grassabatur, ad Ecclesiam B. Mariæ Virginis de Atrio Dei, apud Louthenses translata est, ibique (quantum auguror) derepentè, contagionis etiam metu, soluta.

Ad tempora jam pervenimus magis pacata quidem, sed insignibus rebus gestis, variisque casibus, non æquè memorabilia ac priora : Nam Pax, aurea Pax Historicis non tam uberem plerúmque scribendi materiam præbet, ut Bellona solet : verùm (quod longè gloriosius est) Regna, civilitate, opibus, bonis literis & legum salutarium fructibus, beat adornátque ;

————— *Pax una triumphis*
Innumeris potior.

Sed nunquam optatior, quàm post Belli calamitates.

Observat Volaterranus Geographiæ suæ lib. 3, (quod hîc non reticendum) obortâ his diebus quæstione de potiore loco in sedendo, inter *Oratores Henrii nostri VII. & Hispaniæ regis*, Julium II Pontificem, locum Anglis adjudicâsse honoratiorem. Neque novum tamen fuit hoc privilegium : Siquidem in Conciliis generalibus, Pisano, Constantiensi & aliis, Reges Angliæ eundem locum pacificè tenuerunt. Transeamus jam tandem ad annum sequentem.

ANNO CHRISTI

MDV.

Nondum extincta pestis (de qua suprā diximus) hoc etiam anno Hiberniam graviter afflixit: quam continuis in aestate & autumnō pluviis, magna subsequuta est annonæ caritas. Idem annus supremus erat Johanni Alleno Decano Ecclesiæ S. Patricii Dublinii, viro docto & admodum humano, qui Dublinii ultimum diem clausit Januarii 2 (stylo Anglicano) 1505, cum Decanus extitisset annos circiter 40, à morte nempe Philippi Norrii S. Theologiæ Doctoris, ultimi ejus prædecessoris, & ibidem in navi dictæ S. Patricii ædis, cui Ecclesiæ multa contulerat, sepultus est. Ptochotrophium is paulò ante obitum, pauperibus & infirmis extruxit Dublinii, in vico S. Coëmgeni, vulgò Kevini, eligendis præcipuè ex Allenis, Barretis, Beggis, Hillis, Dillonis & Rodieris, quibus prædia assignavit unde alerentur. Ptochotrophii fundum dedit Walterus Fitz-Simon Archiepiscopus Dubliniensis 8 Junii 1504. Ante Allenum, Patricius O-Fihely ord. Minorum de Observantia, magnâ doctrinæ, famâ,

famâ , decessit , & in cœnobio sui ordinis de Temolagi , apud Corcagienses , sepultus est.

ANNO CHRISTI

MDVI.

HOc anno magna pars Trimmæ (Opidum est primarium agrî Midenfis) de cœlo tacta deflagrâsse fertur. Mense Augusto, Cometes effulsit, sed paucis diebus postea intercidit. Martii VI, debitum naturæ persolvit Johannes Paynus S. Theologiæ Doctor, ordinis fratrum Prædicatorum, Episcopus Midenfis, cùm annos sedisset plusquàm 23, constitutus interim ad tempus Rotulorum Præfectus, sive (ut vulgò loquimur) Magister: Homo ob eleemosynas & mensam hospitalem celebratus. Is à Sixto IV Episcopus renunciatus Midenfis, inthronisatus dicitur *per Clerum Midensem, in Ecclesia S. Patricii de Trim, in festo S. Dominici* (4 nempe Augusti) 1483, uti à Georgio Coglao, Notario publico & Curriæ Midenfis Registrario, annotatum est. Sepultum ferunt Dublinii, in cœnobio sui ordinis. Veruntamen, sepulchrum marmoreum æreis laminis olim ornatum sibi & successoribus suis, in Ecclesia S. Patricii Dublinii,

Dublinii, non procul à porta occidentali, statuit, id quod rude Epitaphium, claudicante rhythmo, ibi inscriptum etiamnum docet. Eodem anno Junii 26 (uti tradit Lucas Waddingus, ex Libris Consistorialibus) ad Archiepiscopatum Tuamensem promorus est Mauritius à Portu, al. O-Fihely, Minorita, vir literis egregiè excultus. De quo suprà diximus: sed plenius in libro nostro de Scriptoribus Hiberniæ.

ANNO CHRISTI

MDVII.

Circa hos dies, Henricus rex podagrâ laborare cœpit, deinde catarrhi in pulmones defluxione, unde, post annum unum vel alterum, phthisi absumptus est. Interim verò mortem suam appropinquare sentiens, ad eam se disponere cœpit. Egenis itaque quamplurimas largitus est Eleemosynas, atque multam pecuniam in alios pios usus erogavit, pauloque ante obitum, in testamento suo iussit, ut si quid Fiscus suus injustè cuiquam diripuisset, id injuriâ affecto redderetur. Cæterùm exitus probavit longè tutius esse quemque suis oculis & manibus talia committere, quàm alienis, post mortem. Hoc anno Guilielmus

Rokeby

Rokeby Juris Canonici Doctor, patriâ Eboracenſis consecratus est Episcopus Midenſis, & paulò post, in numerum eorum ascitus, qui Principi erant ab arcanis in Hiberniâ consiliis. Is Dublinium postea translatus (post mortem nimirum *Walteri Fitz-Simon* Archiepiscopi Dubliniensis, qui Finglassæ obiit, ad secundum à Dublinio lapidem, 14 Maii MDXI) Synodum provincialem celebravit anno MDXVIII, cujus Canones extant in libro rubro Episcopi Ossorienſis. Sed hoc obiter.

ANNO CHRISTI

MDVIII.

MEense Octobri, Kildarius, impetratâ licentiâ Regiâ, Parlamentum Dublinii indixit, in quo concessum est Subsidium tam ab Ecclesiasticis quàm à Laicis. Cæterum de aliis Legibus in eo sancitis, nihil extat, præter consuetas illas, de Privilegiis & libertatibus Ecclesiæ & *Terræ* Hiberniæ confirmandis. Subsidium illud sive Tributum agris duntaxat imponebatur, idque juxta ratam portionem 13 solidorum & 4 denariorum ex 120 jugeribus occupatis & cultis. Illæ enim taxationes non nisi ex Ordinum consensu, in Parlamento congregatorum irrogabantur: neque semper terris solum imponebantur, sed quandoque etiam, vel pro ratione agrorum,

vel bonorum, præsertim posterioribus temporibus, secundum regulas & cautiones in singulis Statutis præscriptas. Abstulit hic annus Waltherum Blakæum Episcopum Clonensem sive Clonmacnoisensem, cum sedi illi præfuisset annos plusquam 20, Item, Thomam Congalanum Episcopum Elphinensem, virum ob prudentiam & erga egenos liberalitatem celebratum, Item, Johannem *Orum* Abbatem XXXV cœnobii B. Mariæ Virginis juxta Dublin. qui decessit 5 Idus Decembris, & in Ecclesia cœnobii sui, prope Richardum Graceum, quondam *Reclusum*, sepultus est. Successit ei Richardus *Beg*, sive Parvus, qui superstes fuit vix 2 annos & 6 menses.

ANNO

ANNO CHRISTI
MDIX.

REstat jam pars tantum posterior anni ultimi Henrici VII. Circa quod tempus, Kildarius, suasu quorundam è familiâ O Nealorum, copiis collectis, Dublinio in Tironiam profectus est, ad recuperanda castra de *Donganon & Omey*: Atqui Donganonio ante adventum dedito, ultrà movit, & Omium castrum expugnavit, quod tamen postquàm Arthurum Coni filium, ibi captivum detentum libertati restituisse, diruit prosternavitque. Atque ita Kildarium vidimus, ut in initio, sic in fine regnî Henrici, Hiberniæ Deputatum, qui licèt magnis diù difficultatibus conflictatus fuerit, posteriora tamen tempora, magnâ animi tranquillitate, rebus semper ferè ad vota fluentibus transegit. Ecce verò rerum humanarum fragilitatem: Is, paulò ante obitum, expeditionem contra O-Carollum susceperat, sed Athiæ in ipso itinere; (quasi in medio cursu) in ægritudinem incidit, & Kildariam discedens ibi post paucos dies, 3 nempe Nonas Septembris MDXIII, extinctus est. Cadaver Dublinium deportatum, in Ecclesia cathedrali S. Trinitatis, juxta sacellum à se

se constructum , à boreali parte summi altaris , tumulatum est. Hoc obiter. Erat is vir magnanimus , procerus , formâ decenti , & ob crebras victorias illustris , rigidus tamen & præferox. Anglorum confinia quædam (quod hîc etiam non prætermittendum) castris firmavit , unde tutelam iis & securitatem præstitit. Hujus anni sub initium obiit Ulickus de Burgo (qui & Mac-William dictus) Clan-Richardi Dynasta , cujus in præcedentibus nonnulla mentio , & Athenrie sepultus est , in Ecclesia cœnobii fratrum Prædicatorum. Sed nobiles jam relinquamus , de Rege , Nobilitatis fonte , dicturi. Ad finem nunc pervenimus regni Henrici VII , qui Aprilis XXII , in Palatio suo Richmondia , quod ipse de novo construxerat , ex hac vita migravit , ætatis anno LIII , regni XXIV. Corpus ejus XI insequentis Maii , more Regio , Westminsterii , in medio nempe Sacelli , eximii operis , (*Orbis Miraculum* vocat Lelandus) quod ipse ad ortum Ecclesiæ S. Petri , 14000 librarum Anglicarum sumptu , à fundamentis excitaverat , sepultum est : ubi Testamenti executores Mausoleum splendidissimum ex ære solido deaurato , statuis ejus & uxoris adornatum , postea extruxerunt. Princeps is fuit fortis & felix , prudens etiam & in rebus sui temporis turbidis sedandis admirandæ dexteritatis : porro frugi , *quo verbo* (ut Cicero de Dejotaro) *scio laudari Reges non solere* , & per aliquot ante obitum annos (ne quid lectorem celemus) ob multas Legum pœnaliū ejus autoritate exactas , populo videbatur gravis. Inter delatores , præcipui

præcipui fuerunt Richardus Empsonus & Edmundus Dudleyus, uterque Juris Anglici consultus, qui sub initium Henrici VIII, ad mortem damnati, plebis furori victima facti sunt, securi percussi. Cætera, de Henrico, suis verbis, pro me narrabit Polydorus Virgilius, Archidiaconus Wellensis, & Hadriani de Castellæ Cardinalis ac Episcopi Bathoniensis & Wellensis in Angliâ subcollector: Corpore fuit gracili, sed benè firmo ac valido: Staturâ quæ parâam justam excederet, formâ eximiâ, vultu, præsertim in sermone hilari, oculis glaucis, dentibus raris, capillo etiam raro, ingenio magno sagacique, & à literis non alieno, animo excellenti atque forti, in summis quoque periculis, & naturæ ipsius habitu, propè divino. Res consultò graviterque gerebat, quò suæ prudentiæ opinio per hominum animos faciliùs pervaderet. Tum paucis interjectis: Erat præterea moderatus, honestus, frugi & benignus, & adeò superbiæ atque arrogantiae abhorrens, ut in ejusmodi vitiis notatus, durus ac asper esset. Pergo. Nuptiis inter eum & Elizabetham filiam & hæredem Edwardi IV regis feliciter confectis, titulus ille diù disceptatus, inter familias Eboraci & Lancastriæ, terminatus est, atque conjunctæ fuerunt Rosæ, Alba, insigne Domus Eboracensis, & Rubra, Lancastriensis: De quibus Bernardus Andreas, Tholosas, ejus temporis Poëta:

Ecce nunc omnes posuere venti
 Murmures, præter Zephyrum tepentem:
 Hic Rosas nutrit, nitidæque flores
 Veris amanti,

Quando seu longus tenuit colonos
 Imber, & nubes resoluta fluxit,
 Et diu pendens aratrum reliquit
 Tristis arator.

Et non ita diu postea, D. Thomas Morus :

Purpureæ vicina fuit Rosa candida, utramque
 Utraque dum certant sit prior utra, premit.
 Utraque sed florem Rosa jam coalescit in unum,
 Quoque potest uno lis cadit illa modo.
 Nunc Rosa se pandit, nunc se explicat una, sed
 omnes

Una habet hæc dotes, quas habuere due.
 Scilicet huic uni species, odor, atque voluptas,
 Et color & virtus est utriusque Rosæ :
 Alterutram ergo Rosam, vel solam quisquis a-
 mavit,

Hanc in qua nunc est quicquid amavit amet.
 At qui tam ferus est, ut non amet, ille timebit:
 Nempe etiam spinas flos habet iste suas.

Atque

Atque ita tandem Pax firma , à majoribus nostris toties exoptata coaluit , finemque imposuit Bello illi intestino & funesto, quod Angliam , plurimos per annos , gravissimè afflixerat : adeo ut inimici Henrici Statum regni perturbare frustrà postea niterentur , ut ex præcedentibus satis liquet. Illi successit filius Henricus , ejus nominis, in Regum serie , Octavus, vix XVIII annorum adolescens , qui regnavit postea annos 37. menses 9. diésque 6. rúmque deliciis potius , quàm annis , aut laboribus confectus , obiit.

F I N I S.

